


# আধুনিকতা ও রবীন্দ্রনাথ

আবু সয়ীদ আইয়ুব



দে'জ পা ব লি শিং ॥ ক ল কা তা ৭ ০ ০ ০ ৭ ৩

আমাদের প্রকাশিত লেখকের অন্যান্য গ্রন্থ

পান্ডুর্জনের সখা

পথের শেষ কোথায়

গালিবের গজল থেকে

( কবিজীবনী – গৌরী আইয়ুব )

বুদ্ধদেব বসু

বন্ধুবরেণ্য





## পূর্ব ভাষ

বইখানা প'ড়ে বিশুদ্ধ সাহিত্যরসিক হয়তো ভাববেন, এতো তত্ত্বকথা কেন? নিছক নন্দনতাত্ত্বিক তত্ত্বের দিক থেকে অপূর্ণতা লক্ষ্য করে অসম্বদ্ধ হ'তেই পারেন। তাঁদের দোষ দেবো না। দুই বিচ্ছিন্নক্ষেত্রের মাঝখানকার আল ধরে যে-কৃষ্টিজীবী হাঁটতে চায় তাকে উভয় ক্ষেত্রাধিকারীর বিরাগভাজন হ'তে হবে বৈ-কি। উপায় নেই। একেবারে যে নেই তা নয়। মন স্থির ক'রে একদিকে নেমে প'ড়ে একটি-মাত্র ক্ষেত্রের চাষ করলেই তো সে-দিক রক্ষা পেতো অতীতদিককার কোনো দায়-দায়িত্ব থাকতো না। কিন্তু অস্তুরে-অস্তুরে যে দ্বিচারী তার মুণিকিল-আমান অতো লহজে হয় না। এ-ব্যাপারে ঐত্যাঐতচারীও বলতে পারি নিজে, কারণ আমার চোখে দর্শন আর কাব্যের মধ্যবর্তী সীমারেখা সর্বত্র খুব স্পষ্ট নয়। দার্শনিক যদিও যুক্তির দাবি অগ্রাহ্য করতে পারেন না, তবু তাঁর চিন্তাধারা মাঝে-মাঝে এমন চড়ায় ঠেকে যেখান থেকে উদ্ধার পাওয়ার জন্য তাঁকে নির্ভর করতে হয় সমগ্র জীবন ও জগৎ বিষয়ে মোল উপলব্ধির উপর। এবং এ-কথাও দার্শনিকমাত্রের জানা আছে যে, চরমমূল্য-নিরীক্ষায় শেষ কথা বলতে পারে বুদ্ধি নয়, বোধ। শুধুমাত্র প্রত্যক্ষ ও অনুমানকে ভিত্তি ক'রে কোনো দর্শনই খাড়া করা যায় না; ষতোটুকু যায় সেটা বিজ্ঞান বিনা বাক্যব্যয়ে কুক্ষিগত ক'রে ফেলে। পক্ষান্তরে, কাব্যরচনা নিছক শব্দের আলিঙ্গন—এ-কথা আজ সাহিত্যের অভিজাত মহল থেকে শোনা গেলেও আমার কাছে অশ্রদ্ধের ঠেকে। কবিকে সংস্কৃত অর্থেও কবি হ'তে হয়, অর্থাৎ সত্যদ্রষ্টা। সেই কথাটা ভেবে বোধ করি কোল্‌ব্রিক্স বলেছিলেন: 'No man was ever yet a great poet without being at the same time a profound philosopher.'

সমগ্র আধুনিক সাহিত্যের কিংবা সমগ্র রবীন্দ্র-প্রতিভার দ্বিগদর্শন এ-কুত্র-কায় মিতাভিলাষ গ্রন্থে খুঁজতে গেলে পাঠক অবশ্যই হতাশ হবেন, আমার প্রতিও কিঞ্চিৎ অবিচার করবেন। আমার আলোচনার ক্ষেত্র সংকীর্ণ। আধুনিক সাহিত্যের বহু বৈশিষ্ট্যের মধ্যে কেবল দুটি বৈশিষ্ট্যের কথা তুলেছি এখানে—অভাবতই এই কারণে যে, আমার মনে হয়েছে এ-দুটি আজকের দিনে (বা আজকের দিনেও) প্রাণধানযোগ্য। এক : কাব্যদেহের প্রতি একাগ্র মনো-নিবেশ, যার পরিণাম কাব্যরচনায় ও সমালোচনায় দেহাত্মবাদ, ভাষাকে আধার

বা প্রতীক জ্ঞান না-ক'রে আপনারই দুর্ভেদ্য মহিমায় সুপ্রতিষ্ঠিত স্বয়ংসম্পূর্ণ সত্তা জ্ঞান করা। সাত্র'-এর উক্তি হয়তো অতিরঞ্জিত, তবু আধুনিক কাব্যপ্রবণতার পরিচয় পাওয়া যায় তাতে : কবিতার ভাষা স্বচ্ছ কাচের মতো মোটেই নয়, নিজেরই অনবদ্য ধ্বনিরূপ ফুটেয়ে তোলা তার কাজ।

দ্বিতীয় বৈশিষ্ট্য : জাগতিক অমঙ্গল বিষয়ে চেতনার অত্যাধিক্য — আমাকে অধিকতর পীড়িত করে। একজন পাশ্চাত্য সাহিত্যবিশারদ বলেছেন, এ-যুগের ( বোদলেয়র-পরবর্তী যুগের ) সাহিত্যের চারিত্র্য হচ্ছে 'an overwhelming consciousness of evil' ; অর্থাৎ আধুনিক সাহিত্যিকরা চারিদিককার দুঃখ ও পাপ সম্বন্ধে শুধু সচেতন নন, এই অমঙ্গলবোধ তাঁদের চেতনাকে অভিভূত ক'রে রেখেছে। জগৎ ও জীবন বিষয়ে আনন্দ, আগ্রহ, শ্রদ্ধা, বিশ্বাস, এমন-কি কোতুল পৰ্বশু বিলুপ্ত হ'য়ে তার জায়গা জুড়েছে বোঝুড়ম, বিরক্তি, বিভ্রাট, বিবমিষা।

এতসম্বন্ধেও আধুনিক কালে সংসাহিত্য রচিত হয়েছে, মহৎ সাহিত্যেরও একান্ত অভাব ঘটেনি। প্রথমত, আধুনিক সাহিত্যমাত্রই ঘৃণার, প্রত্যাখ্যানের বা তিরিক্ষি মেজাজের সাহিত্য নয় ; দ্বিতীয়ত, প্রত্যাখ্যানবাদীদের মধ্যেও অনেকে প্রতিভার উজ্জল স্বাক্ষর বেখে গেছেন তাঁদের সাহিত্যক্ষেত্রে। রিলকের 'ডুইনো এলিভিস', এলিয়টের 'ফোর কোয়ার্টেটস', মানের 'ম্যাজিক মাউন্টেন', কামুর 'আউটলাইডার' ; মানিক বন্দ্যোপাধ্যায়ের 'পদ্মানদীর মানি', বিভূতিভূষণ বন্দ্যোপাধ্যায়ের 'পথের পাচালি', বুদ্ধদেব বসুর 'তপস্বী ও তরঙ্গিণী' সন্দেহ-কালের সংসাহিত্যে স্থান পাওয়ার যোগ্য। হালের বাঙালি কবিদেবমণ্ডো অমিয় চক্রবর্তী যদিও আমার প্রিয়তম কবি, তবু বিষ্ণু দে এবং স্ত্রীধা মুখোপাধ্যায়ের সঙ্গে রাজনৈতিক মতবিরোধ আমাকে বাধা দেয়নি তাঁদের কবিতার গুণমুগ্ধ পাঠক হ'তে ; তেমনি সূদীপ্তনাথ দত্ত এবং সম্প্রতিকার বুদ্ধদেব বসুর সঙ্গে সাহিত্যিক মতভেদ সত্ত্বেও আমি মুক্তকণ্ঠে স্বীকার করি তাঁদের স্বজনী প্রাণকর্ষ, তাঁদের সাহিত্যকর্মের স্থায়ী ঐতিহাসিক মূল্য ; যেমন স্বীকার করি আরো-একটু উঁচুস্তরে বোদলেয়র, ভালেরি, ফক্নার এবং কাফ্‌কায় সৃষ্টিপ্রতিভা। এ'রা সবাই আধুনিক ( এক বিভূতিভূষণ সম্বন্ধে সন্দেহের অবকাশ আছে যে তিনি কালের বিচারে আধুনিক হ'লেও মেজাজের দিক দিয়ে পূর্বযুগের )। কাজেই আধুনিক সাহিত্যের বিরুদ্ধে আমি যে-কেসটি দাঁড় করাতে প্রয়াস পেয়েছি, সেটি উপরের

কথাগুলির পটভূমিতে বিচার্য। আমার নালিশ সমগ্র আধুনিক সাহিত্যের বিরুদ্ধে নয়, আধুনিক সাহিত্যের পূর্বোন্নিখিত দুই ধারার বিরুদ্ধেই ; নালিশে বিতর্কের স্বর লেগেছে হয়তো, আশা করি ভিত্তিতার আমেজ ঘটেনি কোথাও। বিরূপ মন্তব্য যা করেছে, সঞ্চিত বেদনা থেকে করেছে, সজ্ঞান বা নিঃসজ্ঞান অশ্রদ্ধা থেকে নয়।

অতীতকালে, সমগ্র রবীন্দ্র সাহিত্যও আমার আলোচ্য নয়। রবীন্দ্র-কাব্যের কথাই এখানে বলতে চেয়েছি, এবং তা থেকেও অনেক-কিছু বাদ পড়েছে। উল্লেখযোগ্যভাবে বাদ পড়েছে কাব্যদেহের অ্যানাটমির দিকটা। তার প্রধান কারণ, কাব্যের আঙ্গিক বিষয়ে আমার ব্যাপ্তি অসুস্থ। কবিতা সম্পর্কে চলতি মত দেহাত্মবাদ—সে-কথা আগেই বলেছি। দেহ না-থাকলে আত্মার অস্তিত্ব সম্ভব নয়, এবং নারীদেহের লাভণ্যে যেমন, কাব্যদেহের লাভণ্যও আমি তরুণ মুগ্ধ। এ-সব কথা মেনে নিলেও বলবো, নারী ও কবিতা সম্পর্কে শেষ অবধি আমি ভাববাদী। রবীন্দ্রনাথও তাই ছিলেন ; বলেছেন, ‘কেবলমাত্র ইন্দ্রিয় দ্বারা আমরা জগতের যে-পরিচয় পাইতেছি তাহা জগৎ-পরিচয়ের সামান্য একাংশমাত্র—সেই পরিচয়কে আমরা ভাবুকদিগের, কবিদিগের, মহাদেহী স্বয়ং-দিগের চিত্তের ভিতর দিয়া কালে কালে নতুনরূপে গভীরতরূপে সম্পূর্ণ করিয়া লইতেছি। কোন্ গীতিকাব্য-রচয়িতার কোন্ কবিতা ভালো, যোন্টা মারারি, তাহাই খণ্ড খণ্ড করিয়া দেখানো সমালোচকের কাজ নহে। তাহার সমস্ত কাব্যের ভিতর দিয়া বিধ কোন্ বাণীকপে আপনাকে প্রকাশ করিতেছে তাহাই বুঝিবার যোগ্য।’ যেটুকুও কি অনুরূপ অভিমত প্রকাশ করেনি একটি কবিতায় :

The rhetorician would deceive his neighbours  
The sentimentalist himself, while art  
Is but a vision of reality.

ভাবের দিক থেকেও বর্তমান পুস্তকের রবীন্দ্র-কাব্যালোচনা সীমিত, একটি বিশেষ দৃষ্টিকোণ থেকে আমি এখানে দেখাতে চেয়েছি রবীন্দ্রনাথকে। অমঙ্গলের চেতনা রবীন্দ্র-কাব্যের বিভিন্ন পর্যায়ে কীভাবে কখনো সংকুচিত, কখনো সম্প্রসারিত হয়েছে এবং শেষ পর্বের কাব্যরচনায় কতো গভীর ও পরিব্যাপ্ত হ’য়ে উঠেছে—সেটা স্পষ্ট করে তোলা আমার রবীন্দ্র-কাব্যালোচনার একটা পক্ষ।

অন্যপক্ষে আমি দেখাতে চেয়েছি যে, প্রধানত এরই পরিণামে কবি রবীন্দ্রনাথের সমগ্র বিশ্বনিরীক্ষা ও জীবনবোধ কেমন ক'রে পর্যায়ক্রমে পরিবর্তিত ও পরিণত হয়েছে, রোম্যান্টিক উষ্মতা ও বিবাদ থেকে ঈশ্বরপ্রেমের সমাহিত প্রশান্তি, দেশান থেকে দুই ভিন্ন পথে একই কালে এগিয়ে চলেছে পাশ্চাত্য হিউম্যানিজম-এর দিকে এবং এমন-এক ট্রাজিক চেতনার দিকে যাতে নক্ষত্রের ভাঙাগড়া, সভ্যতার উত্থান-পতন, মানুষের সেই দুঃখ 'কোনো কালে যার অন্ত নাই'—সব-কিছুর মধ্যে 'ভীষণের প্রসন্ন মূর্তি' দেখতে পাওয়া সম্ভব।

এ-কথা কারও অজানা নেই যে, বর্তমান শতাব্দীর দ্বিতীয় পাদের য়োরোপে এবং তৃতীয় পাদে এ-দেশে রবীন্দ্রনাথের কাব্যমহিমা প্রতর্কের বিষয় হ'য়ে উঠেছে। একাধিক আধুনিক কবি ও কাব্য-সমালোচক রবীন্দ্রনাথ বিষয়ে কয়েকটি আপত্তি তুলেছেন—কখনো স্পষ্ট ভাষায়, কখনো আভাসে-ইঙ্গিতে, কখনো-বা মৌন অভি-ব্যক্তনায়। আপত্তিগুলি মোটামুটি দুই শ্রেণীতে পড়ে। প্রথম শ্রেণীটি ভাষাগত। রবীন্দ্রনাথ বা বলেন—বিশেষত শেষ দশকের কবিতায়—বড়ো সোচ্চার্জি বলেন, ভাষা প্রায় গছের মতো স্বচ্ছ ও স্বজু, সবক'টি শব্দ তার অভিধায়ুক্ত, সবক'টি বাক্যের মানে বোঝা যায় অনায়াসে বা অল্পায়াসে। সব বোঝার পরেও বোঝার অতীত কিছু, সব কথার শেষেও 'দূর পারে সেই চূপ-কথা'র ইঙ্গিত কোথাও পাওয়া যায় কিনা তাঁর শেষ পর্বের কবিতায়, সে-প্রশ্ন তোলেন না এঁরা। যেন ভাষা অতিমাত্রায় দুর্ভেদ্য এবং ভঙ্গি ১৮০ ডিগ্রি তির্যক না-হ'লে কবিতা কবিতাই হ'য়ে ওঠে না। দ্বিতীয় শ্রেণীর আপত্তি ভাবগত। শোনা যায়, জগতের অশুভ, কদর্ঘ, বীভৎস রূপটা রবীন্দ্রনাথের চোখে ঠিকমতো ধরা দেয়নি, রোম্যান্টিক ভাবালুতায় রাঙ'নো গোলাপী কাচের বেশ পুরু চশমা প'রে তিনি সব-কিছুকে—মাণ্ডষকে, প্রকৃতিকে, সমগ্র বিশ্বচরাচরকে—অত্যন্ত শুভ ও সুন্দর ক'রে দেখেছেন; স্বভাবতই তাঁর মনে হয়েছে 'ধন্য এই মানবজীবন, ধন্য এই বিশ্ব-জগৎ'। আমার বইখানা প্রধানত এই দ্বিতীয় শ্রেণীর এবং গোণত প্রথম শ্রেণীর আপত্তির কথা মনে রেখে লেখা।

অবশেষে একটি কৈফিয়ত। বর্তমান পুস্তকের কয়েক জায়গায় কয়েকজন বিশিষ্ট সাহিত্যিকদের সঙ্গে অল্পবিস্তর মতান্তর প্রকাশ করেছি। তার মানে এই নয় যে, তাঁদের লেখা আমি প্রচার সঙ্গে পাঠ করিনি। প্রচ্ছা না-থাকলে ভিন্ন মতের উল্লেখ নিশ্চয়োজন হ'তো। তবে আমি চিন্তার ডায়ালেকটিকে আহ্বান,

বিশ্বাস করি যে, মতসংঘাতের পথেই সত্যের দিকে এগুনো যায়। 'বারে বারে পাওয়া, হারানো নিরন্তর ফিরে ফিরে'-পথ কবির পথ নয়; কবি নির্ভর করেন আপন ঋজু অপারোক অন্তর্ভূতির উপর, হঠাৎ-জ্বলে-ওঠা অন্তরের দীপ্তির উপর। যাদের অন্তরে দীপ্তি নেই, কেবল আন্তরিক অন্তঃসঙ্ঘর্ষসাই আছে, তাদের কিন্তু অনেক ঘুব-পথে পায়ের কাঁটা তুলতে-তুলতে এগোতে হয়। নিজের সঙ্গে সর্বদাই তর্ক করতে হয়, পরের সঙ্গেও মাঝে-মাঝে। নিজের উপর উৎপাত করা যায় খুশিমতো; প্রয়োজনমতো পরের মতামত নিয়ে প্রশ্ন তুললে কি তাঁরা ক্ষুব্ধ হবেন? তবে পূর্বেই ক্ষমা চেয়ে রাখি।

বইয়ের প্রথম অধ্যায়টি প্রেসিডেন্সি কলেজ ম্যাগাজীনের হীরক-জয়ন্তী সংখ্যায় প্রকাশিত হয়েছিলো, "সাহিত্যনীতি ও শ্রেয়োনীতি" 'অমৃত'-এর শারদীয়া ১৩৭৩ সংখ্যায়, "গীতাঞ্জলি বিষয়ে একটি ব্যক্তিগত সমস্যা", "বলাকা", "শেষ পর্বের কবিতা" ও "কবিতার ভাষা" 'দেশ'-এ শ্রাবণ ১৩৭৩ থেকে ১৩৭৪-এর মধ্যে। প্রত্যেকটি পূর্বপ্রকাশিত রচনা অল্পবিস্তর সংশোধিত হয়েছে; অনেকখানি পরিমার্জিত ও পরিবর্তিত হয়েছে "সাহিত্যনীতি ও শ্রেয়োনীতি" শীর্ষক অধ্যায়। বইখানির বেশিরভাগ খণ্ড-খণ্ডভাবে লিখিত এবং বিভিন্ন পত্রিকায় প্রকাশিত বলে ছ-চার জায়গায় পুনরাবৃত্তি অনিবার্য ছিলো। সংশোধনকালে তার সবটুকু বাদ দেওয়া সম্ভব হয়নি।

শেষ অধ্যায়টি বিশেষ উপলক্ষ্যে রচিত। 'কবিতা-পরিচয়'-এর প্রথম ও দ্বিতীয় সংখ্যায় (বৈশাখ ও জ্যৈষ্ঠ ১৩৭৩) প্রকাশিত রবীন্দ্রনাথের দুটি কবিতার ব্যাখ্যা এবং প্রসঙ্গক্রমে শেষ পর্বের কবিতা সম্বন্ধে কয়েকটি সাধারণ মন্তব্য আমি সম্পূর্ণ মনে নিতে পারিনি। ভিন্ন মত ব্যক্ত করি 'কবিতা-পরিচয়' ও 'দেশ'-এ, এবং সেই সূত্রে জানাতে হ'লো উক্ত কবিতাষয় আমার মনে কীভাবে প্রতিফলিত হয়েছে। কবিমনের উপলব্ধি ও দৃষ্টিভঙ্গির বিশ্লেষণই এ-বইতে প্রাসঙ্গিক, কবিতা-বিশেষের ব্যাখ্যা আকস্মিক।

গৌরী আইয়ুব, আরতি সেন ও স্বপন মজুমদার নানা ব্যাপারে আমাকে সাহায্য করেছেন। শ্রীতিপূর্ণ কৃতজ্ঞতা জানাই।

পাদটীকায় 'রবীন্দ্র-রচনাবলী' সর্বত্রই পশ্চিমবঙ্গ সরকার কর্তৃক প্রকাশিত জন্ম-শতবার্ষিক সংস্করণ বোঝাবে। অন্যান্য পুস্তকের নামের পর সংস্করণের উল্লেখ না-থাকলে প্রথম সংস্করণ ধরে নিতে হবে।

‘আধুনিকতা’র কোনো সংজ্ঞা দিইনি কেন, কোনো-কোনো সমালোচক ভৎসনা করেছেন। সংজ্ঞা দেওয়া আমার পক্ষে দুঃসাধ্য ছিলো, অন্য কারো পক্ষে, কোনো সাহিত্য-বিশেষজ্ঞদের পক্ষেও, সুসাধ্য হয়েছে বলে তো জানি না। অবশ্য আমি খ্যাতিমানদের যুক্তি ও সিদ্ধান্তের একাদিক্রম আলোচনার খুঁকি নিতে পারতাম। আলোচনা দীর্ঘ হ’তো, তাতে আমার আসল বক্তব্যটি বোঝাবার খুব-একটু সুবিধা হ’তো না, পাঠকের বৈয়াকৃতি ঘটবার সম্ভাবনা থাকতো।

জটিলতার সৃষ্টি হয় তিনটি কারণে। প্রথমত, ‘আধুনিকতা’র ধারণা স্বভাবতই গতিশীল, ধাবমান। সেকালের যৌবনমদমত্ত আধুনিকতা একালে লোলচর্ম, পলিতকেশ; আবার একালের বাৎসরিক আধুনিকতা পাঁচশ, পঞ্চাশ কি একশো বছর পরে বেজায় মেকেকে হ’য়ে যাযো। কালের যাত্রায় এই ধুলো-ওড়ানো পবে কদাচিৎ এমন কবির আ‘বর্তাব ঘটে যিনি দ্যুতই কালদয়ী; স্বকালে তিনি আধুনিক বলে মান্য হ’য়ে থাকতে পারেন, না-ও পারেন, হয়তো-বা পরবর্তী কালের বার্তা মর্মে নিয়ে আগাম জন্মেছিলেন বলে নিজ দেশকালে পরবাসী হ’য়েই কাটালেন; কিন্তু দীর্ঘকালের সাহিত্যাকাশে এঁদের পক্ষপাতি শোনা যায়।

কেউ-কেউ ব্যাপারটাকে সহজ ক’রে নিতে চেয়েছেন এই বলে যে ‘নতুন’ যুগের মনন ও স্বপ্ন-প্রতিচ্ছাস যে-সাহিত্যের আবির্ভূত মুকুবে প্রতিবিম্বিত সেই সাহিত্য আধুনিক। কিন্তু কাল তো দেশ-ছাড়া নয়। ইংলণ্ডে উনবিংশ শতাব্দীর প্রথম দুই দশকে যে সাহিত্যিক মেজাজ দানা বেঁধে উঠেছিলো সেটি ভারতবর্ষে বা আরব কিংবা চীনদেশে তখন অঙ্কুরিত হয়নি, মাটির তলায় তার বীজও খুঁজে পাওয়া যাবে না; বাঙলায় সেই রোমান্টিক মেজাজের দক্ষণীয় ছায়াপাত ঘটলো ঐ-শতাব্দীর শেষপাদে; আরবদেশে কখন ঘটলো, কখনও ঘটলো কিনা, জানি না।

দ্বিতীয়ত, বিশেষত বর্তমানকালে, কোনো-একটি দেশে (ভাষায়ই বলা উচিত) একটিমাত্র মন ও মেজাজ সুস্পষ্ট প্রাধান্য লাভ করে না, ঢাক পিটিয়ে বলবার মতো আনুগত্য পায় না। পাশ্চাত্যে ত্রিংশের দশকে প্রগতি-সাহিত্যের আওয়াজ বলিষ্ঠ হ’য়ে উঠলো, কিন্তু তখন এলিয়টের ধর্মবিশ্বাসী, অন্তত ধর্মসন্ধানী

কণ্ঠ মোটেই ক্ষীণ নয়, বোদলেয়রীয় সর্বৈব জীবনবিত্ত্বাণ্ড শ্রীমিত হয়নি। বাওলায় ঐ-সময়ে এবং অব্যবহিত পরে রবীন্দ্রনাথ, সুবীন্দ্রনাথ, জীবনানন্দ, বিষ্ণু দে প্রভাবশালী কবি, আরো-একটু পরে প্রভাব বিস্তার করলেন অমিয় চক্রবর্তী, বুদ্ধদেব বসু, সুভাষ মুখোপাধ্যায়। এঁরা কি সবাই একইপ্রকার মন মেজাজ পেলেন ও উদ্ভীর্ণনা ব্যক্ত করেছেন তাঁদের কাব্যে? তবু কি এঁরা সবাই আধুনিক নন, এবং আধুনিকতার পথিক? অথচ কতটা বিচিত্র অর্থে! নবযুগের কথা বলেছেন কিছু, পূর্বযুগের কথাও মনেছেন কিছু, চিরযুগের কথা বলেছেন আরো বেশি। সব ওতপ্রোত হাঁয়ে আছে তাদের মর্মে ও কর্মে, সে-স্বত্বাগুলিকে আলাদা করবে কে?

তৃতীরত, আধুনিকতা, কারো কাছে প্রশংসক শব্দ, কারো কাছে নিন্দক। প্রথম শ্রেণীর সমালোচকেরা যুগের মন-মেজাজের মতো খেটিকে বা খেঙুলিকে পছন্দ করেন তাকেই আধুনিকতার সংজ্ঞাভুক্ত করেন; দ্বিতীয় শ্রেণীর সমালোচকেরা যুগের খারাপ (তাদের চোখে খারাপ) লক্ষণগুলিকেই আধুনিক বলেন। এঁদের সংখ্যা অবশ্য খুব কম, তবু টি. ই. হিউমের *Speculations* অংশে এবং তৎ-প্রণীত এন্সিয়েটের এইজাতীয় উক্তি: 'What I do wish to affirm is that the whole of modern literature is corrupted by what I call Secularism, that it is simply unaware of, simply cannot understand the meaning of, the supernatural over the natural life; of something which I assume to be our primary concern.'

আমার অভিধানে 'আধুনিকতা' বহুবিচিত্র-অর্থবাহী, শুধুমাত্র প্রশংসা বা নিন্দা স্বচক শব্দ নয়। ওয়ার্ডসওয়ার্থের *Lyrical Ballads*-এ এবং বোদলেয়রের *Les Fleurs du Mal*-এ পাশ্চাত্য কাব্যধারা দুটি বড়ো আকারের বাক নিয়েছিল। মালার্নের কবিতা ও প্রগতি-কাব্যকে তৃতীয় ও চতুর্থ বাক বলা যেতে পারে, কিন্তু শেষের দুটি বাক সাহিত্য-বিচারে ছোটো আকারের। প্রগতি-কাব্যের কথা আমি বর্তমান গ্রন্থ থেকে বাদ দিয়েছি—সে-সাহিত্যবস্তুটি আর-এক বিরাট বিতর্ক। মোটের উপর বোদলেয়র-পরবর্তী কাব্যধারার বহু গুণ-দোষের মধ্যে দুটিকে আমার আলোচনার বিষয় করেছি—তীব্র অস্বস্তিবোধ এবং কবিতার ভাষার প্রতি নিবিড় মনোনিবেশ। এ-দুটি আমার মতে দোষ

নয়, গুণই। দোষ হ'য়ে ওঠে যখন অমঙ্গলবোধ এতোটা আধিপত্য বিস্তার করে যে মঙ্গলবোধকে মিথ্যা বা মেকি ব'লে পাশে সরিয়ে রাখে; যখন ভাষা এবং সাধারণভাবে আঙ্গিকের একান্ত সাধনা এতোদূর পর্যন্ত পৌছয় যে ঐ কারুকার্য-খচিত কাচটি আর স্বচ্ছ থাকে না, আঁস্বচ্ছও থাকে না, প্রায় অনচ্ছ হ'য়ে ওঠে। রবীন্দ্র-কাব্যে আমি অমঙ্গলবোধের ক্রমবিকাশ দেখাবার চেষ্টা করেছি তাঁকে 'আধুনিক' সাব্যস্ত করবার জ্ঞান নয়; কবিরূপে তিনি কেমন ক'রে আমার চোখে মহৎ থেকে মহত্তর হ'য়ে উঠেছেন সেই কথাটা, সেই আনন্দটা, পাঠকের সঙ্গে ভাগ ক'রে নেওয়ার জ্ঞান। এই তুলনামূলক আলোচনায় মতবিরোধ দৃষ্টবে জেনেই তাতে প্রবৃত্ত হয়েছিলাম। মে-বিরোধ আমার মতকে ক্রমশ সংশোধিত করবে, শুদ্ধ করবে; বাদ-প্রতিবাদ পাঠকের চিত্তে কিছু নতুন সাহিত্য-চিন্তার খোরাক জোগাতে পারে—এমন উচ্চাভিলাষও ছিল মনে। সেই উদ্দেশ্যে একজন বিশিষ্ট আধুনিক কবির সমালোচনা ও তহত্বরে আমার কিছু বক্তব্য দ্বিতীয় সংস্করণের পরিশিষ্ট অংশে যোগ করলাম। অরুণকুমার সরকারের 'সানন্দ সম্মতি' পেয়ে আমি অধিকতর আনন্দিত।



ଆଧୁନିକତା

ଓ

ରବୀନ୍ଦ୍ରନାଥ



## অমঙ্গলবোধ ও আধুনিক কবিতা

কাব্যের ইতিহাসে প্রগতির লক্ষণ স্পষ্ট দেখা যায় কিনা এ নিয়ে তর্ক উঠতে পারে। যারা বলেন স্বয়ং-সংহিতা, কঠোপনিষদ, কিংবা সং অব্ সলোমন-এর তুল্য কবিতা পরবর্তীকালে আর রচিত হয়নি, তাঁদের কাব্যরসাস্বাদনে ভক্তিরসের আমেজ লেগেছে এমন সন্দেহের অবকাশ যদি-বা থাকে, বিশুদ্ধ কাব্য-রস বিচারের উপর নির্ভর ক'রেই দায়িত্বজ্ঞানসম্পন্ন সমালোচক এই সিদ্ধান্তে পৌঁছেছেন যে বাস, বাল্মীকি, হোমর, সফোক্লিস প্রভৃতি আড়াই-তিন হাজার বছর পূর্বে কদিকর্মকে সার্থকতার যে-স্তরে তুলে দিয়ে গেছেন, তার চেয়ে উচ্চতর শিখর-অগ্গেহ পরবর্তী কোনো কবির পক্ষে সম্ভব হয়নি আজও। কিন্তু কাব্যের প্রগতি তর্কাত্মক হ'লেও তার গতি অনস্বীকার্য। নদীর মতো কবিতাও চলে এবং সিন্ধে চলে না, কখনো হঠাৎ কখনো ধীরে-ধীরে বাঁক নেয়, কখনো-বা এমন মৌলিক পরিবর্তন ঘটায় আপন আধারে, আধেয়তে, বা উভয়ত, যাকে ইতিহাসে যুগান্তর ব'লেই অভিহিত করতে হয়।

বাংলা কাব্যের ইতিহাসে রবীন্দ্রনাথ ঠাকুরের আবির্ভাব তেমনি এক যুগান্তর। খুব বেশিদিনের কথা নয় সে, 'মানসী'র কবিতাগুলি (যাতে সর্বপ্রথম নতুন যুগপ্রতিভার স্পষ্ট স্বাক্ষর পাওয়া যায়) রচিত হয়েছিলো ১৮৮৭-৮৮ খ্রীঃাব্দে, আজ থেকে মাত্র দশ বৎসর পূর্বে। ইতিহাস-দেবতা কিন্তু মোটেই অধীর হ'য়ে উঠলেন। 'মানসী' প্রকাশের পর অর্ধ শতাব্দী গত না-হ'তেই রবীন্দ্র-কাব্য-বিচারে খুব বড়োরকমের পটপরিবর্তন দেখা গেলো; কাব্যের মানদণ্ডই গেলো পাল্টে। যদিও রোম্যান্টিসিজমের সব লক্ষণ এবং সন-তারিখ মিলিয়ে দেখতে গেলে খটকা লাগে একটু, তবু রবীন্দ্রনাথকে রোম্যান্টিক কবি বলতেই হয়, রোম্যান্টিকতা। পরাকাষ্ঠা বললেও ভুল হয় না। অথচ ইংরেজি সাহিত্যে প্রথম মহাযুদ্ধের পর রোম্যান্টিক মনন ও সংবেদনা, বিচার ও রচনাশৈলী খুব দ্রুতগতিতে অপ্রদ্বন্দ্ব হ'য়ে পড়ে ফলে যে-য়েটস ১৯১২ সালে 'গীতাঞ্জলি'র ভূমিকায় লিখেছিলেন 'these lyrics display in their thought a world I have dreamed of all my life', সেই য়েটস জীবনের শেষ দশ-পনেরো বছর

কাটালেন নিজের কবিকর্মকে রবীন্দ্রনাথের কবিমানস থেকে ( অর্থাৎ যে-রবীন্দ্র-মানসের সঙ্গে তিনি পরিচিত ছিলেন ) যতোটা পারেন দূরে, যতোখানি সম্ভব বিপরীতে সংস্থাপিত করতে। এই শতাব্দীর তৃতীয় দশকের মধ্যভাগে যে-মেজাজ ও কৃতি ইংরেজি সাহিত্যে প্রতিষ্ঠিত হ'লো ( ফ্রান্সে আরো আগে হয়েছিলো ), তার কাছে রবীন্দ্রনাথ অকস্মাৎ অত্যন্ত ছোটো হ'য়ে গেলেন, অস্বাভাবিক রোম্যান্টিক কবিরা যতোটা হয়েছিলেন তার চেয়েও যেন কিছুটা বেশি।

এই নব মূল্যায়নের ধাক্কা বাংলা দেশে এসে পৌছেছে দ্বিতীয় মহাযুদ্ধের পর। 'কল্লোল' এবং 'পরিচয়'-গোষ্ঠীর কবিরাও এক হিসাবে রবীন্দ্র-বিদ্রোহী ছিলেন, কিন্তু সে-বিদ্রোহ অস্ত্র জ্বালাতের। তাতে রবীন্দ্রনাথের গগনচুম্বী প্রতিভার প্রতি প্রহ্লাদ-নিবেদনে কুণ্ঠা ছিলো না। বরঞ্চ তার মর্মস্থলে এই কথাটাই নিহিত ছিলো যে বাংলা কাব্যে এক নতুন মেজাজ ও আঙ্গিকের প্রবর্তক হওয়া সত্ত্বেও রবীন্দ্রনাথ বাংলা কাব্যকে তাঁর একক সাধনায় এমন পরোৎকর্ষে পৌঁছিয়ে দিয়ে গেছেন যার মাগাল পাওয়া অল্প কবিদের পক্ষে অভাবনীয়। অল্প কবিরা রাজপথ বেয়ে কিছুদূর এগুতে-না-এগুতেই বুঝতে পারলেন ঐ-পথে তাঁরা আর যা-ই পান, একান্ত নিজের গলার সুরটি খুঁজে পাবেন না। 'কল্লোল' ও 'পরিচয়'-যুগের কবিরা শিক্ষা পেয়েছিলেন ঐ-কবিগুরু পাঠশালাতেই, তাঁদের চোখ, কান, কণ্ঠ ও মন তৈরি হয়েছিলো তাঁরই সুরের ঝরনাতলায়। স্নাতকোত্তর কালে তাঁরা অবশ্য অল্প ভাব করলেন রবিতত্ত্ব থেকে মুক্তির পথের প্রবল তাগিদ, একাধারে স্ব-তত্ত্বের প্রেরণা এবং (এ-কথাটা বিশেষরূপে 'পরিচয়'-গোষ্ঠীর কবিদের সম্বন্ধে প্রযোজ্য) 'আধুনিক' অর্থাৎ প্রথম মহাযুদ্ধ-পরবর্তী পাশ্চাত্য সাহিত্যের আকর্ষণ। কিন্তু বর্তমান শতাব্দীর দ্বিতীয়ার্ধে যাদের কবিকল্প ঠিক রবীন্দ্র-বিদ্রোহী তাঁদের বলা যায় না, কারণ তাঁরা আদৌ ঐ-কাব্যসাম্রাজ্যের রাজ্যভূগত নাগরিক ছিলেন না। সাহিত্যের অস্ত্র জগতে তাঁরা ভূমিষ্ঠ হয়েছেন, অস্ত্র ভাবধারাঃ পুষ্টি; যে-কাব্যাত্মশীলনে তৈরি হয়েছে বা হচ্ছে তাঁদের কৃতি ও রচনামণ্ডলী তা রবীন্দ্র-কাব্যের অংশীদার নয়। বোদলেয়র, র্যাবো, মালার্মে, ভালেরি, গটফ্রিড বেন, আন্দ্রে ব্রেতঁ, স্যামুয়েল বেকেট, জঁ জেনে, অ্যালেন গিন্সবার্গ—কাব্যের এই জগৎ রবীন্দ্রনাথের জগৎ থেকে বহুদূরে অবস্থিত। অবশ্য এঁরা পুষ্টি হয়েছেন কেবল বিদেশী সাহিত্যের কোলে এমন কথা আমি বলতে চাই না। বাংলা কাব্যের ঐতিহ্যও এঁদের লেখাকে স্পষ্টতই প্রভাবিত করেছে। তবে সে-ঐতিহ্য রবীন্দ্র-

কাব্যবাহিত নয় ; স্বধীশ্রনাথ দত্ত, জীবনানন্দ দাশ এবং বোদলেয়র-অনুবাদক কিংবা ‘ষে-আধার আলোর অধিক’ কাব্যগ্রন্থের রচয়িতা বুদ্ধদেব বসুর উত্তরাধিকারী এঁরা। উত্তমর্গদের মধ্যে ষে-লক্ষণগুলি পরিমাণ ও সংযম রক্ষা ক’রে প্রকাশ পেয়েছিলো সেই লক্ষণগুলিকে এই নবীন কবিরা উগ্র এবং বলগাহীন ক’রে তুলেছেন তাঁদের পক্ষে ও গক্ষে। অমিয় চক্রবর্তী কিংবা বিষ্ণু দে-র প্রভাবও যথেষ্ট পড়েছে পঞ্চাশের কবিদের উপর, কিন্তু ধারা ঐ-প্রভাব গ্রহণ করেছেন তাঁরা আমার এ-আলোচনার অন্তর্ভুক্ত নন। তাঁদের সাহিত্যচেতনায় অমঙ্গলবোধ এবং এই অমঙ্গলময় জগতের প্রতি ঘৃণার ভাব তেমন সর্বব্যাপী নয়।

এতে আপত্তি করবার কিছু নেই ; সর্বত্র যেমন সাহিত্যেও তেমন ভাব ও ভঙ্গি যুগে-যুগে বদলায়, সেটাই স্বাভাবিক, সেটাই প্রাণের লক্ষণ। কিন্তু সব পরিবর্তনেরই একটা সীমা আছে ; ঐ-সীমাটুকু ছাড়িয়ে গেলে মূল বস্তু আর সে-বস্তুই থাকে না। কাব্যসৃষ্টি ও কাব্যবিচারের ইতিহাস পরিবর্তনের যতোই সাক্ষ্য দিক, সর্বদেশকালের কবিমানসের পরিচয়ে এমন কয়েকটি মূলসূত্র কি আজও স্থম্পষ্ট হ’য়ে ওঠেনি যার উপলব্ধি আমাদের সাহিত্যচর্চাকে বিবেকজ্ঞানসম্পন্ন কবিত্তে পারে, অর্থাৎ কবির সঙ্গে অকবির, রসপ্রাণের সঙ্গে কারুকর্মীর পার্থক্য-নির্ণয়ের সহজ শক্তিটি আগিয়ে দিতে পারে ? কারণ আমার সন্দেহ ক্রমে বিশ্বাসে পরিণত হচ্ছে যে রোমান্টিকতার মোহ থেকে মুক্তিলাভের ঐকান্তিক সাধনায় আধুনিক কবিরা এমন-কিছু থেকে নিজের মনকে বিমুক্ত করেছেন যাতে কবির চিরন্তন এবং অব্যর্থ পরিচয়। সব আধুনিক কবিদের সম্বন্ধে এ-কথা খাটে না, সম্মানিত ব্যতিক্রম অবশ্যই রয়েছেন—বিদেশে এবং এ-দেশেও। আমি বলছি আধুনিকতার সাধারণ লক্ষণের কথা।

সেই সাধারণ লক্ষণাবলীর মধ্যে একটি বড়ো লক্ষণ হ’লো কবিচিন্তে বিশ্বয়-বোধের অসাড়তা। গ্রীকরা বলতেন বিশ্বয়ে দর্শনের স্বত্বপাত ; কবিতারও শুরু সেইখানে। তবে বিশ্বয় মানে উচ্ছ্বাস নয়, এবং শুরু যেখানে সেইখানে কবিতার পরিণতি দেখা যাবে এমন-কোনো কথা নেই। পরিণত কাব্যের লক্ষ্য হয়তো শেক্সপীয়র-কথিত সেই নৈর্ব্যক্তিক প্রশান্তি যা জীবন-মরণের সারাংশার, অথবা এমন এক ড্র্যাজিক চেতনা যাতে বাহ্যত্বের বৃড়োর মৃত্যুও হ’য়ে ওঠে মহান এবং কর্ডেলিয়ার নিহত দেহের সম্মুখে দাঁড়িয়েও মনে হয় না যে সমস্ত শুভশক্তির বিনাশ ঘটেছে ; অথবা এমন প্রয়োবোধ যার কাছে আমাদের প্রাণবাতী কাম

কম্বাই থেকে এবং বজ্রসেনের নীতিবিশুদ্ধ কম্বাইনতা কম্বার অযোগ্য, অথবা অগ্ন-কিছু। অবশ্য চামেলির গন্ধ, বরনার গান, ময়ূরের নৃত্য বা যুবতীর লাস্য নিয়ে হাজার-হাজার বছর ধরে বিশ্বয় বোধ করা কবির পক্ষে সম্ভব না-ও হতে পারে, কিন্তু পৃথিবীটা তো খুব ছোটো নয়, আর বিশ্বব্রহ্মাণ্ড তার চেয়ে একটু বড়ো। এবং আইনস্টাইন যদি-বা বলে থাকেন জড়জগৎ সমীম, মনোলোকের সীমানার কথা বলতে সাহস পাননি কোনো ফ্রেড বা পাবলব। মানুষ যে কেবল ভৈব-জগতের অধিবাসী নয়, অধ্যাত্মলোকেরও পরিব্রাজক, তারই আভিজ্ঞান রয়েছে এই শাস্ত্রত বিশ্বয়বোধে। বিশ্বয়বোধের অবলুপ্তিকে তাই আমি কাব্যের প্রগতি বলে মেনে নিতে কুণ্ঠিত।

রবীন্দ্রনাথ লিখেছিলেন ‘জগতেব মাঝে কত বিচিত্র তুমি হে / তুমি বিচিত্র-রূপিণী’। আধুনিকরা সংক্ষেপের পক্ষপাতী, তাই তাদের উপলব্ধিও একটু সংক্ষিপ্ত: জগতের মাঝে বিচিত্র তুমি হে / তুমি বিচিত্ররূপিণী। চিত্রছটির একটি চিত্র দুঃখের, অগ্নটি পাপের। দুঃখ ও পাপের যুগ্ম সম্বন্ধে ইংরেজিতে evil বলে অভিহিত করা হয়, তারই বাংলা করেছে অমঙ্গল। দর্শনশাস্ত্রে ও ধর্মশাস্ত্রে প্রবলেম অব্ ইভিল এক বহু প্রাচীন এবং আজো পর্যন্ত নাছোড়বান্দা সমস্যা। ইদানীংকালে তা সাহিত্যকেও পেয়ে বসেছে—ঠিক দার্শনিক সমস্যাটি নয়, জগতের মধ্যে অমঙ্গলের একচ্ছত্র আধিপত্য। দুঃখ ও পাপের মাত্রা আধুনিককালে আগের চেয়ে বেড়েছে কিনা এ-বিষয়ে সন্দেহের অবকাশ আছে, কিন্তু আধুনিক সাহিত্যের উপর তার ছায়া যে অতি বৃহৎ আকার ধারণ করেছে তাতে সন্দেহের কোনোই অবকাশ নেই। প্রতিবন্ধ বিধকে আয়তনে এবং বর্ণের কালিমায বহু-গুণে ছাড়িয়ে গেছে বলে আমার বিশ্বাস।

ফ্রান্সে ভিক্তর উগোর নেতৃত্বাধীন কবিদের মধ্যে এবং ইংলণ্ডে লেক স্কুলের কপিগোষ্টার মধ্যে রোম্যান্টিকতা যোলো কলায় পূর্বাধিকারিত ছিলো, তার অবসান ঘটলো অমঙ্গলেরই প্রবল অভিঘাতে। ঘটালেন বোদলেয়র। বোদলেয়রকে বলা হয় প্রথম কাউন্টার-রোম্যান্টিক এবং কাব্যে আধুনিকতার পথিকৃৎ। ঐ-সময়ে এবং পরবর্তীকালে কাব্যের আঙ্গিকেও এক বিরাট পৰিবর্তন দেখা দিয়েছিলো। অনেকে বলতে লাগলেন, কবিতায় যে-ভাবে প্রকাশ পায় তা যেতাই অকিঞ্চিৎকর, উদ্ভাস্ত বা উদ্ভট হোক তাতে কিছু আসে যায় না, এমন-কি ভাবের অংশটা ‘পালাতে পালাতে একেবারে বৃন্দ হয়ে গেলে, বিম হয়ে গেলে, ভৌ হয়ে

গেলে, তার মানে না হয়ে গেলে'ও ক্ষতি নেই, কারণ কবিতার ভক্তিটাই আসল, ভক্তিটাই পথ এবং লক্ষ্য, সাধনা এবং সিদ্ধি। এর বিস্তারিত খালোচনা এই গ্রন্থের অন্তিম দুটি অধ্যায়ে পাওয়া যাবে। আপাতত ভাবের দিক থেকে যে-বিপ্লব ঘটালেন বোদলেয়ের, তার বিষয়েই কিছু বলতে চাই। পোদ্দ ভালেরির মতে বোদলেয়ের ফরাসি সাহিত্যের উপর সবচেয়ে প্রভাবশালী কবি, তাঁর কবিতা আধুনিকতার প্রতিভূ। এই বাংলা দেশেও একজন কৃতী ও লক্ষ্যপ্রতিষ্ঠ প্রবীণ এবং পরীক্ষানিরত বহু নবীন কবির পক্ষে 'এ কথাটা (কথাটা র‌্যাগোর) মেনে নেওয়া অত্যন্ত বেশি সহজ হয়ে গেছে যে তিনি (অর্থাৎ বোদলেয়ের) "প্রথম স্রষ্টা, কবিদের রাজা, সত্য দেবতা"।'

রবীন্দ্রনাথ দুঃখের সঙ্গে লক্ষ করেছেন, 'এক-একটি জড়প্রকৃতির লোক আছে জগতের খুব অল্প বিষয়েই যাহাদের; হৃদয়ের উৎসুক্য, তাহার। জগতে জন্মগ্রহণ করিয়াও অধিকাংশ জগৎ হইতে বঞ্চিত। তাহাদের হৃদয়ের গবাক্সগুলি সংখ্যায় অল্প ও বিস্তৃতিতে সংকীর্ণ বলিয়া বিপের মাঝখানে তাহারা প্রবাসী হইয়া আছে।' এমনি এক প্রবাসী—আত্মকালকার ভাষায় alienated—কবি বোদলেয়ের। বোদলেয়ের আপন হৃদয়ের গবাক্সগুলিকে সম্পূর্ণ বন্ধ ক'রে অধিকাংশ নয় সময় জগৎ থেকেই নিজেকে বঞ্চিত করতে চেয়েছিলেন। বর্ষার ধারা তাঁর কাছে নেমে আসে জেলখানার গরাদ হ'য়ে :

When the rain spreading its immense trails  
Imitates a prison of bars.

আর আকাশ সেখানে নীল নয়, চটচটে কালো :

Can you illuminate a grimy, black sky ? Can we pierce shadows denser than pitch, with no morning or evening, with no stars, without even gloomy flashes of lightning ? Can you illuminate a grimy black sky ? The devil has enufled the light at the windows of the Inn.

সেই ঘুটঘুটে অন্ধকার জেলখানায় তাঁর কবিতা বাস করতো, যাবজ্জীবন কারাদণ্ডে দণ্ডিত। এলিয়ট বলছেন, 'যদিচ বোদলেয়ের পছন্দীতি ও শব্দবিন্যাস বৈপ্লবিকভাবে নূতন, জীবনবোধে যে-নূতন তিনি এনেছিলেন তা আরো মৌলিক ও গুরুত্বপূর্ণ।' এই যুগান্তকারী জীবনবোধের মূল কথা হ'লো প্রত্যক্ষ জগতের প্রতি রোম্যান্টিক বিশ্বাস ও উৎসাহের স্থলে এক সর্বগ্রাসী বিতৃষ্ণা ও নির্বেদের অভিজ্ঞক। বোদলেয়ের বিতৃষ্ণার চারটি কারণ নির্দেশ করা যেতে

পারে, অন্তত এই চারটি কারণের কথা আমি এখানে তুলতে চাই :

১. প্রথম কারণটি মোটের উপর ঐতিহাসিক। বোদলেয়ের যখন কবিতা লেখা আরম্ভ করেন তখন ফ্রান্সে রোম্যান্টিকতার সর্বত্র জয়দ্রব্যকার এবং রোম্যান্টিকদের রাজ্য। ভিক্তর উগো গৌরবের সর্বোচ্চ আসনে অধিষ্ঠিত। রোম্যান্টিসিজমের সংজ্ঞা দিতে গিয়ে বোদলেয়ের স্বয়ং বলেছেন তা মূলত 'এক-প্রকার অল্পভূতি' এবং বিশেষত 'অন্তরঙ্গতা, আধ্যাত্মিকতা, বর্ণ বৈভব, অসীমের উৎসাহ'। এ-সব ব্যাপারে রোম্যান্টিকদের কৃতিত্ব অস্বীকার করার তাঁর কোনো ইচ্ছা ছিলো না; বরঞ্চ স্বজনী কল্পনার ক্ষেত্রে মহৎ পুংস্রীদের সমকক্ষ হ'তে পারবেন কিনা সে-বিষয়ে তাঁর নিজের মনে বেশ-একটু সন্দেহ ছিলো—  
লিখেছেন আরি পের। 'ফ্ল্যর ছ্য মাল্'-এর ভূমিকার খণ্ডায় বোদলেয়ের স্বয়ং ঘোষণা করছেন : 'লক্ষপ্রতিষ্ঠ কবিরা কাব্যরাজ্যের সর্বচেয়ে সমৃদ্ধ প্রদেশগুলি নিজেদের মধ্যে ভাগ ক'রে নিয়েছেন বহুকাল পূর্বেই; সুতরাং আমাকে হ'তে হবে অল্প-কিছু।' তাঁর একটি মৌলিক প্রত্যয় ছিলো যে মানুষের, এমন-একটি শিশুরও, হৃদয়াবেগ-সমষ্টি দুটি সম্পূর্ণ পৃথক কক্ষে বিভক্ত—একস্টেটিসি অন্ লাইফ ও হরব্ অব লাইফ। যেহেতু রোম্যান্টিকরা ছিলেন মাদুর্য ও প্রেমের কবি তাই বোদলেয়রকে হ'তে হবে তিস্ততার ও ঘৃণার কবি। এক কথায় তাঁর দিশ-বিতৃষ্ণা ছিলো তাঁর কাউন্টার-রোম্যান্টিসিজমের অঙ্গবিশেষ। সাধারণত বলা হয় যে এই কবির রচনায় রোম্যান্টিক ও ক্লাসিকের সমন্বয় ঘটেছে। আমার অবস্থা মনে হয় এলিয়টের উক্তিই অধিকতর সত্য : যদিও পরিবেশগুণে তিনি ছিলেন রোম্যান্টিসিজমের সন্তান, কিন্তু স্বভাবগুণে তাঁকে হ'তে হ'লো রোম্যান্টিসিজমের শত্রু।

২. দ্বিতীয় কারণটিকে বলা যাক বিষয়ীগত ( সাবজেক্টিভ ), অর্থাৎ কবির দেহমনের মধ্যেই তাঁর জাগতিক বিতৃষ্ণার উপাদানগুলি খুঁজে পাওয়া যাবে। বোদলেয়ের তরুণ বয়স থেকে, হয়তো-বা জন্মাবধি, এক অতিশয় পীড়াদায়ক, মানিকর ও দুঃস্বাস্ত্য রোগে ভুগতেন—সিফিলিস রোগে। উপরন্তু তাঁর মানসিক কষ্টেরও অবধি ছিলো না। শৈশবকাল কেটেছিলো মাতা ও মাতার দ্বিতীয় স্বামীর সঙ্গে নানারূপ সংঘর্ষের মধ্যে। স্কুল জীবন সম্পর্কে লিখেছেন : 'হাতাহাতি, শিক্ষক এবং সহপাঠকদের সঙ্গে অনারত বিরোধ ও সংগ্রাম, মাঝে-মাঝেই অবদল বিবাদে ছায়া পড়তো মনের উপর' যদিও লেখাপড়ায়



তিনি এগিয়েই ছিলেন তবু উচ্ছ্বলা ও স্বৈরাচারের দ্বন্দ্ব তাঁকে স্থল থেকে ভাড়িয়ে দেওয়া হয়। প্রণয়পর্বের ইতিহাস—একাধিক যুবতীর প্রতি প্রবল কিস্ত সাময়িক আসক্তি এবং এক নীচস্বভাবা গণিকার অকাট্য মোহ-বন্ধন, ইত্যাদি—মোটাই স্বথপাঠ্য নয়। তাঁর চরিত্র-প্রসঙ্গে এলিয়ট লিখছেন ; সমাজের চোখে এবং ব্যক্তিগত যাবতীয় ব্যাপারে বোদলেয়ের ছিলেন অত্যন্ত বিকৃতস্বভাব, অসামাজিকতা ও অকৃতজ্ঞতার অসাধারণ ক্ষমতা নিয়েই ভুগে-ছিলেন ; তাঁর মেজাজ যেমন তিরস্কি ছিলো, তেমনি যে-কোনো পারিপার্শ্বিক অবস্থাকে নিজের পক্ষে অসহনীয় ক'রে তোলার ক্ষেত্র ছিলো অপ্রভেদী।

এহেন ব্যক্তির মন স্বস্থ থাকার কথা নয়। বোদলেয়েরের একাধিক গুণগ্রাহী সমালোচক যে-বিশেষণটি তাঁর সম্বন্ধে বারবার প্রয়োগ না-ক'রে পারেননি সেটি হচ্ছে 'ব্যাদিগ্রস্ত'। এলিয়ট তো তাঁকে 'সিদ্ধল অব্ মবিডিটি' আখ্যা দিয়েছেন ; প্রতিলুপনা করেছেন পূর্ণস্বাস্থ্যের প্রতীক গ্যেটের সঙ্গে। রবীন্দ্রনাথের সঙ্গেও করলে পারতেন, কারণ এই বাঙালী কবিও অসাধারণ শারীরিক ও মানসিক স্বাস্থ্যের অধিকারী ছিলেন, বিশেষত অধিকারী ছিলেন সেই স্বাস্থ্যের যাকে বোদলেয়ের স্বয়ং বলেছেন 'প্যায়টিক হেল্থ'। অত্যন্ত কঠিন শারীরিক পীড়ার মধ্যেও তাঁর কাব্যিক স্বাস্থ্য অটুট ছিলো। রবীন্দ্রনাথের বিশ্বপ্রেম যেমন ছিলো তাঁর নিটোল মানসিক ও কাব্যিক স্বাস্থ্যের প্রকাশ-বিশেষ, তেমনি বোদলেয়েরের বিশ্ব-বিতৃষ্ণাকে তাঁর ব্যাদিগ্রস্ত মনের অভিব্যক্তি জ্ঞান করা যেতে পারে। দুঃখের কথা এই যে বোদলেয়েরের মন ব্যাদিগ্রস্ত ছিলো কিনা এ নিয়ে তর্ক ওঠে না, গুণদ্বন্দ্ব সমালোচকরা অসংকোচে মেনে নেন, তাঁদের প্রিয় কবি ছিলেন রীতিমতো একটি মেটাল্ কেস্। মানসিক স্বাস্থ্যের চেয়ে মানসিক ব্যাদিকেই মূল্যবান মনে করা হয় ইদানীং—তার কারণ কি এই যে আধুনিকেরা বিশ্বাস করেন লৌকিক ব্যাপারে চেতনা ও চরিত্র গুলট-পালট হ'য়ে গেলে লোকোত্তর জ্ঞানের তৃতীয় নয়ন খুলে যায় ? কথাটা একটু পরেই আলোচিত হবে।

জীবন ও জগৎ বিষয়ে বোদলেয়েরের এই নূতন নেতিবাচক দৃষ্টিভঙ্গিকে তাঁর শারীরিক ও মানসিক অস্বাস্থ্যপ্রসূত জ্ঞান করলেও তাঁর স্বজনী প্রতিভার মূল্য এবং সাহিত্যের ইতিহাসে তাঁর সর্বসম্মত গুরুত্ব কিছুমাত্র হাস পায় না। শুধু 'আজিকের অপূর্ব সৌষ্টব্য আর শব্দচয়নের অনবচ্ছতা' নয়,

আরো দৃঢ়ত্মের উপর এই বিরাট খ্যাতি প্রতিষ্ঠিত। মানুষ স্বার্থান্বেষণে নির্বোধ এবং পরার্থহরণে নির্দয়, জাতি-বর্ণ-ধর্ম-বিশেষে বিঘ্ন, মনস্তত্ত্ব ও শরীর- বিজ্ঞানের বর্ণমালাও আয়ত্ত্ব করে ওঠেনি, ফলত নানাপ্রকার আধি-ব্যাধির দাস-ইত্যাদি বিবিধ কারণ যতোদিন বর্তমান আছে ততোদিন জীবনের দৈন্য আমাদের সকলকে মাঝে-মাঝে পীড়া দেবেই। বিশেষত যক্ষ্ম এবং সংবেদনশীল মনের দ্বারা অধিকারী তাঁরা যখন মনুষ্যজীবনের এই অসহায় দশা কল্পনার চক্ষে দেখেন তখন এক অপার নৈরাশ্র ও বিবাদের ছায়া পড়ে তাঁদের মনের গভীরতলে। সেই ছায়ায় কবিতা দিয়েছেন বোদলেয়র, তার অভূতপূর্ব প্রকাশ, প্রকাশের পরোৎকর্ষ ঘটেছে তাঁর কবিতায়। এ-সবই স্বীকার্য। তবু বলবো বিশেষ একটি মুহুর, বিশেষ একটি রসের অনন্ত এবং অনবন্ত কবি বোদলেয়র - তার বেশি কিছু নয়।

অবশ্য এইটুকু বলাও তো কম বলা নয়। কিন্তু তার চেয়ে অনেক বেশি দাবি করা হ'য়ে থাকে এবং সে-দাবি সাহিত্যের রাজধানীগুলি থেকে উথিত হ'য়ে বহুদূর প্রান্তে অবস্থিত কলকাতা নগরীতেও ব্যাপক, অন্তত জোরালো, স্বীকৃতি লাভ করেছে ইদানীং। নইলে রবীন্দ্রনাথ-প্রসঙ্গে লিখতে গিয়ে বোদলেয়র সম্বন্ধে এতো কথা বলার প্রয়োজন ছিলো না। দাবি করা হয় যে ঐ বিশিষ্ট বোদলেয়রীয় রসটি সামগ্রিক কোনো চিন্তাদৌর্যের বা স্থায়ী এক-ধরনের অন্তর্ভাবী হৃদয়বেগের প্রকাশমাত্র নয়, তার মধ্যে সেই শাস্তত গুণটি রয়েছে যাকে বাস্তবানুগ, ষথার্থ, সত্য ইত্যাদি আখ্যা দেওয়া যায়। কোনো হৃদয়ানুভূতিকে 'সত্য' তখনই বলা সংগত যখন তা অকৃত্রিমমাত্র নয়, যখন আমরা তাকে একটি পূর্ণ অভিজ্ঞতা বা সামগ্রিক উপলব্ধিকপে অবাধে গ্রহণ করতে পারি। তার মানে, দাবি করা হয় যে বোদলেয়র শুধু আন্তরিক অর্থে কবি নন, বৈদিক অর্থে কবি, অর্থাৎ সত্যপ্রিয়; রোমান্টিক কল্পনার রঙিন আবরণ ছিঁড়ে ফেলে নির্ভীক চোখে বাস্তবের নগ্নরূপ দেখেছেন - দেখেছেন কী বিভ্রম তার সেই সত্যিকার চেহারা।

৩. মোটকথা দাবি করা হয় যে বোদলেয়রের বিশ্ব-বিতৃষ্ণা কেবল সাবজেক্টিভ নয় অবজেক্টিভও বটে। কবি এই দাবি করেছেন, অবশ্য মাঝে-মাঝে কবিত্বলব্ধ আত্মপ্রকাশ প্রবণতায় আবার উল্টো কথাও বলেছেন। গুণী সমালোচকের লেখনীতেই এমনতর দাবি হৃদয়বদ্ধ ভাষায় ব্যক্ত হয়েছে।

‘পরিণত বয়সেও’, বোদলেয়র বলেছেন, ‘এমন শৈশবের দিন মাঝে-মাঝে ফিরে আসে যখন প্রকৃতি রঙে ও রেখায় উজ্জ্বল হ’য়ে ওঠে এবং নানা ঐতিকূল শক্তির আঘাত-সংঘাতময় মহুয়লোকে দেখতে পাওয়া যায় দিগন্তের পর দিগন্তের বিস্তার, নিভানব মতিমায় ভাস্বর।’ এই বিরল দিন ও মুহূর্তগুলি কিন্তু বোদলেয়র মতে কবির পক্ষে শুভদিন নয়, কারণ তা মিথ্যাশ্রয়ী; কবিকে নিষ্ঠুর সত্যের মুখোমুখি দাঁড়াতে হবে, বাস করতে হবে ‘সাধারণ দৈনন্দিন জীবনের ঘন কালিমার মধ্যে’।

৪. কিন্তু বোদলেয়র কি সত্যিই বাস্তবজগৎকে মোহমুক্ত দৃষ্টিতে দেখতে পেরেছিলেন, কিংবা দেখতে চেয়েছিলেন? ছেলেবেলা থেকে তিনি খ্রীষ্ট-ধর্মগত এই প্রাচীন সংস্কারের বশীভূত ছিলেন যে মানুষের সামনে হুটিমাত্র পথ খোলা আছে, তার একটি গেছে ‘ভগবানের দিকে, অন্যটি শয়তানের দিকে। মনে-মনে তিনি বরণ করলেন প্রথম পথটি, কিন্তু পা বাড়ালেন দ্বিতীয় পথে; রীতিমতো সাধনা করলেন পাপের, পঙ্কের। কারণ তাঁর আর-একটি মৌল-প্রত্যয় ছিলো যে, পাপের পথেই তিনি বুঝবেন বিশ্বজগৎ কতো তুষ্কার-জনক এবং সে-তুষ্কারবোধ যতো দৃঢ় ও ব্যাপ্ত হবে ততোই ভগবানকে কাছে পাবেন তিনি। পঙ্কের সাধনায় বোদলেয়র ভগবানকে পেলেন কিনা তা ভগবানই জানেন, আমরা অবগত পেলাম কয়েকটি অপূর্ণ সুন্দর পঙ্কজাত পুষ্প; *Fleurs du Mal*। সে যা-ই হোক, আমার বক্তব্য এই যে জগতের কালিমা তাঁর সংকল্প ও সাধনার দ্বারা লব্ধ, প্রত্যক্ষ অভিজ্ঞতায় পাওয়া নয়। অর্থাৎ তাঁর দিখ্যাত ‘সুপ্রীম’ সাবজেক্টিভ অন্তর্ভুক্তিরূপে যতোই সত্য হোক, অবজেক্টিভ উপলব্ধিরূপে সত্যতাব কোনো দাবি রাখতে পারে না। বোদলেয়র জগতের কালিমাই দেখলেন কারণ শুধু তাই দেখবেন ব’লে মনস্তির কবেছিলেন। যা-কিছু শুভ সমুজ্জ্বল শুভ ও আনন্দময় তা তাঁর ক্যাথলিক বিশ্বাসমতে তাঁকে পথভ্রষ্ট করবে এই ভয়ে সে-দিক থেকে তিনি মুখ ফেরালেন জন্মের মতো, যেন ডান চোখটি নিজের হাতেই কানা ক’রে ফেলেন। আশ্চর্য কুচ্ছ্রসাধন, কিন্তু প্রত্যাশিত ফল ফললো। বাঁ চোখ দিয়ে বোদলেয়র দেখতে পেলেন প্রকৃতি ও নারী—কাব্যের দুই চিরন্তন অফুরন্ত বিষয় ও রহস্য—উভয়ই ঘৃণ্য (‘abominable’); মানুষ, অধিকাংশ মানুষ কণাঘাতের যোগ্য (‘most of humanity was created for the

whip')। ওয়ার্ডসওয়ার্থ, রবীন্দ্রনাথ, তলস্তয় যে সব নারী ও পুরুষের কথা লিখেছেন তারা কেউ কোনোদিন বোদলেয়ের দৃষ্টিগোচর হয়নি। দেশ-দেশান্তর ঘুরে এই কবি সর্বত্র শুধু দেখতে পেলেন :

Everywhere, without even looking for it, from top to bottom of the deadly scale, we saw the tedious sight of immortal sin, woman that vile slave, proud and stupid, seriously adoring herself and loving herself without disgust, and man that greedy, tyrant, lewd, merciless, and grasping, the slave of a slave, the tributary of a sewer, the torturer-enjoying himself, the martyr sobbing, the banquet seasoned and perfumed with blood; the poison of power exasperating the despot, the people enamoured of the stupefying lash; several religions like our own, so many ladders to heaven; sainthood finding a thrill in nails and hair-shirts, like an invalid snug in his featherbed; chattering mankind drunk with its own wit, as crazy today as it was in the past, shrieking to God in its insane agony, 'O Thou, my likeness, my master, I curse Thee!'—and, least stupid of all, the dauntless lovers of madness, fleeing the Fate-guarded herd and taking refuge in the infinity of opium. Such is the eternal balance-sheet of the entire globe "The Voyage" ১

রবীন্দ্রনাথ যথার্থই বলেছেন, 'বিশ্বের প্রতি এই উদ্ধত অবিশ্বাস ও কুংসা ...এও একটা মোহ, এর মধ্যে শান্ত নিরাসক্ত চিন্তে বাস্তবকে সহজভাবে গ্রহণ করার গভীরতা নেই।' মোহের ভিত্তি চারিদিকের উপর স্থাপিত হোক ('শুভ্রাশুভের অত্যন্ত কঠিন বাস্তব সমস্তা নিয়ে বোদলেয়ের সবদাই ব্যাপ্ত ছিলেন'—বলেছেন এলিয়ট) কিংবা ক্যান্টনিক ধর্মশাস্ত্রের উপর, তা মোহ-ই। বিশ্বজগতের রঙটা ফুটফুটে গোলাপিও নয়, চটচটে কালোও নয়। ঝাঝা সব-কিছুকে গোলাপ ফুলের মতো রূপ-বর্ণ-গন্ধের সুসমায়ুক্ত দেখেন বা সৃষ্টিকে পরম করুণাময় ভগবানের অপার অবিমিশ্র কল্যাণশক্তির প্রকাশ ভাবেন তাঁরা নিজেসে ভোলান, তাঁদের আমরা ভাববিলাসী ব'লে জানি। কিন্তু ঝাঝা সমস্ত জগৎটাকে নেকড়ে বাঘ বা পুতিগন্ধময় নর্দমারূপে উপলব্ধি করেন তাঁরাও ভাববিলাসী; 'পচা মাংসের বিলাসও বিলাস'। বিলাসিতার ফ্যাশন বদলেছে, এই পর্যন্ত। পূর্ব-যুগের ভাববিলাসীরা তবু সংযম রক্ষা ক'রে চলতেন তাঁদের লেখায়; কীটস্, ওয়ার্ডসওয়ার্থ, রবীন্দ্রনাথ, রিল্কে, ডিকেন্স্, জর্জ এলিয়ট, তলস্তয়—এঁরা কেউ সৃষ্টির কালো দিকটার বিষয়ে অনবহিত বা নীরব ছিলেন না। নব্য ভাব-বিলাসীরা—বোদলেয়ের, কাক্কা ফকনার, নর্মান মেলার, জঁ জেনে (সার্জ, ঝাঁকে Saint Genet উপাধিধারা বিভূষিত করেছেন) এবং স্বয়ং সার্জ—

বিতৃষ্ণা বা বিবমিষার প্রকাশে এঁরা কেউ সংযমের ধার ধারেন না, কালোকে যতো বেশি কালো এবং সাদাকে যতো অদৃশ্য ক’রে দিতে পারেন তাঁদের সাহিত্যে ততোই তাঁরা সত্যদ্রষ্টা ব’লে খ্যাতি লাভ করেন।

প্রাচীন পারস্য মতে এ-জগৎ শুভাশুভ শক্তিদ্বয়ের দ্বন্দ্বক্ষেত্র, মানুষকে তারা আহ্বান করেছিলেন শুভদেবতার পক্ষে এই সৃষ্টিযুদ্ধে যোগ দেবার জন্য। রবীন্দ্রনাথ বিশ্বাস করতেন—ব্রহ্মের কঠোর তপস্বী এই বিশ্বব্রহ্মাণ্ডকে শুড় থেকে প্রাণ ও মনের দিকে, অশুভ থেকে শুভের দিকে, অপূর্ণ থেকে পূর্ণের দিকে নিয়ে যাচ্ছে। অনাচল কাল ধ’রে এই কঠিন বেদনাময় সৃষ্টিকর্ম চলেছে, তার দিকে পিঠ না-কিরিয়ে রবীন্দ্রনাথ বলছেন ‘হে ব্রহ্ম, তোমারই দুঃখরূপ, তোমারই মৃত্যুরূপ দেখিলে আমরা দুঃখ ও মৃত্যুর মোহ হইতে নিষ্কৃতি পাইয়া তোমাকেই লাভ করি। নতুবা ভয়ে ভয়ে তোমার বিশ্বভগতে কাপুরুষের মতো সংকুচিত হইয়া বেড়াইতে হয়—সত্যের নিকট নিঃসংগে আপনাকে সমর্পণ করিতে পারি না। ...—হে দারুণ, তুমিই আমার প্রিয়, কাম্পিত হৃৎপিণ্ড লইয়া অশ্রুসিক্ত নেত্রে তোমাকে দয়াময় বলিয়া নিভেকে ভুলাইব না ;’<sup>৪৪</sup> বলছেন :

রক্তব অশ্বরে দেখিলাম  
আপনার রূপ,  
চিনিলাম আপনাকে  
আঘাতে আঘাতে  
বেদনায় বেদনায়,  
সত্য যে বটিন  
কঠিনেরে ভালোবাসিলাম।

চশমাটা কি খুব বেশি রঙিন ব’লে ঠা’হর হচ্ছে ? এর চেয়ে অনেক বেশি রঙিন নয় কি সেই চশমা যার ভিতর দিয়ে বোদলেয়ের মহুশলোক ও জড়প্রকৃতিকে দেখেছেন ‘an oasis of horror in a desert of ennui’ রূপে ?

যারা বলেন বোদলেয়ের মনে লোকান্তর পরোৎকর্ষের অথবা পরোৎকৃষ্ট সত্তার অর্থাৎ ভগবানের প্রতি নিবিড় ভক্তি ও প্রেম অত্যন্ত উজ্জ্বল ছিলো ব’লে তিনি এই দোষ-পাপ-পূর্ণ বিশ্বজগৎকে সহিতে পারতেন না তাঁদের সঙ্গে আমি একমত নই। বোদলেয়ের কবিতায় কোনো মর্দখ্যক ভাব বা ইঙ্গিত আবিষ্কার করতে গেলে কষ্টকল্পনার উপর নির্ভর করতে হয়; নঙখক ভাবে তাঁর সমগ্র কাব্য-সৃষ্টি এতোই ভরপুর যে সেখানে অন্ধ-কিছুর স্থান আছে ব’লে ঠা’হর হয় না। হাসপাতাল-বিষয়ক গদ্যকবিতাটিতে (হাসপাতাল সেখানে স্পষ্টতই সমস্ত পৃথিবীর

প্রতীক) কবি তাঁর আত্মাকে জিজ্ঞাসা করছেন, এই হাসপাতালের স্বপ্না থেকে মুক্তি পেতে সে কোথায় যেতে চায়? নান। লোভনীয় জায়গা ও অবস্থার বর্ণনা করে প্রশ্ন করছেন—সেখানে কি? আত্মা নীরব। অবশেষে ত্যক্ত হয়ে আত্মা চিৎকার করে ওঠে, 'Anywhere! anywhere! As long as it be out of the world'। "The Voyage"-এর উপাত্ত্য স্বরূপে বোদলেয়ের মৃত্যুকে সম্বোধন করে বলছেন, 'This country bores, O Death! Let us set sail'। কিন্তু কোথায় যাবেন তিনি জীবনকে প্রত্যাখ্যান করে? কোনো পারত্রিক পরম শুভ বা সুন্দর ভূখণ্ড কি তাঁকে আত্মান করছে? না, তেমন-কিছু নেই সংসারে বা সংসারের পরপারে; কী এসে খায় তাতে? গন্তব্য নয়, গতি অর্থাৎ পলায়নটাই শেষ কথা—যে নতুন স্থানে পৌঁছবেন সেটা আগের মতোই স্ফূর্ত্যজনক হবে এ-কথা জেনেই তিনি নতুনের সন্ধানী:

To drive into the gulf, Hell or Heaven -

What matter? Into the Unknown in search of the New!

পাংলৌকিক কোনো-কিছুর ভূষণ নয়, জাগতিক সর্ববিষয়ে বিতৃষ্ণাই বোদলেয়ের কীবোর মূল এবং পরিব্যাপ্ত অহুত্ব।<sup>৭</sup>

বোদলেয়ের বিরুদ্ধে আমার সবচেয়ে বড়ো নালিশ এই যে তিনি প্রতিভাবান কবি অথচ তাঁর আশ্চর্য প্রতিভা ক্ষুণ্ণ করেছেন নিজের এবং আমাদের সকলের সর্বনাশ ঘটাতে। বৈজ্ঞানিক, রাজনৈতিক, এমন-কি ধর্মপ্রচারক—এঁদের সকলের অপেক্ষা শিল্পীর ভাবনা ও বেদনা অনেক বেশি সংক্রামক। রোম্যান্টিকদের বলা হয় যৌবনের কবি; বোদলেয়ের হলেন জরুর কবি। আমাদের মনের যৌবন ততোদিনই যতোদিন 'মনোরঞ্জন ছড়িয়ে-পড়ার সলোপ পাতাগুলি' জীবন্ত থাকে। সম্ভব, কারো-বা আশি বছর বয়স পার হয়ে গেলে ঐ পাতাগুলির ঝরে পড়ার দিন অবশ্যই আসে; মন তখন আকুঞ্চিত, অসংবেদনশীল ও অসাড় হয়ে পড়ে, কাউকেই, কোনো-কিছুকেই, ভালোবাসতে পারে না, কিছুই ভালো লাগে না, কিছুই দেখতে ছুঁতে জানতে ইচ্ছে হয় না। মানবিক বা প্রাকৃতিক কোনো ব্যাপারই আর আশ্চর্য্য ঠেকে না, সবই তখন পুরনো, পানসে, বিশ্বাদ, একচেয়ে। ষাঠারো বছর বয়স থেকেই যদি কারো মনের ঐ পাতা-ঝরা অবস্থা ঘটে যায় তবে একে তার সর্বনাশ ছাড়া আর কী বলবো? এই অবস্থা কি ঘটবে না যদি আমাদের নিত্যসঙ্গী হন সেই শক্তিমান কবি যিনি সারা বিশ্বত্রস্তাও

পরিক্রমা ক'রে কিছুই দেখতে পেলেন না যাতে তাঁর মন সাড়া দিতে পারে, স্পন্দিত হ'তে পারে, বিস্ময়, আগ্রহ বা কৌতূহল বোধ করতে পাবে ; দেখলেন কেবল বীভৎস এক মরুস্থানের চারিদিকে একঘেষে বিরক্তিকর মরুভূমির অনন্ত বিস্তার জগতে নিছক ভালো কিছু আছে হয়তে', নিছক মন্দও কিছু থাকতে পারে, শতকরা নিরানব্বই ভাগ বস্তু ভালোয়-মন্দে স্কন্দরে-কুৎসিতে সত্যানুভূতি মিথুনীকৃত। কিন্তু যার মন সপ্রাণ ও সংবেদনশীল তাকে ভূগতগুণ থেকে নীহারি ঋণু প্রযুক্ত প্রত্যেকটি বস্তু ও ব্যাপার ডেকে বলছে : আমার দিকে চেয়ে দেখো, আমাকে স্পর্শ করো, বুদ্ধি দিয়ে বোঝো, হৃদয় দিয়ে বোধ করো—দেখবে আমার কোথাও শেষ নেই, তল নেই, সমস্ত বিশ্বব্রহ্মাণ্ডের এবং তদতিরিক্ত যদি কিছু থাকে তবে তারও অনন্ত রহস্যের আভাস আছে আমার মধ্যে। এই পরমার্শ্ব জগৎকে বোদলেয়ের কেমন ক'বে বললেন—‘মনে'তোন এ পেতি’! এতাবড়ো গনুতবাক্য কি দাহিত্য আর কোথাও উচ্চারিত হয়েছে ? যদি বলেন এটা নৈর্যাত্তিক সত্য বা মিথ্যাব প্রশ্ন নয়, এ প্রথমে আব অকিঞ্চিৎকর জগৎটা কবিরই মনের প্রতিবিম্ব, তবে আমি তা মেনে নিয়ে শুধু একটি প্রশ্ন যোগ করবো—যে-রসনায় সবই বিশ্বাদ ঠেকে সে-রসনার আত্মদর্শনশক্তি কি অবশিষ্ট আছে, যে-মনের কাছে সবই একঘেসে সে-মন কি বুড়িয়ে যায়নি ? বীভৎসকে দেখবার মতো নির্ভীক চোখ বোদলেয়ের ছিলো, কিন্তু জগতের ও জীবনের পরম বিস্ময় বোধ করবার মতো মনের সঙ্গীততা কোন ভূয়োদর্শনের বা আত্মবাক্যের আওতায় প'ড়ে হারালেন তিনি ? সবচেয়ে উদ্বেগের কারণ এই যে বোদলেয়েরীয় ‘আত্মই’-এর তন্ত্রিষ্ট চর্চা আমাদের যুবকদের মনকেও যৌবনের প্রারম্ভেই জরাগ্রস্ত ক'বে দিচ্ছে।

বোদলেয়েরের সাক্ষাৎ বা পরোক্ষ প্রভাব পাশ্চাত্য সাহিত্যিকদের উপর ও সাহিত্যিকদের জীবনবোধের উপর গাঢ় থেকে গাঢ়তর হ'য়ে চললো। সে-প্রভাব ফরাসি কাব্যে তাঁর মৃত্যুর অব্যবহিত পরেই পরিলক্ষ্য, যদিও চ্যানেল পার হ'তে তাঁর ছ-চার দশক সময় লেগে'ছিলো। ফ্রান্সে বোদলেয়েরের পরে যে-কাব্যশৈলী সবচেয়ে শক্তিশালী কবিদের আত্মগত লাভ করলো তাকে ‘প্রতীকবাদ’ নামে অভিহিত করা হয়। প্রতীকী কবিদের কাছে এটা মৌকশীদ্বয়ে পাওয়া, স্বতরাং অবধারিত সত্য, যে জগৎ-ব্যাপারটা অতিশয় কদর্য এবং তার প্রতি একমাত্র সংগত ভাব বিতৃষ্ণা, একমাত্র উচিত কৃত্য মুখ ফিরিয়ে নেওয়া। র'্যাবো ইন্ড্রিয়-

জ্ঞানের শক্তিটাকে সুদূর বিপর্যস্ত করতে উপদেশ দিলেন কারণ ইন্দ্রিয়গ্রাহ্য বস্তুমাত্র তাঁর কাছে অবজ্ঞেয়; কবিতার ভাষার যে স্বাভাবিক পাণ্ডিবে সমাহবোধ্য অর্থব্যঞ্জনা থাকে তাকে প্রায় অবলুপ্ত করতে তৎপর হলেন এই ভরসায় যে তাতে ক'রে কবিতার অপাণ্ডিব অর্থছোতনা প্রোজ্জ্বল হ'য়ে উঠবে, আবিষ্কার করতে চাইলেন এক অভিনব ভাষা যা 'পরব্রহ্মের রূপায়ণে সক্ষম'।

এই পরব্রহ্ম বিষয়ে যোগী, মুনি, ঋষি প্রভৃতি আখ্যাবিশিষ্ট সিদ্ধপুরুষেরা বহু-দীর্ঘ গুরু তপস্কার ফলে যদি-বা কোনো অতীন্দ্রিয় অনির্বাচনীয় প্রত্যক্ষজ্ঞান লাভে সক্ষম হ'য়ে থাকেন, কবি লোকোত্তর রহস্য উপলব্ধি করেন বিশ্বলোকের মাঝখানেই, দৃশ্যরূপের মধ্যেই প্রত্যক্ষ করেন অপরূপকে, দর্শনাতীতকে। এই কথাটা হুন্দের ক'রে বলেছেন জাক মারিত্যা, আধুনিক কাব্য ও শিল্পকলার বোধকরি সবচেয়ে জ্ঞানী ও সহৃদয় অধিবক্তা: 'কবির উপলব্ধি উপলব্ধ বস্তুগুলিকে প্রাণ-স্পন্দিত ও স্বচ্ছ ক'রে তোলে; সেই স্বচ্ছ আবরণের ওপারে আমরা দেখতে পাই দিগন্তের পর দিগন্তের বিস্তার।...কবি এক অসীম রহস্য অহুভব করেন বাস্তব-জগতের রহস্যের মধ্যেই।' এইসঙ্গে তিনি আরো-একটি মন্ত প্রকাশ করেছেন যা আমি কিছুতেই মেনে নিতে পারছি না।

মারিত্যা মনে করেন কবিতার ভাষা দুটি সম্পূর্ণ ভিন্ন স্তরের অর্থ বহন করে। ক্লাসিকাল কাব্য ( তাঁর লেখায় এর মানে প্রাক্-গোদলেয়রীয় কাব্য ) পাঠকের সামনে উপস্থিত করে শব্দের পর শব্দ সাজিয়ে গড়া যে-শিল্পরূপটি, তার প্রথম ইঙ্গিত অশব্দ কর্তকগুলি সুনির্দিষ্ট চিত্তগ্রাহ্য বস্তুর দিকে। কিন্তু এটি উপলক্ষ্যমাত্র, আসল লক্ষ্য পরমসত্তার সেই বালকটুকু দেখিয়ে দেওয়া যা চিন্তের অগম্য, কনসেপ্টের সঙ্গে কনসেপ্ট যোগ ক'রে যার নাগাল পাওয়া যায় না, অর্থাৎ ভাষার সাধারণ এবং যুক্তি-বিজ্ঞানমোদিত প্রয়োগ যেখানে ব্যর্থ। এ-পর্বত যদি-বা মেনে নেওয়া যায়, মুশকিল বাধে যখন মারিত্যা ঘোষণা করেন যে, কবিতার ভাষার দুইপ্রকার অর্থ কেবল ভিন্ন নয়, একেবারে পরস্পর-অনপেক্ষ - এতাই অনপেক্ষ যে প্রথম অর্থ (প্রত্যক্ষ পাণ্ডিব বস্তুসমূহের নির্দেশ) বর্জন ক'রেও কবিতার পক্ষে সম্ভব দ্বিতীয় অর্থ ( অতীন্দ্রিয় পরম রহস্যময় সত্তার ইঙ্গিত ) বহন করা। উপরন্তু মারিত্যা বলতে চান প্রতীকী কবিরা এহেন পূর্ববিচ্ছেদ ঘটাতাই বন্ধপরিকর। কবি-কৃত শব্দপরস্পরায় এই যে মধ্যবর্তী অর্থ, যা আমাদের মনকে নিয়ে যায় প্রাকৃতিক বা মানবিক বাস্তবজগতে - এই বাড়িগুলির জটিল বোবা



রেখা, ঐ-জন্মপুঞ্জ আমবনান্ত, সেই কুসংস্কারাচ্ছন্ন মেয়েটির ব্যক্তিরূপ যে-  
 মেয়ে তাগায়-তাবিজে ভয়ে-উদ্বেগে বেঁধে রেখেছে নিজেকে এবং আপনজনকে—  
 আধুনিক কবিতা চায় এই বাস্তব অভিধেয়টিকে আবছা ক’রে দিতে, সম্ভব হ’লে  
 একেবারেই মুছে ফেলতে। তার কারণ আধুনিক কবিরা বিশ্বাস করেন যে (এবং  
 মারিত্ত্য সে-বিশ্বাস সমর্থন করেন) ণাস্তবজগতের অংশবিশেষ যদিও ভাব্য  
 আভাবিক অভিধা, তবু তা আড়াল ক’রে রাখে সেই পরমসত্তাকে যার আভাটুকু  
 প্রতিবিম্বিত করা কবিতার চরম লক্ষ্য। তাই চলিত কাব্যের দুই অর্থের  
 মধ্যে প্রথমটিকে ছেঁটে ফেলতেই আধুনিক কবিরা কৃতসংকল্প।<sup>১</sup>

কিন্তু কবি কেমন ক’রে এই অসাধ্যসাধন করবেন তা আমার ধারণার  
 অতীত। তিনি নিজে যখন সেই পরম রহস্যঘন সত্তার আভাস পেয়েছেন প্রত্যক্ষ  
 জগতের অন্তরঙ্গ হ’য়েই, তখন কোন জাহ্নকাঠির স্পর্শে পাঠককে এক লাফে এই  
 দৃশ্যগ্রন্থক সম্পূর্ণ পার করিয়ে দিয়ে পরমের একেবারে মুখোমুখি দাঁড় করাবেন ?  
 যে-পথে তিনি দৃশ্যলোকে থেকে দৃশ্যাতীতে উত্তীর্ণ হয়েছেন, মর্ত্য ও অমর্ত্যের  
 মধ্যে সেতুবন্ধন করেছেন, পাঠক সেই পথে তাঁর অগ্রগামী হ’তে পারেন, সহযাত্রী  
 হ’তে পারেন, কিন্তু পথিকৃতকে এগেবারে টপকে যাবেন কোন মায়াবল ? এমনি  
 এক আত্মগুবি কাণ্ড ঘটাতে গিয়ে ব্যর্থ হলেন র’য়াবো, উপলব্ধি করলেন তাঁর  
 লান্দ কথিমাত্রের সাধ্যাতীত ; চোখের সামনে দেখতে পেলেন, কবিতাকে যে-  
 পথে তিনি হাটাতে চান তা কোনো রাজপথ নয়, একটি অন্ধগলি। সেই  
 প্রবীণ উপলব্ধির তরুণ বেদনা জানিয়ে গেলেন তাঁর *A Season in Hell* কাব্য-  
 গ্রন্থে। আমরা পাঠকরা বঞ্চিত হলাম না, তবে এই হেবে প্রস্তুত যেন না-হই  
 যে, র’য়াবো কবিতার সামনে নতুন কোনো পথ খুলে দিয়ে গেছেন। কোনো পথ  
 খোলা নেই জেনেই কুড়িতে পা দিতে-না-দিতে এই ব্যর্থকাম কবি কবিতা লেখা  
 একেবারে বন্ধ ক’রে দিলেন ; বাকি জীবনটা তাঁর শুধু বক্ষ্য। নয়, বাউতুলে,  
 ছরছাড়া, শোচনীয়।

দেবদত্ত শক্তিতে মালার্মে র’য়াবোর সমকক্ষ ছিলেন না হয়তো, কিন্তু সাধনা  
 তাঁর অতুলনীয়—অন্তত কাব্যের বহিরঙ্গ বিচারে। বোদলেয়রের মতো তিনিও  
 দৃঢ়প্রত্যয়ে মেনে নিয়েছিলেন যে কবির পক্ষে বহিঃসংগী পরিহার্য। বরঞ্চ তাঁর  
 পরিহরণ আরো চরমে পৌছেছিলো, জগতের প্রতি কোনোরূপ বিক্ষোভ বা  
 বিতৃষ্ণাও তাঁর মনে, অন্তত মনের অভিব্যক্তিতে স্থান পায়নি। আদৌ বহিমুখী

ছিলো না ব'লে তাঁর কাব্য বোদলেয়ের মতো অন্তর্মুখী হবে, এ-প্রত্যাশাও কিন্তু ভ্রান্ত। মালার্চের কবিতা ছিলো জ্ঞানত, নিকামত, সংকল্পত শূন্যমুখী। গোড়া থেকে অবশ্য তা ছিলো না; প্রথম জীবনে তিনি পরোংকর্ষের, হৃন্দরের, শুভের—অথবা এ-নবের প্রতীক, নীলাকাশের—প্রবল আকর্ষণ অনুভব করতেন। পরমহৃন্দরের আকর্ষণ কিন্তু তাঁকে শুধু বিক্ষুব্ধই করলো; সেই আকর্ষণকে সমূলে গিন্ধ করতে চাইলেন একটি স্ববর্ণীয় কবিতায়, অধীজ্ঞনাথ দত্তের অনুবাদে যার শিরোনাম “নীলিমা”। নীলাকাশকে ঢেকে দিতে ব্যাকুল হলেন প্রভাতের কুয়াশায়, প্যারিসের চিমনির ধোঁয়ায়; সোলাসে ঘোষণা করলেন: ‘মরে গেছে মহাকাশ’। কিন্তু নীলিমা থেকে অব্যাহতি পাওয়া এতো সহজ নয়, দীর্ঘতর তপস্বী-সাপেক্ষ। কাজেই ‘বুঝা অব্যাহতি’ ভিক্ষা। নীলিমাই আবার বিজয়ী’। কিন্তু শেষ অবধি নীলিমাও হার মানলো এ-কবির একান্ত সাধনার কাছে, ‘সমুদ্রসমীর’ও শুক হ’লো; নাবিকের গান আর মধুর শোনালো না, কোনো গানেই মাপুরীর লেশটুকু রইলো না। ‘রিক কাগজের শুক্ল স্বগত সংঘম’ রইলো কেবল তাঁর সম্মুখে প্রসারিত, কারণ তিনি সংকল্পবদ্ধ যে তাঁর কবিতার খাতার শুভ্র পৃষ্ঠাকে কলঙ্কিত করবেন না বাস্তব কোনো-কিছুর উল্লেখ। লিখতে না-পারার বিক্ষোভ নিয়ে অবশ্য কয়েকটি হৃন্দর কবিতা লিখলেন তিনি। বস্তুতপক্ষে তাঁর অধিক রচনার (প্রথম পর্বের সা-ক’টি কবিতার) একমাত্র বিষয় তাঁর উষ্মতার বেদনা।

এই বেদনা কিঞ্চিৎ প্রশমিত হ’লো শেষজীবনে, মালার্চে আবিষ্কার করলেন অপর একটি কাব্যবিষয়। সত্যি কথা বলতে কি একটি নতুন কাব্যকৌশল, যার পরাকাষ্ঠা দেখা গেলো তাঁর সবচেয়ে পরিচিত ঈষৎ দীর্ঘ রচনায়—“ফনের দিবা-স্বপ্ন”—এ। কবিতাটি আরম্ভই হয় বাস্তবের ক্ষীণতম পটভূমিতে, একটি পৌরাণিক কাহিনীতে, কাহিনী-বর্ণিত স্বপ্নে। চার লাইন পরেই কিন্তু সেইটুকু বাস্তবের ছোঁয়াও আর থাকে না, স্বপ্নটা হেঙে ভেঙে যায়, ধরাছোঁয়ার বাইরে চ’লে যায় স্বপ্নের বস্তুগুলি, যেন তারা একেবারেই কিছু না। ‘শার্ল মোর’ তাঁর ভূমিকায় বসেছেন, মালার্চে গছে-পথে বুঝিয়ে দিয়ে গেলেন কবিকর্ম হচ্ছে যে-কোনো-কিছু থেকে একেবারে কিছু-না-এর দিকে ডানা মেলে উড়ে চ’লে যাওয়ার কৌশলবিশেষ। মারিটার অভিমত, মালার্চের কবিতা হচ্ছে ‘an elaboration of pure artefact mirroring only the void’। এই অন্ত্যাক্ষর

কর্ম কিন্তু কেবল কাব্যরচনার মধ্যে স্ফুটন হয় না; মালার্ঘ্যেও তা করতে পারেননি। টাকা ভাঙা গোরচন্দ্রিকা ইত্যাদি দ্বারা সংবলিত না-হ'লে দু-চারটি বাদে এই অসাধারণ প্রতিপত্তিশালী কবির প্রায় সমস্ত রচনাই প্রহেলিকা থেকে যায়—গবেষণামূলক নিবন্ধ লেখার পক্ষে যতোটা উপযুক্ত, রসাত্ত্বাদনের পক্ষে তার সিকিভাগও নয়। শুনেছি মালার্ঘ্যের এক-একটি ক্ষীণাঙ্গী কবিতার উপর মোটা-মোটা খিসিস রচনা ক'রে মার্কিন বিশ্ববিদ্যালয়ের স্নাতকোত্তরেরা ডক্টরেট উপাধি পেয়ে থাকেন। 'কোন হাটে তুই বিকোতে চাস, ওরে আমার গান?'

এলিয়ট বলেছিলেন আধুনিক কবির। তাঁদের কবিতায় মামূলি অর্থটিকে ব্যবহার করেন পাঠকের বুদ্ধিবৃত্তিকে ঘুম পাড়িয়ে রাখার জন্য, যাতে বুদ্ধির পাগারা এড়িয়ে কবিতা সোজা হৃদয়ের গোপন কক্ষে প্রবেশ করতে পারে। ঘুম পাড়াবার শক্তি ছিলো ভেবুলেনের, গ্রেটসের, পাস্তের্নাকের কবিতায়। কিন্তু স্বয়ং এলিয়ট, মালার্ঘ্যে শিঙা ভালেরির কবিতা বুদ্ধির কাছে এক বিরাট চালেঞ্চকপে উপস্থিত হয়, অত্যন্ত সজাগ বুদ্ধিকে দুর্জয় ও অমসাধ্য গবেষণার কাজে ঠেলে দেয়; ততোক্ষণ ব্যস্ত হৃদয়বৃত্তিকেই ঘুমিয়ে থাকতে হয় বা একপাশে থমকে দাঁড়াতে হয়। বহুবিধ শব্দ ঘেঁটে, অনেকদিন মগজ খাটিয়ে, শেষে যখন অর্থোদ্ধার হয় তখন ক্লান্ত কবিতার কি আর চলংশক্তি অবশিষ্ট থাকে? কবিতা যদি প্রথম অভিঘাতেই পাঠকের হৃদয়ের সন্ধান না-পায় তবে বুদ্ধি ও বিচার অলিগলি ঘুরে শেষেও পাবে না।

কাব্যে আধুনিকতার পরবর্তী অধ্যায়টি আরো বিচিত্র। প্রকৃতি ও মানুষের প্রতি অবজ্ঞা নিবিড়তর হ'লো, সর্বপ্রকার অভিধা পরিত্যাগ ক'রে কবিতার ভাষা আর ভাষাই রইলো না, হ'য়ে উঠলো বস্তুপুঞ্জ। এই বস্তুধর্মী অনচ্ছ ভাষা হবে ইন্দ্রিয়গ্রাহ্য; বুদ্ধিগ্রাহ্য বা অবাঙ মনসোগোচর কোনো-কিছুর দিকে রসিক চিন্তকে ধাবিত হ'তে দেবে না, বন্দী ক'রে রাখবে আপন রূপের বৈভবে, অভিভূত করবে কবির অভূতপূর্ব রূপদক্ষতায়। বাহ্যিকশক্তি কবিতা একেবারে হারাবে না অবশ্য, তবে বহন করবে একটিমাত্র অভিজ্ঞতা—কবি-কৃত পরমার্শ্ব শব্দবিজ্ঞাসকে সর্বান্তঃকরণে উপলব্ধি করবার অভিজ্ঞতা। ঐ-অভিজ্ঞতাই পেতে চেয়েছিলেন কবি তাঁর সৃষ্টিকার্যে, সেই মূল্যবান অভিজ্ঞতাই তিনি পাঠককে উপহার দিতে চান তাঁর প্রকাশিত রচনার মাধ্যমে।<sup>৮</sup> আধুনিক কাব্যের এই আত্মবিলোপকারী প্রবণতার আলোচনা পাওয়া যাবে বইয়ের উপাস্ত্য অধ্যায়ে।

আর-একটি প্রবণতা হ'লো স্বপ্নেরয়ালিঙ্ক, বাংলায় নাম দেওয়া যাক পরা-বস্তুবাদ। এর প্রভাবও পড়েছে হালের বাঙালি কবিদের উপর, ফরাশি পরাবস্তুবাদীদের সাক্ষাৎ পরিচয়ে ততোটা নয় যতোটা। মার্কিন বীটনিকদের মধ্যস্থতায়। এ'রা বুদ্ধির তথা চৈতন্যের সীমানা অতিক্রম ক'রে ভাঙ, হশীশ, মেঙ্কালিন, ইথরাদির সাহায্যে প্রবেশ করতে উত্তত হলেন অবচেতনার গহন আদিম অরণ্যে; ভাবলেন সে-অরণ্য থেকে কবিতা বেরিয়ে আসবে বস্ত্র হস্তীর মতো সামনে যা পাবে তাই ভেঙেচুরে - শুধু বুদ্ধি নয়, নীতি নয়, রীতি কুচি শালীনতা সব-কিছু তছনছ ক'রে। সন্দেহ করলেন না যে সবচেয়ে তলার যা, তার মূল্য সকলের উপরে হ'তে পারে না; জেনেও জানলেন না যে তুচ্ছই সহজ, মহতের জ্ঞাত দীর্ঘ কঠিন সাধনার প্রয়োজন। বুদ্ধিকে ছাড়িয়ে যাওয়ার শক্তি যদি কারো থাকে তবে তিনি কোনো অজানা রহস্যলোকের সন্ধান পেতেও পারেন, কিন্তু বুদ্ধিকে এবং বুদ্ধিপ্রভব বিনয়কে ( ডিমিপ্রিন্কে ) এড়িয়ে গেলে যা পাওয়া যাবে তা কবিতা নয়, কাকলি, অটোম্যাটিক রাইটিং - মনোরোগীর রোগনির্ণয়ার্থে তার মূল্য থাকতে পারে, রসের বিচারে তা অপাণ্ডজেন্ন।

ওয়ার্ডল্‌ওয়ার্থ বলেছিলেন কোনো যুগের সমাদৃত সাহিত্যে যে-মিথ্যা ধারণা-গুলি শিকড় গেড়ে থাকে তার মিথ্যাত্ব বিষয়ে অবহিত হওয়া, সে-যুগের মাহুয়ের পক্ষে বেশ-একটু কঠিন। বর্তমান যুগের হৃদয়-মন-গ্রাস-করা মিথ্যাটি হ'লো অমঙ্গলের এবং কদর্ঘতার সর্বব্যাপ্তি। বোদলেয়র-পরবর্তী অধিকাংশ শীর্ষস্থানীয় কবি, গল্পকার ও ঔপন্যাসিকের রচনায় যা-কিছু জ্ঞানজনক তার প্রতি অখণ্ড মনোনিবেশ দেখে মনে হয় এ'রা দিব্যদৃষ্টি দিয়ে দেখতে পাচ্ছেন “কদর্ঘেণ” বাস্তব ইদম্ সর্বম্ জগত্যাম্ জগৎ’। রোম্যান্টিকদের প্রমাদ সম্পর্কে আমরা এতোই সচেতন যে, বেচারি কীটসের বহু-উদ্ধৃতি-জীর্ণ সত্য ও স্বপ্নের সমীকরণ মস্তকিকে সংশোধিত করতে চাই তাকে উল্টে দিয়ে (মার্কস যেমন হেগেল-দর্শনকে চাক্ষু করতে চেয়েছিলেন তাকে মাঝার উপর দাঁড় করিয়ে); বলি, যা কদর্ঘ তাই সত্য, যা সত্য তাই কদর্ঘ।

বর্তমানকালের চলতি মিথ্যা যেমন আমাদের চোখে সহজে ধরা দেয় না, তেমনি অতীত যুগের সাহিত্যসাধনা যে-সত্য থেকে শক্তি সঞ্চয় করতো সে-বিষয়েও সাম্প্রতিক সাহিত্যের প্রভাব আমাদের মনকে অনেকখানি অসাড় ক'রে রাখে। সে-যুগটি যদি হয় দূর অতীতের তবে বাধা ততো দৃষ্টের ঠেকে না, বরং

দূরের বাণী একটু মিষ্টি শোনায় বৈকি। মনের ব্যবধানকে আমরা কাটিয়ে উঠতে চেষ্টা করি ঐতিহাসিক কল্পনাশক্তির উপর ভর ক'রে, পরিশীলন করি এমন রুচির যার সাহায্যে দু-এক শতাব্দী এমন-কি দু-এক সহস্রাব্দী পূর্বের ভাব ও রস গ্রহণ করতে বাধা থাকে না। রবীন্দ্রনাথের যুগ অতীত, কিন্তু মাত্র তিন-চার দশক পূর্বে তা খুবই বর্তমান ছিলো। এই নিকট-অতীতকে নিয়ে বিপদ ঘটে সাহিত্যে। সাহিত্যভোগী গোঁজেন আধুনিকতম শৈলী ও মেজাজ; সাহিত্যকর্মীও চান একেবারে নতুন-কিছু ক'রে দেখাতে, নইলে তাঁর শক্তি ও স্বাতন্ত্র্যের হাতে-হাতে প্রমাণ দেওয়া হয় না। আর সত্ত্ব-নতুনকে চালু করতে গেলে প্রয়োজন দেখা দেয় যা চ'লে আসছে, যা হৃদয়-মন-নয়নকে হরণ ক'রে রেখেছে এতোদিন, তাকে সরিয়ে ফেলার, অন্ততপক্ষে তার সম্মানের উচ্চাসনটাকে নামিয়ে দেবার (প্রাকৃত ইংরেজিতে থাকে বলে 'ডিবান্ধি')। এটাকে কালের ধর্ম ব'লে মেনে নেওয়া যেতো বিশেষত এই ভরসায় যে রবীন্দ্র-কাব্যের সত্যমূল্য বেশিদিন চাপা থাকবে না। কিন্তু আমার মন তাতে সায় দেয় না কারণ আমার বিশ্বাস, যদিও সর্বম্ ক্ষণিকম্ ক্ষণিকম্, তবু সংসাহিত্যের মূল্যায়ন আর ভুড়োয়া গয়নার ক্যাশানের অনিত্যতায় যে-জাতিভেদ আছে সেটাকে বাঁচিয়ে রাখাটী ভালো। বাজারি সাহিত্য তো রয়েছে, তার ফ্যাশান বদলাক, দাম উঠুক নামুক বছরে-বছরে। কিন্তু মহৎ সাহিত্যের মূল্যায়ন আরো তন্নিষ্ঠ এবং দূরপ্রসারিত স্থিরদৃষ্টিসম্পন্ন হওয়া আবশ্যক।

১ বোধলেঘের কবিতাব পাঠ্যে ভালো অনুবাদ রয়েছে। বাংলা ভাষাতেই বুদ্ধদেব বস্তুর অতি শূন্যব অনুবাদ হাতের কাছে ছিলো। কিন্তু অনুবাদ শূন্যব হ'লে নিছক অনুবাদ থাকে না, হ'য়ে ওঠে অনুসৃষ্টি (transcreation)। অথচ এই প্রবন্ধে উক্তির উদ্দেশ্য একান্তরূপে বোধলেঘেরই হাদিক ও মানসিক বেশিষ্টোব পবিচয় দেওয়া। তাই মূলের নিকটতম অনুবাদ পুঁজতে হয়েছে। উপরে উদ্ধৃত অংশের অনুবাদক কালিদাস স্মার্ক।

২ "আধুনিক কাব্য", 'সাহিত্যের পথে', পৃ. ১১৪

৩ In effect, Hipster as Mailer describes him in *The White Negro* is a man who follows out the logic of the situation in which we are all presumably caught; a man who, faced with the threat of imminent extinction and unwilling to be a party to the forces pushing toward collective death, has the courage to make a life for himself in the only way that conditions permit –

by pursuing the immediate gratification of his strongest desires at every moment and by any means.' Norman Podhoretz, *Partisan Review*, Summer 1959. আশ্চর্য মন্তব্য। সম্ভাব্য সর্বনাশের মুখে মুখি দাঁড়িয়ে লেনিন, পাঙ্কী, শোয়াইৎসর অস্ত্র-এক জীবনের সকান দিয়ে গেছেন। মেলাবের গুপমুক সমালোচকের দৃষ্টিতে এ-সব জীব-মার্গ বিবেচনার অযোগ্য বলে তাঁর মতো কেন—পরিকল্পনা বাস্তবজ্ঞানসম্পন্ন ছিলেন না, অথবা তাঁদের চরিত্রে সংসাহসের অভাব ছিলো? মেলাবের প্রিয়পাত্র হিপ্পিস্ট্ররা কি এঁদের তুলনায় অনেক বেশি সত্যদর্শী এবং বীরবাহু?

৪ রবীন্দ্র-রচনাবলী, দ্বাদশ খণ্ড, পৃ. ৬১

৫ 'He [ Lautelaire ] invoked the forces of faith and transcendence only insofar as they could be used as weapons against life, or as symbols of escape. Erich Auerbach, 'The Aesthetic Dignity of *Mœurs du Mal*', Henri Peyre ed. *Baudelaire*, Prontice-Hall, p. 161

৬ কবিতায় নতুনদের অর্থ ও স্থান বিষয়ে পবিত্রী কোনো-কোনো অধ্যায়ে ( "গীতাঞ্জলি বিষয়ে একটি বাস্তবিক সন্ধান" এবং "নাহিতানীতি ও প্রেম-নীতি" ) কিছু আলোচনা পাওয়া যাবে।

৭ 'Modern poetry has undertaken completely to set free the poetic sense. In the double signification of the poem it endeavours to extenuate, if possible to abolish the intermediary signification, this definite set of things whose presence is due to the logical requirements of the social signs of language, and which is, as it were, a kind of wall of separation between the poetic intuition and the unconceptualizable flash of reality to which it points. The poem is intended to have, not a double, but a single signification—only this flash of reality captured in things.' Jacques Maritain, *Creative Intuition in Art and Poetry*, Meridian, p. 214

৮ 'Stephane Mallarmé' was without the personal mysticism of Baudelaire and Rimbaud and concentrated on the word as something which has symbolic value and evocative power in itself. Whatever assessment the critics accord to his poetic creation, it was undoubtedly responsible for an important development in poetic theory. For the poem came to be regarded no longer simply as an instrument by which the poet communicated to other men an experience of mystical revelation, but was itself the source of the mystical experience and the revelation to poet and reader alike.' H. Osborne, *Aesthetics and Criticism*, Kegan Paul, p. 195



## অ মঙ্গল বোধ ও রবীন্দ্রনাথ

১ উপক্ৰমণিকা

বিভিন্ন দেশে বিভিন্ন কালে রচিত সমস্ত কবিতা যে একটি জীবন্ত বাড়ন্ত কাব্য-শরীরের অঙ্গপ্রত্যঙ্গ—টি. এস. এলিয়টের এই উক্তি যেমন তাঁর কবিত্বনোচিত অন্তর্দৃষ্টির তেমনি তাঁর কবিত্বলব্ধ অতিরঞ্জনপ্রিয়তারও পরিচায়ক। তৃতীয় শতকের তামিল কবিতার সঙ্গে ষোড়শ শতকের বাংলা কবিতার যদি-বা অতি ক্ষুদ্র কোনো যোগসূত্র খুঁজে পাওয়া যায়, মঙ্গলকাব্য ও ক্যান্টারবারি টেল্‌স্‌-এর মধ্যে, অথবা কালিদাস ও শেক্সপীয়ারের মধ্যে নাড়ির যোগ খুঁজতে যাওয়া বিড়ম্বনা মাত্র। কিন্তু কোনো-একজন মহাকবির ঋণকবিতাসমূহকে একটি মহাকাব্যের অঙ্গপ্রত্যঙ্গ ভাণ্ডাই সংগত। নিজের কাব্যসৃষ্টি সম্বন্ধে যেটস্‌ এই ধারণা পোষণ করতেন এবং এরই বশবর্তী হ'য়ে তাঁর সমগ্র রচনাকে বার-বার নতুন ক'রে সাজান, কালক্রমে অনেক ক্ষেত্রেই অগ্রাহ্য ক'রে স্বর্ভূতর পাঠ্যক্রম তৈরি করতে প্রয়াস পান। রবীন্দ্রনাথের বিশ্বাস ও অভিপ্রায়ও অনুরূপ ছিলো যদিও সেই অভিপ্রায়কে তাঁর প্রকাশিত রচনাবলীর ক্রমবিকাশে বাস্তব রূপ দিয়ে যেতে পারেননি তিনি। 'সেই ঋণকবিতাগুলিতে আমার সমগ্র কাব্যগ্রন্থের তাৎপর্য সম্পূর্ণ হয় নাই—দেই তাৎপর্যটি কী, তাহাও আমি পূর্বে জানিতাম না। এইরূপ পরিণাম না জানিয়া আমি একটির সহিত একটি কবিতা যোজন্য করিয়া আসিয়াছি—তাহাদের প্রত্যেকের যে ক্ষুদ্র অর্থ কল্পনা করিয়াছিলাম, আজ সমগ্রের সাহায্যে নিশ্চয় বুঝিয়াছি সেই অর্থ অতিক্রম করিয়া একটি অবিচ্ছিন্ন তাৎপর্য তাহাদের প্রত্যেকের মধ্য দিয়া প্রবাহিত হইয়া আসিয়াছিল।' রবীন্দ্র-কাব্যের ক্রমবিকাশে যে অবিচ্ছিন্ন তাৎপর্য নিহিত সেদিকে লক্ষ্য না-রাখলে রবীন্দ্রনাথের কোনো-একটি কাব্যগ্রন্থের বা একটি বিশেষ পর্বের কবিতার সঠিক মূল্যায়ন সম্ভব নয় ব'লেই আমার বিশ্বাস।

কতো বিচিত্র বিপরীত উপাদান দিয়ে ষাট বছরের অক্লান্ত সাধনায় গ'ড়ে উঠেছিলো রবীন্দ্র কাব্যের রাজপ্রাসাদ। অথবা বলা উচিত সৌধরচনা অসমাপ্তই র'য়ে গেলো কবির মৃত্যুকালে। উদাহরণত, মধুর রসের চর্চা তিনি করলেন 'সন্ধ্যাসংীত' থেকে 'মহুয়া' পর্যন্ত, প্রায় পঞ্চাশ বৎসর ধ'রে—যদিও এ-পর্বের

সীমার মধ্যেও বিষাদের, বৈরাগ্যের বা তিক্ততার আমেজ কোথাও লাগেনি বললে ভুল বলা হবে। তবে ষে-ভাবান্তরকে তিনি আখ্যা দিয়েছেন ‘রৌদ্রী রাগিণীর দীক্ষা’, সেটা স্পষ্ট হ’য়ে ওঠে ‘পরিশেষ’-এ, কবির বয়স তখন সত্তর পেরিয়েছে। এবং মাত্র দশ বছর পর যখন তাঁর মৃত্যু ঘটে তখন ‘শেষ লেখা’তেও সেই দীক্ষাগ্রহণের পালাই চলছিলো। এই কবি-স্থপতির আরো অস্তুত দশ বছর বেঁচে থাকা দরকার ছিলো তাঁর কাব্যস্থাপত্যেরই অভ্যন্ত প্রয়োজনে। কিন্তু তার পরে আবারও যে তিনি কোনো নতুনতর রাগিণীতে দীক্ষাগ্রহণ করতেন না, তা কি আমরা বলতে পারি? কবির সমগ্র সৃষ্টির বনভূমিসদৃশ পূর্ণতাকে খণ্ড রচনার পুষ্পতুল্য পূর্ণতার আদর্শে বিচার করা যায় না, তার একটা দিক মৃত্যুদিন পর্যন্ত খোলাই থাকবে। অসমাপ্তির মধ্যেও ষে-পরিপূর্ণতা ব্যক্ত হয়েছে সেটাতেই আমাদের চোখকে অভ্যস্ত ও রসপিপাসাকে তৃপ্ত করতে না-শিখলে চলবে কেন?

‘জীবন ও কবিতা বিষয়ে রবীন্দ্রনাথ যৌবন থেকে মৃত্যুকাল পর্যন্ত একই দারণা পোষণ ক’রে গেছেন, আর তাঁর ক্ষেত্রে সেটাকেই হয়তো স্বাভাবিক ব’লে ভাবা যেতে পারে’<sup>১</sup> – বুদ্ধদেব বহুর এ-মত আমি গ্রহণ করতে পারি না। আমরা বিশ্বাস রবীন্দ্রনাথের সাধনা যেমন অক্লান্ত ছিলো, পরিণতিও তেমনি অ-চূড়ান্ত। বিরাম-চিহ্ন দেখা যায় মাঝে মাঝে কিন্তু গতিরোধ ঘটেনি শেষ দিন পর্যন্ত; পদে-পদেই তিনি নিজেই ছাড়িয়ে গেছেন, যদি-বা কখনো ফিরে এসেছেন পূর্বপদে সে-প্রত্যাবর্তনটাও ঘোরানো সিঁড়ির মতন উপরের দিকে উঠে গেছে, একই জায়গায় পাক খায়নি। তাঁর কাব্যের আঙ্গিকগত পরিবর্তনের বিচার করতে আমি চেষ্টা করবো না, কারণ সেটা আমার পক্ষে হবে অনধিকার চর্চা। কিন্তু তাঁর ‘অ্যাটিটিউড টু লাইফ’<sup>২</sup> বা আরো বড়ো ক’রে দেখলে তাঁর সমগ্র জগৎদর্শনের একাঙ্গিক রূপান্তর এবং ক্রমপরিণতি আমার চোখে যেভাবে প্রতিভাত হয়েছে সে-বিষয়ে কিছু বলবো পরবর্তী অধ্যায়গুলিতে। দৃষ্টান্তটির এই বিবর্তন তাঁর অমঙ্গলবোধেরই প্রকারভেদ-প্রসূত না-হ’লেও তার সঙ্গে ঘনিষ্ঠভাবে যুক্ত।

রবীন্দ্রনাথ বাল্যকাল থেকে এই ‘স্বন্দর ভ্রবন’কে ভালোবেসেছিলেন, তবে বিশ্বের সৌন্দর্য একটি শতদল পদ্মের মতো নিখুঁত নিটোল নিম্নলুপ সৌন্দর্য নয় – এ-উপলব্ধি তাঁর ক্রমশ গভীর হয়েছে, সেই সঙ্গে তাঁর ভালোবাসাও প্রাজ্ঞ এবং কঠিন হয়েছে। তবু তা কখনো শিথিল হ’য়ে যায়নি, তাতে এমন কোনো কাটল ধরেনি যা বিশ্বকবিকে<sup>৩</sup> মুহূর্তের জন্তেও বিশ্ববিমুখ ক’রে দিতে পারতো।



ষে-ভাষায়, ভাষাবৈচিত্র্যে, এই অক্ষয় ভালোবাসা রবীন্দ্রনাথ সুদীর্ঘজীবন ভ'রে প্রকাশ করেছিলেন তা হয়তো আজ কোনো-কোনো সমালোচকের অত্যাধুনিক দৃষ্টিতে তার পূর্ব দীপ্তি হারিয়েছে 'অভ্যাসের স্নানস্পর্শ লেগে' - কবি স্বয়ং যেমন অহুমান করেছিলেন। কিন্তু তিনি যে ভরসা মনে পোষণ করতেন তা-ও সত্যি - 'আমার সে ভালবাসা/সব ক্ষয়ক্ষতিশেষে অবশিষ্ট রবে।'।

আজ বাংলাদেশে আমরা সেই ক্ষয়ক্ষতির যুগে বাস করছি যে-যুগে রবীন্দ্রনাথের আগ্রহ, উৎসাহ, উদ্দীপনা ও অহুরাগকে - এক কথায় তাঁর (এবং প্রাক-বোদলেয়ার য়োরোপীয় কবিদেরও) যাবতীয় ধনাত্মক বর্ণাঢ্য মনঃপ্রতিচ্ছাসকে বেশ-খানিকটা সন্দেহের চোখে দেখে। তবু সে-অহুরাগ টিকে থাকবে; না যদি টেকে তাহ'লে কবিতা বাঁচবে কী নিয়ে?

জগতের মধ্যে যা-কিছু শুভ, সুন্দর ও প্রাণস্ফূর্ত, রবীন্দ্র-কাব্যে তার প্রকাশ প্রথম থেকে শেষ পর্যন্ত অক্লান্ত ও অনবচ্ছিন্ন। পরিবর্তন ঘটেছে ভাষায়, ভঙ্গিতে, অহুযঙ্গে, অহুপুঞ্জে; কিন্তু তাঁর কাব্যের এই মূল উৎস কখনও শুকিয়ে যায়নি। এ নিয়ে কোনো তর্কের অবকাশ আছে ব'লে আমার মনে হয় না। কিন্তু অবকাশ না-থাকলেও তর্ক উঠেছিলো। কবি স্বয়ং 'চিত্রা'র ভূমিকায় লিখেছেন, 'লোক-জীবনের ব্যংহারিক বাণীকে উপেক্ষা ক'রে আমার কাব্যে আমি কেবল আনন্দ, মঙ্গল এবং উপনিষদিক মোহ বিস্তার ক'রে তার বাস্তব সংসর্গের মূল্য লাঘব করেছি এমন অপবাদ কেউ-কেউ আমায় দিয়েছেন।' য়েটসও দিয়েছিলেন, 'গীতাঞ্জলি'-আবিষ্কারের প্রথম উচ্ছ্বাস উপশমিত হ'লে। এ-অপবাদকে রবীন্দ্রনাথ 'আমার প্রাতি অবিচার' বলেছেন; অপব্যাখ্যাও বলতে পারতেন। কারণ উপনিষদের প্রভাব তাঁর কাব্যে গভীর হ'লেও, উপনিষদের ব্রহ্মই বলুন, ভক্তের ভগবানই বলুন আর তাঁর স্বকীয় জীবনদেবতাই বলুন, কাউকেই তিনি মাহুষ ও প্রকৃতি থেকে বিচ্ছিন্ন ক'রে এক বিমূর্ত জগতোত্তীর্ণ সত্তারূপে দেখেননি। দেখেননি ব'লে নিঃসংকোচে দাবি করতে পেরেছেন। 'আমি এই বাণীর পন্থাতেই আমার গন্ত ও পথ রচনাকে চালনা করতে পেরেছি -

জগতের মাঝে কত বিচিত্র ভূমি হে

ভূমি বিচিত্ররূপিণী।'।

উপরের অপব্যাখ্যা সহজেই অগ্রাহ্য করা যায়। কিন্তু এতদসংশ্লিষ্ট অন্ত-একটি অপবাদ আজকের দিনে আরো নিঃসংশয়ে উচ্চারিত হচ্ছে, এবং রবীন্দ্র-কাব্যের

বহু অত্যাধুনিক পাঠকের চিত্তে সংশয় জাগিয়েছে। জগতের ‘বিচিত্র রূপ’ কি আপন সম্যক বৈচিত্র্যে ধরা দিয়েছিলো রবীন্দ্রনাথের চোখে, নাকি তিনি কেবল তার শুভ ও সুন্দর দিকটাই দেখেছেন, কদৰ্শ ও বীভৎসের সঙ্গে হয় তাঁর সাক্ষাৎ পরিচয় ঘটেনি অথবা ঐ-ধরনের অভিজ্ঞতাকে কাব্যে অপাঙ্ক্তয়ে বিবেচনা ক’রে সজ্ঞানে সযত্নে পরিহার করলেন তাঁর কবিকর্ম থেকে? এ আপত্তি সরাসরি অগ্রাহ্য করা যায় না, দুঃখায় তার উত্তর দেওয়াও সম্ভব নয়; তাই বিস্তারিত আলোচনার প্রয়োজন বোধ করছি। দে-আলোচনাকে একটি বিতর্কের প্রত্যুত্তর জ্ঞান না-ক’বে রবীন্দ্র-কাব্যের এই দিকটাকে বুঝে দেখবার চেষ্টা মনে করলে আমার পরিশ্রম বার্থ হবে না।

প্রশ্নটা হচ্ছে : রবীন্দ্র-কাব্যে sense of evil ( যার বাংলা করেছে ‘অমঙ্গল-বোধ’) কি সত্যিই অনুপস্থিত বা অভ্যন্ত ক্ষীণ? আধুনিক সাহিত্যের তুলনায় যে মাত্রায় অল্প এবং গুণে স্বতন্ত্র তাতে অবশ্য কোনো সন্দেহ নেই। আগেই অধ্যায়ে দেখাতে চেষ্টা করেছি আধুনিক সাহিত্যে অমঙ্গলবোধ স্বাভাবিক বা স্বাধাৰ্য নয়, সযত্নচর্চিত, মাত্রাজ্ঞানরহিত। কদৰ্শের দিকে, দুঃখ ও পাপের দিকে, আধুনিকেরা মৌহমুজ্জ্বল চোখে তাকাতো পারেননি; কোমর বেঁধে রোমাণ্টিকদের বিকলচরণ করতে গিয়ে তাঁরা কেবল দিকান্ত বিষয়ে অতিশয় রোমাণ্টিক হ’য়ে উঠলেন।

মুশকিল হয়েছে এই যে গীতাঞ্জলি-পর্বের কবিতায় ( অর্থাৎ ‘নৈবেদ্য’ থেকে ‘গীতাঞ্জলি’ পর্যন্ত কাব্যগ্রন্থগুলিতে ) যে বিশেষধরনের হৃদয়াকৃতি ও মনোভঙ্গি প্রকাশ পেয়েছে, সেটাকেই আমার রবীন্দ্রনাথের গোটা জীবনদর্শন বলে ধ’রে নিতে অভ্যস্ত। ‘নৈবেদ্য’র প্রথম কবিতার প্রথম দুটি পংক্তি (‘প্রতিদিন আমি যে জীবনস্বামী/দাঁড়াব তোমারি সম্মুখে’) উদ্ধৃত ক’রে প্রভাতকুমার মুখোপাধ্যায় বলেছেন : ‘রবীন্দ্রসাহিত্য রবীন্দ্রদর্শন রবীন্দ্রজীবনের মূলকথা এই অগ্নেতুর্কী ঈশ্বরনির্ভরতা।’<sup>৪</sup> প্রথমখণ্ড বিশিষ্ট অত্যাধুনিক মন্তব্য করেছেন : ‘রবীন্দ্রনাথের প্রতিভা ও শিল্প নিয়ত পরিবর্তনশীল, নানাবিধ পরীক্ষা ও অভিজ্ঞতার মধ্য দিয়া তাহারা গিয়াছে—কিন্তু একটি বিষয়ে কখনো তাহাদের পরিবর্তন ঘটে নাই... বিশ্ববিধানের পরিণাম মঙ্গলময়, বাহ্য দুঃখ-কষ্ট ও অমঙ্গল উদারতর দৃষ্টিতে শুভেরই ছদ্মবেশ, বিশ্বব্যাপারে যিনি কর্তা তিনি আনন্দ ও কল্যাণস্বরূপ এবং তিনি একমুখ।’<sup>৫</sup> শুধু প্রাচীনপন্থীরা নয়, আধুনিক সাহিত্যের মেজাজ ও রীতির

প্রকৃতি প্রতিনিধি বুদ্ধদেব বসুও লিখেছেন যে গ্যেটের মতো রবীন্দ্রনাথ জীবনের শুভ বিষয়ে সর্বদা নিঃসংশয় ছিলেন, উপরন্তু গ্যেটে অপেক্ষা ‘রবীন্দ্রনাথ বিশ্বাসের ঘোষণা অধিকাংশ স্থলেই নির্বন্দ্য’<sup>১</sup> ( আগের উদ্ধৃতিতে আমরা জানতে পেরেছি যে বুদ্ধদেবের মতে জীবন ও কবিতা বিষয়ে রবীন্দ্রনাথ আত্মজীবন একই ধারণা পোষণ করতেন )। অতি আধুনিক সমালোচকরাও পূর্নোক্ত মন্তব্যগুলির সঙ্গে সম্পূর্ণ একমত এবং সেইখানে তাঁদের নালিশ—রবীন্দ্রনাথ জগৎকে বড়ো বেশি সুন্দর এবং শুভ, অর্থাৎ কল্যাণময় রূপে ঈশ্বরের সূচাবস্থিত রাজ্যরূপে দেখেছেন, তার পাপপঙ্কিল, বেদনাগ্নিক, বিশৃঙ্খল ও বীভৎস চেহারাটা তাঁর চোখে ধরা দেয়নি।

ধরা দিয়েছিলো ঠিকই, তবে চোখে যেতোটা ধরা দিয়েছিলো কাব্যে ঠিক ততোটা স্থান জোড়েনি। কেন জোড়েনি তা “শ্রোয়ানীতি ও সাহিত্যনীতি” শীর্ষক পরবর্তী একটি অধ্যায়ে স্পষ্ট ক’বে তুলতে চেষ্টা করবো। কিন্তু জীবনের কঠোর ও কদর্য দিকটা রবীন্দ্র-কাব্যে একেবারে অপ্রকাশিত কিংবা প্রকাশ তার এতোই সংকুচিত যে রবীন্দ্রনাথকে কেবল মধুররসের বা ভক্তিরসের কবি ভাবা যায়, এ-ধারণা খুবই বিভ্রান্ত। এই বিভ্রান্তি বিষয়ে কিছু বলা দরকার, কারণ এটা রবীন্দ্রনাথের পতি যেমন অবিচার তেমনি আধুনিক পাঠককে অকারণে বঞ্চিত করছে রবীন্দ্র-কাব্যের সম্যক ব্রহ্মসত্ত্বাগ থেকে, শাস্ত্রতর্কে বিস্তৃত ভাববার মতো সংকীর্ণ মন তৈরি করে দিচ্ছে।

১ বুদ্ধদেব বসু, ‘পবন-মলকন’, প্রাবি, পৃ. ৬

২ ‘His verse changed externally, as it had many times before, but neither in his attitude to life nor in the use of language did he outgrow himself,’ Buddhadeva Bose, *Tagore: Portrait of a poet*, University of Bombay, p. 25

৩ পৃথিবীস্থল লোক তাঁকে ১২৭ কবি বলে শ্রদ্ধা করে—এই অর্থে রবীন্দ্রনাথকে বিদকবি বলা প্রতিশ্রুতি এবং তাঁর স্বদেশবাসীর মুখে গোড়া পায় না। তবে সমগ্র বিশ্ব বিচারে চেতনা ও অনুভূতির গভীরতা তাঁকে প্রকৃত অর্থে এবং সম্ভবত অতুলনীয়রূপে ‘বিদকবি’ করেছিলো।

৪ প্রভাতকুমার মুখোপাধ্যায়, ‘রবীন্দ্রজীবনী’, ২য় খণ্ড, বিশ্বভারতী, পৃ. ১৮

৫ প্রমথনাথ বসী, ‘রবীন্দ্রকাব্যপ্রবাহ’, ১ম খণ্ড, মিত্র ও ঘোষ, পৃ. ৫৪

৬ বুদ্ধদেব বসু, পাতক, প. ৭

'কড়ি ও কোমল'-এর মুখবন্ধে রবীন্দ্রনাথ কেন বললেন যে 'এই আমার প্রথম কবিতার বই যার মধ্যে বিষয়ের বৈচিত্র্য এবং বহিদৃষ্টিপ্রবণতা দেখা দিয়েছে,' তা আমার কাছে খুব স্পষ্ট নয়। যে বিপুল উদ্দেশ অভিজ্ঞতার কথা "নির্বাকের স্বপ্নভঙ্গ"-এ ব্যক্ত হয়েছে এবং গদ্যেও যার বর্ণনা একাধিক জায়গায় পেয়েছি আমরা, সেই স্বপ্নভঙ্গের সময় থেকেই জগৎচরাচরের বৈচিত্র্য তাঁকে মুগ্ধ করেছে। 'প্রভাতসংগীত' এবং 'ছবি ও গান'-এর চেয়ে বহিদৃষ্টিপ্রবণতা 'কড়ি ও কোমল'-এ অধিকতর পরিস্ফুট ব'লে তো মনে হয় না। 'সন্ধ্যাসংগীত'-এ অবশ্য তিনি বড়ো বেশি আত্মনিমগ্নিত ছিলেন, একটি সাময়িক বিচ্ছেদের ব্যথাকে সযত্নে লালন ক'রে যেন সেই দুঃখবিলাসেই ডুবে ছিলেন। অথচ একই সময়ে লেখা "অকারণ কষ্ট" নামক প্রবন্ধে দেখা যায় যে তিনি অহেতুকী দুঃখভোগীদের প্রতি কটাক্ষ করছেন। অবশ্য কাদম্বরী দেবী কবির জীবনে বাল্যকাল থেকে এতো নিবিড় ও পরিব্যাপ্ত স্থান অধিকার ক'রে ছিলেন যে তাঁর সাময়িক বিচ্ছেদের দুঃখকেও তিনি অহেতুকী না-মনে করতে পারেন। তবে এ-কথাও ঠিক যে উনিশ শতকী বাইরনিক বিষাদ এবং জার্মান রোম্যান্টিকদের জাগতিক বেদনা তরুণ রবীন্দ্রনাথের মনের উপরেও ছায়া ফেলেছিলো। এই কালোচিত প্রগাঢ় বিষাদ এবং বিষম আত্মনিমগ্নতা থেকে নিজস্বের কাব্য 'প্রভাতসংগীত'। 'সন্ধ্যাসংগীত'-এ দুঃখের আসন ঢালাও ক'রেই পাতা হয়েছিলো, নইলে মাস দুয়েকের জন্ম বউ-ঠাকরুন (তা তিনি যতো গভীর অন্তরবাসিনী মানসী-প্রতিমাই গোন-না কেন) কোথাও বেড়াতে গেলে কি সে-দুঃখের প্রকাশ এমন উদ্দেশ ভাষায় সম্ভব : ২৬

চলে গেল, আর কিছু নাই কহিবার।

চলে গেল, আর কিছু নাই গাহিবার।

শুধু গাহিতেছে আর শুধু বাধিতেছে,

দীনহীন হৃদয় আমার, শুধু বলিতেছে,

'চলে গেল সকলেই চলে গেল গো,

বুঝ শুধু ভেঙ্গে গেল, হ'লে গেল গো'।

বছর তিনেকের মধ্যে কিন্তু সে চিরতরেই চ'লে গেলো। প্রিয়জনের স্বাভাবিক, অল্প বা দীর্ঘকালের কঠিন পীড়ার পর প্রত্যাশিত মৃত্যুর জন্ম আমরা কতকটা প্রস্তুত থাকি, তার আঘাত সহ্য করবার শক্তি আগে থেকেই কিছুটা

সঞ্চয় করা থাকে। আপত্তিক মৃত্যু অনেক বেশি মর্যাস্তিক। ছাব্বিশ বছর বয়সে কাদম্বরী দেবীর আত্মহত্যা চব্বিশ বছরের রবীন্দ্রনাথের পক্ষে যে কতো বড়ো বজ্রাঘাত তা কোনো সাহিত্যানুগামী বাঙালীর অজানা নেই। এই বুকভাঙা শোকের ছায়া পড়েছে ‘কড়ি ও কোমল’-এ। তারই গভীর থেকে গভীরতর, কখনো প্রত্যক্ষ কখনো পরোক্ষ, কখনো-বা অনভিজ্ঞ পাঠকের দৃষ্টি সম্পূর্ণ এড়িয়ে যেতে পারে এমনই সূক্ষ্ম প্রকাশ ‘কড়ি ও কোমল’ থেকে একেবারে শেষ পর্বের কাব্য পর্যন্ত ছড়ানো রয়েছে। ‘পূরবী’র “শেষ অর্ঘ্য”, ‘বীথিকার’ “কৈশোরিকা”, ‘শ্রামলী’র “মিল ভাঙা”, ‘মানাই’-এব “আমা-যাওয়া” - এমনি কতো অবিস্মরণীয় কবিতাই এই শোককে এবং শোকমাত্রকে শাস্ত্রত মহিমায় উজ্জ্বল ক’বে এঁকে দিয়েছে আমাদের চিত্রে।

‘কড়ি ও কোমল’-এ এই ‘দেনা ও নৈরাশ্যের সঙ্গে অত্ন-একটি স্তরও বেজে-উঠেছে, রবীন্দ্রনাথ যার দিকে দৃষ্টি আকর্ষণ ক’রে বলেছেন, এখানে ‘প্রথম আমি সেই কথা বলেছি য: পরবর্তী আমার কাব্যের অন্তরে-অন্তরে বার-বার প্রবাহিত হয়েছে -

মরিতে চাহি না আমি স্তম্ভর ভুবনে

মানবের মাঝে আমি বাঁচিবারে চাই।’

‘কড়ি ও কোমল’ এ-ছুটি বিপরীত ঠাঁটের রাগিণী একই সঙ্গে বেজে উঠেছে - জীবনের জয়গান এবং ‘মৃত্যুর নিবিড় উপলব্ধি’ - সে-কথা রবীন্দ্রনাথ তাঁর রচনা-বলীর সূচনায় বিশেষরূপে জানিয়েছেন। প্রকৃতপক্ষে দুটি স্তরই আমরা রবীন্দ্র-কাব্যের গোড়া থেকে শুনতে পাচ্ছি, ‘কড়ি ও কোমল’-এ কোনোটাই প্রথম বেজে ওঠেনি। লক্ষ করবার বিষয় যে কালানুক্রমে প্রথম শোন। গেলো দুঃখের স্তর, তাঁর সর্বপ্রথম কাব্যগ্রন্থ ‘সন্ধ্যাসংগীত’-এ। স্তম্ভর ভুবনকে সানন্দ উচ্ছ্বাসে গ্রহণ করার বার্তা ঘোষিত হ’লো। দ্বিতীয় কবিতা-সংকলন ‘প্রভাতসংগীত’-এ, অর্থাৎ সন্ধ্যার ঘনায়মান অন্ধকার এলো আগে, তার পরে প্রভাত হ’লো, গুহার আঁধারে দেখা দিলো ‘পথহারা রবির কর’। এই দুটি কড়ি ও কোমল স্তর ‘কড়ি ও কোমল’ নামক একই কাব্যগ্রন্থে মিলিত হয়েছে - এই পর্যন্ত। দুঃখ ও মৃত্যুর উপলব্ধি কীভাবে কবির মনে জীবনের প্রতি উচ্ছ্বাস এবং প্রকৃতি, মানুষ ও ঈশ্বরের প্রতি প্রবল অনুরাগকে প্রভাবিত করেছে, কখন ক’রে তাঁর জীবন-দর্শনকে স্থপালিতা ও ভাবাবেগপ্রবণতা থেকে মুক্ত ক’রে ক্রমশ গভীর, কঠিন,

আত্মসচেতন ও আত্মকৌতুকময় করেছে—সমগ্র রবীন্দ্রকাব্যকে তার বিস্তারিত ইতিবৃত্ত ভাষা যেতে পারে।

‘কড়ি ও কোমল’ কাদম্বরী দেবীর মৃত্যুর পর প্রথম প্রকাশিত বই, এবং মাত্র দু-বছর পরে প্রকাশিত। এতোবড়ো শোকের অভিঘাতে মন যদি তিক্ত হ’য়ে থাকতো তবে এই কাব্যগ্রন্থেই তা সবচেয়ে দুনিবাররূপে দেখা দিতো অথচ তিক্ততা এখানে লক্ষণীয়ভাবে অনুপস্থিত—শোকের কবিতা থেকেও অনুপস্থিত। বরঞ্চ সুন্দর ভুবন এবং ভুবনবাসীদের প্রতি ভালোবাসার সুস্পষ্ট প্রকাশ এ-বইখানিকে অরূপীয় ক’রে রেখেছে আমাদের কাছে। তবু দু-এক জায়গায় একটু খটকা লাগে। ইন্দিরা দেবীকে একটি ছন্দে লেখা চিঠিতে কবি বলেছেন :

জেনো, মা, এ সুখে-দুঃখে আকুল সংসারে  
মেটে না সকল তুচ্ছ আশ,  
তা বলিয়া অভিমায়ে অনন্ত তাঁহাবে  
চোরো না, কোরো না অবিশ্বাস।

বারো-তেরো বছরের মেয়ের মনে যতোই অভিমান, জাগতিক, তার ফলে সে নাস্তিক হ’য়ে উঠবে এমন সম্ভাবনার কথা ভাবা একটু বাড়াবাড়ি। শোকবিহ্বল তরুণ রবীন্দ্রনাথ পরোক্ষে নিজেকেই বোঝাচ্ছেন না তো যে জগতের উপর যতোই অভিমান হোক ‘অনন্ত তাঁহায়ে’ যেন অবিশ্বাস না-করেন? অবিশ্বাসের অঙ্কুর কি মনের নিভৃত কোনো কোণে ছোটো ছুটি পাতা মেলেছিলো? যে-বিশ্বাস হারাবার আশঙ্কা এখানে অনুমান করা যায় তা কিন্তু তখনও আশ্রয়, একান্ত স্বকীয় উপলব্ধিগত ঈশ্বরচেতনা এ-বয়সে রবীন্দ্রনাথের মনে পরিস্ফুট হয়নি। ‘কড়ি ও কোমল’-এর কবি নিশীথের অঙ্ককারে সর্বস্বাধারা উবার অরুণালোকে খুঁজে বেড়াছেন :

হায় হায় কোথা সে অখিলের জ্যোতি  
চলিব সরল পথে অর্পিত গতি।

হৃদয় ডেকে ওঠে কিন্তু সাড়া নেই ত্রিভুবনে :

কে শুনেছে শতকোটি হৃদয়ের ডাক।  
নিশীথিনী স্তব্ধ হয়ে রয়েছে অবাक।

'মানসী'ই রবীন্দ্রনাথের সর্বপ্রথম কাব্যগ্রন্থ যাতে 'কবির সঙ্গে যেন একজন শিল্পী এসে যোগ দিল'। ভাবের কুয়াশা কেটে গেছে। ভাষার পেশী শক্ত হয়েছে, হৃদয়বোঁগ ঈষৎ সংযত, প্রকাশে অতি-বিস্তার নেই—যদিও পরিণত বয়সের সংহতি এখনও অনায়ত্ত। তিন বছর ধরে লেখা কবিতা এ-বইখানিতে স্থান পেয়েছে, তাই ভাববৈচিত্র্য এখানে অন্ত্যাত্ম কাব্যগ্রন্থের চেয়ে বেশি। মোটামুটি বলা যায় তিনপ্রকার ভাবধারা ব'য়ে চলেছে তিনরকমের বিষয়কে অবলম্বন ক'রে—প্রকৃতি, নারী ও স্বদেশ। প্রেমের কবিতাই 'মানসী'র শ্রেষ্ঠ সম্পদ, কিন্তু প্রথমোক্ত বিষয়বস্তুটিকে উপলক্ষ্য ক'রে রচিত কবিতাগুলি—“নিষ্ঠুর সৃষ্টি”, “প্রকৃত প্রতী”, “সিন্ধুতরঙ্গ”, “শূন্য গৃহে”, “জীবন-মধ্যাহ্ন” প্রভৃতি এই বইকে অতীত দিক থেকে বিশিষ্টতা দান করেছে। এগুলি রবীন্দ্র কাব্যের ব্যতিক্রম নয়, একটি স্বতন্ত্র দারা। ‘প্রভাতসংগীত’ থেকে, অর্থাৎ বহুতে গলে কাব্যরচনার সূত্রপাত থেকেই, এ-ধারার শুরু। এবং যে পূর্বের কবিতায় তো এই ‘ব্যতিক্রম’ নিয়মকে সংখ্যায় না-হ'লেও অন্তর্ভুক্তির প্রবলতায় ছাড়িয়ে গেছে প্রায়।

“নিষ্ঠুর সৃষ্টি” এবং “শূন্য গৃহে” একই ভাবের কবিতা, প্রকাশের রীতি ভিন্ন। প্রথম কবিতাটিতে সৃষ্টিকে বলেছেন খামখেয়ালী, উচ্ছৃঙ্খল :

মনে হয় সৃষ্টি বুঝি বাধা নাহি নিয়ননিগড়ে,

আনাগোনা মোসামেশা সবই অক ষ্ঠবের ঘটে ।

আর দ্বিতীয় কবিতার নালিশ বিশ্বের লৌহকঠিন নির্মম নিয়মের বিরুদ্ধেই :

জীবন নির্ভংগ বা ধূলায় পট'য়ে সাধা

সেথাও কেন গো তব বাটন নিয়ম ।

... ..

সমস্ত মানবপ্রাণ বেধনায় কম্পমান

নিয়মের লৌহক্ষে বাজিবে না বাধা !

কিন্তু দুটি কবিতার মূল বক্তব্য একই—সৃষ্টি নিষ্ঠুর, অসহায় মানুষ্যের পক্ষে যন্ত্রণাই সার, প্রকৃতি বা প্রকৃতির সৃষ্টার বৃকে দয়ামায়ী সমবেদনার লেশমাত্র নেই। প্রথম কবিতাটির সবচেয়ে জোরালো উক্তি—‘আপন গর্জনে বিশ্ব আপনারে করিছে বধির’—দ্বিতীয় কবিতাটিতেও প্রতিফলিত হয়েছে :

এ আর্ন্তস্বরের কাছে রহিবে অটুট  
চৌদিকের চিরনীরবতা ?

“সিদ্ধুতরঙ্গ”-এর নাস্তিকতা আরো বেদনা-বিহ্বল। কবিতাটি এক নিদারুণ দুর্ঘটনার খবর পেয়ে লেখা। বঙ্গোপসাগরে পুরী-তীর্থযাত্রী দুইখানি স্ত্রীমার প্রবল ঝড়ে প’ড়ে ডুবে যাওয়াতে নারীপুরুষ, শিশুবৃদ্ধ বহু লোকের প্রাণনাশ ঘটে। রবীন্দ্রনাথের মন যদি ‘তিল্ত’ হ’য়েই থাকে তবে সাড়ে-সাতশো তীর্থ-যাত্রীর অসহায় মৃত্যু কি তার যথোপযুক্ত কারণ নয়? তাঁর সংবেদনশীল মনে এই দুর্ঘটনার অভিঘাত অত্যন্ত প্রবল হয়েছিলো, সমস্ত ঐশী বিধিবিধানের বিরুদ্ধে তিনি যেন বিদ্রোহী হ’য়ে উঠলেন। এমন স্পষ্ট ঈশ্বর-বিদ্রোহের কবিতা রবীন্দ্রনাথ ইতিপূর্বে কখনো লেখেননি :

নাই তুমি, ভগবান,                      নাই দয়া, নাই প্রাণ—  
জন্মের বিলাস।

শেষ স্তবকে শুধরে নিয়ে বলছেন, দয়া যে একেবারে নেই তা নয়, যদি না-থাকতো তবে ‘এমন জড়ের কোলে’ নির্ভয়ে নিখিল মানব কেমন ক’রে বাঁচতো ? দয়ামায়া অবশ্যই আছে, কিন্তু তার মাঝখানে কণে-কণে দৈবের দাক্ষিণ আঘাতও এসে পড়ে :

পাশাপাশি একঠাই                      দয়া আছে, দয়া নাই--  
 \*                      বিষম সংশয়।  
 ...                      ...                      ...

জড় বৈতা শক্তি হানে,                      মিনতি নাহিক মানে—  
 প্রেম এসে কোলে টানে, দূর করে ভয়।  
 এ কি দুই দেবতার                      দ্বাতথেলা ধনিবাব  
    তাগাগডাময় ?  
 চিরদিন অন্তহীন জয়পরাক্রম ?

কল্লিত শুভ ও অশুভ দুই দেবতার নিত্য সংগ্রামের উপমার দ্বারা যে-ট্রাজিক উপলব্ধিটি ব্যক্ত হয়েছে তা রবীন্দ্রনাথের শেষ পর্বের কাব্যে আরো লক্ষণীয়, যেমন লক্ষণীয় মধ্যবর্তী ভক্তিপর্বের কাব্যে তার তিরোভাব।

রবীন্দ্রনাথ নিজেই বলেছেন ‘মানসী’র প্রেমের কবিতার মধ্যে ঈশ্বরের জন্ম-  
কথা লেখা আছে—‘মানসীতে যাকে খাড়া করেছি সে মানসেই আছে—সে



আর্টিস্টের হাতে রচিত ঈশ্বরের প্রথম অসম্পূর্ণ প্রতিমা। ক্রমে শেষ হবে কি ? শেষ হবার ইতিহাস আমরা পাবো ‘নৈবেদ্য’, ‘উৎসর্গ’ ও ‘খেয়া’য়। অসম্পূর্ণ প্রতিমাটিও ধীরে-ধীরে পর্যায়ক্রমে তৈরি হয়েছিলো ‘মানসী’তে। ঐ-বইখানির প্রেমের কবিতাগুলিতে অতৃপ্তি বিষাদ ও নৈরাশ্যের দন ছায়। পড়েছে এটা কারও দৃষ্টি এড়াতে পারে না ; সে-চায়া সর্বপ্রথম লক্ষ করেন বিশ বছরের প্রমথ চৌধুরী, ‘মানসী’ প্রকাশের অব্যবহিত পরেই। অতৃপ্তি ও বিষাদের ‘মূলটা কোনখানে’ প্রমথ চৌধুরীর পত্রোত্তরে এ-প্রশ্ন কবি নিজেই তুলে তার উত্তর দেওয়ার চেষ্টা করেছিলেন। উত্তরটা এইরূপ : ‘এক-একবার আমার মনে হয় আমার মধ্যে দুটো বিপরীত শক্তির দ্বন্দ্ব চলছে। একটা আমাকে সর্বদা বিলাম এবং পরিসমাপ্তির দিকে টানছে, আর-একটা আমাকে কিছুতে বিলাম করতে দিচ্ছে না। আমার ভারতবর্ষীয় শাস্ত্র প্রকৃতিকে যুরোপের চাঞ্চল্য সর্বদা আঘাত করছে। একদিকে কর্মের প্রতি আসক্তি, আর-একদিকে চিন্তার প্রতি আকর্ষণ। সবস্বল্প ভড়িয়ে একটা নিঃফলতা এবং ঔদাসীণ্য।’ ভাবুক-সত্তা ও কর্মী-সত্তার অন্তর্বিবেচন ববীন্দ্রনাথের মধ্যে অবশ্যই ছিলো, কখনো এক পক্ষের সাময়িক বা আপেক্ষিক প্রাধান্য দেখা যায়, কখনো অন্য পক্ষের ; কোনো পক্ষই চূড়ান্ত পরাভব স্বীকার করেনি শেষ পর্যন্ত। এ দুই পরস্পরসম্বন্ধী সত্তার স্বাক্ষর ববীন্দ্র-কাব্যে ছড়ানো রয়েছে, তার পরিচয় আমরা পাবো “শ্রেয়োনীতি ও নাহিতানীতি” শীর্ষক অধ্যায়ে। কিন্তু এই দ্বন্দ্বই যে ‘মানসী’র প্রেমের কবিতা-গুলির নৈরাশ্য ও বিষাদের মূল কারণ তা আমার মনে হয় না। অন্য পথে সে-কারণের সন্ধান করতে হবে আমাদের।

কবি-প্রেমিক তার প্রেমসীতে দুইটি গভীরতর ‘সত্যের সন্ধান করছেন। প্রথমত, তিনি খুঁজছেন সমগ্র মানুষটিকে, অথবা আরো-একটু বিশ্লেষণ করে বলা যায়, শারীরিক রূপলাবণ্যে অতৃপ্ত হ’য়ে তিনি খুঁজছেন শরীরের অন্তরালে যে আধ্যাত্মিক সত্তা লুকানো আছে, যে ‘আত্মার রহস্ত-শিখা’ কাঁপছে, তাকে। এ-সন্ধান, এ-কন্ডন, ব্যর্থই হবে তা তিনি জানেন। কিন্তু এই ব্যর্থতা কি কোনো নিরুদ্দেশ যাত্রার অনন্ত পথ বলে দিতে পারবে ? হয়তো পারবে। তার ক্ষীণ আভাস পাই আমরা “নিঃফল কামনা” নামক সুপরিচিত কবিতাটিতে — যদিও যে ব্যর্থ-সন্ধানের বেদনা কবি সেখানে প্রকাশ করতে চেয়েছেন তাকতকটা চাপা পড়ে গেছে উপদেশবানীর অধণা ভারে। দ্বিতীয়ত, কবি-প্রেমিক সন্ধান করছেন তাঁর

শ্রেয়সীর মধ্যে এমন-এক পরিপূর্ণ সৌন্দর্য যা তার মানবিক সম্ভাকে ছাপিয়ে  
বহুদূরপ্রসারিত, দেশবালের সীমানাকেও যেন ছাড়িয়ে। বাস্তব প্রিয়া যেন  
মানসী প্রিয়ার অধক্ষুট রেখাচিত্র। একটি সুন্দর শরীরের মধ্যে আত্মার কম্পমান  
দীপশিখা শুধু নয়, প্রেমিক খোঁজে একটি মূর্ত ব্যক্তি-স্বরূপের যবনিকার  
অন্তরালে যে বিমূর্ত অথও অনন্ত সুন্দরের আভাস মাঝে-মাঝে তার চোখে  
ঝলকে ওঠে, তাকেই। এ-খোঁজার কোনো শেষ নেই, এ-যাত্রার কোনো পথ  
জানা নেই তার, তবু :

অকূল সাগর মাঝে চলেছে ভাসিয়া  
জীবন-তবনী। ধীরে লাগিতে আসিয়া  
তোমার বাতাস।

প্রেমিক তার মানুষী প্রিয়ার কাছ থেকে বিদায় নিয়ে গভীর ব্যথা ও অসম্ভব  
আশা বুকে ধারণ ক'রে বেরিয়ে পড়েছে তার মানসীর সন্ধানে। 'সংসারের  
খেলাঘরে' যে-খণ্ডিতাকে ছেড়ে এলো আর 'সর্বপ্রাপ্ত দেশের'ও পরপারের যে-  
পূর্ণার দিকে সে 'নিরুদ্দেশ-মারো' মেনে চলেছে। এ-ভ্রমের বিপরীতমুখ টানে  
তার বক্ষ বিদীর্ণ। 'মানসী'র অত্যন্ত শ্রেষ্ঠ কবিতা "বিদায়"-এ এই ব্যথার  
প্রকাশ আশ্চর্য সুন্দর। কবিতাটি অবশ্য মানুষী প্রিয়াকেই সম্বোধন ক'রে লেখা,  
এবং আমাদের বুঝতে বাকি থাকে না যে, কবির মনে মানসীকে পাওয়ার  
ব্যাকুলতা যতোখানি তার চেয়ে এই গৃহবর্মরতা রক্তমাংসের মানুষটিকে ছেতে  
যাওয়ার বেদনা অনেক বেশি গভীর :

অগশেষে যবে একদিন,  
বহুদিন পরে গোমার জগৎ-মাঝে  
সন্ধ্যা দেখা দিবে—দীর্ঘ জীবনের কাকে  
প্রমোদের কে'লাহলে জাল হ'বে প্রাণ,  
মিলায়ে আসিবে ধীরে স্বপ্নসমান  
চিববে'ত্রদগ্ধ এই কটন সংসার,  
সেই দিন এইখানে আসিবে। সবার।  
এই তটপ্রান্তে ব'সে শ্রান্ত হ'নমান  
চেয়ে দেখে ওই অন্ত-অচলব পানে  
সন্ধ্যার তিমিরে, যেথা সাগরের কোল  
আকাশ মিলায়ে গেছে। দেখিবে তা হলে  
আমার সে বিদায়ের শেষ চেয়ে-দেখা।

এইখানে রেখে গেছে জ্যোতির্ময় রেখা ।  
 সে অমর অশ্রুবিন্দু সজ্জা-তারকার  
 নিদ্রাতুর আঁখি-পরে, সারা রাত্রি ধরে  
 তোমার সে জনহীন বিশ্রামশিয়রে  
 একাকী জাগিয়া রবে । হয়তো স্বপনে  
 ধীরে ধীরে এনে দেবে তোমার স্মরণে  
 জীবনের প্রভাতের ছ-একটি কথা ।  
 এক ধারে সাগরের চির চঞ্চলতা  
 তুলিবে অক্ষুট ধ্বনি—রহস্য অগার—  
 অগাধ ধারে ঘুমাইবে সমস্ত সন্ধ্যাব ।

‘মানসী’র বিষাদ ও নৈরাশ্য ‘সোনার তরী’তে আরো ঘন হয়েছে ।  
 পূর্ববর্তী কাব্যগ্রন্থের বিষয়গুলির এখানে পুনরাবৃত্তি দেখা যায়, তবে মাহুঘের—  
 সাধারণ মাহুঘের—আরো কাছাকাছি এসেছেন কবি । সেই সঙ্গে কিন্তু নিক-  
 দেশের জন্ত আরো চঞ্চল ও ব্যাকুল অবিরাম তরঙ্গবিজুক সমুদ্রের মতোই ‘অলক্ষ্য  
 স্বদূর-তরে’ অজানা বেদনা ও প্রত্যাশা কবির হৃদয়কে এবং সমস্ত পৃথিবীর  
 হৃদয়কে অশান্ত ক’রে রেখেছে :

হে জগদধি, বুঝিবে কি তুমি  
 আমাদের মানবভাষা । জানো কি, তোমার ধরাভূমি  
 পীড়ায় পীড়িত আজি কিবিত্তেছে এপাশ ওপাশ,  
 চক্ষে বহে অশ্রুপার, ঘন ঘন বহে উষ্ম হৃদয় ।  
 নাহি জানে কী যে চায়, নাহি জানে কিসে নৃচ তুষা  
 আপনার মনোমঞ্চে আপনি সে হারিয়েছে দিশা  
 বিকারের মরীচিকা-জালে ।

( “সমুদ্রের প্রতি” )

আদি জননী সিন্ধুর কাছ থেকে যখন ব্যথিতা কন্যা বহুধারা ‘সান্তনার বাক্য  
 অভিনব’ শুনতে চাইলো, তখন কবি ভাবতে পারলেন না চিরপুরাতন বাক্য  
 ‘ঘুমা, ঘুমা, ঘুমা’ ছাড়া আর কী বলা সিন্ধুর পক্ষে সম্ভব—নিরুপায় মাতা যেমন  
 অত্যন্ত পীড়িত সন্তানকে কেবল ঘুম পাড়িয়েই শান্ত করতে চায় । এটি কবিতার  
 দুর্বল উপসংহার নয়,<sup>৩</sup> কবি তখনও জানেন না দুঃখিনী বহুধারাকে কোন  
 ভাষায় সান্তনা দেওয়া যায় । ‘গীতাঞ্জলি’র ভগবান তখনও অল্পবলক ।

‘পীড়ায় পীড়িত...বিকারের মরীচিকা-জালে’ দিশাহারা ধরাভূমি থেকে  
 পলায়নী-ভাবানুপ্রাণিত কবিতা “মানসসুন্দরী” । খুব উচ্চরের কবিতা না-

হ'লেও রবীন্দ্র-মানসে ঈশ্বরচেতনার বিকাশ বুঝতে হ'লে অতিশয় গুরুত্বপূর্ণ। ষাঁকে সম্বোধন ক'রে লেখা তিনি স্বয়ং কাব্যলক্ষ্মী, 'আজন্ম-সাধন-ধন হৃন্দরী আমার কবিতা,' কিন্তু 'কবিতা' অনিবার্যত, প্রায় অলক্ষ্যত, ইহলোকের এবং লোকান্তর সৌন্দর্যের ও স্রসংগতির প্রতীক হ'য়ে উঠেছে। মানসহৃন্দরী যদিও নারীরূপে, 'প্রণয়-বিধুরা সীমন্তিনী' রূপে কল্পিত, তবু প্রকৃতপক্ষে তা নিরাকার এবং নিঃসীম। তবে একে পরোংকর্ষের ( ইংরেজি পার্ফেকশান-এর ) কল্পরূপ বললে ঠিক বলা হবে না, কারণ শ্রেয়ের আদর্শ এখানে স্পষ্টরূপে অন্তর্ভূত হয়নি। কবি এখানে সেই সৌন্দর্যের পূর্ণতাকেই খুঁজছেন নারীর দেহমনের লীলায়, প্রকৃতির বর্ণ-গন্ধের বৈভবে যা অর্ধক্ষুণ্ট; মহেশ্বের সে-পরমতার কথা ভাবছেন না বীরের কঠিন তপস্যায় ও যত্নবরণে যা আংশিক অভিব্যক্ত।

'সোনার তরী'র সবচেয়ে প্রখ্যাত ও আলোচিত কবিতা যদিচ প্রথম কবিতাটিই, সবচেয়ে স্মরণীয় এবং আমার মতে সবচেয়ে রসোত্তীর্ণ কবিতা – "নিরুদ্ধে যাত্রা" – স্থান পেয়েছে একেবারে শেষে। পরবর্তী ময়ময়ী পর্বের – 'খেয়া'-'গীতাঞ্জলি' পর্বের – ছোঁয়া লেগেছে এই কবিতায়, তবু ভক্তিরস এখনো অল্পসংসারিত, ঈশ্বরের পদধ্বনি স্পষ্ট শুনতে পাওয়া যাচ্ছে না। যিনি এসেছেন তিনি মানসহৃন্দরীই, তবে তিনি খুব কাছে এসে পৌঁছেছেন এবং কবির সোনার তরীর হাল ধ'রে বসেছেন। "মানসহৃন্দরী" নামক কবিতাটিতে যদিও তাঁকে অতি মধুর অন্তরঙ্গ সম্বোধনে ডাকা হয়েছিলো ( 'প্রথম প্রেমসী', 'সীমন্তিনী' ইত্যাদি ) তবু তিনি ছিলেন অনেক দূরে, অধরা অমর্ত্যবাসিনী। আর "নিরুদ্ধে যাত্রা"য় তিনি মুখোমুখি সমাসীন, তবু তিনি 'অপরিচিতা', 'বিদেশিনী,' কোনো কথা না-ব'লে শুণ্ণ হাসেন, শুধু অঙ্গুলি দিয়ে দেখিয়ে দেন যে-দিকে 'অকূল সিন্ধু উঠিছে আকুলি'। রাত্রির ছায়ায় রহস্তের বাতাবরণ আরো নিবিড় হ'য়ে উঠেছে, মনে হয় ভূর্ত্তে অন্ধকারে সমুদ্রের মাঝখানে মস্ত-কিছু ঘটবে, হয়তো সেই অপরিচিতা হাত বাড়িয়ে 'পরশ' করবেন ; অবশ্য এমনও হ'তে পারে যে বনান্দ্রকারে তাঁর নীরব হাসিটুকুও অদৃশ্য হ'য়ে যাবে। যখন কিছুই দেখা যাবে না তখন অকূল সিন্ধুর উত্তাল তরঙ্গে সোনার তরী ডুবে যেতেও তো পারে ? সে-আশঙ্কা কিন্তু কবিকে বিচলিত করছে না। যাত্রা নিরুদ্ধে, কর্ণধার অপরিচয়ের রহস্তে ঢাকা, তবু তাঁর নৌকা সাগর পাড়ি দেবে, অনেক ঝড়-তুফান আলো-অন্ধকারের মাঝখানে দিয়ে কোনো-এক অজানা তীরে গিয়ে ভিড়বে।

সেই তীরে কি মহত্তর কোনো সত্তার সুস্পষ্ট পদচিহ্ন দেখিয়ে দেবেন মানস-  
সুন্দরী ? আশা আছে বুকভরা, কিন্তু চারিদিকে

সংশয়ময় খন নীল নীর  
কোনো দিকে চেয়ে নাহি হেরি তীর,  
অদ্যৈব বোধন জগৎ প্রাবিষ্ণা  
জ্বলিছে যেন ।

জগৎজোড়া কান্না এখনও তাঁর কানে বাজছে । এ-কান্নার কি কোনো শেষ  
আছে ? অন্ত-একটি সনেটে সে-প্রশ্ন তুলেছেন কবি, উত্তর খুঁজে পাননি :

জানি না, কী হবে পরে, সখি অন্ধকার  
আদি অন্ত এ সংসারে—নিখিল তুংগেব  
কিস্তি আছে কি না আছে, স্বপ্ন-বুড়ুকের  
মিটে কি না জিপ-আশা । ( "গতি" )

বিশ্বব্যাপারের কলাগম্যরূপ কতায় যার দৃঢ় প্রত্যয়, যিনি জীবনের শুভ বিষয়ে  
সর্বদা নিঃসংশয়, এই সনেটের রচয়িতা সে-ববীন্দ্রনাথ নন ।

১ 'এ মনোভাব ববীন্দ্রসাহিত্যে আগেও নাই, পরেও নাই । মানসী বচনাকালে ইহাই তাঁহার  
দানবিক অবস্থা । আসল কথা, কথেক বৎসব পূর্ব্বেকার একটি মুতুশোক তাঁহার মনে যে নৈরাশ্র  
গষ্ট করিয়াছিল এসব তাহারই প্রতিবিম্ব ।' প্রমথনাথ বিশী, 'ববীন্দ্র-দবঙ্গী', মিত্র ও ঘোষ, পৃ. ৯৫-

নাই, নাই, কিছু নাই, শুধু অবেষণ—  
নীলিমা লইতে চাই আকাশ ছাঁকিয়া ।  
কাঁচে গেলে রূপ কোথা করে পলায়ন,  
সেহ শুধু হাতে আসে—শ্রান্ত করে হিয়া । ( "হৃদয়ের ধন" )

প্রমথনাথ বিশী, 'ববীন্দ্রকাব্যপ্রবাহ', ১ম খণ্ড, মিত্র ও ঘোষ, পৃ. ৭১

মানসসুন্দরীর সন্ধানে আমরা বেরিয়েছিলাম মাহুঘী প্রেমের অভূষ্টি ও নৈরাশ্য মনে নিয়ে। 'সোনার তরী'তে নিরুদ্দেশ যাত্রা লক্ষ্যবস্তুর কাছে আমাদের নিয়ে গেলো কিনা বোঝা গেলো না! কিন্তু 'চিত্রা'র এসে আমরা কবির একাধিক মানসপ্রবাহের সংগমভিমুখিনতা দেখতে পাচ্ছি। তারা সংগমস্থলে, অর্থাৎ বিশ্বলোকের স্রষ্টা ও বিধাতা, মাহুঘের পরম পিতা ও সখা, সত্য-শিব-সুন্দরের পরম প্রকাশ ঈশ্বরে এখনও ঠিক পৌছয়নি, কিন্তু সেই দিকে চলেছে। রবীন্দ্রনাথ বেশ স্পষ্ট ভাষায় তাঁর পাঠকদের বুঝিয়ে দিয়েছেন যে জীবনদেবতা ঈশ্বর নন, 'ধর্ম-শাস্ত্রে ঐহাকে ঈশ্বর বলে তিনি বিশ্বলোকের, আমি তাঁহার কথা বলি নাই; যিনি বিশেষরূপে আমার, অনাদি অনন্তকাল একমাত্র আমার...চিত্রা কাব্যে তাঁহারই কথা আছে।' লক্ষণীয় এই যে জীবনদেবতা মানসসুন্দরীর মতো কল্পলোকবিহারী নন, তাঁর উদ্ভব প্রত্যক্ষ উপলব্ধিতে। কবি উপলব্ধি করেছেন—এটা প্রতিভাদীপ্ত কবিমাত্রের সামান্য উপলব্ধি—যে অনেক সময়ে তাঁর কবিতা এমন এক স্তরে পৌছে যায় যেখানে পৌছিয়ে দেওয়া তাঁর নিজের পরিমিত শক্তিতে এবং সচেতন চেষ্টায় সম্ভব ছিলো ব'লে তিনি ভাবতে পারেন না। কোন-এক অদৃশ্য মহাশিল্পী যেন তাঁর হাত দিয়ে অসাধ্যসাধন ক'রে চলেছেন। এই অন্তর্ধামী কবি-প্রতিভাই কবির জীবনদেবতা।

আমরা ঈশ্বরের আরো এক ধাপ কাছে পৌছই যখন রবীন্দ্রনাথ জীবনদেবতার সংজ্ঞাকে প্রশস্ততর ক'রে বলেন, কবির অন্তরালে যিনি কবি—'রচয়িতার মধ্যে আর একজন কে রচনাকারী'—তিনি কেবল কবিকর্মের গতিপ্রকৃতিই অন্তরাল থেকে নির্ণয় করছেন না, 'আমার সমস্ত ভালোমন্দ, আমার অমূল্য ও প্রতিকূল উপকরণ লইয়া আমার জীবনকে রচনা করিয়া চলিয়াছেন।' বধু যেমন বরের হাতে নিজেকে অর্পণ ক'রে পরম সুখ সার্থকতা লাভ করে, কবি তেমনি তাঁর জীবনের সমস্ত সঞ্চয় ও কর্ম, রাগিণী ও ছন্দ দিয়ে তাঁর পরম বরের জন্ত বাসরশয়ন রচনা করেন। এই স্বামীমোহাগের চিত্রকল্পেই "জীবনদেবতা"র আরম্ভ :

গলায়ে গলায়ে বাসনার সোনা

প্রতিদিন আমি করেছি রচনা

তোমার ক্ষণিক খেলার লাগিয়া

মুরতি নিত্য নব।

“চিত্রা” নামক কবিতাটির উপলব্ধি একাধারে অন্তর্মুখী ও বহির্মুখী ; জগতের মধ্যে দেখা যাচ্ছে বিচিত্ররূপিনী মানসসুন্দরীকে, অন্তরের মধ্যে জীবন-দেবতাকে।<sup>১</sup> এই যুগলমূর্তির ধ্যানে বসেও রবীন্দ্রনাথের মনে সন্দেহ জাগে, হয়তো তাঁর জীবনে সত্য দেবতার আবির্ভাব ঘটেনি, এঁরা তাঁরি আপন মনের বাসনা ও কল্পনা দিয়ে গড়া মূর্তি :

আমি যে কাতর

অনন্ত তূষায়, আমি নিচ্য নিদ্রাহীন,

সদা উৎকণ্ঠিত, আমি চিররাত্রিদিন

আনিতৈছি অর্থাভার অন্তর-মন্দিরে

অজ্ঞাত দেবতা লাগি—বাসনার তীব্র

একা বসে গড়িতৈছি কত যে প্রতিমা

আপন স্বেদে ভেঙে, নাহি তার সীমা।

ঈশ্বরের উপলব্ধি এখনও সত্য হ’য়ে ওঠেনি, ‘নৈবেদ্য’-পরবর্তী কয়েকখানি কাব্যে যেমন হ’য়ে উঠবে। তবে অজ্ঞাত দেবতার জন্য তৃষ্ণা ও উৎকণ্ঠা ইতিমধ্যেই তাঁর কাব্যানুভূতিকে অল্পরঞ্জিত করেছে, সংরক্ত করেছে।

যে দুই দেবতার (মানসসুন্দরী ও জীবনদেবতা) কথা শুনি এ-পর্বের কাব্যে, তাঁরা স্পষ্টতই আরো উপরে উঠবার সোপান। কিন্তু নিজের কাব্যরচনা ও জীবনরচনার বাইরে যখন দৃষ্টি নিক্ষেপ করেন কবি, পৃথিবীর এবং পৃথিবীর মানুষ্যের দিকে তাকিয়ে দেখেন, তখন তাঁর ব্যাকুল হৃদয়ের নিরাশ্রয় শূন্যতা আরো স্পষ্ট হ’য়ে ওঠে। “সন্ধ্যা” কবিতাটি এই শূন্য ক্লাঙ হৃদয়ের সার্থক প্রকাশ। এমন স্মরণীয় কবিতা কেন যে সমালোচক ও সংকলকদের দৃষ্টি এড়িয়ে গেছে তা আমার কাছে একটু আশ্চর্য ঠেকে। কবিতাটির প্রথম স্তবকের ঈষৎ করুণ সন্ধ্যার বর্ণনা করুণতর হ’য়ে ওঠে নিস্তরু শাস্ত গ্রামের একটি কুটির-প্রাঙ্গণের বেড়া-ধ’রে-দাঁড়ানো কোনো গৃহবধূর রেখাচিত্রে। তার পরে একটি তুলনা :

শিশুরা খেলে না : শূন্য মাঠ জনহীন ;

ঘরে-কোরা প্রান্ত গাভী গুটি দুই-তিন

কুটির-অঙ্গনে বাধা, ছাঁবির মতন

শুকপ্রায়। গৃহকার্য হল সমাপন—

কে ওই গ্রামের বধু ধরি বেড়াখানি  
সম্মুখে দেখিছে চাহি, ভাবিছে কী জানি  
ধূসর সন্ধ্যায় ।

অমনি নিস্তন্ধ প্রাণে

বহুজরা, দিবসের কম অবসানে,  
দিনান্তের বেড়াটি ধরিয়া আছে চাহি  
দিগন্তের পানে । ধীরে যেতেছে প্রবাহি  
সম্মুখে আলোকশ্রোত অনন্ত অধরে  
নিঃশব্দ চরণে : আকাশের দ্বান্তরে  
একে একে অন্ধকার হতেছে বাহির  
একেকটি দাঁপ্ত তার। ক্ষুব্ধ পল্লী  
প্রদীপেব মতো । ধীরে যেন উঠে ভেসে  
গ্লানচ্ছবি ধরণীর নয়ননিমেষে  
কত যুগ-যুগ'ন্তের অতীত আভাস,  
কত জীবজীবনের জীর্ণ ইতিহাস ।  
যেন মনে পড়ে সেই বালানীহাবিকা :  
তার পবে প্রজ্বলন্ত যৌবনের শিখা ,  
তার পরে স্নিগ্ধস্তম্ভ অল্পপূর্ণালয়ে  
জীবধাত্রী জননীর কাজ বন্ধ লয়ে  
লক্ষ কোটি জীব — কত দুঃখ, কত ক্লেশ,  
কত যুদ্ধ, কত মৃত্যু, নাহি তা'র শেষ ।  
ক্রমে ঘনতব হয়ে নামে অন্ধকার,  
গাঢ়তর নীববতা — বিথপরিবাব  
স্বপ্ন নিশ্চেতন । নিঃসঙ্গিনী ধবণীব  
বিশালজৈন্তব হতে উঠে স্তম্ভজীব  
একটি ব্যথিত প্রশ্ন, বিষ্ট প্রাস্ত স্রব,  
শূন্যপানে — ‘আবো কোথা ? আবো কত দূর ?’

এই কবিতার শেষ চরণ মনে করিয়ে দেয় ‘বলাকা’র নাম কবিতার শেষ  
চরণটিকে — ‘হেথা নয়, অথ কোথা, অথ কোথা, অথ কোন্‌খানে ।’ দুই চরণেই  
গতির কথা বলা হয়েছে, কিন্তু কতো ভিন্নভাবে, প্রায় বিপরীত মেজাজ থেকে ।  
প্রথমটিতে গতি এনেছে শুধু দুঃখ ও হতাশা । ধরণী লক্ষ-লক্ষ বৎসর ধ’রে আপন  
কক্ষপথে চুলতে-চলতে দেখেছে ‘কত দুঃখ, কত ক্লেশ, / কত যুদ্ধ, কত মৃত্যু, নাহি  
তার শেষ ।’ তাই আজ প্রশ্ন তার নিরাশ, স্রব ব্যথিত ও ক্লান্ত, আর যেন সে



পায়ছে না, এবার সব শেষ হয়ে গেলেই শান্তি। আর দ্বিতীয় কবিতাটিতে ‘পুলকিত নিশ্চলের অন্তরে অন্তরে/বেগের আবেগ’, নিখিলের পাখা ‘অক্ষুট হৃদর যুগান্তরে’ উড়ে যাওয়ার জগৎ ব্যাকুল, অধীর; ক্লান্তি বা বিষাদের এতোটুকু ছোঁয়া লাগেনি তাতে। ‘গীতাঞ্জলি’ পর্বে যে ‘হুথযামিনীর বুক-চেরা ধন’ কবি লাভ করেছিলেন তার দীপ্তিচ্ছটা ‘বলাকা’ রচনাকালেও নিশ্চয় হ’য়ে যায়নি, যদিও মহাযুদ্ধের ছায়া পড়েছে তার উপর। কিন্তু ‘চিত্রা’ কাব্যে সে-শুশ্রূষার জগৎ আকুলতা যতোই দেখা যাক, তার সন্ধান তখনও পাননি কবি। তাই সে পর্বে গতি মানেই প্রগতি নয়, দূরে যাওয়া মানেই কোনো চরম লক্ষ্যের দিকে এগুনো নয়: গতিবোধ কোন উচ্ছ্বাস জাগায় না, জাগায় শুধু নৈরাশ্র আর বিয়াদ।

বহুধারা-বিষয়ক এই কবিতার সঙ্গে আর-একটি কবিতার প্রতিতুলনা সহজেই মনে আসে—‘পত্রপুট’-এর তিন নম্বর কবিতা (‘আজ আমার প্রগতি গ্রহণ করে পৃথিবী’ )। ‘চিত্রা’য় ধরণীর ছবিটি অত্যন্ত করুণ, সে ভাগ্যপীড়িত মানবসন্তানদের সঙ্গে একীভূত, তাদেরই মতো অসহায়, ক্লান্ত করুণার। ‘পত্র-পুট’-এর পৃথিবী সমগ্র জাগতিক শক্তির প্রতীক; মানবসন্তানদের সঙ্গে তাঁর সম্পর্ক স্নেহপরায়ণা জননীর সঙ্গে একান্ত নির্ভরশীল পুত্র-কন্যার নয়; সম্পর্ক আরো দূরের, অনেকটা যেন খামগেয়ালি দোঁদগুপ্রতাপ রাজার সঙ্গে পদানত প্রজাবর্গের। ‘বিপরীত তুমি ললিতে কঠোরে’, ‘কৃপা করো না কৃপাপাত্রকে’, ‘ছারখার করেছ আপন সঙ্কীর্ণ’, আবার কখনো ‘টাদের পেয়লা ছাপিয়ে দিয়ে উপচিয়ে পড়েছে / স্বর্গীয় মদের ফেনা।’ একাধারে সে স্তম্ভরী অল্পপূর্ণা এবং অল্পরিক্তা ভীষণ। সবসুদ্ধ সে প্রণম্য, প্রচণ্ড স্তম্ভর তার মহিমা। কিন্তু যে-দৃষ্টি দিয়ে কবি দেখেছেন এই উদাসীন পৃথিবীকে তা বিশুদ্ধ নান্দনিক, ভালোমন্দ বিচারের উর্ধ্বে, মানুষের স্বত্বদুঃখে সংজ্ঞুক নয়; বহুদূর থেকে যেন এই মহা-নাট্যকারের নাট্যালীলা দেখে কবি রূপমুগ্ধ। ‘চিত্রা’র কবি মানুষের অনেক বেশি কাছাকাছি, মানুষের ভাগ্য নিয়ে অনেক বেশি দুর্ভাবিত ও পীড়িত।

“সন্ধ্যা” কবিতাটিতে অভিব্যক্ত জাগতিক বেদনা ও হতাশা রবীন্দ্রনাথকে কতোখানি বিচলিত করেছিলো তা আমরা বুঝতে পারি মাত্র কয়েকদিন পরে লেখা “এবার ফিরাও মোরে” থেকে। এ-দুটি রচনা—প্রথমটি একটি উৎকৃষ্ট এবং প্রায় অখ্যাত কবিতা, দ্বিতীয়টি বহুবিখ্যাত প্রায় অকবিতা—পর পর পড়ে

গেলে রবীন্দ্রনাথের একটা দিক স্পষ্ট হ'য়ে ওঠে। অমঙ্গলবোধ তাঁর মনে যখনই অতিশয় তীব্র হ'য়ে উঠেছে তখনই তিনি 'উত্তরি' ছেড়ে 'বর্ম' ধারণ করতে উত্তত হয়েছেন। নিজের অন্তর্বাসী কবিপুরুষকে দিক্কার দিয়েছেন, 'ছিন্নবাধা পলাতক বালকের মতো / মধ্যাহ্নে মাঠের মাঝে একাকী বিষণ্ণ তরুচ্ছায়ে' বাঁশি বাজানো অসহ্য লেগেছে; ডাক দিয়েছেন সেই কর্মী-পুরুষটিকে যিনি তাঁর সম্ভাষ্য সর্বদাই লুকানো রয়েছেন, ঘোষণা করেছেন কবিকে কর্মক্ষেত্রে অবতীর্ণ হ'তে হবে :

কবি, তবে উঠে এস—যদি থাকে প্রাণ  
তবে তাই লহ সাথে, তবে তাই করো আজি দান।  
বড়ো হুংখ, বড়ো বাখা—সম্মুখেতে কষ্টের-সংসার  
বড়োই দরিদ্র, শূন্য, বড়ো ক্ষুদ্র, বন্ধ, অন্ধকার।

তারপরে নিজের প্রতি অজস্র উপদেশবাণী :

কী গাহিবে, কী শুনাবে। বলো, মিথ্যা আপনার হুংখ,  
মিথ্যা আপনার হুংখ। স্বার্থমগ্ন যে জন বিমুখ  
যুহুং জগৎ হতে সে কখনো শেখি নি বাঁচিতে।

ভাষাটিও নীতি-উপদেশের, কবিতার নয়। কবি ও কর্মী এই দ্বৈতসম্ভার অস্তবিরোধ মাঝে-মাঝে কবিকে ক'রে তুলেছে উপদেষ্টা, কিন্তু সে-যৎসামান্য ও তৎসাময়িক উন্ন্যাসগতি তাঁর মূল কাব্যধারাকে মোটের উপর আরো বেগবান, আরো উত্তরঙ্গ করেছিলো।

'চিত্রা'র "সঙ্ক্যা" যে 'ক্লান্ত ক্লিষ্ট' হ'রে শেষ হ'লো সেই ক্লান্তি রূপায়িত হয়েছে আরো গভীর, পরিব্যাপ্ত ও সার্থক ভাবে সঙ্ক্যা-বিষয়ক অগ্র-একটি কবিতায়—'কল্পনা'র "হুংময়"-এ। সমস্ত পৃথিবীর বিষণ্ণ অবসাদ যেন কবি টেনে নিয়েছেন নিজের মধ্যে, নিজের ছুটি ক্লান্ত ডানার মধ্যে। নীড় কোথাও নেই, ক্ষণিকের জ্ঞান বিশ্রাম পাওয়া যেতে পারে এমন গাছপালাও দেখা যাচ্ছে না, আছে শুধু নিবিড়-তিমির-আঁকা মহানভ-অঙ্গন—যে-মহানভে উষার দিশা পর্যন্ত গেছে হারিয়ে। উষার অস্তিত্ব বিষয়ে অবশ্য কবির মনে কোনো সন্দেহ নেই নইলে কেন বায়ে-বায়ে ক্লান্ত বিহঙ্গকে পাখা বন্ধ না-করতে উপরোধ করা হবে। সম্মুখে এখনো অবশ্য 'স্বচির শর্বরী' রয়েছে এবং 'নিম্নে গভীর অধীর মরণ', তবু নিরাশ হ'লে চলবে না।

বিহঙ্গকে কেন ‘অন্ধ’ বলা হ’লো এ নিয়ে প্রশ্ন উঠেছে, কিন্তু কবি এবং মানবাত্মা মাত্রই ( বিহঙ্গ যার প্রতীক এই কবিতায় ) তো স্বভাবগুণে অন্ধই, বহু দীর্ঘ ও কঠিন সাধনার ফলে তাকে চোখের জ্যোতি লাভ করতে হয়। মনে রাখা ভালো যে, উপনিষদে কোথাও বলা হয়নি চোখের সামনেই আলো রয়েছে। আদিত্যবর্ণ মহান পুরুষ আছেন অবশ্য, কিন্তু তমসার পরপারে। এই সূদীর্ঘ তামসী রাত্রি পার হবার বেদনা ও ক্লান্তিই অভিব্যক্ত হয়েছে “দুঃসময়”-এ। ‘ওরে আশা নাই, আশা শুধু মিছে ছলনা’-এর অর্থ এই নয় যে একেবারেই কোনো আশা নেই,<sup>২</sup> কারণ সঙ্গে-সঙ্গেই বলা হচ্ছে ‘ওরে ভয় নাই’। অল্পেতে সংকট কেটে যাবে, সহজেই আলো দেখা দেবে-এই আশাকেই ‘মিছে ছলনা’ বলা হয়েছে।

কিন্তু ইতিমধ্যেই তারাগুলি ইঙ্গিত করছে, ‘বহুদূর তীরে’ কারা যেন অঞ্জলি বেঁধে ডাকছেও। তারাগুলি ‘ক উ’-নিষদের বাণী, এবং ‘বহুদূর তীর’ কি ভারতবর্ষ? ‘কল্পনা’র পরবর্তী কবিতাগুলি পড়লে এই ধারণাই মনে স্থান পায়। ‘মোনার তরী’ ও ‘চৈতালি’ রচনাকালে রবীন্দ্রনাথ ছিলেন শিলাইদহের পদ্মা-তীরে, সমসাময়িককাল ঘেঁষে। ‘কল্পনা’তে তিনি চ’লে গেলেন রেবা-শিপ্রার তটে কালিদাসের কালে; আর ‘নৈবেদ্য’-এ তাকে দেখা যাবে সরস্বতী-দৃশ্য-বতীর তীরে, উপনিষদের যুগে। অতীতযুগে অসংগঠনের একাধিক বাহ্যিক ও আপাতিক কারণ থাকতে পারে, কিন্তু একটি আভ্যন্তরীণ তাগিদও ছিলো। ‘মানসী’ কাণ্ডে যে-নৈরাশ ও বিষাদের সুর তরুণ প্রমথ চৌধুরী লক্ষ করে-ছিলেন তা ‘মানসী’তেই কেটে যায়নি, অগাচ্ছ সুরের মধ্যে এই সুরের গভীর থেকে গভীরতর অনুরণন শুনতে পাওয়া যায় ‘কল্পনা’ পর্যন্ত।

কবি তাঁর সমসাময়িককালকে - কালের মাধ্যমে, সঙ্গিনীকে, প্রকৃতিকে - ভালোবেসেছিলেন, কিন্তু গভীর অতৃপ্তিও লাভ ববেঁছিলেন। প্রেমের ক্ষণিকতা, প্রেমাস্পদের অপূর্ণতা ( যে-অপূর্ণতাগোধ তাঁর প্রেমকে মানবী থেকে মানসীর দিকে চালিত করেছিলো ) তাঁকে ব্যথা দিয়েছিলো; মাছুষের বহুবিধ দৈহ্য দুর্দশা অক্ষয়তা অসহায়তা ( ‘মোরা শুধু খড়কুটো শ্রোতোমধ্যে চলিয়াছি ছুটি’ ) তাঁকে পীড়া দিয়েছিলো; প্রকৃতি মনোহর কিন্তু নরম ও নিষ্ঠুর ( ‘হৃদয় কোথায় তোর খুঁজিয়া বেড়াই / নিষ্ঠুরা প্রকৃতি’ ), নিয়মের নিগড়ে নিজেকেও বেঁধেছে, মানুষকেও পিষে মারছে। এই পরিব্যাপ্ত নৈরাশ ও বিষাদের ঘনায়মান অন্ধকার

থেকে নিষ্কমণের পথ খুঁজছিলেন কবি তাই বারে-বারে তাঁর অন্তরের ক্লান্ত  
পাখীকে ডেকে বলছেন—‘তবু বিহঙ্গ, ওরে বিহঙ্গ মোর / এখনি অঙ্ক, বঙ্ক  
কোয়ো না পাখা।’

১ ‘বাউনে ঘার পকাশ বাস্তবে সে বহু, অন্তরে ঘাব প্রকাশ সে এক।। চণ্ডে বিচিত্ররূপিণী  
অ্যার অন্তরে একাকিনী, কবির কাছে এ টুট-টু সত্য।।’ ‘চিত্রা’ বাবোয় গুচনা, রবীন্দ্র-বচনাবলী  
প্রথম খণ্ড, পৃ. ৪০৪

২ তুলনীয় .

তবু এক দিন এই আশাতীন পল্লবে

অতি দূরে দূরে ঘুরে ঘুরে শেষে ফুরাবে

দীর্ঘ ভ্রমণ একদিন হবে অন্ত বৈ,

শান্তিসমীর আশ্রয় শরীর জুড়াবে। ( “অসময়”, ‘কল্পনা’ )

নিষ্ক্রমণের ছুটি সম্পূর্ণ ভিন্ন পথ খুঁজে পেলেন রবীন্দ্রনাথ ; একটি পথ ‘ক্ষণিকা’, অন্য পথে কালিদাসের কাল পেরিয়ে তিনি চ’লে গেলেন বৈদিক ভারতবর্ষে, তাঁর ‘নৈবেদ্য’-রচনার ফুলগুলি সেখান থেকেই তুলে-আনা।

‘ক্ষণিকা’ আমার মতে প্রাক্-‘গীতাঞ্জলি’ পর্বের সবচেয়ে সার্থক রচনা। গুরুতম ভাবের সঙ্গে লঘুতম ভঙ্গির মিশ্রণ ঘটানো সম্ভব হয়েছে এ-বইখানিতে। ছন্দ ক্ষিপ্ত ও অনায়াস, ভাষা ধরোয়া ও অন্তরঙ্গ, ভাবের গাষ্ঠীর্থকে প্রায়ই শূদ্র-পরিহাসের পাংলা আরণ দিয়ে ঢেকে রাখা হয়েছে। সব যেন হালকা এবং সহজ হ’য়ে গেছে। কিন্তু এই সহজকে পাওয়ার জন্য বিশ বছরের কঠিন কাব্য-তপস্কার প্রয়োজন ছিলো, চল্লিশ বছর বয়সের পরিণত মনের অপেক্ষা ছিলো। পূর্বের বিষাদ কেটে গেছে, তার বদলে পাই উদাস প্রহেলতা ; নৈরাশ্যের বিক্ষোভ যেখানে তীব্র ছিলো সেখানে দেখি বৈরাগ্যের মৃদু প্রশান্তি। ‘ক্ষণিকার’ কবি অত্যন্ত আটপোরে, নিকট প্রতিবেশের প্রতি একান্ত মনোযোগী, রক্তমাংসের মানুষ্যের সঙ্গে, পল্লিপ্ৰকৃতির সঙ্গে ঘনিষ্ঠভাবে সংযুক্ত। জীবনদেবতার মহানুভূতি থেকে আমাদের মন স’রে এসেছে দৈনন্দিন জীবনের খুঁটিনাটিতে, মানসসুন্দরীর সন্ধান থেকে ফিরে এসেছি সেই সব রূপে-গুণে নিরতিশয় সামান্যদের কাছে যাদের নাম রঞ্জন। কি কৃষ্ণকলি, যাদের নিয়ে কাব্য করতে গেলেও ভাষা আপনিই নিরলংকার হয়, ভাব নিরুচ্ছ্বাস। ‘ক্ষণিকা’র অধিকাংশ কবিতার সুর চড়া নয়, আবেগকম্প কণ্ঠে আবৃত্তি করার উপযুক্ত নয় মোটেই। সাহস ক’রে এখানে ব’লে ফেলাই ভালো যে পূর্ববর্তী কাব্যগুলির অতি-কোম্যাটিকতার চড়া সুর এবং অলংকার-বাহুল্য ( “উবশী” কবিতাটি তার সবচেয়ে বিশ্বাস্য উদাহরণ ) আমাদের ঈষৎ পীড়া দেয় : ব্যতিক্রম অবশ্য ছিলো কিন্তু সংখ্যায় এতো কম যে চারিদ্রব্যক্ষণ-বিচারে তাদের ভূমিকা গ্রাহ্যবর্তীই। ‘ক্ষণিকা’তে প্রকাশভঙ্গির আশ্চর্য পরিমিত মনের পূর্ণ পরিণতিরই সাক্ষ্য বহন করে। লোকেন পালিতকে লিখিত উৎসর্গপত্রটি স্মরণীয় :

প্রাণি কবি নিদেন-পাশে

ছ’টা মাস কি এক বছর

হবে তোমার বিজন-বংশে

দিগাবেটের সহচরী।

কতকটা তার ধোঁয়ার সঙ্গে  
 স্বপ্নলোকে উড়ে যাবে—  
 কতকটা কি অগ্নিকণায়  
 ক্ষণে ক্ষণে দীপ্তি পাবে ?  
 কতকটা বা ছাইয়ের সঙ্গে  
 আপনি থ'সে পড়বে ধুলোয়,  
 তার পবে সে ঝেঁটিয়ে নিয়ে  
 বিদায় কোরো ভাঙা কুলোয় ।

এই ব্যঙ্গরসিক আত্মসমালোচক দৃষ্টিভঙ্গি কবিকে অনেকটা নিরাসক্ত ও সমাহিত মনের অধিকারী করেছে। সে-মন তাঁকে বলছে—শতাব্দীর সন্ধানে ক্ষণিকাকে অবহেলা করো না ; আকাশ বড়ো দূরে, মাটির দিকে তাকিয়ে সামান্যের মধ্যেই স্নন্দরকে দেখতে পাবে, নিখুঁত নয় সে, তবু সে বহন ক'রে এনেছে পরমের আশীর্বাদ। আরো বলছে জীবনে দুঃখ তো থাকবেই, কিন্তু তা নিয়ে জীবন ভ'রে এবং কাব্য ভ'রে বিক্ষোভ বিলাপ আর বিদ্রোহও থাকবে—এমন তো কোনো কথা নেই। দুঃখের সঙ্গে যেন নতুন একরকম বোঝাপড়া ক'রে নিতে প্রবৃত্ত হয়েছেন কবি। এ “বোঝাপড়া” নামধারী কবিতাটিতেই তার চমৎকার ভাষা পাওয়া যায় :

অনেক ঝগড়া কাটিয়ে বুধি  
 এলে স্বপ্নের বন্দরেতে,  
 জলের তলে পাহাড় ছিল  
 লাগল বৃকের অন্ধরেতে  
 মুহূর্তেক পাঁজরগুলো  
 উঠল কেঁপে আতঁরবে—  
 তাই নিয়ে কি সবার সঙ্গে  
 ঝগড়া ক'রে মরতে হবে ?  
 ভেসে থাকতে পার যদি  
 সেইটে সবার চেয়ে শ্রেয়,  
 না পার তো বিনা বাক্যে  
 চূপ করিয়া ডুবে যেয়ো।  
 এটা কিছু অপূর্ব নয়,  
 ঘটনা সামান্য খুবই—  
 শব্দা যেথায় করে না কেউ  
 সেইখানে হয় জাহাজ-ডুবি।

এই কথাগুলো নিজেকে খুব সহজে, ত্রাসসংগতভাবেই বলা চলে। কিন্তু আর-একজনের জাহাজ-ডুবি হবার উপক্রম যখন তখন তাকে এ-হেন উপদেশবাণী শোনাতে গেলে একটু নিষ্ঠুরতার পরিচয় দেওয়া হবে না কি? অপরকেও এমন কথা বলা যায় হয়তো—‘তুই ভিন্ন দৃষ্টিকোণ থেকে। এক—যাকে ইংরেজিতে আইরনিক মুড বলা হয় ইদানী’। বাংলায় কী বলবো? এই আইরনিক মোহা কথাটা হচ্ছে : নিয়তি বা বিধাতার বিধানে জীবন মোটের উপর দুঃখের—আছে এবং থাকবে। দুঃখ এড়াবার জ্ঞান হাত-পা ছুঁড়ে কোনো লাভ নেই, অন্তর্কেও দুঃখ থেকে বাঁচাবার চেষ্টা বিফলই হবে—তার দিক থেকে ; তোমার দিক থেকে তাতে একটু চিন্তাশুদ্ধি ঘটতেও প’রে। কিন্তু শেষ পর্যন্ত সকলকেই দুঃখের সঙ্গে ধর-সংসার করতে শিখতে হবে, দুঃখকে আহার-নিদ্রার মতোই অত্যন্ত সহজ, তুচ্ছ, নিত্যনৈমিত্তিক অভ্যাসগুলির অন্তর্ভুক্ত ক’রে নিতে হবে। দুঃখ পাওয়াটা যেমন জীবনেরই নামাস্তর, তা নিয়ে বিলাপ করাটা তেমনি বোকামির।

দ্বিতীয় দৃষ্টিকোণটি বিস্ময় নান্দনিক। শ্রেয়োনীতির বিচারে অবশ্য নিজের দুঃখকে ছোটো ক’রে দেখা এবং অবহেলার বিষয় জ্ঞান করা যদিচ প্রশংসনীয়, অপরের দুঃখের প্রতি অমনোযোগ বা তাকে ব্যঙ্গ-কৌতুকের রসায়নে হাল্কা ক’রে তোলাটা নিন্দার। কিন্তু দার্শনিকের মতো শিল্পীও স্বত্ব-দুঃখমাত্রকে—তা সে নিজেরই হোক আর অন্যেরই হোক—সম্পূর্ণ নিরাসক্ত নিরুদ্বেগ চিন্তে গ্রহণ করবেন, জীবনের যাবতীয় ঘটনাকে, দারুণতম দুর্ঘটনাকেও, বেশ-একটু দূর থেকে এবং রঙে রেখায় ধ্বনিত-বাণীতে প্রতিবিম্বিত ক’রে দেখবেন। শ্রেয়ো-নীতিতে আত্মপর ভেদ রয়েছে ; আমি নিজের শরীরপাত ক’রে, প্রাণ বিপন্ন ক’রে হিমালয়ের উত্তীর্ণ শিখরারোহণ করতে পারি ; কিন্তু পরের বেলা আমার সে-অধিকার অর্ধো নেই। আত্মবলিদান মহৎ কর্ম, অন্তর্কে বলিদান মহাপাপ। সমদৃষ্টি শিল্পী ও জ্ঞানীর অদ্বিষ্ট, কমীর পক্ষে বিপজ্জনক।

অবশ্য শ্রেয়োনীতিক এবং নান্দনিক মানুষ পরস্পর-বিচ্ছিন্ন নয়, একই মানব-সত্তার এ-পিঠ ও-পিঠ। কিন্তু এই দুটো পিঠকে স্বতন্ত্র ক’রে বোঝাবার প্রয়োজন আছে জীবনে। দুটো পিঠকে গুলিয়ে ফেলাটাই আধুনিক সাহিত্যের মৌল ভ্রান্তি। রবীন্দ্রনাথ কবি এবং চুলভ প্রতিভাসম্পন্ন কবি। সেই রবীন্দ্রনাথ আবার অক্লান্ত কর্মীও বটে, এবং শ্রেয়োনীতিক চেতনা তাঁর অত্যন্ত প্রথর। স্বতরাং শ্রেয়োনীতির সঙ্গে নন্দনতত্ত্বের যদি কোনো বিরোধ থাকে—আমার মতে এক

জায়গায় বিরোধ আছেই—তবে তা রবীন্দ্রনাথ যেমন ক’রে অণুভব করবেন, আর কোনো কবির তেমন ক’রে অণুভব করার কথা নয়।’

‘মানসী’র বিষাদ ও নৈরাশ্য থেকে নিষ্কমণের দ্বিতীয় পথ রবীন্দ্রনাথকে নিয়ে গেলো প্রাচীন ভারতবর্ষে এবং উপনিষদের ব্রহ্মবাদে—শঙ্কর-বেদান্তের মায়াবাদে নয়, মহর্ষি দেবেন্দ্রনাথের দ্বারা ব্যাখ্যাত ব্যক্তিস্বরূপিত ব্রহ্মের ব্রাহ্ম-সামাজিক ধারণায় ও উপাসনায়। তারই উজ্জল স্বাক্ষর ‘নৈবেद्य’। ‘পরম পূজ্য-পাদ পিতৃদেবের ত্রীচরণকমলে উৎসর্গ’ করা এই কাব্যগ্রন্থখানি কাব্য হিসেবে উজ্জল নয়, তবে রবীন্দ্রনাথের আন্তিক্য, আস্থা, আশাবাদ এবং ঈশ্বরের মঙ্গলময় বিধানের উপর দ্বিধাহীন নির্ভরতার প্রকাশরূপে প্রণিধানযোগ্য। ‘মানসী’-যুগের অবসান হুঁচিৎ হয় পর-পর এবং খুব অল্প সময়ের ব্যবধানে রচিত দুই কাব্যগ্রন্থে—‘ক্ষণিকা’ ও ‘নৈবেद्य’-এ। অথচ কী বিপরীত তাদের ভাষা ও রচনাভঙ্গি, ভাব ও হৃদয়াবেগ, এবং কাব্যিক মূল্য। ‘ক্ষণিকা’ রবীন্দ্রনাথের শ্রেষ্ঠ দু-চারখানি কাব্যগ্রন্থে গণ্য হবার যোগ্য; ‘নৈবেद्य’ নিঃস্বপ্নতম তালিকায় স্থান পাবে ব’লে আমার বিশ্বাস। প্রমথনাথ বিশি ‘নৈবেद्य’কে বলেছেন ‘আইডিয়া-প্রধান কাব্য’। বড়ো বেশি আইডিয়া-প্রধান, এতো বেশি যে আইডিয়াই র’য়ে গেছে, সনেটের ঠাস-বুনো শিল্পরূপ ধারণ ক’রেও (অল্প দু-চারটি ব্যাতিরেকে) ঠিক কবিতা হ’য়ে ওঠেনি। আইডিয়া প্রধানত তিনটি : (১) স্বদেশপ্রেম—সে-স্বদেশের সর্বোচ্চ প্রকাশ সটেছিলো বৈদিক যুগে এবং সে-যুগের আদর্শ থেকে বিচ্যুত হয়েছি ব’লে আজ আমাদের আধ্যাত্মিক, সামাজিক ও রাষ্ট্রিক দৈন্য-দশা। (২) ঈশ্বরে ভক্তি—সে-ঈশ্বরকে রবীন্দ্রনাথ এখনও একান্ত আপন অন্তরের উপলব্ধিতে পাননি, লাভ করেছেন উপনিষদ পাঠে, ব্রাহ্মসমাজের মানসিক আবহাওয়ায়, পূজনীয় পিতৃদেবের কাছে আবাল্য শিক্ষায়। এবং (৩) সর্বমাতৃষের মঙ্গলচিন্তা।

রবীন্দ্র-জীবনীকার লিখছেন, ‘রবীন্দ্রনাথের ঈশ্বরবোধের প্রেরণা হইতেছে ব্রাহ্মধর্ম-গ্রন্থোদ্রুত উপনিষদ।’ এ-কথা ‘খেয়া’ বা ‘গীতাঞ্জলি’র ঈশ্বরবোধ সম্বন্ধে প্রযোজ্য নয়, কিন্তু ‘নৈবেद्य’-এর ক্ষেত্রে খুবই সত্য। তিনি আরো বলছেন, ‘নৈবেद्यের অনেকগুলি কবিতা আদি ব্রাহ্মসমাজীয় ধর্মমতবাদের প্রভাবে আচ্ছন্ন।’<sup>২</sup> এই কারণে ‘নৈবেद्य’-এ এক-প্রকার ঐতিহাসিক নির্ভরতা ও স্বাক্ষর-



ভিমানী গণ্ডিবদ্ধতা এসে পড়েছে যা সংকাব্যে বেমানান। অনেকে ‘নৈবেদ্য’কেও ‘খেয়া’-গীতালিলি’র সঙ্গে এক পংক্তিতে বসান, কারণ ছোটোতেই ভক্তিরসের স্বাদ পাওয়া যায়; অথচ প্রথমোক্ত গ্রন্থের ভক্তি-কবিতার সঙ্গে পরবর্তী ভক্তি-কবিতার প্রেরণা, প্রকৃতি ও প্রকর্ষের ভেদ অপরিমেয়। ‘নৈবেদ্য’-এ অনেক স্মরণীয় বাণী আছে, অনেক প্রয়োজনীয় ধর্মদেশনা আছে, কিন্তু সত্যিকার কবিতা ক’টি? একটি সনেটের প্রথম স্তবকে উপনিষদের বিখ্যাত শ্লোকটি (‘শ্রবন্ত বিশ্বং...’) অল্‌বাদ ক’রে দিয়ে যটকে কবি বলছেন :

আরবার এ ভারতে কে ধবে গো আনি  
সে মগা আনন্দস্র, সে উপাত্তবাণী  
সঞ্জীবনী, সর্গে নর্তে সেই সুচরিত  
পরম যোগ্য, সেই একান্ত নির্ভয়  
অনন্ত অন্তর্বর্তী।

বেমত ভারত,

শুধু সেই এক আছে, নাহি অল্প পপ।

এটা ধর্মোপদেশ, কবিতা নয়। ঈশ্বরাত্মভূতি যে কতো স্বন্দর কবিতার উপ-জীব্য হ’তে পারে তা রবীন্দ্রনাথ নিজেই পরবর্তী কয়েকটি কাব্যগ্রন্থে দেখিয়ে দিলেন।

‘নৈবেদ্য’র ঈশ্বর কবির অন্তরতম অল্‌ভূতিতে বিরাজমান সেই ‘পরানসখা বন্ধু’ নন, যিনি বাড়ের রাতে অভিসারের জগা গজন অন্ধকারে নদী পার হ’য়ে আসছেন। তিনি সবমাত্রাঘের ঈশ্বর, জনগণের ‘ভাগ্যবিধাতা, বিশ্বচরাচর ধার মঙ্গলময় ইচ্ছার অধীন। সমাজবোধ ও সংস্করণকল্যাণ-চিন্তা ‘নৈবেদ্য’ রচনাকালে রবীন্দ্রনাথের মনে অতিশয় সজাগ ছিলো। অথচ ঠিক ঐ-সময়ে :

শতাব্দীর স্রোত আজি বহ্নিমের মাঝে  
অস্ত গেল, হিসাব উৎসবে আজি বাজে  
অপ্তে অপ্তে মরণের উদ্‌ঘাট বাপিণী  
ভয়ংকরী।

বজ্রার বিদ্রোহ দমনে পাশ্চাত্য শক্তিবর্গের নিষ্ঠুরতা এবং বোয়ার যুদ্ধের নৃশংসতা কবিকে খুবই বিচলিত করেছিলো। বিচলিত করেছিলো, কিন্তু ঐশী বিধানে তাঁর নিটোল আস্থায় ফাটল ধরাতে পারেনি। তিনি ধ’রে নিলেন যে, পশ্চিমী সভ্যতার শক্তিমদ-মত্ততা এবং সংকীর্ণ জাতিপ্রেমরূপ পাপ এই দুঃখের কারণ।

স্বতরাং দুঃখকে আমাদেরই পাপের শাস্তি ব'লে গ্রহণ করতে হবে। 'স্বার্থের সমাপ্তি অপঘাতে' হবেই, কারণ ;

একেব স্পর্ধারে কভু নাহি দেখে স্থান  
দীর্ঘকাল নিখিলের বিরাট বিধান।

বিশ্বপালককে সম্বোধন ক'রে কবি বলছেন :

তোমার নিখিলপ্রাণী আনন্দ-আলোক  
হয়তো লুকায়ে আছে পুণ্যস্কন্ধীয়ে  
বহু ধৈর্যে অস্ত্র স্তব্ধ দুঃখের তিমিরে  
সববিক্ত অশ্রুসিক্ত দেহেব দীক্ষায়  
দীর্ঘকাল, ব্রাহ্ম হৃৎকের প্রতীক্ষায়।

ব্যক্তির ও সমাজের জীবনে অনেক আঘাত-সংঘাত, যন্ত্রণা ও মৃত্যু তো আসবেই, তারই মাঝখানে 'সংশয়াতীত প্রত্যয়' স্থির রাখতে হবে মনের মধ্যে—ঈশ্বরের করুণা—থেকে তো শেষ পর্যন্ত আমরা বঞ্চিত হবো না। তবে মিছে কেন আমরা ব্রহ্ম-চিন্তা দীন-আত্মা হ'য়ে 'মরিতেছি শত লক্ষ ডরে' :

দেন মোর পিতৃহারা ধাই পথে পথে  
অনীশ্বর ওরাজক ভয়ান্ত ভগতে।

এই যুগপরম্পরাগত আপ্তবাক্যানির্ভর পরাশ্রয়ী ধর্মচিন্তা রবীন্দ্রনাথের মতো অনন্তসাধারণ সৃজনী প্রতিভাকে বেশিদিন তৃপ্ত দিতে পারে না, দেয়ওনি। আত্মপরিচয় দিতে গিয়ে তিনি বলেছেন, 'যেখানে আমি স্পষ্টত ধর্মব্যাখ্যা করেছি সেখানে আমি নিজের অন্তরতম কথা না-ও বলতে পারি, সেখানে বাইরের শোনা কথা নিয়ে ব্যবহার করা অসম্ভব নয়। সাহিত্য-রচনায় লেখকের প্রকৃতি নিজের অগোচরে নিজের পরিচয় দেয়, সেটা তাই অপেক্ষাকৃত বিশ্বদ্ব।'<sup>৪</sup> 'নৈবেদ্য' ধর্মব্যাখ্যা নয়, কবিতাই। তবু তাতে কবি নিজের 'অন্তরতম কথা' বলেছেন ব'লে তো মনে হয় না। এবং 'বাইরের শোনা কথা'য় যে তাঁর ভক্তিরসপিপাসা মেটেনি তার সাক্ষ্য 'নৈবেদ্য'-এরই শেষ দিককার দু-একটি সনেটে পাওয়া যায়। ৮৬ নম্বর সনেটে জানতে পারি :

দীর্ঘকাল অনাথুটি, অতি দীর্ঘকাল,  
হে ইন্দ্র, হৃদয়ে মম। দিক্চক্রবাল  
ভয়ংকর শূন্য হেরি, নাই কোনোখানে  
সরস সজল রেখা—

পরবর্তী মনেটেও সেই একই বেদনা ব্যক্ত হয়েছে :

আমার এ মানসের কানন কাঙাল

নির্ণ পক্ষ বাত মেলি বড় দীর্ঘকাল

আজও কৃদ্ধ উদ্‌ধ্ব-পানে চাছি ।

অপেক্ষা খুব বেশিদিন করতে হয়নি, উদ্‌ধ্ব আকাশে ( অথবা অন্তরের গভীর-  
তলে ) পৌছলো কবির প্রার্থনা । চার বৎসর পরে প্রকাশিত ‘থেয়া’য় আনন্দ-  
বার্তা বিঘোষিত হ’লো :

এক বজ্রনীল ববননে পূব

ফেম্বন কবে

অ মাঝ পবের সন্ধ্যাবর আজি

উঠেছে ভবে ।

‘থেয়া’ থেকে ‘গীতালি’ পর্যন্ত এই ‘৬রা সরোবরের কবিতা ।

১ “শ্রেয়োনীতি ও সাহিত্যানীতি” অধ্যায় দৃষ্টব্য

২ প্রভাতকুমার মুখোপাধ্যায়, ‘বদীন্দ্রজীবনী’, ২য় খণ্ড, বিশ্বভারতী, পৃ. ১০ ও ১৩

৩ কবো মোবে সম্মানিত নববীববেশে,  
দুর্কহ বর্তবাবে, দুঃসহ কঠোব  
বেদনাং ৫ বাইঘা দাও অঙ্গে মোব  
ক্ষতচিহ্ন-অলংকার । ধন্ডা কবো দাসে  
সফল চেষ্টায় আর নিফল প্রয়াসে ।  
ভাবের ললিত গোড়ে না রাখি নিলীন  
কর্মক্ষেত্রে করি দাও সম্মম স্বাধীন ।

( ৪৭ সংখ্যক মনেট )

৪ রবীন্দ্র-রচনাবলী, দশম খণ্ড, পৃ. ১০১

এই ভরা সরোবরের কাব্য রবীন্দ্রনাথের নাম ছড়িয়ে দিলো স্বাণ্ডিনেভিয়া থেকে জাপান এবং আর্জেন্টিনা পর্যন্ত। অনেকে মনে করেন এই পর্বের রচনাই রবীন্দ্র-প্রতিভার শ্রেষ্ঠ ফসল। কিন্তু বহুবিধ শস্তের ফসল ফলেছে রবীন্দ্র-মানসের বিশাল ক্ষেত্রে, সেইসব বিভিন্ন শস্তের আপেক্ষিক মূল্যবিচার সহজ নয়। তবু আমার বিশ্বাস যে, শ্রেষ্ঠতর ফসল ফলেছিলো তাঁর শেষ দশকের কর্ষণে। অবশ্য রবীন্দ্রনাথের ভক্তি-কাব্যোও আমার অ-ভক্ত মন মুগ্ধ; তা নিয়ে যে-সমস্তার উদয় হয় তার আলোচনা একটু পরেই করবো।

'গীতাঞ্জলি' পর্বের রচনাতে দুঃখ ও অমঙ্গলকে রবীন্দ্রনাথ যেভাবে গ্রহণ করেছেন তা এই পর্বেরই বৈশিষ্ট্য। এদিক থেকে তিনি দৃষ্টি ফিরিয়ে নিয়েছেন বলা ভুল হবে; কিংবা জাগতিক দুঃখদুর্দশারূপ তমসার একেবারে পরপারে আদিত্যবর্ণ মহান পুরুষকে দেখতে পাচ্ছেন, তা-ও ঠিক নয়। দুঃখের বেশেই দেবতা নেমে আসেন ভক্তের দ্বারে :

দুঃখের বেশে এসেছ বলে  
তোমাতে নাহি ডবিন হে।  
যেখানে বাধা তোমাতে সেথা  
নিবিড় করে ধবির হে।

অথবা দুঃখই মেজরাব হ'য়ে গভীর রাতে হৃদয়ের তন্ত্রীতে যে গান বাজিয়ে তোলে সে-গানই মিলনের সেতু রচনা করে :

লুটিয়ে পড়ে সে গান মন স্বপ্নের রাতেও পাখি সম  
বাঁহিব ভয়ে এসো তুমি অন্ধকারে

আর-কিছু না, গলার যে ছিন্ন মালাটি মিলন-রাত্রির শেষে শয্যাতে প'ড়ে ছিলো সেটুকু চেয়ে নিতেও পারেনি ভীকু প্রণয়িনী। বিধায় লজ্জায় জড়োসড়ো হ'য়ে চুপটি ক'রে দরজার এক পাশে দাড়িয়ে রইলো। কিন্তু যাওয়ার সময়ে এ কী দিয়ে গেলো সে-নিষ্ঠুর, সে ভয়ানক প্রেমিক? এই কি তার প্রেমের দান, মিলন-রজনীর স্মৃতিচিহ্ন?

ভোরের পাখি শুধায় গেয়ে  
'কী পেলি তুই নারী'।  
এ মালা, নয় এ থালা,  
গন্ধজলের ঝারি,  
এ যে ভীষণ তরবারি।

বুকের মাঝে তবু রাখতে হবে এ-বেদনার দানকে । বজ্রহেন ভারী তরবারি  
আগুনের মতো জ্বলে উঠে বুক পুড়িয়ে ফেলে, তবুও মনে হয় না যথেষ্ট হয়েছে  
আঘাত । কঠিনতর বেদনায় টনটন করে উঠুক পাঁজরগুলো :

হারো আগাত সইবে আমার

সইবে আমারো,

আবো কঠিন শ্রবে জীবন-

তারে ঝংকাবো ।

আদাতকে এড়িয়ে চলা আর নয়, ভয় করার তো সত্যি কিছু নেই, এগিয়ে গিয়ে  
বুক পেতে নিতে হবে সব-ক'টি বাণ :

ও নিঃশব্দ, গাবো কি বাণ

হোনার ভূণে আছে ?

তুমি মর্মে আমার

মাংসে হিয়ার কাছে ?

আর-একপ্রকার দুঃখের কথা 'গীতাঞ্জলি'তে বারে-বারে বলা হয়েছে । সে-তুঃখ  
জীবননাথের দেওয়া দুঃখ নয়, তাকে না-পাওয়ার দুঃখ । নীহাররজন রায়  
লিখেছেন, 'গীতাঞ্জলিতে দেখিতেছি এই উন্মুখর অধীর প্রতীক্ষা বিরহের ক্রন্দনে  
যেন গুমরিয়া গুমরিয়া উঠিতেছে । বিরহের বেদনা, দেবতাকে একান্ত না-  
পাওয়ার দুঃখ গীতাঞ্জলির গানগুলির উপর স্রুগভীর ছায়াপাত করিয়াছে ।'  
স্রুগভীর কিন্তু অমৃদুব । বিরহ চিরন্তন হ'লে দুঃখ দুর্বিষহ হ'তো । কিন্তু যে-বিরহ  
মিলনেরই সম্ভাবনায় মদির, তা মিলনেরই পূর্বাঙ্গদান, তিক্ত হ'লেও স্বস্বাদ ।

তুমি যদি না দেখা দাও

করো আমার হেলা

কেমন করে কাটে আমার

এমন বাদল বেলা ।

এ-অন্তর্যোগ ব্যর্থ হবার নয়, ব্যর্থ হবে এমন আশঙ্কা নেই অহুযোগকারিণীর  
মনে । যদি থাকতো তবে তার প্রকাশ হ'তো অন্ধ ভাষায়, এই আবদারের স্র  
তাতে বেমানান হ'তো ।

দূরের পানে মেলে আঁখি

কে বল আমি চেয়ে থাকি

পরান আমার কোঁড়ে বেড়ায়

দ্রুস্ত বাতাসে ।

‘দুরন্ত’ শব্দটা লক্ষণীয়। যে-বাতাসের সঙ্গে পরান কেঁদে বেড়ায় তাকে ছোট্ট ছেলের মতো আদর ক’রে বলা হচ্ছে ‘দুরন্ত’। এ-কান্না তো গুমরে-ওঠা কান্না নয়। এই মেঘাচ্ছন্ন সন্ধ্যায় যার জন্ম প্রতীক্ষা তিনি আসবেনই, খুব গোপন চরণ ফেলে, ‘সবার দিঠি এড়ায়ে’ আসবেন। যে-পথের দুই দিকে ‘দুয়ার দেওয়া সকল ঘরে’ সেই নিজস্ব পথে প্রতীক্ষমাণার ঘরের সম্মুখে এসে দাঁড়াবেন। তারপরে যদি বিরহিণী ব’লে ওঠেন :

হে একা সখা, হে প্রিয়তম  
 রয়েছে খোলা এ ঘর মম  
 সমুখ দিয়ে স্বপন সম  
 যেয়ো না মোবে ছেলাঘ ফেলে।

তখন কি আমাদের মনে খুব সন্দেহ থাকে যে উদাসীন অতিথি একবার একটু-ক্ষণের জন্ম ঘরেও প্রবেশ করবেন ? আর যদি হেলায় ফেলে চ’লেই যান, দিন বুথাই কাটে, রাত গভীর হয়, প্রহরের পর প্রহর পথ চেয়ে থাকতে হয়, তবু :

প্রভু, তোমা লাগি আঁখি জাগে,  
 দেখা নাই পাই,  
 পথ চাই,  
 সেও মনে ভালো লাগে।

কারণ জানাই তো আছে যে উদাসীন সত্যি উদাসীন নন, তিনি আসতেই ইচ্ছুক ; আর যখন আসেন, ‘অরুণবরন পারিজাত হাতে’ নিয়ে আসেন। বাধা তাঁর দিক থেকে নয়। বাধা এই যে পাশে এসে বসলেও নিদ্রাকাতরা হত-ভাগিনীর ঘুম ভাঙে না ; কখনো-বা নেহাত আলসেমিতেই পেয়ে বসে :

কতবার আমি হেবেড়িনু উঠি-উঠি,  
 আলস ভাঙ্গিয়া পথে বাহিবাই ছুটি ;  
 উঠিনু যখন তখন গিয়েছ চলে।

এই অবিকল্পিত স্থিতহৃদয় বিরহিণীর বিরহ-দুঃখে কি স্বথের আমেজ যথেষ্ট লাগেনি ? ‘বিরহ মধুর হ’ল আজি মধুরাতে’,— শুধু কোনো বিশেষ রাতে নয়, সব রাতেই মধুর।

রবীন্দ্রনাথ ‘গীতাঞ্জলি’ পর্বে দুঃখের কথা খুবই ভাবছেন, কিন্তু সে-দুঃখ একান্ত-ভাবে নিজেই। আগেই বলা হয়েছে যে ‘গীতাঞ্জলি’র কবি নিজেকে এবং তাঁর জীবনবল্লভকে নিয়ে সর্বান্তঃকরণে ব্যাপ্ত, প্রায় সমস্ত কবিতা এই নিভৃত দ্বিরা-

লাপের কবিতা। দৈবাৎ কোথাও যদি শুনি :

অগ্নিবাণে তুণ যে ভরা,

চরণভরে কাঁপে ধরা,

জীবনদাতা মেতেছে আজ

মরণ-মহোৎসবে।

তবে হঠাৎ ভ্রম হয় কবি বুঝি সমস্ত পৃথিবীর, সকল মানুষের সর্বনাশের কথাই ভাবছেন। কিন্তু পরবর্তী শ্লোক সে-ভুল ভেঙে দেয়, অগ্নিবাণে ‘আমার’ই বক্ষ ‘বিদীর্ণ’ হচ্ছে, ‘আমার’ই মরণ নিয়ে এ-মরণ-মহোৎসব ; আর সে-মরণকে নিয়ে তো কোনো দুর্ভাবনা নেই, কারণ

মরণ-তথ্যে জাগাও মোর

জীবন-বাহুতে।

সর্বমানবের দুঃখের কথা ববীন্দ্রনাথ ভেবেছিলেন ‘নৈবেদ্য’-এ, আবার ভাববেন ‘বলাকা’য় – ভক্তিপদের দুই প্রান্তবর্তী কাব্যে। ইতিমধ্যে কেবল ‘তুমি’ আর ‘আমি’ একাত্মে আসীন। সমাজ সংসার মিছে না হ’লেও বহু দূরে স’রে গেছে। প্রমথনাথ বিশী ঠিকই বলেছেন : ‘সব মানবের সহিত একাত্মবোধ...গীতাঞ্জলি পবে বাধাগ্রস্ত।’ কিন্তু তা থেকে কি এই সিদ্ধান্তে পৌছনো যায় যে ‘নৈবেদ্য প্রকাশের পরে অর্থাৎ ১৯০২ হইতে বলাকার কবিতা রচনার সময় ১৯১৪ পর্যন্ত, এই দ্বাদশ বৎসর রবীন্দ্র প্রতিভার বনবাস’ ?’ মানবমুখিতা রবীন্দ্র-প্রতিভার একটি ধারা, একমাত্র ধারা নয়।

১ নীহাররঞ্জন রায়, ‘ববীন্দ্রনাথহিতৈষী ভূমিকা’ ( ৫ম সংস্করণ ), নিউ এজ, পৃ. ১১০

২ প্রমথনাথ বিশী, ‘রবীন্দ্রকাব্যপ্রবাহ’, ১ম খণ্ড, মিত্র ও ঘোষ, পৃ. ১৭ ও ২১

গীতাঞ্জলি বিষয়ে একটি ব্যক্তিগত সমস্তা

*'We read fine things, but never feel them to the full  
until we have gone the same steps as the author.'*

Keats ( Letters )

‘গীতাঞ্জলি’-‘গীতিমালা’-‘গীতালি’ ( যা ভাবের গভীর ঐক্যে একই কাব্য-গ্রন্থ, তার তিন খণ্ডের তিনটে স্বতন্ত্র নাম আলোচনার পক্ষে অস্ববিধাজনক ; অতঃপর বর্তমান লেখাতে সাধারণভাবে গীতাঞ্জলি বলতে গীতাখ্য তিনখানা বই-ই বোঝাবে ) স্পষ্টতই ঈশ্বরপ্রেমের কবিতা বা গান। এর অধিকাংশ গান শুনে আমি মুগ্ধ হই, এমন-কি সুর বাদ দিয়ে শুধু কবিতারূপে পাঠ করলেও আমার মন গভীরভাবে সাড়া দেয়। প্রেমের অভিজ্ঞতা আমার নেই এমন কথা বলবো না। কিন্তু ঈশ্বর-বিষয়ক যে-কোনোপ্রকার প্রত্যক্ষ বা পরোক্ষ অভিজ্ঞতা থেকে আমি বঞ্চিত। শব্দ ( authority ) প্রমাণ হিসাবে আমার কাছে একেবারে অগ্রাহ্য, শুধু অগ্রাহ্য নয়, অশ্রদ্ধেয়। এবং দার্শনিক ও ধর্মতাত্ত্বিক চিন্তার পথে-বিপথে যেতো এগিয়েছি, ঈশ্বরে বিশ্বাস আমার ততোই ক্ষীণ হয়েছে ; অবশেষে আজ প্রৌঢ়ত্বের প্রান্তে পৌঁছে বাল্যকালের পরম আশ্রয়দাতা, পরম কল্যাণময়, অনন্ত শক্তিদর, সকল দুঃখতাপহর কোনো বিশ্ববিধানকর্তাকে তো আর কোপাও খুঁজে পাচ্ছি না। অংচ যে ব্যক্তিস্বরূপ ঈশ্বরকে গ্রহণ করতে আমার মনের প্রতিটি কক্ষে প্রবল প্রতিরোধ, সেই ঈশ্বরপ্রেমে আত্মোপান্ত অন্তরঙ্গিত কাব্যকে হৃদয়ে-স্থান দিতে একটুও বাধে না।

কেন বাধে না, এ-প্রশ্ন আমাকে তরুণ বয়স থেকে ভাবিয়েছে। একটু ব্যক্তিগত ইতিহাস বলি এখানে। ‘গীতাঞ্জলি’ আমি প্রথম পাঠ করি উর্জু হায়ায় – তখনো বাংলা পড়তে বা বকতে শিখিনি। ইংরেজি ‘গীতাঞ্জলি’র চমৎকার অন্তর্বাদ করেছিলেন নেয়াজ ফতহুদুরী ; যেতদূর জানি এ-অন্তর্বাদ থেকেই উর্জু গল্প-কবিতার ( নসর-শায়েরী ) সূত্রপাত। ‘নহবুশান’ নামক মাসিকের পাদ-পূরণরূপে ব্যবহৃত এই গল্প-কবিতাগুলি পড়তে-পড়তে চোখে জল আসতো যে অতিশয় আনাড়ি কিন্তু নিঃসন্দেহে আন্তরিক পাঠকের তার বয়স তেরো, সে তখন মনে-প্রাণে ঈশ্বরে বিশ্বাসী, পরকালের ভয়ে পুণ্যকর্মে যত্নশীল, পাপবোধে ঈষৎ পীড়িত। বছর তিনেক পর অপেক্ষাকৃত পরিণত রুচি ও বুদ্ধি নিয়ে ইংরেজি



‘গীতাঞ্জলি’ পড়লাম। প’ড়ে আরো মুগ্ধ হলাম, কতোবার যে আবেগকল্প কণ্ঠে আবৃত্তি করলাম তার ইয়ত্তা নেই। স্বরণশক্তি নিতান্ত ভৌতা না-হ’লে আজও তার অধিকাংশ কবিতা মুখস্থ থাকতো। কিন্তু ততোদিনে আমি বার্ট্রাঁও রাসেল প্রভৃতির পাঁচ-সাতখানা গণপাঠ্য দার্শনিক পুস্তক হস্তগত ক’রে হ’য়ে উঠেছি ঘোরতর নাস্তিক, এমন-কি নাস্তিক্যপ্রচারের মিশনারি উৎসাহ নিয়ে বড়োদের সঙ্গে তর্ক করতে সবদা উদ্ভত। সহিষ্ণুরা সজ্ঞোভে ক্ষমা করেছিলেন; অসহিষ্ণুদের কাছে প্রচণ্ড ধমকুংখেয়েছিলাম যতোবার, ধর্মবিশ্বাসের অসারতা বিষয়ে আমার প্রত্যয় ততোবার নতুন ক’রে বল পেয়েছিলো।

ইংরেজি ‘গীতাঞ্জলি’ পাঠ ক’রে একটি সংকল্প এবং একটি প্রশ্ন মনে দানা বাঁধলো। সংকল্পটি মূল বাংলা ভাষায় ‘গীতাঞ্জলি’ পড়বার। স্মৃতিরাজ বিদ্যাসাগরের ‘বর্ণপরিচয়’ আর মিলন সাহেবের ইংরেজি ভাষায় লিখিত বাংলা ব্যাকরণ যোগাড় ক’রে লেগে গেলাম সেই ভাষার চর্চায় যে-ভাষা আজ আমার মাতৃ-ভাষার চেয়ে অনেক বেশি প্রিয়। প্রশ্নটি হ’লো : যে-ঈশ্বরকে আমি কায়মনো-বাক্যে অলীক ব’লে জানি, সেই ঈশ্বরভাবে ভরপুর কাব্যে মন কেন সাড়া দেয়? আমি পেশাদারি নিতাপ দার্শনিক বিচার বা ঐতিহাসিক মূল্যায়নের কথা বলছি না, খার দৌলতে আমরা ছল-জ্যতম মানসিক ও হার্দিক ব্যবধান অনায়াসে পার হ’য়ে দূরতম লুগ, সংস্কৃতি ও মেজাজের শিল্পকৃষ্টি সম্বন্ধে পণ্ডিতি রায়দান ক’রে থাকি। আমি বলছি কাব্যের সেই সংরক্ত আবেদনের কথা যাতে সমস্ত মন-প্রাণ মুচড়ে ওঠে। যন্ত্রের কোনো উত্তর পাইনি সে-দিন; আজও তার উত্তর খুঁজছি। কিছুক্ষণের ভ্রূত পাঠককেও সেই খোঁজার শরিক ক’রে নিতে চাই।

একটি উত্তর সহজেই মনে আসে। গীতাঞ্জলি-তে তো ঈশ্বর-বিষয়ক কোনো মত তত্ত্ব বা সিদ্ধান্ত ঘোষণা করা হচ্ছে না, ঈশ্বরকে কেন্দ্র ক’রে একজন কবির একটি বা একাধিক অহুভূতিমাত্র বাক্য করা হয়েছে। তাই কবি এবং পাঠকের মধ্যে মতবিশ্বাসের পাথকা যতো গভীর ও মৌলিক হোক অহুভূতি প্রকাশ যদি স্কন্দর হ’য়ে থাকে তবে যে-কোনো সহৃদয় পাঠকের মন তাতে সাড়া দিতে পারবে না কেন? অহুভূতির প্রকাশ অবশ্য সার্থক হওয়া চাই। মা যখন পুত্র-শোকে কাঁদে তখন সে-ও তার তীব্র বেদনা প্রকাশ করে। তবু তা কবিতা নয়, কারণ মায়ের হৃদয়াবেগ নিঃসন্দ্বিগ্নরূপে ব্যক্ত হয় বটে কিন্তু স্পষ্টরূপে হয় না; মা নিজের নিজের অহুভূতির রূপরেখা, বর্ণালি ও গভীরতা ঠিকমতো উপলব্ধি

করতে পারে না। কবি পারেন। দ্বিতীয়ত, কবি কলাকৌশল দ্বারা তাঁর অল্প-ভূতির সত্যরূপ পাঠকের চিত্তে ফুটিয়ে তুলতে সক্ষম। শোকাত্ত মায়ের কান্না শ্রোতার মনে যে-অল্পভূতি জাগায় তা শোক-জাতীয় কিছু নয়, একেবারে ভিন্ন পর্দায়ের অল্পভূতি—করণা বা দরদ। মোটকথা স্পষ্ট অল্পভূতির হৃদয় প্রকাশই কবিতা। অতী-সব প্রশ্ন এখানে অবাস্তব।

কিন্তু অল্পভূতি-বহির্ভূত আর-সব প্রশ্নই কি অযাস্তব? আমরা ভুলে যাই যে আমাদের অল্পভূতিগুলি একান্ত নিরালস্য স্বাশ্রয়ী স্বয়ংসম্পূর্ণ মনোব্যাপার নয়। এরা বাস্তবজগতের কোনো অবস্থার বা ঘটনার (অতীত, বর্তমান বা ভবিষ্যৎ, নিকটস্থ বা দূরবর্তী) উপলব্ধি নামক একটি পূর্ণাঙ্গ মানসিক প্রতিক্রিয়ার প্রত্যঙ্গ-বিশেষ; প্রত্যঙ্গ না ব'লে বলা উচিত তারই অল্পরঞ্জন কিংবা অল্পরঞ্জন। কাজেই কবিকে তাঁর অল্পভূতি প্রকাশ করার জন্তে অল্পভূতির বাহ্য উৎস বিষয়েও পাঠককে প্রয়োজনমতো অবহিত করতে হয়। কবি তাঁর হৃদয়াল্পভূতি প্রকাশ করেন উতলা মায়ের মতো হাত-পা ছুঁড়ে বা উচ্চৈঃস্বরে কান্নাকাটি ক'রে নয়, বাস্তব বা বাস্তব-প্রতিম কোনো-কিছুর যথোপযুক্ত বর্ণনার মাধ্যমেই। অবজেক্টিভ কোরেলে-টিভের কথা আজকাল প্রায়ই শোনা যায়, আমি তারই কথা বলছি এখানে।

কবিতায় প্রকাশিত অল্পভূতি নিরালস্য নয়, বিষয়-নির্ভর—এটা অস্বীকার করার জো নেই। কিন্তু সে-বিষয় বাস্তবিক না-হ'য়ে কাল্পনিক হ'লেও কবিকর্ম বেশ স্বল্পভাবেই এগুতে পারে। আর কাব্যাল্পভূতির অধিষ্ঠান যদি কল্পলোকেই হয় তবে তাতে বিশ্বাস-অবিশ্বাস, সে-বিশ্বাসের সঙ্গে পাঠকের বিশ্বাসের ভেদা-ভেদ নিয়ে তো কোনো সমস্যা উঠতে পারে না। তা কিন্তু নয়। এখানে অল্পভূতি-প্রকাশের বাহ্য প্রতীক এবং অল্পভূতির বাহ্য বিষয়—এ-দুটিকে গুলিয়ে ফেলা হচ্ছে। প্রথমটি কাল্পনিক হ'তে কোনো বাধা নেই, প্রেমভাব-প্রকাশের অবজেক্টিভ কোরেলেটিভ হ'তে পারে কোনো কাল্পনিক গভীর বন বা সুরমা অট্টালিকা। কিন্তু প্রেমাস্পদ রক্তমাংসের মানুষ ছাড়া আর কী হ'তে পারে? যে-কবি কখনো সত্যিকার প্রেমে পড়েননি, শুধু প্রেমের কবিতা বা উপন্যাস প'ড়েই প্রেমের কথা জেনেছেন এবং সে-বিষয়ে একটি কাল্পনিক ভাবাবেগ গ'ড়ে তুলেছেন, প্রেমের কথা কি তাঁর কাব্যে সত্য হ'য়ে উঠতে পারে? এবং যে-পাঠক প্রেমের অভিজ্ঞতা থেকে একেবারেই বঞ্চিত, তার পক্ষে কি প্রেমের কবিতার সম্যক রসোপলব্ধি সম্ভব? অর্থাৎ রোমান্টিক প্রেম যার কল্পনাতেই আছে, হৃদয়ে

অনুপস্থিত এবং প্রতিকূদ্ধ, সে কীটস্, ওয়ার্ডস্‌ওয়ার্থ, য়েটস্ কিংবা রবীন্দ্রনাথের প্রেমের কবিতাপাঠে অধিকারী ? তেমনি এ-প্রশ্নও কি ওঠে না যে, ভক্তিভাব যার মনে স্থান পায়নি, উপরন্তু সে-জাতীয় কোনো ভাবাবেগ জাগবার অনুকূল মনই যার তৈরি নেই, সে কি গীতাঞ্জলি-র মতো ভক্তি-কাব্যপাঠে অধিকারী ?

কোনো কলাকৈবল্যবাদী তবু তর্ক করতে পারেন, প্রেমই হোক আর ভক্তিই হোক, বিদগ্ধ এবং সহৃদয় পাঠক কাব্যের সেই ভাবকে সম্যক আত্মসাৎ ক'রে তাতে বিহ্বল হ'তে যাবেন কেন ? এমন-কি কবি নিজেও তো সেই ভাবের ঘোরতর কাব্য লেখেন না। আমাদের আলাংকারিকদের ভাষায় কবিকর্মে ভাব পরিণত হয় রসে, অর্থাৎ যা ছিলো মনকে আন্দোলিত ক'রে আশ্বস্ত ক'রে, তা এক বিশুদ্ধ, শান্ত, নৈর্ব্যক্তিক, অলৌকিক রূপ ধারণ করে কবিতায়—এমন যে তাকে আমারও বলা যায় না, পরেরও বলা যায় না (পরস্পর পরস্প্রেতি, মমেন্তি ন মমেন্তি চ)। সেই রসও আবার সহৃদয় পাঠক অনুরাগে ঠিক গ্রহণ বা ধারণ করেন না, তাই আত্মদগমাত্র সন্তোষ করেন, অর্থাৎ তাকে যেন জিভের উপর রেখে একটু চেখে দেখেন মাত্র। অতএব কাব্যে প্রকাশিত হৃদয়ানুভূতির সঙ্গে যদি-বা কোনো বাস্তব বিষয়ের উপলব্ধি এবং কোনো জাগতিক কিংবা সামাজিক সম্যক বিধাস অস্বাভাবিক ভাবে জড়িত থাকে, আর সেই অনুভূতি যখন রূপান্তরিত হয় রসে এবং ঐ-রস যখন কোনো পরিশীলিত পাঠকের নিরুপস্থাপ সন্তোষমাত্রের বস্তু হয়, তখন কবির মনে যে গভীরতর উপলব্ধি ও বিশ্বাসের পরিমণ্ডল তাকে বেঁধে রেখেছিলো তা অগ্রাহ্য ঠেকলেও তাঁর বিশুদ্ধ রসানুভূতি ক্ষুণ্ণ হ'তে যাবে কেন ?

এ-মতে আমার মন অনেকটা সায় দেয়, বেশ-কিছুকাল এ-পূর্ণ সায় দিতো। সম্প্রতি একটু ষট্কা লাগে। আলাংকারিকদের মত নাট্যকাব্যকে অবলম্বন ক'রেই গ'ড়ে উঠেছিলো, সেই পরিপ্রেক্ষিতে তার বিচার করা যাক। ওথেলোর ঈর্ষা, ইয়্যাগোর অহুয়া, লেডি ম্যাকবেথের দুর্ধর্ষ অভীষ্মা—এই ভাবগুলিকে নাটকে আমরা বস্তুতপক্ষে অনুভব করি না, আত্মদান করি মাত্র; নাটক দেখার সময়ে যদি সত্যি-সত্যি ঐ-সব ভাবে বিলোড়িত হ'য়ে পড়ি তবে রসসম্মোহে বিগ্ন ঘটে এবং আমরা উপযুক্ত দর্শক নই এ-কথাই প্রমাণিত হয়। কিন্তু প্রাচীন আলাংকারিকরা নাটকে অভিব্যক্ত এই ভিন্ন-ভিন্ন ভাবসমষ্টি এবং তাদের রসরূপের প্রতি যতোটা মনোযোগী ছিলেন, সে-পরিমাণে দৃষ্টি দেননি নাটকের সামগ্রিক ঐক্য-

রূপের দিকে। শূদ্রার, বীর, কল্লণ ভয়ানকাদি নবরস নাটকে ব্যবহৃত উপকরণ, এর কয়েকটি বা সব-ক'টির যথাযথ সন্নিবেশে নাটক রচিত হয়, কিন্তু কোনো-একটিকে সমগ্র নাটকের মূল রস বলা যায় না (সব-ক'টিকে বা কয়েকটির সমষ্টিকে তো নয়ই)।

অনেকে শান্তরসের পক্ষ থেকে এই দাবি তুলেছেন। এক হিসেবে এ-দাবি যথার্থই। জীবনের চাঞ্চল্য ও বিক্ষোভের তুলনায় আটের অভিজ্ঞতা প্রশান্ত বৈকি। যতো ভয়ানক বা মর্মস্পর্ক দৃশ্য আমাদের চোখের সামনে উদ্ঘাটিত হোক রঙ্গমঞ্চে, আমরা তা প্রত্যক্ষ করি (বলা উচিত সম্ভোগ করি) প্রশান্ত চিত্তে। প্রেক্ষাগৃহে যে-সব মহিলা ফৌ-ফৌস ক'রে কাঁদতে শুরু করেন বা কর্ণধর তারায় চড়িয়ে চিংকার-শব্দে ছাদ ফাটাবার উপক্রম করেন, তাঁরা নাট্যরস-সম্ভোগের উপযুক্ত মানসিক পরিণতি লাভ করেননি। শোনা যায় 'নীলদর্পণ' দেখতে-দেখতে ঈশ্বরচন্দ্র বিদ্যাসাগর নাকি দৃশ্যবিশেষে এতোদূর উত্তেজিত হ'য়ে উঠেছিলেন যে অত্যাচারী খেতাজের ভূমিকায় যিনি অভিনয় করেছিলেন তাকে চটিজুতো ছুঁড়ে মেরেছিলেন। ঘটনাটা যদি সত্য হয় তবে বিদ্যাসাগরের চারিত্র্য-গুণ সম্বন্ধে আমাদের শ্রদ্ধা বাড়ে, কিন্তু তিনি হ্রস্বিক দ্রষ্টা ছিলেন কিনা সে-বিষয়ে সন্দেহ উপস্থিত হয়। যা-ই হোক, যে-শান্তরস নবরসের একটি রস এবং অন্য আটটির সমপর্যায়ভুক্ত, আর যে-শান্তরস সমগ্র নাটকের মূলরস—দুয়ের মধ্যে পার্থক্য স্পষ্ট।

তবু শান্তরসকে (মনে হয় আরিস্টটলের ক্যাথাসিস তত্ত্বের ইঙ্গিতও এর দিকেই) আমি নাটকের মূলরস বলবো না, মূলরসের সবপ্রধান গুণ ব'লেই গণ্য করবো। নাট্যকার এবং মহৎ শিল্পীমাত্রেই মানুষকে, সমাজকে, পৃথিবীকে এবং সমগ্র বিশ্বভ্রমকে একটি বিশেষ দৃষ্টিকোণ থেকে নিরীক্ষণ কবেন, সে-নিরীক্ষণের সন্ধে তাঁর নিবিড় হৃদয়াবেগ জড়িত থাকে। আবেগপূর্ণ নিরীক্ষাকে উপলব্ধি বলা যেতে পারে। নাটকের এই উপলব্ধিটি নাট্যরচনায় যে-রূপান্তর গ্রহণ করে তাকেই এ-নাটকের মূলরস বলা সংগত।<sup>২</sup> তা অবশ্যই শান্ত হবে, কিন্তু শান্ত বললেই তাঁর যোগোপযুক্ত পরিচয় দেওয়া হয় না। নাটকের অন্তর্ভূত এবং উপকরণরূপে ব্যবহৃত বিভিন্ন গৌণ রসগুলিকে যেভাবে আমরা আবাদন করি, সমগ্র নাটকের মূল উপলব্ধি এবং তার রসরূপ সেইভাবে শুধু চেখে দেখবার জিনিস নয়, তার আবেদন নিবিড়তর, অন্তরের গভীরে সে পৌছয় এবং বাসা বাঁধে।

কলাকৈল্যবাদীদের আমি প্রশ্ন করবো : নাটকের মূল উপলক্ষের আলয় যে জাগতিক নিরীক্ষা, তার সঙ্গে আমাদের স্বকীয় জাগতিক নিরীক্ষার বিরোধ যদি মৌলিক হয় তবে কি ঐ-নাটকের সম্যক রসগ্রহণে অব্যাহত থাকবে? সাহিত্য-বিশেষজ্ঞের স্থনীতল সাধুবাদের পক্ষে অবশ্য কবি ও তাঁর পাঠকের মধ্যে হৃদয়-বিচ্ছেদ মন্ত বাধা নয় জানি, কিন্তু আমি বলছি সেই রসগ্রহণের কথা যাতে অন্তঃ-করণের প্রতিটি তার বাঁকায় দিয়ে ওঠে। তেমন ক’রে সাড়া দেওয়ার কথা ভাবলে কি টি. এস. এলিয়টের মতো আমরাও মানতে বাধ্য নই যে তব্বের এবং তব্বের খাতিরে যা-ই বলি, কাব্যরসগ্রহণে আমাদের মৌল বিশ্বাস-অবিশ্বাসের দ্বারা কতকটা প্রভাবিত হয়ই।<sup>১৩</sup>

শেক্সপীয়র যে মহান দৃষ্টি দিয়ে দেখেছেন মানুষকে এবং চরণকে তাঁর প্রধান ট্র্যাজিডিগুলিতে, তার সঙ্গে আমরা নিবিড় আত্মীয়তা বোধ করি। না-করলেও আমরা শেক্সপীয়রিয়ান ট্র্যাজিডি-রচনাকৌশলের প্রশংসা করতাম। কিন্তু হৃদয়ের এতো গভীরে তাকে স্থান দিতে পারতাম না, ট্র্যাজিডিকারের মন-স্থ-বিষয়ে এমন নিঃসংশয় হ’তে পারতাম না। কবির দৃষ্টিভঙ্গীর সঙ্গে পাঠকের দৃষ্টি-ভঙ্গির আন্তর্গত মিল থাকবে এমন কথা অবশ্য আমি বলছি না। কিন্তু আমার মতে সম্যক রসগ্রহণের ন্যূনতম শর্ত এই যে কবির সম্পূর্ণ উপলক্ষি-স্থল তাঁর অমুভূতির দিকটা নয়, তাঁর মানসিক দৃষ্টিভঙ্গিও—পাঠকের দ্বারা গৃহীত না-হোক অন্তত তার কাছে গ্রহণযোগ্য ও প্রবেশ্য হ’তে পারে। যদি কবির সঙ্গে পাঠকের দৃষ্টি-ভেদ এতোই মৌলিক হয় যে পাঠক কবির দৃষ্টিকে কেবল অগ্রাহ্য নয়, অসহ্য বা অকিঞ্চিৎকর জ্ঞান করে, তবে সেক্ষেত্রে ছু-জনের মধ্যে হৃদয়সংযোগের এমন কোনো প্রণালী খুঁজে পাওয়া যাবে না যার মধ্য দিয়ে রসের সঞ্চারিত দ্বারা বইতে পারে।

এলিয়ট যদিও দাঁড়ে-প্রসঙ্গে জোবগজান বলেছিলেন, ‘কবির মতবিশ্বাসের সঙ্গে পাঠকের মতবিশ্বাস এক না-হ’লে রসগ্রহণের বাধ্যতাবোধে এ-কথা আমি সরাসরি অস্বীকার কর’, তবু শেলি ও কীটসের আত্মচিন্তায় তাঁকে তির হতে কথা বলতে হয়েছে। তার কারণ শেলির অনেক কবিতাই তাঁর ভালো লাগতো না এবং আত্মবিশ্লেষণ ক’রে তিনি এই সিদ্ধান্তে পৌঁছলেন যে, ‘শেলির মতামত আমি অপছন্দ করি ব’লে তাঁর কাব্যসম্ভোগে বাধা পাই; শেলির কতকগুলি মত আমার এতোই বাজে (‘puerile’) মনে হয় যে, যে-সব কবিতায় ঐ-মতের ছায়া

পড়েছে তাতে আমি কোনো রসই খুঁজে পাই না'। ফলে তাঁর পূর্বোক্ত সরাসরি অস্বীকৃতিকে একটু সংস্কৃত ক'রে অনেকখানি মোলায়েম ক'রে এলিয়ট শেষ অবধি যে-ফরমূলায় পৌছলেন তা আমি মেনে নিতে প্রস্তুত :

'When the doctrine, theory, belief, or "view of life" presented in a poem is one which the mind of the reader can accept as coherent, mature and founded on the facts of experience, it interposes no obstacle to the reader's enjoyment, whether it be one that he accept or deny, approve or deprecate'. 'When' কথাটার উপর আমি কিন্তু জোর দিতে চাই এবং যে তিনটি বিশেষণের দ্বারা কাব্যব্যক্ত 'অবিশ্বাস্য' মতবিশ্বাসকে স্থানিদিষ্ট করা হয়েছে সেগুলির উপর। এতগুলি সঙ্গুপবিশিষ্ট যে-মত তা আমার আপন না-হ'লেও, খুব অনাস্বীয় নয়, অপাণ্ডিত্যে তো নয়ই।

ব্যাপারটা আরো পরিষ্কার হয় যদি প্রশ্নটাকে বিশ্ব-নিরীক্ষা বা ধর্মবিশ্বাসের মৌলিক বিরোধ থেকে মূল্যবোধের, বিশেষত নীতিবোধের, সংঘাতের পরিপ্রেক্ষিতে নিয়ে আসা হয়। ফ্যাশিস্ট মার্কা উচ্চ ও স্বাভাব্যদৃষ্টি ও পরজাতি-বিদ্বেষের দৃষ্টিকোণ থেকে উচ্চাঙ্গের নাটক, কবিতা বা উপন্যাস লেখা হয়েছে কিনা জানি না। আদৌ সম্ভব কিনা এমন সন্দেহ যদি কেউ প্রকাশ করেন তবে বলবো যে তিনি গোড়াতেই মেনে নিচ্ছেন সাহিত্যে মতবিশ্বাসের কথাটা মোটেই অপ্রাসঙ্গিক নয়। তাই আপাতত ধরে নেওয়া যাক যে সত্যাসত্য শুভাশুভ যে-কোনো দৃষ্টিভঙ্গি থেকে উদ্ভবের সাহিত্য রচনা সম্ভব—অর্থাৎ সেই দৃষ্টিভঙ্গির মধ্যে যা উদ্ভবের ব'লে গণ্য হবার যোগ্য। কিন্তু আমাদের মতো মনে-প্রাণে ফ্যাশিস্টবিরোধী যারা—যাদের কাছে ঐ বিশিষ্ট মনোভঙ্গি ও হৃদয়ভাব শুধু অনবিগম্য নয়, রীতিমতো অবজ্ঞেয়—তাদের পক্ষে ফ্যাশিস্ট সাহিত্যের রসসম্ভোগের চেষ্টা কি পদে-পদে ব্যাহত হবে না? অবশ্য আমরা কোনো ফ্যাশিস্ট নাটকের প্লটের ঘনসন্নিবদ্ধতা, চরিত্রাঙ্কণের সূক্ষ্মবুদ্ধি, ভাষার অনবদ্যতা, ছন্দের অপূর্বতা, চিত্রকল্পের উজ্জলতা ইত্যাদি বিষয়ে অনেক শীতল প্রশংসাবারি বর্ষণ করতে পারি; কিন্তু তাকেই কি বলে রসগ্রহণ? পেশাদারি প্রশংসায় পঞ্চমুখ হ'য়েও আমাদের সমস্ত অন্তরাঙ্গা বিমুখ থাকবে। কারণ ফ্যাশিস্ট লেখক এবং ফ্যাশিস্ট-বিরোধী পাঠকের মধ্যে ব্যবধান অসংস্কার্য।

এ তো গেলো নাট্যকাব্যের কথা। গীতিকবিতার ক্ষুদ্র পরিসরের মধ্যে কবির সমগ্র দৃষ্টিভঙ্গির কোনো একটা দিক কিংবা জগৎ ও জীবন বিষয়ে তাঁর কোনো পূর্ণ উপলব্ধি পরিস্ফুট হবার সম্ভাবনা কম। তেমন প্রকাশ ঘটে অনেকগুলি কবিতার মাধ্যমেই। সে-সমস্ত কবিতা একই কাব্যগ্রন্থে সংগৃহীত থাকতে পারে, বা একাধিক কাব্যগ্রন্থে ছড়ানো। অনেক সময় সমগ্র কাব্যসংকলন না-পড়লে আমরা কবির মনের নাগাল পাই না। রবীন্দ্রনাথের একটি বিশেষ মেজাজ ও উপলব্ধি ব্যক্ত হয়েছে গীতাংখ্য তিনখানি কাব্যগ্রন্থে, ‘উৎসর্গ’-এ এবং তৎপূর্ববর্তী ‘নৈবেদ্য’-এর ও অব্যবহিত পরবর্তী ‘বলাকা’র কয়েকটি কবিতায়। এই পাবে ভক্তিপর্ব বলা যেতে পারে, এর আগে বা পরে আমরা ঠিক ভক্তিরসের স্বাদ পাই না<sup>৪</sup>—খুব অল্পসংখ্যক কয়েকটি ব্যতিক্রম ধর্তব্য নয়।

গীতিকবিতা প্রায় সব সময়েই উত্তমপুরুষে লেখা হয়, কিন্তু এই উত্তম পুরুষটি যে সর্বদা কবি নিজেই হবেন এমন কোনো কথা নেই। “The love Song of Alfred J. Prufrock” বা “Portrait of a Lady”-র উত্তম-পুরুষ স্পষ্টত এলিয়ট নন, ‘মানসী’র “নারীর উক্তি”, “পুরুষের উক্তি”, “বধূ” এবং ‘শিশু’ কাব্যগ্রন্থের অধিকাংশ কবিতারই উত্তমপুরুষ রবীন্দ্রনাথ নন। প্রথম দুটি তো ক্ষুদ্র নাটিকাঁই, প্রফরক এবং অগ্নি কবিতাটির তরুণ প্রণয়ী (যাদের মুখ দিয়ে কবিতা দুটি বলানো হয়েছে স্বগতোক্তির আকারে) দুই নাটিকার দু-জন নায়ক। “নারীর উক্তি”, “বধূ” এবং ‘শিশু’র কবিতাগুলি ঠিক নাটিকা না-হ’লেও নাট্যধর্মী। এ-সব ক্ষেত্রে পাত্রপাত্রীর অনুভূতি কবির অনুভূতি নয়, কবি পাঠকের সামনে এই অনুভূতিগুলির চিত্র এঁকেছেন মনে। এই চিত্রের অন্তরালে কবির নিজের যে-উপলব্ধিটি উহা রয়েছে তা যদি পাঠকের মর্মে না-পৌছে থাকে তবে বলতেই হবে, হয় কবির লেখা নয় পাঠকের পড়া ব্যর্থ হয়েছে। যে-কথাটার উপর আমি জোর দিতে চাই সেটা এই যে, এ-জাতীয় নাট্যধর্মী লিরিকে পাত্রপাত্রীর অনুভূতি আর কবির অনুভূতি বা উপলব্ধি বেশ-একটু পৃথক, এবং প্রথমটি দ্বিতীয়টির উপজীব্য। পাঠকও কবিতার দুই স্তরের অনুভূতিকে ভিন্নভাবে গ্রহণ করেন। প্রফরক এবং বধূর অনুভূতির আমরা দ্রষ্টা বা আশ্বাদকমাত্র, কিন্তু তদন্তরালবর্তী কবির নিজস্ব অনুভূতি আমাদের অন্তরের গভীরতর স্তরে প্রবেশ করে; তার সঙ্গে যদি অনেক পরিমাণে তাদাত্ম্য (আইডেন্টিটি) স্থাপিত না-হয় তাহ’লে কবিতার সম্যক রসগ্রহণ সম্ভব হয় না।

কিন্তু বেশিরভাগ গীতিকবিতার উত্তমপুরুষ কবি স্বয়ং, তাঁর কল্পিত কোনো ভিন্ন-হৃদয় চরিত্র নয়। অর্থাৎ পূর্বোক্ত দুই স্তরের অল্পভূতি সেখানে এক হ'য়ে গেছে, কবিতায় অভিব্যক্ত অল্পভূতি প্রত্যক্ষভাবে স্বয়ং কবির অল্পভূতি। অবশ্য কাব্যের অল্পভূতিমাত্রই জীবনের অল্পভূতি থেকে একটু ভিন্ন পর্যায়ের – অপেক্ষাকৃত সাধারণীকৃত এবং নৈব্যক্তিক। কিন্তু এই নৈব্যক্তিক অল্পভূতিটি কবিরই, কাজেই পাঠক যদি তাকে নিজ অস্তরের গভীরতম কক্ষে জায়গা না-দিয়ে তাকে প্রেক্ষাগৃহের আসন থেকে দেখেন, তবে তিনি একটি গীতিকবিতাকে অবলম্বন ক'রে স্বতন্ত্র নাটক রচনা করতেও পারেন, কিন্তু ঐ-গীতিকবিতার মর্মে প্রবেশ করতে পেরেছেন কিনা সে-বিষয়ে সন্দেহ থেকে যাবে। অনেক নাস্তিক ( শুধু ঈশ্বরে অদ্বৈতবাদী অর্থে ই নয়, জীবন-বিমুখ এবং বিশ্ব-বিতৃষ্ণ অর্থে নাস্তিক ) এবং রবীন্দ্র-মানসে বীতশ্রদ্ধ সমালোচক যখন 'গীতাঞ্জলি'র অকুণ্ঠ প্রশংসা করেন তখন সে-প্রশংসায় অস্তরের সাড়া যেতোটা থাকে তার চেয়ে হয়তো অনেক বেশি থাকে কৃতবিদ্য সূক্ষ্মদর্শী মূল্যবিচার, বিশেষত কলাকোশলগত গুণগ্রাহিতা। আমার অনেক সময় মনে হয়েছে এ'রা 'গীতাঞ্জলি'র কবিতাগুলিকেও নাট্যকাব্যরূপে গ্রহণ করেন, কবিতার ভক্তিবাদ যেন কবির নিজস্ব অল্পভূতি নয়, কবি-বর্ণিত একটি ভক্ত-হৃদয়ের চিত্রণ মাত্র। স্বতরাং পাঠকও নাট্যকোচিত দূরত্ব রক্ষা ক'রেই তার রসমস্তোগ করবেন, যেমন ক'রে তিনি দূর থেকে মস্তোগ করেন ওথেলোর ঈর্ষা বা ইয়োগোর অসুখ। কিন্তু তাই যদি হ'তো তবে এই 'ভক্ত-হৃদয়ের অভি-বাক্যনায় গীতিনাট্যকারে'ব স্বকীয় একটি পৃথক দৃষ্টিভঙ্গিও কৃটে উঠতো – ব্যঙ্গের, করুণার বা ট্রাজিক চেতনার। সহজেই অনুমান করা যায় কোনো আধুনিক কবি যদি কখনো গীতাঞ্জলি-র ভাব নিয়ে কাব্যরচনা করেন, তবে তার পেছনে এমনতর ব্যঙ্গের, করুণাব, মকৌতুক বিশ্বয়ের বা ট্রাজিডির স্বর প্রচ্ছন্ন থাকবে – প্রচ্ছন্ন থাকবে এমন কোনো ইঙ্গিত যে এ-'মোল নাস্তি'র অনন্ত আমার মাঝখানে ব'সে যে-মানুষের হৃদয়ে অনাবিল প্রশান্ত প্রেম জেগে ওঠে স্রষ্টা বা তাঁর স্রষ্টির প্রতি, কতো আত্মপ্রত্যারক, অবাচীন বা মধ্য-ভিক্টোরীয় তার অন্ধ ভাবাবেগ !

কিন্তু গীতাঞ্জলি-র রবীন্দ্রনাথ কাব্যবর্ণিত 'ভক্ত-হৃদয়কে দূর থেকে মকৌতুকে বা মকরুণায় অবলোকন করছেন না, সে-ভক্ত-হৃদয় রবীন্দ্রনাথেরই। পাঠক যদি গীতাঞ্জলি-র কবির সঙ্গে এই নাটকীয় দূরত্ব রক্ষা ক'রে চলেন তবে আমি বলবো



গীতাঞ্জলি-র স্বর তাঁর মর্মস্থলে পৌঁছয়নি। ‘শিশু’ কাব্যগ্রন্থে শিশুমনের প্রকাশের প্রতি পাঠকের যে-প্রতিক্রিয়া স্বাভাবিক, গীতাঞ্জলি-তে ভক্ত-হৃদয়ের অভিব্যক্তির প্রতি সেই একই নির্লিপ্ত প্রতিক্রিয়া অসংগত। ‘ঐ দেখ মা আকাশ ছেয়ে / মিলিয়ে এল আলো’ এবং ‘মেঘের পরে মেঘ জমেছে / আধার করে আসে’, কিংবা ‘আমার যেতে ইচ্ছে করে / নদীটির ঐ পারে’ এবং ‘আমি চঞ্চল হে/আমি স্বদূরের পিয়াসী’ – কবিতাদ্বয় পাশাপাশি পড়লে আমার বক্তব্য আরো স্পষ্ট হবে। প্রথমত, ‘শিশু’ থেকে উদ্ধৃত কবিতা দুটিতে দৃঢ়-প্রাণে বৈদ্য আছে, গীতাঞ্জলি ও ‘উৎসর্গ’-এর কবিতায় তা অবর্তমান। দ্বিতীয়ত, ‘শিশু’র কবিতা পড়বার সময় আমরা কবির সঙ্গে একাত্ম হ’য়ে শিশুমনের সকৌতুক পরিচয় লাভ করি, কিন্তু গীতাঞ্জলি পাঠকালে আমরা কবির সঙ্গে একাত্ম হ’য়ে তাঁরই মনের বেদনা ও ব্যাকুলতা অনুভব করি। শিশুর সুখ-দুঃখ আমাদের পক্ষে ঠিক অনুভব করা সম্ভব নয়, আমরা তার সহৃদয় দর্শকমাত্র। অপরপক্ষে, গীতাঞ্জলি-র বেদনা আমাদের প্রত্যক্ষীভূত নয়, অস্পষ্ট। এই সমানুভবতার প্রয়োজন আছে গীতাঞ্জলি-র মতো কাব্যের পূর্ণ রসসম্ভোগের জন্য।

কাজেই প্রশ্ন থেকে যায় কেমন ক’রে অভক্ত পাঠক, বক্ত্ত্বরূপ ঈশ্বরে অবিশ্বাসী পাঠক, গীতাঞ্জলি-র কবির সঙ্গে সেই তাদাত্ম্য অনুভব করবেন যার অবর্তমানে এ-ধরনের গীতিকবিতার সম্যক বসোপলব্ধি সম্ভব নয়। প্রতি-যশাদের মধ্যে নাম করতে পারি স্বদীপ্তনাথ দত্ত, বিষ্ণু দে, গেলো দশ বছরের বৃদ্ধদেব বসু<sup>১</sup> এবং শিবনারায়ণ রায়ের। এঁদের মনে কখনো এ-সমস্যা জেগে-ছিলো কিনা, এবং জেগে থাকলে তাঁরা কীভাবে তার নিরাকরণ করেছিলেন, ঠিক বলতে পারি না। আমার নিজের চোখে সমস্যাটি যে-রূপ ধারণ করেছে তার কিছু পরিচয় দিলাম। কোন পথে আমি সমাধান খুঁজেছি এবার সে-বিষয়ে কিছু বলতে চেষ্টা করবো।

তার আগে দুটো কথা স্বীকার ক’রে নেওয়া ভালো। প্রথমত পূর্বোক্ত অদ্বৈত সাহিত্যকর্মীদের মন গীতাঞ্জলি-র রবীন্দ্রনাথ থেকে যতোটা দূরে অবস্থিত ব’লে আমার বিশ্বাস, আমার নিজের মন ততোটা দূরে নয়, কাজেই যে-গিরিদরী আমাকে লঙ্ঘন করতে হ’লো তা ততোটা দুর্লভ ছিলো না। স্রষ্টা, বিধাতা এবং ত্রাণকর্তা ঈশ্বরে বিশ্বাস স্থাপন করা যদিচ আমার পক্ষে সম্ভব নয়, তবু আমি কোনো অর্থেই ভুড়বাদী নই। মানুষের সমগ্র সত্তা শারীরবিজ্ঞান এবং মনো-

বিজ্ঞানের ছকে কোনোদিন ধরা দেবে—এ-কথা আমি এক মুহূর্তের জ্ঞাও ভাবতে পারি না। এমন-কি আমার বিশ্বাস, জড়জগতের একটা চিত্রমাত্র পদার্থ-বিজ্ঞানে অনুরেখনীয় ও অস্থাবরীয়। অর্থাৎ যদিচ বিজ্ঞান আমার চোখে অতীব শ্রদ্ধেয় ও প্রণিধানযোগ্য, তবু আমি ভুলতে পারি না যে, অনেকান্ত বিশ্বজগতের একটা অন্ত বা দিক-মাত্র বিজ্ঞানের বিষয়ীভূত, বাকিটা ধরাছোঁয়ার বাইরে, অণার গভীর রহস্যে ঢাকা। উপরন্তু মানবেতিহাসে আমি একটি মন্তর, যদিচ উত্থান-পতন-বন্ধুর, অগ্রগতির আভাস দেখতে পাই। এবং লক্ষ কোটি বৎসর পর নাক্ষত্রজগতের অবধারিত তাপমূর্ত্যর ফলে মহুষ্টিজাতির নিদারুণ বিনাশ ঘটবেই—এ-হুশিষ্ঠা আমার ঈষৎ ক্ষীণ আশাবাদকে সমূহ আচ্ছন্ন করে না, কারণ আমি ওয়াইৎসেকরকে অনুসরণ ক’রে পদার্থবিজ্ঞানের এমনতর বহুদূরপাল্লার ভবিষ্যৎ-বাণীকে (তথা অতীতবাণীকে) সন্দেহের চোখে দেখি।

এতৎসত্ত্বেও—এবং এটাই আমার দ্বিতীয় স্বীকৃতি—গীতাঞ্জলি-র সব কবিতা আমার মনে সাড়া জাগায় না। যেগুলিকে বলা যেতে পারে শুদ্ধা ভক্তির কবিতা (যথা, ‘আমার মাথা নত করে দাও হে’, ‘একটি নমস্কারে প্রভু’, ‘তোমায় আমার প্রভু করে রাখি’, ‘আর আমায় আমি নিজের শিরে বইব না’ ইত্যাদি), স্রের দিক থেকে কয়েকটি তার ভালো লাগলেও, ভাবের দিক থেকে আমাকে স্পর্শ করে না। উচ্চাঙ্গের কাব্যকৌশল এমন-কি স্রের কৌশলও কোনো ব্যক্তি-স্বরূপিত সত্তার প্রতি আমার মনে কোনোপ্রকারের দাসত্ব জাগিয়ে তুলতে সক্ষম নয়। এই বিশেষ মানস-মুকুলটি ফুটিয়ে তুলবার মতো সার আমার মনের মাটিতে অনুপস্থিত। তবে স্রের কথা এই যে এ-ধরনের প্রভু-ভূতা-সম্পর্ক-নির্ভর ভক্তিগীতির সংখ্যা সমগ্র গীতাঞ্জলি-র গানের সংখ্যার অন্তর্পাতে অত্যল্পই।

গীতাঞ্জলি-তে বহু সংখ্যক রোম্যান্টিক প্রেমের এবং প্রকৃতি-অনুরাগের গান আছে যাতে ভক্তির ছোঁয়া লেগেছে, অনেক সময়ে খুব আলগোছেই লেগেছে। কয়েকটি উদাহরণ দিচ্ছি : ‘শুধু তোমার বাণী নয় গো হে বন্ধু, হে প্রিয়’, ‘যে রাতে মোর দুয়ারগুলি’, ‘আরো আঘাত সহিবে আমার’, ‘কেন চোখের জলে ভিজিয়ে দিলেম না’, ‘ঝড়ে যায় উড়ে যায় গো’, ‘আমারে দিই তোমার হাতে’—এগুলিকে নিছক প্রেমের গান মনে করলেও খুব ভুল করা হয় না। অগ্র দিককার উদাহরণ : ‘আবার আশ্রয় হয়ে এলে ফিরে’, ‘আজি বারি ঝরে ঝর ঝর’, ‘আবার এসেছে আঘাত আকাশ ছেয়ে’, ‘এসো হে এসো, সজল ঘন বাদল বরিষনে’—

এগুলিকে তেমনি নিছক প্রকৃতির গান মনে করলে ভুল করা হয় না। ভুল করা হবে না বটে, তবে এই উভয় শ্রেণীর গানের মধ্যে ভক্তিভাবের আমেজ না-দেখতে পেলো তার সম্পূর্ণ মূল্য অনাবিষ্কৃত থেকে যাবে।

কিন্তু গুণ এবং মাত্রা উভয় নিরিখে গীতাঞ্জলি-র মূল সম্পদ হচ্ছে সেইসব গান যাতে ভক্তি এবং প্রেমের কিংবা ভক্তি এবং প্রকৃতি-অহুরাগের কিংবা তিনটেরই সংগম ঘটেছে। উদাহরণ দেওয়ার প্রয়োজন নেই—‘মেঘের পরে মেঘ জমেছে’, ‘আজি বড়ের রাতে তোমার অভিসার’, ‘পথ চেয়ে যে কেটে গেল কত দিনে রাতে’, ‘ও আমার মন যখন জাগলি না রে’, ‘আহা তোমার সঙ্গে প্রাণের খেলা’ প্রভৃতি বহুসংখ্যক গান আমাদের খুবই পরিচিত; গীতাঞ্জলি বলতে এইসব গানের কলিই সর্বাগ্রে মনে আসে।

দুটি কথা লক্ষ্য করবার মতো। প্রথমত, প্রেমের অথবা প্রকৃতি-অহুরাগের মধ্যেই ভক্তিভাব ফুটিয়ে তোলা হয়েছে এ-সব গানে। দ্বিতীয়ত, ভক্তি শব্দের প্রয়োগ এখানে তার স্থনির্দিষ্ট স্থপরিচিত অর্থে নয়, তার চেয়ে একটু ছড়ানো বা ঢিলেঢালা অর্থে। কারণ এ-সব গানে প্রিয়া বা প্রকৃতির সীমিত সত্তায় যে অধরা, ধাবমান ছায়ার মতো মুহূর্তে সচকিত ক’রে দূর-পালিয়ে-যাওয়া সত্তার আভাস রয়েছে তাকে প্রচলিত ধর্মবিশ্বাস-সম্মত, শাস্ত্রনির্দিষ্ট অর্থে ভগবান বলা একটু শক্ত। সেই আভাসিত সত্তার জন্ম আকৃতি আছে, আনন্দ ও বেদনা আছে, ভরসা ও নৈরাশ্য আছে, বিশ্বাস ও রহস্যবোধ আছে, এবং এইসব ভাবগুঞ্জ ঐহিক প্রিয়া ও প্রকৃতির জন্ম যতোটা স্বাভাবিক তাকে মাত্রায় ও গুণে ছাড়িয়ে গেছে, তবু এগুলির মিলিত সত্তার যে-ভাবাবেগ সমুৎপন্ন করে তাকে আভিধানিক অর্থে ভক্তি বলতে বাধে।

বাধাটা আরো পরিষ্কার হবে যদি এগুলির সঙ্গে আমরা তুলনা করি গীতাঞ্জলি-র অন্তর্ভুক্ত খাটি ভক্তিভাবের গানের। সেখানে ভক্তি নির্দিষ্ট অর্থে ভক্তিই, আর পাত্র চলিত অর্থে ভগবানই। আগেই বলেছি এই শেষোক্ত গানের সম্যক রসগ্রহণে আমি অনধিকারী। বাকি গানের বেলা এই অনধিকারের বাধা নেই, কারণ সেক্ষেত্রে প্রেমের ও প্রকৃতি-অহুরাগের পূর্বসংকিত অভিজ্ঞতা জমি তৈরি ক’রে রেখেছে। প্রেমের বা প্রাকৃতিক সৌন্দর্যের উপলব্ধি যখন আমাদের মনে খুব নিবিড় এবং প্রবলভাবে জাগে তখন আমরা বোধ করি প্রিয়ার সম্পূর্ণ ব্যক্তিসত্তা ঐ-সীমাতুকুর মধ্যে ধরা দেয়নি যে-সীমা শারীরবিজ্ঞান, মনোবিজ্ঞান,

সমাজবিজ্ঞান ও ইতিহাস টেনে রেখেছে প্রেমের দৈনিক অভিজ্ঞতায়-চেনা মানুষের চারিদিকে ; সেই মানুষকে যখন আমরা প্রেমের মধ্যে গ্রহণ করি তখন সে যেন এক অসীম রহস্যময় লোকান্তর সত্তায় মিশে যায় বা তার রক্ত-মাংসের প্রতীক হ'য়ে আমাদের চোখের সামনে এসে দাঁড়ায়। প্রাকৃতিক সৌন্দর্যের প্রবল অহুভূতিও ( বিশেষত ঐ-সৌন্দর্য যদি সেই পর্যায়ভুক্ত হয় ইংরেজিতে যাকে সাল্লাইম্ বলে ) আমাদের এক রহস্যঘন অনন্তলোকের দিকে টেনে নিয়ে যায়।

‘খেয়া’ এবং গীতাঞ্জলি তিনখানি কাব্যে অধিকাংশ কবিতার লগ্ন হয় গোষ্ঠিলি নয় গভীর অন্ধকার রাত্রি, স্থান নির্জন নদীতীর কিংবা উন্মুক্ত প্রান্তর। ঐ-সময়ে অমন স্থানে এক অবর্ণনীয় অপার রহস্যের আবছায়া অহুভূতি আমাদের মতো সাধারণ মানুষের মনকেও দ্রবীভূত করে, কবির মনকে যে অভিভূত করবে তা আর বিচিত্র কী। তখন মনে হয় আমরা যেন অগ্ন-এক জগতে চ’লে এসেছি, যেখানকার প্রত্যেকটি দৃশ্য কম্পমান যবনিকা—যদি হঠাৎ স’রে যায় সে-যবনিকা ( কখনো স’রে যাবে না তা অবশ্য জানি ) তবে আমরা এমন এক সত্তার মুখো-মুখি হবো যা ধারণার অতীত, কিন্তু অহুভূতির অগম্য নয়। এ-অহুভূতিকেও মিস্টিক বলা যায়, যদিও ধর্মাত্মা সাধকদের তপস্থালক তুরীয় অবস্থার কোনো অভিজ্ঞতার সমপর্যায়ভুক্ত নয় সে-অহুভূতি। উপযুক্ত স্থান-কাল-পাত্র—নাস্তিক পাত্রও—এ-ধরনের অহুভূতি আপনিই জাগে এবং ক্ষণকালের মধ্যে আপনিই মিলিয়ে যায়। সে-‘মুগ্ধক্ষণ’ কেটে গেলে আবার নদীকে নিতাস্তই জনশ্রোত এবং পাহাড়কে নিছক শিলাখণ্ডই বোধ হয়।

প্রেম ও প্রকৃতির মধ্যে এই-যে অধরার সূক্ষ্ম ইঙ্গিত, তাকেই আরো ইঙ্গিত-ময় ও প্রত্যক্ষগোচর করেছেন রবীন্দ্রনাথ। তাই গীতাঞ্জলি-র শ্রেষ্ঠ ও বৈশিষ্ট্য-পূর্ণ গানগুলিতে আমি একেবারে অপরিচিত অনভিজ্ঞাত অনধিগম্য ভাবের ব্যঞ্জনা পাই না ; প্রিয়া ও প্রকৃতির সান্নিধ্যে যা আগেই পেয়েছি তারই উন্নীত-তর, সূক্ষ্মতর, পূর্ণতর এবং সর্বোপরি স্পষ্টতর ( নান্দনিক অর্থে স্পষ্টতর ) রূপ দেখে মুগ্ধ হই। গীতাঞ্জলি পড়বার সময়ে সবিস্ময়ে অহুভব করি আমরা যেন দুই জগতের মধ্যবর্তী সীমান্তরেখা ধ’রে হাঁটছি, একটু এদিকে সরলে পা পড়ে মর্ত্য-লোকের মাটিতে, একটু ওদিকে সরলে বাতাসে পাই অমৃতলোকের গন্ধ।

নোবেল পুরস্কার-প্রাপ্ত ইংরেজি ‘গীতাঞ্জলি’র কল্যাণে পশ্চিমের এবং এদেশের অবাঙালি পাঠকেরা রবীন্দ্রনাথকে মোটের উপর ভক্তিরসের কবি ব’লেই জানেন;

অর্থাৎ অত্যন্ত আংশিকরূপেই জানেন। ভক্তিরস তাঁর একটি বিশেষ পর্বের ( কালের দিক থেকে দশ-বারো বৎসরের ) মধ্যে সীমাবদ্ধ। বারো বৎসর অবশ্য খুব অল্পকাল নয়, তবে যিনি ষাট বৎসরের অধিককাল কাব্যসাধনা করেছেন তাঁর কবি-পরমায়ুর ক্ষুদ্র অংশ তো বটেই। কিন্তু ঐ-সময়ের কবিতাও যে বিশুদ্ধ ও অনন্যপ্রায়ীভাবে ভক্তিরসের কবিতা নয় সেটা আরো-একটু বিশদ ক’রে একটু অল্পদিক থেকে বলা হয়তো বাহ্যিক হ’বে না।

ভক্তের মন একান্তভাবে ঈশ্বরে তন্ময়, নিজেকে নিয়ে ব্যাপৃত থাকার কথা নয় তার। ভক্তিরস বাৎসল্যরসের মতোই একতরফা ; যা যেমন শিশুর কাছে, ভক্ত তেমনি ভগবানের কাছে নিজেকে নিঃশেষে কেবল ঢেলে দিতেই চায়, প্রতিদানের কোনো প্রত্যাশা রাখে না, দাবি তো নয়ই। কিন্তু গীতাজলি-র কবি আত্ম-বিস্মৃত মোটেই নন, গীতাজলি-র ভাবজগতে দান যেমন অক্লপণ, প্রতিদানের দাবিও তেমনি অকুণ্ঠ, আত্মবিসর্জন এবং আত্মক্ষুরণ দুই বিপরীত ভাবের ব্যঞ্জনা একাধারে বিদ্যুত। একদিকে যেমন শূনি :

আমার যে সব দিতে হবে, সে তো আমি জানি।

অত্মদিকে তেমনি জানতে পারি :

তোমার এই মাধুরী ছাপিয়ে আকাশ করবে  
আমার পাণে নইলে সে কি কোথাও ধরবে ?

একদিকে যেমন :

আমো পেমে, তামো প্রেমে  
তোমার আমি হবে যাক নেমে

অত্মদিকে তেমনি :

আমার প্রাণের মাঝে গেমন করে  
নাচে তোমার প্রাণ  
আমারে প্রেমে তেমনি তোমার প্রেমের  
সংক না তুফান।

একদিকে :

আমারে দিও তোমার হাতে  
নতন হবে নতন প্রাতে।

অত্মদিকে :

যদি আমার দু’মি ঝাঁচাও তবে  
তোমার নিখিল ভুবন ধস্ত হবে।

এই দ্বিতীয় স্রুটি কবীরের দৌহার মতো বিস্তৃত ভক্তিকাব্যে স্বভাবতই শোনা যায় না, কারণ এ-স্রুটি প্রেমের, ভক্তির নয়। প্রেমিক সবদাই প্রতিদান চায়, না-পেলে তার প্রেম ব্যর্থ, আত্মনিবেদন ব্যথা। প্রেমাস্পদের জ্ঞাত যতো উচ্ছ্বাস উদ্বেগ উদ্বেলতা থাক, আত্মবিশ্বস্ত নয় প্রেমিক। কবীরের কাব্য ভক্তির প্রকাশে উজ্জল কিন্তু প্রেমের লক্ষণে দীন এ-কথা মানতেই হবে। কবীরের সঙ্গে তুলনার বিশেষ গুরুত্ব আছে, যেহেতু রবীন্দ্রনাথ নিজেই কবীরকে তাঁর পূর্বসূরীরূপে পাশ্চাত্য এবং সেই স্রুতে এদেশীয় পাঠকদের সামনে তুলে ধরেছেন। ‘ইংরেজী গীতাঞ্জলি প্রকাশিত হ’লে যখন পাশ্চাত্য এবদল ধর্মব্যবসায়ী বলতে প্রবৃত্ত হলেন, এইসব কথা খ্রীষ্টধর্মেরই প্রভাবে লেখা এবং আমাদের দেশের বহু লোক সেই কথা আরো জোরে প্রতিপন্নিত করতে প্রবৃত্ত হলেন...তখন আমাকে বাধ্য হয়ে কবীরের অনুবাদ ক’রে দেখাতে হ’ল এই জাতীয় ভাব ইংরেজ আমলের পূর্বে এই দেশে ছিল, কবীরের মধ্যে ছিল।’

অথচ এমনই কপাল যে ঐ-অনুবাদ প’ড়ে স্যেটস্ প্রমুখ কয়েকজন বিদ্বৎ পশ্চিমী পাঠকের মনে হয়েছিলো এ-অনুবাদ না-ছাপলেই ভালো করতেন রবীন্দ্রনাথ, কেননা তাঁর কাব্যিক অর্থাৎ দ্বৈত জোলা ভক্তিরস কবীরের খাঁটি গাঢ় ভক্তিরসের তুলনায় একটু পান্সে ঠেকে। এ’রা লক্ষ করতেন না যে, কবীর শুধু খাঁটি ভক্ত নন, মূলত ভক্তই, কবিতা তাঁর পক্ষে গৌণ কর্ম, কবি না-হ’লেও তাঁর ভক্তিরস বিন্দুমাত্র খণ্ডিত হ’তো না। অপরপক্ষে, রবীন্দ্রনাথ খাঁটি কবি এবং মূলত কবিই, ভক্তি তাঁর কাব্যসৃষ্টির উপাদান এবং একমাত্র উপাদান নয়, ভক্ত না-হ’লেও তিনি উচ্চদের কবি হতেন, কিন্তু কবিতায় প্রকাশের সার্থকতা না-পেলে তাঁর ভক্তিরস অচিরে শুকিয়ে যেতো। দ্বিতীয়ত, কবীরের দৌহার বিস্তৃত ভক্তিরই প্রকাশ, তাতে প্রেমিক-প্রেমিকার সেই ভাবগত আদান-প্রদান নেই য গীতাঞ্জলি-র ভক্তিকাব্যকে অগ্র-এক স্তরে নিয়ে গেছে। কবীরের ভক্তিরসের সঙ্গে যা মিশেছে তা প্রেম নয়, বিস্তৃত দার্শনিক ব্যাখ্যান এবং ধর্মদেশনা : ‘The creature is in Brahma and the Brahma is in the creature, they are ever distinct yet ever united.’ (রবীন্দ্রনাথের অনুবাদ) – এইধরনের পংক্তির অপ্রতুলতা নেই তাঁর কাব্যে। দু-এক জায়গায় স্বামী-স্ত্রী বা প্রেমিক-প্রেমাস্পদের প্রতীক থাকা সত্ত্বেও (এ-প্রতীকের ব্যঞ্জনশক্তি খুবই দুর্বল সেখানে) সর্বত্র যা প্রকাশ পেয়েছে তা কেবল একপক্ষের আকৃতি এবং

আত্মনিবেদন—সেটাই ভক্তির ধর্ম। অপরপক্ষ যে পরমেশ্বর, তিনি কেমন ক’রে ব্যাকুল হবেন কারও জন্য? গীতাঞ্জলি-র ভগবান কিন্তু আপনাতে আপনি পরিপূর্ণ নন (‘আমায় নইলে, ত্রিভুবনেশ্বর, / তোমার প্রেম হত যে মিছে’), তিনি বিরহী (‘আমার মিলন লাগি তুমি/ আসছ কবে থেকে’, ‘তুমি পার হয়ে এসেছ মরু / নাই যে সেথায় ছায়াতরু’), তিনি চোখের জলও ফেলেন :

সদা হল, একলা আছি বলে  
এই-যে চোখে অশ্রু পড়ে গলে  
ওগো বন্ধু, বলো দেখি  
ক’রে কেবল আমার এ কি।  
এর নাথে যে তোমার অশ্রু দোলে।

এমনতর বিরহ-ব্যাকুল মিলন-তৃষার্ত ত্রিভুবনেশ্বরের চিত্রকল্প কবীরের রচনায় আশা করা যায় না, ভাবাই যায় না।

এ-সবই পাওয়া যাবে অবশ্য বৈষ্ণব পদাবলীতে। শশিভূষণ দাশগুপ্ত বলেছেন, গীতাঞ্জলি পর্বের কবিতায় ‘প্রেমভক্তি-আত্মনিবেদন-মিশ্রিত বৈষ্ণবীয় ভঙ্গির আমেজ লাগিয়াছে।’<sup>৬</sup> প্রেমের ধারা যে বৈষ্ণব পদাবলী থেকে রবীন্দ্রনাথে এসেছে তাতে কোনো সন্দেহ নেই। পদাবলী সাহিত্যের শ্রেষ্ঠ নিদর্শনগুলির তুল্য সংরক্ত, প্রাণস্পন্দিত ও প্রকাশোজ্জ্বল প্রেমের কবিতা যে-কোনো সাহিত্যে দুর্লভ, এবং রবীন্দ্রনাথ বাল্যকাল থেকে তার নিবিড় আকর্ষণ অনুভব করে-ছিলেন। সন্দেহ উপস্থিত হয় অল্পদিক দিয়ে। বৈষ্ণব কাব্যের যে-পদগুলির সঙ্গে আমরা অত্যন্ত পরিচিত এবং যার কাব্যিক উৎকর্ষ সর্বসম্মত, তাতে প্রায়ই প্রেমের লক্ষণ কি ভক্তির লক্ষণকে ছাড়িয়ে যায়নি? অনেক সময়ে মনে হয় যেন ভক্তির ছদ্মবেশে নিরতিশয় মানবিক প্রেমই অভিব্যক্ত; ছদ্মবেশটাও যে সর্বত্র ধারণ করা হয়েছে তা নয়। বিদ্যাপতি সম্পর্কে চারুচন্দ্র বন্দ্যোপাধ্যায় যা বলেছেন—‘বিদ্যাপতির রাধাকৃষ্ণ ব্রজের রাধা বা বাসুদেবনন্দন কৃষ্ণ বলিয়া একেবারেই ঠা’হর হয় না। সর্বদেশের ও সর্বকালের প্রেমিক-প্রেমিকার রূপটিই রাধাকৃষ্ণের প্রণয়দর্পণে প্রতিফলিত দেখিতে পাই।’<sup>৭</sup>—তা কি চণ্ডিদাস, গোবিন্দদাস ও জ্ঞানদাসের শ্রেষ্ঠ পদাবলী সম্বন্ধেও বলা যায় না? এটাও ভাববার কথা যে, রবীন্দ্রনাথ নিজে তার গীতাঞ্জলি পর্বের কাব্যের সঙ্গে পদাবলী সাহিত্যের একাত্মতা বোধ করেননি, নইলে ‘পাশ্চাত্য ধর্মব্যবসায়ীদের’ ভুল শোধরাবার

জন্ম কেবল কবীরের দৌহার ইংরেজি তর্জমা ক'রেই ক্ষান্ত হতেন না, অন্তত কয়েকটি বৈষ্ণব পদের অহুবাদও সংযোজিত ক'রে নিজের এদেশীয় পূর্বসূরীদের পরিচয় পূর্ণতর করতেন।

প্রকৃতপ্রস্তাবে কবীরও 'খেয়া'-'গীতাঞ্জলি' রচয়িতার পূর্বসূরী ছিলেন না। রবীন্দ্র-প্রতিভার বিকাশে ভারতীয় ভাবধারার ও সৃষ্টিকর্মের পূর্বাপরতা যতো-খানি লক্ষণীয়, অপূর্বতা তার চেয়ে ঢের বেশি। তবে অপূর্বতা তাঁর ভূঁইফোড় ছিলো না, দেশের মাটির মধ্যে বহুদূরবিস্তৃত এবং শক্ত তার শিকড়।

১ 'The only way of expressing emotion in the form of art is by finding an 'objective correlative'; in other words, a set of objects, a situation, a chain of events which shall be the formula of that particular emotion, such that when the external facts are given, the emotion is immediately evoked,' T.S. Eliot, "Hamlet and his problems."

২ 'অভিনব যদিও কাব্যার্থকে রস বলিয়া বলিয়াছেন এবং কাব্যের একান্ত তাৎপৰ্য রসেব মধ্যেই ইহা। অত্যন্ত স্পষ্টভাবে অঙ্গীকার করিয়াছেন, তথাপি এই বসের মধ্য দিয়া সমগ্র বিশ্বের যে একটি অন্তর্দৃষ্টি ফুটিয়া ওঠে এবং কবি যে তাঁহার কাব্যের ভিতর দিয়া বিশ্বভূবনের সত্যকে নিত্য নবোন্মেষিণী বুদ্ধির দ্বারা রসসিক্ত করিয়া প্রকাশ করিয়া ভগবৎপ্রাপ্তিব দ্বারা চরমানন্দ লাভ করেন। তাহা তিনি মুক্তকণ্ঠে বলিয়া গিয়াছেন।' সুরেন্দ্রনাথ দাশগুপ্ত, 'কাব্যবিচার', পৃ. ১৩৪

৩ 'I can only conclude that I cannot, in practice, wholly separate my poetic appreciation from my personal beliefs.' T.S. Eliot, *Dante*, p. 45

৪ 'রবীন্দ্রনাথের পূর্বকার ধর্মসংগীতগুলি প্রচলিত ধর্মোপাসনার ভাব অবলম্বন করিয়াই রচিত। তখন কবির স্বকায় কোনো অধ্যাত্ম অনুভূতি জাগে নাই—তিনি আপনার অভিজ্ঞতাকে আপন বাণীরূপে প্রকাশ করিতে আরম্ভ করেন নাই।' অজিতকুমার চক্রবর্তী, 'কাব্যপরিভ্রম', পৃ. ১১০.

৫ এই অধ্যায়টি 'দেশ' পত্রিকায় প্রকাশিত হওয়াব পব বুদ্ধদেব বহুর 'কবি রবীন্দ্রনাথ' দ্বিতীয়বার পাঠ ক'রে লক্ষ করলাম যে আমার সমস্তার কাছ ঘেঁষে তিনি নিম্নপ্রকার উক্তি করেছেন :

রবীন্দ্রনাথের সে-সব কবিতাই আমাদের পক্ষে সবচেয়ে হৃদয়গ্রাহী, যেগুলি সবচেয়ে কম স্পষ্ট ও নিশ্চিত। তাঁর প্রতিভার এই বিশেষ চরিত্রলক্ষণটি বেরিয়ে আসে তাঁর ব্রহ্মসংগীতের সঙ্গে 'গীতাঞ্জলি'র তুলনা করলে। 'পাদপ্রান্তে রাখ সেবকে, / শাস্তিসদন সাধনধন দেবদেব হে', যদি



‘গীতবিতান’-এ মুদ্রিত না-থাকতো তাহ’লে এই ঈশ্বরবিশ্বাসী উত্তম-ভাবসম্পন্ন গানটিকে রবীন্দ্র-নাথের রচনা ব’লে বিশ্বাস করা সহজ হ’তো না ; উপরন্তু, এক ‘দুঃখতাপবিস্মৃতরণ শোকশান্ত-স্নিগ্ধচরণ’ ঈশ্বরকে রবীন্দ্রনাথের হাত থেকেও গ্রহণ করতে আমাদের কারো কারো আপত্তি হ’তে পারে। কিন্তু ‘আলোর আলোকময় করে হে / এলে আমার আলো’-এই কবিতাটিতে ‘আলো’ বলতে কী বোঝাচ্ছে তা অস্পষ্ট ব’লেই অনাস্থার অপনোদন ঘটে, আমরা তৎক্ষণাৎ অতি সহজে কবির কাছে আত্মসমর্পণ করি। ( পৃ. ৮১-৮২ )

কিন্তু গীতাঞ্জলি-র অনেক কবিতার ব্যঙ্গনা বুদ্ধদেব-উদ্ধৃত কবিতার চেয়ে অনেক বেশি স্পষ্ট ; ভগবানকে সেখানে ‘আলো’র মতো শব্দের আড়ালে রাখা হয়নি, ‘প্রভু,’ ‘নাথ,’ ‘রাজার রাজা’ ইত্যাদি সম্বোধনে তাঁকে চিনতে আমাদের একটুও দেরি হয় না। গীতাঞ্জলি-র প্রথম কবিতাটিই এর উৎকৃষ্ট উদাহরণ ; প্রথম ছয়টি কবিতাই উদাহরণরূপে পেশ করা যায়। এই কবিতাগুলি কি বুদ্ধদেবের ‘স্বয়মগ্রাহী’ ঠেকে না ? যদি না-ঠেকে তবে কি সেখানে ভগবানের অনাবরণ উপস্থিতিই তার কারণ, অন্তত অন্ততম কারণ ? তিনি কি মানেন যে কবি ও পাঠকের মধ্যে বিশ্বাস বা দৃষ্টিভঙ্গির মৌল বিরোধ কাব্যরস-সম্ভোগের অন্তরায় হ’তে পারে ? তাঁর কাছ থেকে এ-প্রসঙ্গের আরো বিশদ আলোচনা গেলে আমি ( এবং আমার মতো অনেক পাঠক ) উপকৃত বোধ করবো।

৬ শশিভূষণ দাশগুপ্ত, ‘উপনিষদের পটভূমিকায় রবীন্দ্রনাথ’, পৃ. ১২৭

৭ চারুচন্দ্র বন্দ্যোপাধ্যায়, ‘বিদ্যাপতি, চণ্ডিদাস ও অজ্ঞান মহাজন পদকর্তা,’ কবিপরিচয়।

কালের দিক থেকে ‘বলাকা’ গীতাঞ্জলি পর্বের অব্যবহিত পরে, কতকটা সম-সাময়িকও বটে। ‘বলাকা’র কবিতা লেখা যখন আরম্ভ হ’য়ে গেছে, ‘গীতাঞ্জলি’র গান লেখা তখনো শেষ হয়নি। অথচ ভাবের দিক থেকে ব্যবধান অনেকখানি। ‘বলাকা’-ছন্দের নতনত্ব শুধু ছন্দ নিয়ে পরীক্ষার ফল নয়, নতুন প্রাণের জন্ম প্রয়োজন হয়েছিলো নতুন কলেবরের। কাব্যের আঙ্গিক-বদল সব সময়ে হার্দ্য পরিবর্তনের তাগিদেই যে ঘটে তা নয়—এমন-কি রবীন্দ্র-কাব্যোও না। উদাহরণত, ‘পুনশ্চ’র গদ্যকবিতা ভাবের বিচারে খুব অভিনব নয়। শেষ পর্ব নিঃসন্দেহে রবীন্দ্র-কাব্যের এক নতুন পর্ব, কিন্তু সে-নতনত্বের স্বাক্ষর ‘পরিশেষ’-এর নিয়মাহুগ ছন্দেই সুস্পষ্ট, গদ্যকবিতায় তা নতনতর হ’য়ে ওঠেনি। রবীন্দ্রনাথের অভিপ্রায় অবশ্য ছিলো সুদূরপ্রসারী : ‘অসংকুচিত গদ্যরীতিতে কাব্যের অধিকারকে অনেকদূর বাড়িয়ে দেওয়া সম্ভব এই আমার বিশ্বাস, এবং সেই দিকে লক্ষ্য রেখে এই গ্রন্থে প্রকাশিত কবিতাগুলি লিখেছি।’ শেষ দশকের কবিতায় কাব্যের অধিকারকে তিনি অনেকদূর প্রসারিত করেছিলেন নিশ্চয়ই, তবে তা ছন্দ ভাঙার অপেক্ষা রাখেনি। ‘বলাকা’ কাব্যে কিন্তু নতুন কালের করাঘাতে ছন্দের মুক্তি ও ভাবের উন্মোচন একই সঙ্গে ঘটে।

‘গীতাঞ্জলি’তে কাল তার গতিধর্ম হারিয়ে এক নিস্তরঙ্গ নিঃশব্দ অকূল সরোবরে পরিণত হয়েছিলো। ‘বলাকা’তে পশ্চিমী গতিবেগের যৌবনোচিত চাঞ্চল্য দেখা যায়, এবং সাম্প্রতিক কালের বিক্ষোভ। আমরা অবিরাম শব্দ শুনি পাড়-ভেঙে-চলা শ্রোতৃস্বিনীর। ৮ সংখ্যক কবিতায় কবি স্বয়ং এই উপমা ব্যবহার করেছেন; নাম-কবিতাটিতে কালের উদ্দামতা আরো মনোগ্রাহী চিত্রকল্পে অভিব্যক্ত।

প্রসঙ্গত, লক্ষ করবার বিষয় যে কালচেতনা কর্মচেতনার সঙ্গে ঘনিষ্ঠভাবে জড়িত। ভক্তি কালাতীত ব্যাপার, এমন-কি তাতেই ইহকাল-পরকালের ভেদ পর্যন্ত লুপ্ত হ’য়ে যায়। পক্ষান্তরে, কর্মব্রতী মাহুঘের একটি চোখ থাকে উপস্থিত কালের উপর নিবদ্ধ, আর-একটি চোখ প্রসারিত হয় অনাগত কিন্তু ঈঙ্গিত লক্ষ্যের দিকে। সে চায় অবস্থার পরিবর্তন—কখনো সংস্কারের পথে, কখনো বা বিপ্লবের। কাজেই কালের গতিশীলতা সে ভুলতে পারে না।

‘গীতাঞ্জলি’র কবি ছিলেন সমাজ থেকে বেশ-একটু দূরে, আপন পরান-সখার সঙ্গে একান্তে আসীন, বা এক তরীতে কূলহারা কিন্তু প্রশান্ত – কানে-কানে গান শোনানো যায় এতোটা প্রশান্ত – সমুদ্রের মাঝখানে ভেসে যাওয়ার জ্ঞান ব্যাকুল। ‘বলাকা’র কবি সারা পৃথিবীর দুঃখ ও পাপের ভারে নিপীড়িত। আমরা জানি প্রথম মহাযুদ্ধের প্রকাশ্য ধ্বংসলীলা আরম্ভ হবার কিছু পূর্বেই মানবজাতির কোনো অজ্ঞাত মহাবিনাশ আসন্ন জেনে তাঁর মন কী-রকম ভারাক্রান্ত হ’য়ে উঠেছিলো। যখন যুদ্ধ বাধলো, ‘মৃত্যুর গর্জন’ কবির কানে এসে পৌছলো, তখন তা শুধু বেদনাদঙ্কই করলো না তাঁকে, কর্মেও উদ্বুদ্ধ করলো। ‘মানসী’ সম্পর্কে রবীন্দ্রনাথ লিখেছিলেন, ‘কবির সঙ্গে যেন একজন শিল্পী এসে যোগ দিল’; ‘বলাকা’ সম্বন্ধে লিখতে পারতেন, ‘কবির সঙ্গে যেন একজন কর্মী এসে যোগ দিল’। এই কর্মীপুরুষকে আমরা আগের কোনো-কোনো কাব্যেও দেখেছি, বিশেষত ‘নৈবেদ্য’-এ। কিন্তু এতোখানি সমাজ-সচেতন, অমঙ্গল-পীড়িত, দেশ-বিদেশের দুঃখ ও পাপ বিষয়ে কর্তব্য-ভারগ্রস্ত কর্মীপুরুষের অস্তিত্ব ইতিপূর্বে অন্তর্দৃষ্টিতে ছিলো। ‘গীতাঞ্জলি’তে যিনি সহজ মনে বলতে পেরে-ছিলেন :

কথাব পাকে কাজের ঘোরে

তলিয়ে রাখে কে আর মোরে

তাঁব স্মরণেব বরণমালা

পাণি বসে গোপন কোণে,--

‘বলাকা’য় এসে তাঁর মনে পড়লো বিধাতা তাঁর উপর কেবল বাঁশি বাজাবার দায়িত্ব অর্পণ করেননি। অকস্মাৎ যেন ভাবের ঘোর কেটে গেলো, মাটির দিকে চেয়ে দেখলেন – তোমার শঙ্খ ধূলায় প’ড়ে আছে। পূর্ববর্তী ভক্তিপূর্বের তদগত আত্মনিমগ্নিত ভাবটাকে লক্ষ্য করেই বোধহয় বললেন :

চলেছিলেম পূজার ঘরে

সাজিয়ে ফুলেব অর্ঘ্য।

গুঁজি সারাধিনেব পরে

কোথায় শাস্তি-স্বর্ণ।

এবাব আমার হৃদয়ক্ষত

ভেবেছিলেম হবে গত,

ধরে মলিন চিহ্ন যত

হব নিকলক ।

পথে দেখি ধূলায় নত

তোমার মহাশয় ।

অতএব শান্তি-স্বর্গ খোঁজা আর হ'লো না, পূজার ঘরে কুলুপ লাগিয়ে বেরিয়ে আসতে হ'লো আঘাত-সংঘাত-মুখর জনসমাজে । এই কবিতার গল্প-ব্যাখ্যায় কবি বলেছেন, 'সে সময়ে পূজাকেই একমাত্র কর্তব্য ব'লে মনে হয়েছিল । কিন্তু অন্তরে একটা দাবী এল, হঠাৎ মনে হ'ল মানুষকে আত্মান করবার শঙ্ক তো বাজাতে হবে, বিশ্ববিধাতার নামে মানুষকে ছোটো গণ্ডি থেকে বড়ো রাস্তায় তো ডাকতে হবে ।'

'এবার যে ঐ এল সর্বনেশে গো / বেদনায় যে বান ডেকেছে' কিংবা 'এবার সকল অঙ্গ ছেয়ে / পরাণ রণসজ্জা' যখন রবীন্দ্রনাথ লিখেছিলেন ( ৫ই ও ১২ই জ্যৈষ্ঠ ১৩২১ ), তখন সর্বনাশা মহাযুদ্ধ এসে পৌছয়নি, তবে বিপুল সমারোহে ও বিকট দশে আটঘাট বাঁধা হচ্ছিলো ভিয়েনায়, বের্লিনে, পীটার্সবার্গে, প্যারিসে, লণ্ডনে ; প্রস্তুতি-পর্ব প্রায় শেষ হ'য়ে এসেছিলো । যুদ্ধের খবর পেয়ে লিখলেন 'বলাকা'র ৫ সংখ্যক কবিতা । লক্ষণীয় যে এতোবড়ো সর্বনাশের খবর পেয়ে যে-কথাটা প্রথমে তাঁর মনে এলো সেটা এই নয় যে সর্বশক্তিমান মঙ্গলময়ের বিধানে এমন দুঃসহ দুঃখ কোটি-কোটি মানুষকে সহিতে হবে কেন ? মনে এলো :

মত্ত সাগর দিল পাড়ি গহন রাত্রিকালে

ঐ যে আমার নেয়ে ।

\* ঝড় বয়েছে, ঝড়ের হাওয়া লাগিয়ে দিয়ে পালে

আসছে তরী বেয়ে ।

ঝড় যতো ভয়ানক হোক, যতো কোটি মানুষই ডুবে মরুক, তবু কবির মনে সন্দেহ নেই যে তাঁর নেয়ে, মানবেতিহাসের নেয়ে, কালসাগর পাড়ি দিয়ে আসছেন ; প্রশ্ন শুধু এই—কোন সম্পদ নিয়ে আসছেন তিনি এবং কোন ভাগ্যবান দেশের জন্য :

নাহি জানি পূর্ণ ক'রে কোন রতনের বোঝা

আসছে তরী বেয়ে ।

...

...

...

কার গলাতে নবীন প্রাতে পরিয়ে দেবে হার

নবীন অ'মার নেয়ে ।

আশ্চর্য প্রশ্ন এবং আশ্চর্য এর মূলীভূত প্রত্যয় (‘যুদ্ধের সমুদ্র পার হয়ে নাবিক আসছেন’)। কিন্তু প্রত্যয়ান্তরের সূচনাও ‘বলাকা’তেই পরিলক্ষ্য।

মহাযুদ্ধের অভিঘাত অনেক বেশি স্পষ্ট ও তীব্র হ’য়ে উঠেছে বছর খানেক পরে লেখা ৩৭ সংখ্যক কবিতায় :

দূর হতে কি শুনিস মৃত্যুর গর্জন, ওরে দীন,

ওরে উদাসীন,

ওই ক্রন্দনের কলরোল,

লক্ষ বক্ষ হতে মুক্ত রক্তের কল্লোল।

বহি-বহ্নী-তরঙ্গের বেগ,

বিশ্বাস-ঝটিকার মেঘ

ভূতল গগন

মুছিত বিহ্বল-করা মরণে মরণে আলিঙ্গন :

মহাযুদ্ধের বীভৎসতা এই ‘উদাসীন’ কবির চিত্তে নতুন চেতনার উদ্রেক করলো, বিশ্ববিধান ও বিধানকর্তা সম্বন্ধে তাঁর এতোদিনকার কুস্মাস্তীর্ণ বিশ্বাসভূমি ধীরে-ধীরে প্রশ্ন-কটকিত হ’য়ে উঠলো। তিনি বুঝতে পারলেন, পুরানো সত্যের পুঞ্জি ফুরিয়ে এসেছে, গীতাঞ্জলি-র যে-বন্দরে এতোকাল তাঁর ভাবের তরী অত্যন্ত স্বরক্ষিত ছিলো সেখান থেকে নোঙর তুলতে হবে, এই বিশ্বাস-ঝটিকার মাঝখানে তরী বেয়ে চলতে হবে তাঁকে।

বন্দরের বন্ধনকাল এবারের মতো হলো শেষ,

পুরানো সঙ্কল্প নিয়ে ফিরে ফিরে শুধু বেচ’কেনা

আর চলিবে না।

বঞ্চনা বাড়িয়া ওঠে, ফুরায় সত্যের যত পুঞ্জি,

কাণ্ডারী ডাকিছে তাই বুঝি—

‘তুফানের মাঝখানে

নতুন সমুদ্রতীরপানে

ধ্বিঙে হবে পাড়ি।’

কিন্তু যে নতুন মানসভূমির দিকে তরী চলেছে তার ভূ-প্রকৃতি, তার তটরেখা, এমন-কি তার সঠিক অবস্থান সম্বন্ধেও রবীন্দ্রনাথের মনে কোনো ধারণা ছিলো না তখন। শুধু জানতেন :

অজানা সমুদ্রতীর, অজানা সে-দেশ—

সেখানকার লাগি

কবিতার স্তবকে-স্তবকে ধ্বনিত প্রতিধ্বনিত একটি সঙ্কোভ এবং সাগ্রহ আওয়াজ — ‘বন্দরের কাল হল শেষ’ ।

এই পর্যন্ত কবিতাটি সুন্দর ; এর পর থেকে তার কাব্যপ্রাণ কতকটা চাপা প’ড়ে গেছে তত্ত্বকথা আর উপদেশবাণীর ভারে । ‘নৈবেদ্য’-এ উল্লিখিত বোয়ার যুদ্ধের চেয়ে এই বিশ্বযুদ্ধ রবীন্দ্রনাথের মনের আরো অনেক গভীরে নাড়া দিয়েছিলো । কিন্তু এবারেও অন্তত প্রথম দফায় তিনি সমস্ত ব্যাপারটাকে পশ্চিমের কয়েকটি বলদৃপ্ত রাষ্ট্রের উৎকট স্বাভাৱ্যভিমান ও হিংস্র সাম্রাজ্যলিপ্সা এবং সেই মহাপাপের প্রচণ্ড শাস্তিরূপেই দেখেছিলেন । কিন্তু এ-দেখা এক-পেশে ; সমাজ-সংস্কারকের পক্ষে হয়তো স্বাভাবিক, কবির পক্ষে ক্ষতিকর । আগেই বলেছি, গীতাঞ্জলি-তে যিনি ছিলেন নিছক প্রেমভক্তিরসের কবি, ‘বলাকা’য় তিনি মানুষকে কঠিন কর্তব্যের পথে আহ্বান করার শঙ্খ হাতে তুলে নিলেন । তবে এ-কথা ভুললে চলবে না যে কর্মপ্রেরণা কোনো কবির, বিশেষত রবীন্দ্রনাথের মতো কবির—যিনি আধুনিক ও বৈদিক উভয় অর্থে কবি—মূল প্রেরণা হ’তে পারে না । তাই মহাযুদ্ধের প্রতি তাঁর মানসিক প্রতিক্রিয়া ধর্মনীতির গণ্ডির মধ্যে আবদ্ধ রইলো না বেশিদিন, কবির সংবেদনী চিত্ত ধর্মোপদেষ্টার নীতিবাক্যকে ছাপিয়ে উঠলো ।

দুঃখ-কষ্টের দুইপ্রকার ব্যাখ্যা পাওয়া যায় প্রাচীন ধর্মমতে । এদেশীয় ব্যাখ্যা হ’লো—মানুষের দুঃখ ব্যাপারটা সম্পূর্ণ ত্রায়সম্ভত এবং জাগতিক নিয়মানুগ, ইহজন্মের বা পূর্বজন্মের কৃতকর্মের ফল । কর্মভোগ সমাপ্ত হ’লে এবং এ-জন্মের পাপ-পুণ্যের খতিয়ানে পুণ্যের পাট্টাটা ভারী থাকলে পরজন্মে উন্নতি এবং সুখ-লাভ অবধারিত । সেমিটিক ধর্মের শিক্ষা অণুপ্রকার । মানুষের পার্থিব পরমাণু তার অনন্ত জীবনের অতি ক্ষুদ্র ভগ্নাংশমাত্র । ঐহিক দুঃখ-কষ্টের কষ্টিপাথরে যাচাই করা হয় ঈশ্বরে বিশ্বাস আর ধর্মে মতি তার খাটি এবং টেঁকসই কিনা । যদি পরীক্ষায় সে সসন্মানে উত্তীর্ণ হয় তবে ইহজীবনে না-হোক পরকালে অক্ষয় আনন্দের দ্বারা তার স্বল্পকালীন ঐহিক যন্ত্রণার বহুগুণীকৃত ক্ষতিপূরণ হ’য়ে যাবে । আর যদি পরীক্ষায় তার আধ্যাত্মিক ও চারিত্রিক অযোগ্যতা প্রতিপন্ন হয় তবে ঐহিক এবং পারত্রিক সমূহ দুর্ভোগ আছে তার কপালে । অবশেষে

যথাধিহিত নরক-যন্ত্রণার পর তার পাপক্ষালন হবে, সে গৃহীত হবে ঈশ্বরের অপার করুণায় ও প্রেমে।

মানুষের ঐহিক দুঃখভোগের এ-সব প্রাচীন ধর্মশাস্ত্রীয় ব্যাখ্যা ও সাফাই রবীন্দ্রনাথের যুক্তিনির্ভর মন গ্রহণ করতে পারেনি। পারেনি বলে তার এক অভিনব স্বকীয় ব্যাখ্যা তৈরি করলেন তিনি। ঐ-সময়ে শান্তিনিকেতন মন্দিরে প্রদত্ত একটি অভিভাষণ “পাপের মার্জনা”য় তার মূল কথাটা পাওয়া যাবে। এই যুদ্ধ যে অসহ্য দুঃখ-কষ্ট বহন ক’রে নিজে আসছে ‘তার সমস্ত বেদনা কোন্‌খানে গিয়ে লাগছে? কত পিতামাতা তাদের একমাত্র ধনকে হারাচ্ছে, কত স্ত্রী স্বামীকে হারাচ্ছে।’ অগণ্য নিরীহ মানুষের উপর এমন নির্ভর আঘাত কেন? দুঃসাহসিক প্রশ্ন, কিন্তু সহজেই তার সমাধান খুঁজে পেলেন রবীন্দ্রনাথ। বললেন : ‘যেখানে পাপ সেখানে কেন শাস্তি হয় না। সমস্ত বিধে কেন পাপের বেদনা কম্পিত হয়ে ওঠে? কিন্তু, এই কথা জেনো যে, মানুষের মধ্যে কোনো বিচ্ছেদ নেই, সমস্ত মানুষ এক। সেইজন্য পিতার পাপ পুত্রকে বহন করতে হয়, বন্ধুর পাপের জন্য বন্ধুকে প্রায়শ্চিত্ত করতে হয়, প্রবলের উৎপীড়ন দুর্বলকে সহ্য করতে হয়।’

তথ্যের দিক থেকে কথাগুলি নিরুসল। পিতার ব্যভিচারের ফলে পুত্র সিকিলিস রোগে অন্ধ হয়, রাজা বা রাষ্ট্রপতি দুর্নীতিপরায়ণ হ’লে প্রজাবর্গের কপালে অশেষ যন্ত্রণা থাকে, নাৎসীদের জঘন্য জাতিবিদ্বেষের ফলে ষাট লক্ষ নিরপরাধ ইহুদী প্রাণ হারায়। এমনটা হ’য়ে থাকে, কিন্তু এমনটাই কি হওয়া উচিত? এইসব নির্দোষ মানুষের দুঃখ-যন্ত্রণা দেখে কি আমাদের বিবেক পীড়িত হয় না, ত্রায়নীতিগোধ বিদ্রোহ ক’রে ওঠে না? পাপ যে করবে তার গায়ে আঁচড়টি লাগবে না, আর যে নিষ্পাপ সে-ই পাপের মাল্য খেয়ে মরবে—এ প্রকৃতির অন্ধ নিয়ম হ’তে পারে, বিধাতার মঙ্গলবিধান হ’তেই পারে না। কোনো পিতা যদি জ্যেষ্ঠ পুত্রের অপরাধের শাস্তি দেয় কনিষ্ঠ পুত্রকে প্রহার ক’রে যেহেতু তাকেই হাতের কাছে পাওয়া যাচ্ছে, তা হ’লে আমরা বলবোই—অত্যন্ত অন্যায়াভাবে এই শাস্তি দেওয়া হ’লো। আমাদের পরম পিতা যদি প্রবলের পাপের শাস্তি দুর্বলকে দেন, তবে কি বলবো না তিনি ততোধিক অন্যায্য করেছেন? রবীন্দ্রনাথ এই বলে তার সমর্থন করতে পারেন না যে ‘অতীতে ভবিষ্যতে, দূরে দূরান্তরে হৃদয়ে হৃদয়ে মানুষ যে পরস্পর গাঁথা হয়ে আছে।’

একটি জীবদেহে যেমন বহুকোটি জীবকোষ তাদের স্বতন্ত্র সত্তা হারিয়ে এক বৃহত্তর যৌগিক সত্তার অবিচ্ছেদ্য অঙ্গপ্রত্যঙ্গ হ'য়ে যায়, কোনো মনুষ্যসমাজের অন্তর্ভূত বহু লক্ষ মানুষ তেমন ক'রে তাদের স্বতন্ত্র ব্যক্তিসত্তা সম্পূর্ণ বিসর্জন দিয়ে সমাজদেহের অঙ্গপ্রত্যঙ্গমাত্র হ'য়ে যায় না। সমাজসেবার উদ্দেশ্যও ব্যক্তির আত্মস্ফূরণ, আত্মবিলোপ নয়; ব্যক্তিস্বাতন্ত্র্যেই মানুষের মনুষ্যত্ব, মৌমাছিত্বের নয়। চারিত্র্যানীতির ক্ষেত্রে এই মানবিক বৈশিষ্ট্যের গুরুত্ব সর্বাধিক। পাপ-পুণ্য, অপরাধ-শাস্তি একান্ত ব্যক্তিগত ব্যাপার। মনুষ্যসমাজ পাপচিন্তা ও পাপাচরণ করে না, এক বা একাধিক ব্যক্তিই করে। পাপ যারা করে আর শাস্তি যারা পায় তারা যদি ভিন্ন হয়, তবে তা বিশ্ববিধানের ত্রুটি। কার্যকারণ শৃঙ্খলা তাতে অটুট থাকতে পারে, কিন্তু ধর্মনীতি থাকে না।

রবীন্দ্রনাথ এ-সব কথা তখন ভাবেননি, বরঞ্চ পত্নের আবেগপূর্ণ ভাষায় ব্যক্তির পাপ ও শাস্তিকে সমাজের পাপ ও শাস্তির সঙ্গে আরো ঘনিষ্ঠভাবে এক ক'রে দেখিয়েছেন :

হে নির্ভীক, দুঃখ-অভিহত  
ওবে ভাই, কার নিন্দা কর তুমি। মাথা করো নত।  
এ আমার এ তোমার পাপ।  
বিধাতার বক্ষে এই তাপ  
বহু যুগ হতে জমি' বায়ুকোণে আজিকে ঘনায়।

পৃথিবীর এক স্থানে তাপবৃদ্ধির ফলে ঝড় ঝড়ের সঙ্গে সমাজের এক স্থানে পাপ জ'মে ঝড়ের ফলে সামাজিক ঝড়ের তুলনা 'বলাকা'র অল্প-একটি কবিতার গল্প-ব্যাখ্যায় সবিস্তারে দিয়েছেন রবীন্দ্রনাথ। বায়ুমণ্ডলের কোনো-এক অংশ যদি উত্তপ্ত হ'য়ে তল্লত্ব-প্রাপ্ত হ'তে থাকে তা হ'লে অনেকক্ষণ তার কোনো ফল দেখা দেয় না। তারপরে হঠাৎ এক সময়ে ভীষণ ঝড় ওঠে, হাজার-হাজার কোশ জুড়ে বনপ্রান্তর লোকালয় সব ছারখার ক'রে দেয়। তেমনি সমাজের কোনো-এক অংশে পাপ জমতে-জমতে যখন একটা মাত্রা ছাড়িয়ে যায়, তখন বিধাতার শাস্তি নেমে আসে ভয়ংকর রূপে, অনেক সময় মহাযুদ্ধ রূপেই। কিছুকাল পরে পাপ-কালন হ'লে, সমাজ শুদ্ধ হ'লে, শাস্তির মেয়াদ ফুরায়, আবার আসে শান্তি, স্বস্তি, আশীর্বাদ।

কবিজনোচিত সুন্দর উপমা, কিন্তু উপমামাত্র। পাপ ও তজ্জনিত দুঃখের এই-



ধরনের সরল কাব্যিক ব্যাখ্যায় একটা চারিত্র্যনৈতিক কঁাকি আছে, সেটা রবীন্দ্রনাথের স্বর্ছ স্বষম বিচারশক্তির কাছে ধরা না-প'ড়ে পারে না। বছর পনেরো পর যখন বিহারের নিদারুণ ভূমিকম্পকে গান্ধীজী অস্পৃশ্যতা-পাপের ভগবৎকৃত শাস্তি ব'লে ঘোষণা করলেন তখন রবীন্দ্রনাথই প্রবল আপত্তি জানিয়ে-ছিলেন। তাঁর একটা বড়ো যুক্তি ছিলো যে : এ-পাপের প্রধান পাপী তো সেই উচ্চবর্ণ হিন্দুরাই, অথচ তাদের মধ্যে অনেকেই পাকা দালান-কোঠায় বাস করতো ব'লে বিশেষ ক্ষতিগ্রস্ত হয়নি। অপরপক্ষে, অচ্ছুৎরা বেশিরভাগই বাস করতো মাটির ঘরে, তাদেরই সর্বনাশ হ'লো। অর্থাৎ পাপের মার যারা খেয়ে-ছিলো, শাস্তির মারও পড়লো তাদেরই পিঠে। মহাযুদ্ধের বেলাও তাই ঘটেছিলো অল্পসংখ্যক ক্ষমতামদমত্তদের সাম্রাজ্যলিপ্সা ও ধনলোলুপতা ঐ-যুদ্ধ বাধিয়ে তুললো, তারা তো দিব্যি বহাল তবিয়েতে রইলো ; উপরন্তু, দুই হাতে মুনাফা লুটলো। আর তাদেরই দুষ্কৃতির ফলস্বরূপ লক্ষ-লক্ষ নিরীহ সাধারণ মানুষ নিহত হ'লো, অঙ্গপ্রত্যঙ্গ হারালো, সব দিক দিয়ে সর্বস্বান্ত হ'লো।

প্রচলিত বা তাঁর স্বকীয় ধর্মতত্ত্ব যা-ই বলুক, কবির সংবেদনী ও ব্যথিত হৃদয় উপলব্ধি করলো যে, কোনো ধর্মোপদেশ বা নীতিবাক্যের দ্বারা এতোগুলো মানুষের এতোবড়ো দুঃখ-দুর্দশাকে ঢাকা যায় না। 'যুরোপের দম্ভ ও লোভ সর্ব-জাতির কল্যাণযাত্রার পথ রুদ্ধ ক'রে জগদল পাথরের মতো সবার বুকের উপর চেপে থাকবে—এটা কখনো বিধাতার অভিপ্রায় হতে পারে না।'—একথা যেমন ভাবুক রবীন্দ্রনাথ হৃদয়ঙ্গম করলেন, তেমনি কবির সংজ্ঞক হৃদয়ে এ-কথাও স্পষ্ট হ'য়ে উঠলো যে, 'উপরিতলের রাজনীতিওয়ালাদের ক্ষমতার কাড়াকাড়ি'র পরিণামে যুরোপের তথা সারা দুনিয়ার নিম্নতলের কোটি-কোটি নিরীহ অসহায় মানুষের সর্বনাশ ঘটুক—এটাও বিধাতার অভিপ্রায় হ'তে পারে না।

অথচ সর্বনাশ তো ঘটলো। এ এক নতুন উপলব্ধি। বস্তুত এতো বিরাট, এতো ভয়াবহ, এতো দুর্বিষহ ও দুর্ধোধ্য আকারে রবীন্দ্রনাথ দুঃখ ও পাপের চেহারা ইতিপূর্বে কখনো দেখেননি, কল্পনার চক্ষেও না। এর ফলে তাঁর ধর্মচিন্তা, জীবনবোধ, হৃদয়ানুভূতির বর্ণালি, কাব্যরচনার ধারা—সবই বদলে গেলো। একটু তলিয়ে দেখলে এই নতুন কবির পরিচয় 'বলাকা'তেও আমরা পেতে পারি ; তবে তার অব্যর্থ স্বাক্ষর শেষ পর্বের ( অর্থাৎ 'পরিশেষ' ও তৎপরবর্তী ) কাব্যেই পরিলক্ষ্য।

পূর্বে উদ্ধৃত ৩৭ সংখ্যক কবিতায় রবীন্দ্রনাথ যদিচ ‘নিখিলের হাহাকার’  
 শ্রুনেও তরী বেয়ে চলেছেন ‘চিন্তে নিয়ে আশা অন্তহীন’, হুঃখ-পাপের ‘অভভেদী  
 বিরাট স্বরূপ’-এর সম্মুখে দাঁড়িয়ে বলছেন, ‘তোরে নাহি করি ভয়’, বলছেন,  
 ‘শাস্তি সত্য, শিব সত্য সেই চিরন্তন এক’; কিন্তু স্পষ্টতই বিশ্বাসের ইমারত  
 ঠিক আগের মতো মজবুত নয় আর, সংশয়ের ফাটল এবং সে-ফাটলকে পলস্তোর  
 দিয়ে ঢাকার চেষ্টা দেখা যায়। কবি যেন নিজের সঙ্গে তর্ক করছেন, নিজেকে  
 আশ্বাস দিয়ে বলেছেন, ‘দেবতার অমর মহিমা’ সাময়িকভাবে ঝাপসা হয়েছে  
 মাত্র, মহাযুদ্ধের ঘন কুছাটিকা কেটে গেলে আবার পূর্ণ জ্যোতিতে ভাস্বর হবে।  
 বলছেন, কিন্তু আশ্বাসবাক্যে অস্ত-এক ইঙ্গিত ধরা পড়ে, ধরা পড়ে ‘মানুষের ধর্ম’-  
 রচয়িতার মানবিক ধর্মমতের পূর্বাভাস।

বীরের এ রক্তশ্রোত, মাতার এ অশ্রুধারা

এব যত মূল্য সে কি ধরাব ধুলায় হবে হারা ?

স্বর্গ কি হবে না কেনা ?

বিশ্বের ভাঙারী স্তব্ধিবে না

এত ধ্বংস ?

রাত্রির তপস্যা সে কি আনিবে না দিন ?

নিদাঙ্গ দঃখরাতে

মুহুরাতে

মানুষ চুপিল যবে নিজ মর্ত্যসীমা

তখন দিবে না দেখা দেবতার অমর মহিমা ?

কবিতার উপাত্ত প্রশ্নের প্রত্যাশিত উত্তর অবশ্যই ‘হ্যাঁ’, কিন্তু কবিতাটি প্রশ্নেই  
 শেষ হয়। এবং উহা উত্তরের পিছনে আরো-কিছু উহা থাকে। মানুষ অযুত-  
 নিযুত বৎসর ধ’রে হুঃসহ হুঃখ ভোগ ক’রে হুঃসাধ্য জ্ঞানে কর্মে ও প্রেমে আপন  
 মর্ত্যসীমা (জৈবধর্মের সীমা) ‘চূর্ণ’ করতে পারে যদি, তবেই দেবতার অমর মহিমা  
 দেখা দেবে, নতুবা নয়। তার মানে এই নয় কি যে, দেবতার অমর মহিমা  
 এখনো পর্যন্ত অপূর্ণ বা অনভিব্যক্ত : দেবত্বের পূর্ণবিকাশ মহাত্মত্বেরই পূর্ণবিকাশের  
 উপর নির্ভরশীল ও শর্তাধীন ? এখান থেকে খুব বেশি দূরে নয় সেই স্থান যেখানে  
 দাঁড়িয়ে রবীন্দ্রনাথ ঘোষণা করবেন : ভগবান বলতে মহাত্মত্বের চরম বিকাশ ছাড়া  
 আর-কিছুই বোঝায় না।

যুক্তিতর্কের দ্বারা নিজের সন্দেহভঞ্জন করা এবং একটি শত যুক্তি বাক্যে সেই

ভর্কের সমাপ্তি ১২ সংখ্যক কবিতায় আরো স্পষ্ট। জীবনানুরাগের সঙ্গে মৃত্যু-চেতনার দ্বন্দ্বই এই কবিতার মূল বিষয়।

তবুও মারিতে হবে এও সত্য জানি।  
মোর বাগী  
একদিন এ-বাতাসে ফুটিবে না,  
মোর আঁখি এ আলোকে লুটিবে না,  
মোর গিয়া ছুটিবে না  
অরণ্যের উদ্দীপ্ত আহ্বানে :  
মোর কানে কানে  
রজনী কবে না তার রহস্যবায়তা,  
শেষ করে যেতে হবে শেষ দৃষ্টি, মোর শেষ কথা।

নিজের মৃত্যুকে এমন একান্ত নগ্র্থক চেহারায় দেখা রবীন্দ্রনাথের পক্ষে একটু অপ্রত্যাশিত বৈকি। ‘মরণ রে তুহঁ মম শ্রাম সমান’—সেই বাল্যরচনার সময় থেকে কতো মধুর সম্ভাষণেই তিনি ডেকেছেন মরণকে।

অত চুপি চুপি কেন কথা কও  
ওগো মরণ, হে মোর মরণ  
অত দীরে এসে কেন চেয়ে রও,  
ওগো একি প্রণয়ের ধবন।

সেই রবীন্দ্রনাথ আজ প্রণয়ীরূপে নয়, জীবনের পরিপূর্ণতারূপে নয়, মরণকে দেখছেন জীবনের পরিপন্থীরূপে। ‘বলাকা’র ঐ-কবিতার গভ-ব্যাখ্যায় বলছেন, ‘এমন করে যে জগতকে চাচ্ছি, আর এমন করে যে জগতকে ছেড়ে চলে যাচ্ছি এই দুটো যদি সমান সত্য হয়েও দুটো contradictory হয় তবে জগতে এই ভয়ানক অসামঞ্জস্যের ভার, এই প্রবঞ্চনা, থেকে যেতে ; তবে তার সৌন্দর্যের মধ্যে ক্রুরতার চিহ্ন দেখতাম। কিন্তু তা তো কোথাও দেখি না। তবে এ দুই সত্যের মিল কোথায় ? এর উত্তর কবিতায় নেই।’ দুটি অসমঞ্জস অথচ অনস্বীকার্য সত্য কোথায় কেমন ক’রে কাঁটায়-কাঁটায় মিলছে তার বিবরণ কবিতায় থাকার কথা নয়। কিন্তু মিলছে কি ? যেখানেই হোক, যেমনভাবেই হোক, সম্পূর্ণ মিলেছে—সে-প্রত্যয়ও তো এই কবিতায় দানা বাঁধতে পারেনি। বরঞ্চ কবিতা শেষ হয় একটি দুর্বল অনুমানে, দর্শনের পরিভাষায় অর্থাপত্তিতে :

এ দুয়ের মাঝে তবু কোনোখানে আছে কোনো মিল :

নহিলে নিখিল

এতোবড়ো নিদারুণ প্রবঞ্চনা

হাসিমুখে এতকাল কিছুতে বহিতে পারিত না।

সব তার আলো

কীটে-কাটা পুষ্পসম এতদিনে হয়ে যেত কালো।

উহু প্রতিজ্ঞা—নিখিলের সব আলো কালো হ'য়ে যায়নি, অর্থাৎ বিশ্বপ্রকৃতি সুন্দর, অতএব মিল আছে কোনোখানে। কিন্তু প্রকৃতির সৌন্দর্য মাহুষের সৌভাগ্যের যথোপযুক্ত প্রমাণ নয়। দুর্বল হোক, সবল হোক, কবিতা যখন যুক্তিতে এসে ঠেকে তখন বুঝতে হবে কবির উপলব্ধির কোনো পর্বে ভাঁটা পড়েছে।

তবু সমগ্র কবিতাটি দুর্বল নয়। তার কারণ কবিতার আপাত-বক্তব্যের অন্তরালে রয়েছে তার গভীরতর ব্যঙ্গনা। আপাতত মনে হয় রবীন্দ্রনাথ বেশ পাটিগণিতের অঙ্ক মেলাবার মতো ক'রে দেখিয়ে দিতে চান জীবন ও মৃত্যু পরস্পর-বিরোধী নয়, কোথাও নিশ্চয়ই মিলেছে তারা। কিন্তু কবিতার গূঢ় ব্যঙ্গনা তা নয়। ব্যঙ্গনা : ঐ-বিরোধের ভয়াবহতা, এবং কোনো পূর্ণ সামঞ্জস্যের জন্য কবির আকুলতা ও উৎকর্ষ। এই ব্যঙ্গনাই কবিতাটিকে রসোন্মীর্ণ করেছে।

‘বলাকা’র আর-একটি কবিতায় রবীন্দ্রনাথের ধর্মভাবান্তর লক্ষ করা যায়। ‘এই সব দারুণ নীচতা ও ভণ্ডামির অন্তরালেও শিব সক্রিয় আছেন’—এ-বিশ্বাস তাঁর অটুট রইলো, কিন্তু এই লীলাময় দেবতার সঙ্গে ‘নৈবেদ্য’-‘গীতাঞ্জলি’র প্রেম-করুণাময় ভগবানের তফাত অনেক। ১১ সংখ্যক কবিতায় এই দেবতাকে কখনো ‘হে মোর সুন্দর’ ব’লে সম্বোধন করা হচ্ছে, কখনো ‘হে রুদ্র আমার’ ব’লে; তাঁর স্বভাবে ভয়ংকর কঠোরতা ও জননীশূলভ কোমলতা সমমাত্রায় বিদ্যমান। উপরন্তু এই লীলাময়ের বিচারালয় থেকে মাহুষের ‘উগ্রতা’ পরে কখন যে ‘জননীর স্নেহ-অশ্রু’র মতো তাঁর বিচার ঝরবে, কখন আবার ‘গর্জমান বজ্রাগ্নি শিখা’র মতো, তা ঠাহর করা আমাদের মাহুষী বিচারবুদ্ধি ও শ্রাস্তবোধের সাধ্যাতীত। বরঞ্চ আমাদের জ্ঞানবুদ্ধিমতো আমরা যখন জননীর স্নেহ প্রত্যাশা করি তাঁর কাছ থেকে, ঠিক তখনই বজ্রাগ্নি ঝরে; আর যেখানে মনে হয় দেবতার কঠোরতম শাস্তি সমুপযুক্ত সেখানেই তাঁর করুণা নেমে আসে।

তাঁদের আঘাত হবে প্রেমের সর্বাত্মক বাজে,

সহিতে সে পারি না যে;

অশ্রু-জ্বালা

ভোমারে কাঁদিয়া ডাকি,—

খড়া ধরো, প্রেমিক আমার,

করো গো বিচার।

তার পরে দেখি

এ কী,

কোথা তব বিচার-আগার।

জননীর স্নেহ-অশ্রু ঝরে

তাদের উগ্রতা-‘পরে’ ;

পক্ষান্তরে যারা মৃত, যারা কোনো দুর্বল মুহূর্তে প্রলুব্ধ হ’য়ে ‘সিঁধ কেটে চুরি করে তোমার ভাণ্ডার’, তারা আপন পাপের ভারে আপনিই ভেঙে পড়ছে। তাদের হ’য়ে কবি কেঁদে বলেন, ‘এদের মার্জনা করো, হে রুদ্র আমার’। কিন্তু রুদ্রের এ কী অভূত বিচার :

মার্জনা তোমার

গর্জমান বজ্রাগ্নিশিখার,

সুধাস্তেব প্রলয়লিখার

রক্তের বর্ষণে,

অকস্মাৎ সংঘাতের ঘর্ষণে ঘর্ষণে।

দুঃখ ও দুঃখের দেবতা বিষয়ে সম্পূর্ণ নতুন উপলব্ধির ফলে ক্ষীণ থেকে ক্ষীণতর হ’লো সেই ভক্তি-রসধারা যা ‘নৈবেদ্য’ থেকে ‘গীতালি’ পর্যন্ত উচ্ছল ছিলো। শুভ ও সূন্দরের দিকে পিঠ ফেরালেন না রবীন্দ্রনাথ, বরঞ্চ শুভ ও সূন্দরের চেতনা তাঁর মনে আরো গভীর ও সুপরিণত হ’লো। তবে তাঁর চরম মূল্যবোধের স্থানাঙ্কদ্বয় (co-ordinates) গেলো পাল্টে। এই নতুন কো-অর্ডিনেট ফ্রেম্‌ সন্মুখে অবহিত না-হ’লে রবীন্দ্রনাথের শেষ পর্বের কাব্যের রসগ্রহণ ব্যাহত হবে। এই পর্বে বিবৃতির প্রাধান্য যতোটুকু ঘটেছে তা এইজন্য যে রবীন্দ্রনাথ নিজেকে বুঝতে চাইছেন, নিজের সঙ্গে বোঝাপড়া ক’রে নিতে চাইছেন। তাঁর বিশ্ব-নিরীক্ষায় যে-একটা বিপ্লব ঘটে গেছে সেটা মানতে তাঁর কষ্ট হচ্ছে, সেটাকে ক্রমবিবর্তন ব’লেই দেখতে এবং দেখাতে চেষ্টা করছেন। পুরানো রবীন্দ্রনাথের সঙ্গে নতুন রবীন্দ্রনাথের বোঝাপড়া কিন্তু শেষ অবধি খণ্ডিতই র’য়ে গেলো। সেই আংশিক ব্যর্থতা শেষ পর্বের কাব্যকে অভূতপূর্ব সার্থকতা দান করেছে। বোঝা-পড়া মস্তোষজনক হ’লে রবীন্দ্রনাথ হ’য়ে উঠতেন দার্শনিক, কবিকর্ম হ’তো তাঁর পক্ষে গৌণকর্ম। রবীন্দ্রনাথের দর্শন শ্রদ্ধেয়, কিন্তু আরো অনেক উর্ধ্বে তাঁর দার্শনিক অপূর্ণতা-ও অতৃপ্তি-সম্ভূত গীতিকাব্যের স্থান।

‘পরিশেষ’ আর ‘পুনশ্চ’ প্রকাশিত হয় এক মাসের ব্যবধানে, দুটোরই রচনাকাল ১৩৩৮-৩৯। ‘পরিশেষ’ নাম স্তনলে মনে হয় বইখানা যেন পূর্ববর্তী কাব্যধারার সমাপ্তি-ঘোষণা; রবীন্দ্রনাথ সম্ভবত বোঝাতে চেয়েছিলেন যে এটাই তাঁর শেষ কাব্যগ্রন্থ, এর পর কবিকর্ম থেকে তিনি অবসর গ্রহণ করবেন। মুখবন্ধস্বরূপ “প্রণাম” কবিতাটিতে সেই ইঙ্গিত রয়েছে : ‘এই গীতিপথ-প্রান্তে হে মানব, তোমার মন্দিরে / দিনান্তে এসেছি আমি নিশীথের নৈঃশব্দের তীরে / আরতির সাক্ষ্যক্ষেপে।’ নৈঃশব্দের তীরে এসে কিন্তু রবীন্দ্রনাথ আবিষ্কার করলেন নতুন এক ভাবসমুদ্র।

নতুন এক রীতিরও ( কবি যার কাব্যিক নাম দিয়েছেন ‘গঞ্জিকা রীতি’ ) প্রবর্তন হয় ঐ-দুখানি বইতে, কিন্তু ভাবের দিক থেকে পরিবর্তন আরো লক্ষণীয়। সংশয়, প্রশ্ন, ‘নৈরাশ্যের তীব্র বেদনা’, মানসিক দ্বন্দ্ব, তিক্ততা ( রবীন্দ্রনাথের পক্ষে যতোখানি তিক্ত হওয়া সম্ভব ), সেই সঙ্গে ‘সন্ন্যাসী মহাকালে’র কাছে দীক্ষা-গ্রহণ একদিকে এবং অতৃপ্তির পুরোদস্তুর মানবিকতাবাদ — এ-সবেরই সূত্র পাত ঐ-দুখানি পর্বাস্তকারী কাব্যে। এর কিছুই হয়তো একেবারে নতুন নয়, প্রথম পর্বও এ-সব ভাবের সাক্ষাৎ মেলে। কিন্তু তখনকার কিঞ্চিৎ অপরিণত মনের সে-উপলব্ধি সম্পূর্ণ স্বকীয় ছিলো না, পাশ্চাত্য রোমান্টিক অ্যাগনির অগ্নি-বিস্তার সংক্রমণ দেখা যায় ‘মানসী’-‘চিত্রা’র যুগে, তৎপূর্বে তো বটেই। প্রকাশভঙ্গি শিথিল না-হ’লেও শক্ত হয়নি মাংসগোশি, শব্দের জাদুকরি ছিলো, গৃহস্থালি ছিলো না; ভাবালুতা দোষও চোখে পড়ে — অবশ্য সে-যুগে তা দোষ ব’লে গণ্য হ’তো না। পূর্বোক্ত ভাবপুঞ্জকে মাত্রায় ও গুণে, অল্পভব ও অভিব্যক্তনায় রবীন্দ্রনাথ তাঁর শেষ পর্বের কাব্যে এমন-এক স্তরে তুলে দিয়েছেন যাকে নতুন ব’লে অভিযর্থনা করতেই হয়।

‘বলাকা’ রচনাকালে প্রথম মহাযুদ্ধের পটভূমিকায় রবীন্দ্রনাথ ‘দুঃখের বিরাট স্বরূপ’ দেখে বলেছিলেন বটে ‘তুফানের মাঝখানে/ নতুন সমুদ্রতীর-পানে/ দিতে হবে পাড়ি’, কিন্তু ঠিক তখনই নতুন সমুদ্রে পাড়ি দেওয়া সম্ভব হয়নি, চেনা সাগরেই তরী বাওয়ার নতুনতর কৌশলের পরীক্ষা-নিরীক্ষা চললো আরো কিছু-কাল। যে অজানা দেশের ইঙ্গিত ছিলো ‘বলাকা’য়, তার সাক্ষাৎ পাই না।

‘পূরবী’ কিংবা ‘মহুয়া’য় : বরঞ্চ মনে হয় আমরা যেন ‘মানসী’র ভাবলোকেই ফিরে গেছি, তফাত মোটের উপর কলাকৌশলেই। নতুন পর্বাস্তরের স্বাক্ষর ‘পরিশেষ’-‘পুনশ্চ’র আগে স্থষ্টি নয়।

‘পূরবী’-‘মহুয়া’তে কবি যেন ভাষা ও ছন্দের প্রোৎসর্ধের দিকেই অধিকতর মনোযোগী। সে-মনোনিবেশ শিথিল হয়নি ‘সৈঁজ্জুতি’, ‘আকাশপ্রদীপ’, ‘নব-জাতক’ পর্যন্ত, যদিও তার পূর্বেই রবীন্দ্র-কাব্যের ঋতুপরিবর্তন ঘটে গেছে। তারপরে কঠিন পীড়া ও দেহমন্ত্রণার মধ্যে নতুনতর সৃষ্টির পালা আরম্ভ হ’লো। আমরা সেই অন্তিম পর্বে এসে পৌঁছই যখনতার রচনাকে বৈদিক মন্ত্রকাব্যের সঙ্গে তুলনা করা হয়েছে, শিশিরকুমার ঘোষ যার আরো সঠিক সংজ্ঞা দিয়েছেন ‘সারাসার কাব্য’ এবং সেই কাব্যের চরিত্র বর্ণনায় ডি. এইচ. লরেন্সের পত্রাবলি থেকে উদ্ধৃত করেছেন :

Everything can go but the stark, bare, rocky directness of statement that alone makes poetry to-day.১

কিন্তু এই পর্যায়ের শেষেও ভাবের গতি কিংবা আঙ্গিকের বিবর্তন থামতো এমন তো মনে হয় না। ‘শেষ লেখা’র অপ্রত্যাশিত বাক্যে এসে আমরা যখন অবাক বিশ্বয়ে তাকিয়ে আছি নতুন এক কাব্যদিগন্ত দেখতে পাওয়ার প্রত্যাশায় ঠিক তখনই এই চিরপথিকের পথ চলা অকস্মাৎ থেমে গেলো একটি বাহ্য কারণে। ‘রোগশয্যা’, ‘আরোগ্য’ কিংবা ‘শেষ লেখা’র লেখনী ক্রান্ত নয় মোটেই ; এ-কাব্যগুলির পাতায়-পাতায় শারীরিক ও মানসিক যন্ত্রণা আছে, জরা নেই, মানসিক জরা একেবারে অনুপস্থিত। যিনি ‘অস্থস্থ দেহের মাঝে ক্লিষ্ট রচনার যে প্রয়াস’ তাই দেখছেন ‘অনন্ত আকাশে’, তাঁর সেই স্বচ্ছ নির্ভীক দৃষ্টিশক্তি ও রচনাতন্ত্রিকে অস্থস্থ বা ক্লিষ্ট বলবে কে ?

আধুনিক সমালোচকরা যথার্থই বলেছেন, যে-কবিতায় একই বা এক-জাতীয় অনুভূতি ব্যক্ত হয়েছে তার চেয়ে উদ্ভবের ব’লে গণ্য হবে সেই কবিতা যাতে একাধিক বিভিন্ন ভাবের সমাবেশ ঘটেছে ( অবশ্য যদি অনুভূতির প্রকাশ ছোটোতে সমান রূপদক্ষতার সঙ্গে হ’য়ে থাকে )। আরো উদ্ভবের কবিতায় আমরা পাই বিপরীতের সন্নিপাত, যেমন কীটসের নাইটিংগেলে, হপ্‌কিন্সের ভক্তিকাব্যে, এলিয়টের ‘ফোর কোয়ার্টেটস্’-এ। রিল্কে বলেছিলেন টেরিব্‌ল-লেন্স এবং ব্রিস্ একই সত্তার এ-পিঠ-ও-পিঠ—এই উপলব্ধিটি ফুটিয়ে তোলার

প্রয়াস পাওয়া যাবে তাঁর শেষ দুখানি কাব্যগ্রন্থে। রবীন্দ্রনাথ ‘প্রান্তিক’-এর ১০ সংখ্যক কবিতায় আক্ষেপ করেছেন যে, তাঁর পরমাণু শেষ হ’য়ে এলো অথচ ‘চরমের কবিত্ব মর্যাদা’ তিনি পাননি, কারণ ‘জাগিল না মর্যতলে ভীষণের প্রসন্ন মূর্তি’।

ভীষণের প্রসন্ন মূর্তি যে দুর্লভ ধ্যানদৃষ্টির সম্মুখে উদ্ঘাটিত হবে তারই জন্ত সর্বান্তঃকরণের আকৃতি তাঁর শেষ পর্বের কাব্যকে—‘পরিশেষ’ থেকে ‘শেষ লেখা’ পর্যন্ত—আশ্চর্য সার্থকতা দান করেছে। প্রথম পর্বের কাব্যও ‘ভীষণ’ একেবারে অল্পপস্থিত নন, কিন্তু ভীষণ সেখানে ভীষণই (যেমন ‘ছবি ও গান’-এর “আতঙ্ক” ও “নিশীথ জগৎ”-এ, ‘মানসী’র “নিষ্ঠুর সৃষ্টি” ও “সিন্ধুতরঙ্গ”-এ), এবং মধুর মধুরই—তার উদাহরণ অজস্র। তবে সে-পর্বের কবিতা মোটের উপর মধুর রসেরই কবিতা। মাঝে-মাঝে অভিজ্ঞতা ও কল্পনা অল্প পথে গিয়েছে, কিন্তু তা কচিং, এবং সে কচিং-আভাসিত অসুন্দরের বা অন্তর্ভের ছায়া পড়েনি কবির সমস্ত হৃদয়মনের উপর। ‘মানসী’, ‘সোনার তরী’, ‘চিত্রা’র কাব্যরসে বৈচিত্র্যের অভাব নেই, এমন-কি একই কবিতায় অনেক সময় বিবিধ রসের সমাবেশ ঘটেছে। কিন্তু বিপরীতের টানে কবির মন দীর্ঘ হয়নি তখন। নৈরাশ্য ও বিষাদের ষতোটুকু ধুলো-বালি দেখা দিয়েছিলো ‘মানসী’র যুগে, তা-ও মুছে গেলো গীতাঞ্জলি পর্বে এসে। ভক্তিরসে আপ্ত ত এই মধ্য পর্বের কাব্য ভীষণের চেহারা দেখা যায় না তখন, কিন্তু তাকে আর ভীষণ ব’লে চেনাই যায় না। হোক সে ‘ভীষণ তরবারি’ তবু সে যে প্রিয়তমের অভিসার-রাশ্মির দান, তাকে বৃকে চেপে ধরতে হবে যদি-বা বৃক কেটে ক্ষতবিক্ষত হ’য়ে যায়। মোটের উপর তখন রুদ্রের দক্ষিণ মুখই দেখা দিয়েছিলো, তবে সেই প্রসন্ন মুখের ‘আনন্দ-আবেশ’-ভরা প্রকাশ ‘খেয়া’ থেকে ‘গীতালি’ পর্যন্ত গূঢ় ও বিশ্লিষ্ট ব্যঞ্জনায অতুলনীয়।

অবশ্য ঐ একই সময়ে তিনি রচনা করেছেন তাঁর শ্রেষ্ঠ প্রতীকী নাটক ‘রাজা’। ‘রাজা’র প্রথম অঙ্কের প্রথম দৃশ্বে সহচরী সুরঙ্গমার সঙ্গে রানী সুদর্শনার সংলাপে পড়ি :

সুদর্শনা। রাজাকে তখন তোর কী মনে হত ?

সুরঙ্গমা। উঃ, কী নিষ্ঠুর। কী নিষ্ঠুর। কী অবিচলিত নিষ্ঠুরতা।

সুদ। সে রাজার ‘পরে তোর এত ভক্তি হল কী করে ?



হর। কী জানি মা! এত অটল, এত কঠোর বলেই এত নির্ভর, এত ভরসা। নইলে আমার মতো নষ্ট আশ্রয় পেত কেমন করে।

হর। তোর মন বদল হল কখন?

হর। কী জানি কখন হয়ে গেল। সমস্ত দুঃস্বপনা হার মেনে একদিন মাটিতে লুটিয়ে পড়ল।  
তখন দেখি, যত ভয়ানক ততই সুন্দর।

এবং শেষ দৃশ্বে সুদর্শনা রাজার কাছে আত্মনিবেদন ক'রে বলছেন; 'তুমি সুন্দর নও প্রভু, সুন্দর নও। তুমি অল্পম।...যাবার আগে আমার অন্ধকারের প্রভুকে, আমার নির্ভরকে, আমার ভয়ানককে প্রণাম করে নিই।' কিন্তু রাজা কিসে ভয়ানক, কোথায় নির্ভর, তার প্রকাশ নাটকে স্পষ্ট নয়। যা স্পষ্টরূপে ফুটেছে তা রাজার আত্মগোপন ক'রে থাকার ইচ্ছা—যতোদিন রাণীর চোখ কেবল সুন্দরকে খুঁজছে ততোদিন রাজা অন্ধকারে অদৃশ হ'য়ে থাকবেন। মনে হয়, রবীন্দ্র-মাধ অল্পমানে জেনেছিলেন কোথায় যেন ভয়ানক কিছু আছে, নির্ভর কিছু ঘটছে, কিন্তু সেই নির্ভর-ভয়ানকের সঙ্গে তাঁর সাক্ষাৎ পরিচয় হয়নি তখন।

ভয়ানককে আবার দেখা গেলো—অন্ধকারে নয়, আলোতেই দেখা গেলো—'বলাকা' কাব্যে, প্রথম মহাযুদ্ধের পটভূমিকায়। 'বলাকা' রবীন্দ্র-কাব্যের ইতিহাসে একটি সন্ধিস্থল। মহাযুদ্ধের প্রচণ্ড ধাক্কা লেগে রবীন্দ্র-কবিপুরুষ খানিকটা দিশাহারা বোধ করেছিলেন। এতোবড়ো নিদারুণ অভিঘাতকে সহজভাবে গ্রহণ করার বথোপযুক্ত প্রস্তুতি ছিলো না 'গীতাঞ্জলি'র কবির চিন্তায় বা অহুভূতিতে। তাই 'নৈবেদ্য'-এ যেমন, 'বলাকা'তেও তেমনি জগৎজোড়া দুঃখ ও পাপের চেহারাটাকে কবি সহনীয় ক'রে নিতে চাইলেন তাকে ঈশ্বর-কৃত শান্তিবিধানরূপে দেখে—এ-কথা আগের অধ্যায়ে আলোচনা করেছি। এই সহজ সমাধানের ব্যর্থতা তাঁর ধর্মবিশ্বাসের মূলে আঘাত করলো, তাঁর সমগ্র দৃষ্টিভঙ্গি গেলো পাল্টে।

'বলাকা' প্রকাশিত হয় ১৩২৩ সালে, 'পরিশেষ' ও 'পুনশ্চ' ১৩৩৯-এ। অবশেষে এই ষোলো বছর পরে আমরা সেই 'নূতন সমুদ্রতীর'-এর কাছে পৌঁছলাম যার স্পষ্ট ইঙ্গিত ছিলো 'বলাকা'র ৩৭ সংখ্যক কবিতায়। কয়েকটি বৈশিষ্ট্যপূর্ণ কবিতার ব্যঙ্গনা একটু তলিয়ে দেখলে এই নতুন তীরের পরিচয় পেতে আমাদের সুবিধে হবে। প্রগতি-সাহিত্যবাদীদের কল্যাণে 'পরিশেষ'-এর "প্রশ্ন" কবিতাটি বহুল খ্যাতিলাভ করেছে। মার্কসবাদী অর্থে এর মধ্যে বৈপ্লবিক কিছু নেই, কিন্তু রবীন্দ্র-মানসের বিকাশে এই কবিতার ভূমিকা ক্রান্তিকারী। এ তো প্রশ্ন নয়, চ্যালেঞ্জ। এ 'দয়্যাহীন সংসারে' এমন বীভৎস পাপ

অনেক বটে যা কোনোমতেই ক্ষমার যোগ্য নয়, এমন মহুগ্ধ-বর্জিত পাপী আছে আমরা যাদের কিছুতে ভালোবাসতে পারি না। অথচ ঈশ্বরের প্রেরিত দূতেরা ব'লে গেলেন, ক্ষমা করো সব, ব'লে গেলেন ভালোবাসো। ইতিহাসের পাতায় এঁদের নাম লেখা রইলো, এঁদের অনুগামীদের সংখ্যা অনেক, কিন্তু কবি তাঁদের ফিরিয়ে দিচ্ছেন কেবল একটি বার্থ নমস্কার জানিয়ে। তাই কবিতার শেষ পঙক্তিতে যে ব্যথিত প্রশ্নটি উচ্চারিত হ'লো— 'তুমি কি তাদের ক্ষমা করিয়াছ, তুমি কি বেসেছ ভালো?'— তার অন্তরালে একটি অহুচ্চারিত প্রশ্ন রয়েছে : তোমার প্রেরিত দূতেরা কেন এমন অগায় উপদেশ দিলেন ? আরো উহ প্রশ্ন : তোমার সৃষ্টিতে এমন পাপ কেন যা ক্ষমার যোগ্য নয়, এমন মানুষ কেন যাদের ভালোবাসা যায় না কিছুতেই। এ-সব উচ্চারিত ও অহুচ্চারিত প্রশ্ন 'নূতন সমুদ্রতীর'-এর দিকনির্দেশক।

'পরিশেষ'-এর আর-একটি কবিতা "ছোটো প্রশ্ন"-এ কবি মেনে নিচ্ছেন যেখানে 'সৈন্যবাহিনী বিজয়কাহিনী/লিখে ইতিহাস জুড়ে' সেখানে আঘাত-সংঘাত, হিংস্রতা ও বর্বরতা অনিবার্য, সেখানে 'ভাঙা চোরা যত হোক / তার লাগি বুধা শোক।' কিন্তু মেনে নিতে পারছেন না যখন সহসা ঝঞ্ঝার বা বোমার আঘাতে আর্ত বিলাপ ওঠে নিভৃত কোনো পল্লীর ছোটো একটি কুটির থেকে মায়ের কোলে শিশু যেখানে ঘুমিয়ে-ঘুমিয়ে হাসছে। কবিতাটি শেষ হয় এমন একটি বিক্ষুব্ধ প্রশ্নে আন্তিকের মনে যার কোনো উত্তর নেই, সাহুনা নেই :

হে রক্ত, কেন তায়ো 'পরে জানো,

• কেন তুমি নাচি জানো

নির্ভয়ে ওবা তোমাবে বেসেছে ভালো,

দিস্মিত ঘোখে তোমারি ভুবনে

দেখেছে তোমারি আলো।

এই কাব্যগ্রন্থে একই রূপকল্পের তিনটি কবিতা রয়েছে ; তার মধ্যে দুটির নামও একই : "সাহুনা" ; তৃতীয়টির নাম "চিরন্তন"। তিনটি কবিতাই মানুষের ( 'নিখিল মানবের' ) দুঃসহ দুঃখ ও ঘৃণ্য পাপের তীব্র চেতনায় সংরক্ত :

প্রহরণার ছুরি

পাঁজর কেটে করে চুরি

সরল বিশ্বাস ;

নিরাশ হৃৎথে চেয়ে দেখি  
পৃথিব্যাপী মানববিভীষিকা

কিংবা,

যে-হৃৎথ নিহিত আছে  
অপমানে শঙ্কায় লজ্জায়,  
কোনো কালে যার অন্ত নাই,  
আজি তাই  
নির্যাতন করে ঘোরে।

হৃৎথের কথা রবীন্দ্রনাথ অনেক বলেছেন, কিন্তু কোনোকালে যে-হৃৎথের অন্ত নেই সে-হৃৎথের কথা কি আগে বলেছেন? মানুষের পাপের সঙ্গে পরিচয় তাঁর যথেষ্ট ঘটেছিলো, কিন্তু পৃথিব্যাপী মানববিভীষিকা কি ইতিপূর্বে এমন মুক্ত চোখে দেখেছেন তিনি? ‘সোনার তরী’র একটি সনেটে—তখনকার রচনাধারায় কতকটা প্রক্ষিপ্তভাবে—বলেছিলেন বটে :

আনি না কী হবে পরে, সবই অন্ধকার  
আদি অন্ত এ সংসারে—নিখিল হৃৎথের  
অন্ত আছে কি না আছে।

কিন্তু সোজাসৃজি কখনো বলেননি যে, নিখিল হৃৎথের কোনোকালেই অন্ত নেই।

এই নির্ধাতন থেকে মুক্তি খোঁজা, কোথাও কোনো কঠে একটু সান্ত্বনার বাণী শুনতে চাওয়া স্বাভাবিক, উক্ত কবিতাত্রয়ে তার প্রকাশও আন্তরিক। যেটা একটু অস্বাভাবিক ঠেকে তা এই যে, এমন নিদাক্ষণ হৃৎথের বিভীষিকায় তিনি সান্ত্বনা খুঁজে পান এতো সহজে—একটি পাখির ডাকে বা একটি বনস্পতির পত্র-মর্মরে। রবীন্দ্র-কাব্যের প্রথম পর্বে এটা অস্বাভাবিক ঠেকতো না, কিন্তু শেষ পর্বে ঠেকে। অন্ধকার যতো ঘন হোক, ঝড়-তুফান যতো ভয়ঙ্কর হোক, ডাকলেই কাণ্ডারি এসে হাল ধরবেন—‘বলাকা’ ও তৎ-পূর্ববর্তী যুগে এমন প্রত্যয় ছিলো মনে। কিন্তু আজ যখন কবি জানেন, ‘সহায় কোথাও নাই’ এবং সকল প্রার্থনাই ব্যর্থ হবে, তখন আকাশ থেকে অকস্মাৎ মানবোত্তীর্ণ আনন্দ ও শান্তির বার্তা বহন ক’রে আনে মানবেতর প্রাণীবিশেষ—এটা কি বিচিত্র নয়?

“সান্ত্বনা” নামের দ্বিতীয় কবিতাটিতে এবং “চিরন্তন”—এ কীটসের “Ode to a Nightingale”—এর ভাবচ্ছায়া পড়েছে। কীটস্ কিন্তু অবগত ছিলেন যে, এই জগতের :

Where youth grows pale, and spectre-thin, and dies ;  
Where but to think is to be full of sorrow  
And loaden-eyed despairs—

প্রতিকারহীন অন্তহীন বেদনা কেবল মুহূর্তের জ্ঞান ভুলে থাকা যায় বুলবুলির গান শুনে, কিন্তু সে-গানে জগৎ-যন্ত্রণার কোনো স্থির চূড়ান্ত সান্ত্বনা খোঁজা বুখা। তাই তাঁর কবিতা শেষ হয় বুলবুলিকে বিদায়-সম্ভাষণে ; গান আর শোনা যায় না, বুলবুলিটি কি উড়ে গেলো মাঠ নদী পাহাড় পেরিয়ে দূরের কোনো উপত্যকায়, নাকি যে-গানের মধুরিমায় কবি তাঁর সব ব্যথা, সর দুঃখ ভুলেছিলেন, তা কেবল দিবাস্বপ্নই ছিলো, একটি শব্দের (‘forlorn’) আঘাতে চূর্ণবিচূর্ণ হ’য়ে গেলো ?

কিন্তু রবীন্দ্রনাথ যখন পিনাডের রাস্তা দিয়ে মোটর হাঁকিয়ে যেতে-যেতে পীড়িত কল্লনার চোখে চেয়ে দেখছেন ‘পৃথীব্যাপী মানববিভীষিকা’ ভেবে পাচ্ছেন না ‘কে বাঁচাবে আপন-হানা অন্ধ মাহুঘেরে’, তখনই পার্শ্ববর্তী কোনো অশোক শাখা থেকে একটি কোকিল ডেকে ওঠে, আর সেই কোকিলের ডাক :

পরশ কবে পাশে  
যে-শান্তিটি সব-প্রাণমের,  
যে-শান্তিটি সবার অবসানে,  
যে-শান্তিতে জানায় আমার  
অসীম কালের অনির্বচনীয়,—  
‘তুমি আমার প্রিয়’।

কবিতার এই বাক ফেরাটা যেমন অপ্রত্যাশিত, তেমনি অবাস্তব। “সান্ত্বনা” নামক দ্বিতীয় কবিতাটির পরিণামও তদ্রূপ। মাহুঘের জীবনের অন্তবিহীন দুঃখ যখন তাঁকে ‘নির্ধাতন’ করছে, তখন সহসা অদৃশ্য কোন্-এক পাখির গান এলো কানে, আর রবীন্দ্রনাথের মনে হ’লো :

আদিম আনন্দ যাহা এ বিশ্বের মাঝে,  
যে-আনন্দ অস্তিমে বিবাজে,  
...                      ...                      ...  
আমারে দেখালে পথ তুমি তারি পানে  
এই তব অকারণ গানে।

এ কেমন ক’রে সম্ভব হ’লো ?

মানুষের জীবনে—ব্যক্তিগত ও সামাজিক জীবনে—দুঃখ পাপ মুক্ততা ও হিংস্রতার অন্ত নেই ; অথচ প্রকৃতি শাস্ত সুন্দর নিষ্কলুষ । তাই কি মানুষলোকে কোনো আশা, কোনো সাধনা খুঁজে না-পেয়ে কবি মানুষ থেকে দৃষ্টি ফেরান প্রকৃতির দিকে, ‘স্বাস্থ্যের চির-উৎস’ খুঁজে পান তারই বর্ণে গন্ধে গানে ? অনেক সময়ে তাই—যেমন পূর্বোক্ত দুটি কবিতাতে । রবীন্দ্র-রচনাবলী ঘেঁটে তার আরো সাক্ষ্যপ্রমাণ হাজির করা যায়, এমন-কি, একেবারে শেষ দিককার রচনা থেকেও । ‘সেঁজুতি’র “স্বাভাব মূখে” কবিতাটাই ধরা যাক । কবি যখন বেশ-খানিকটা উন্মত্ত হ’য়ে বলছেন :

যাক এ জীবন, পুঞ্জিত তার জঞ্জাল নিয়ে যাক ।

... ..

নিয়ে যাক বত দিনে-দিনে-জমা-করা

প্রবন্ধনায়-ভরা

নিঃস্রবতার সমস্ত সঞ্চয় ।

তখন সহজেই অনুমেয় যে, এই পুঞ্জিত জঞ্জালটা মানবিক । অথচ যখন ‘সকল-কিছুর অবশেষে’ই অক্ষয় মূল্য বহন ক’রে বাকি যা রয় তার কথা বলছেন, তখন দেখা যায়, তালিকাটি সম্পূর্ণ ঐ প্রাকৃতিক :

আমার দুয়াঃ আভিনার ধারে ঐ চামেলির লতা

কোনো ছদ্মবেশ করে নাই কৃপণতা ।

ওই-যে শিমূল, ওই-যে সজিনা, আমারে বেঁধেছে ষণে—

কত-যে আমার পাগলামি-পাওয়া দিনে

কেটে গেছে বেলা শুধু চেয়ে-থাকা মধুর মৈতালিতে,

নীল আকাশের তলায় ওষের সবুজ বৈতালিতে ।

... ..

যে মন্ত্রধানি পেয়েছি ওষের হরে

তাহার অর্থ মৃত্যুর সীমা ছাড়িয়ে গিয়েছে দূরে ।

একদিন রবীন্দ্রনাথ নিজেই বলেছিলেন, ‘সত্যের প্রতি শ্রদ্ধা ক’রে পৃথিবীটা বস্তুত যেমন, তাকে তেমনি ক’রেই জানবার সাহস থাকা চাই । ছাঁট-দেওয়া সত্য এবং ষর-গড়া সামঞ্জস্যের প্রতি আমার লোভ নেই ।’<sup>২</sup> সেই কথাটা স্মরণ ক’রে বলতে চাই—কোকিলের আলো-ভরা কণ্ঠে বা বনের রহস্যময় পত্রমর্মরে যদি-বা আমরা শুনতে পাই ‘যে-শাস্তিটি সব-প্রথমে, / যে-শাস্তিটি সবার অবসানে’ তারই স্নিগ্ধ

বার্তা, তবু সে-বার্তা কি ছাপিয়ে উঠতে পারে মনুষ্য-সমাজ থেকে যে আর্ত চিৎকার ওঠে তার বিরূপ সাক্ষ্যকে ? প্রাকৃতিক স্রষ্টা আর মানবিক বিভীষিকা যদি বিপরীত স্তর যোজনা করে বিশ্বের ঐক্যতানে, তবে তার মধ্যে একটি স্তরকেই শুদ্ধ বা মূল স্তর ভাববার কি কোনো কারণ আছে ? মানুষের কানে মানুষের স্তরই যদি বেহুঁর বাজে তবে প্রকৃতির বসন্তবাহার কি তাকে শেষ সাক্ষ্য দিতে পারবে ? প্রমথনাথ বিশী ঠিকই বলেছেন : ‘ভগবদ্বিশ্বাসীগণের মধ্যে যাহারা ভক্তের হৃদয়কেই ভগবৎ-লীলার একমাত্র আসর মনে করেন, ইতিহাসের মধ্যে তাঁহার পদক্ষেপ স্বীকার করেন না বা সে পদক্ষেপ সম্বন্ধে উদাসীন, তাঁহাদের কর্তব্য সহজ । কিন্তু যাহারা ভগবানকে ভক্ত ও ভগবানের খেলাধুরেই আবদ্ধ রাখেন না, মনে করেন যে বৃহৎ ইতিহাসের উত্থানপতনেও তাঁহার লীলা তরঙ্গিত, কবিবর্ণিত সর্বজনীন বীভৎসা ও ব্যভিচারের মধ্যে কী ভাবে ভগবদভি-প্রায় ব্যক্ত হইতেছে তাহা ব্যাখ্যা করিবার দায় তাঁহাদের । কিন্তু কাজটি সহজ নয় ।’<sup>৭</sup> প্রকৃতির সৌন্দর্যের দিকে মনোনিবেশ করলেও কাজটি মোটেই সহজ হয় না । সহজ হয় না, এ-কথা রবীন্দ্রনাথ নিজে ভালোভাবে জানতেন । বহুকাল পূর্বে ‘আত্মপরিচয়’-এ লিখেছেন : ‘অনন্ত আকাশে বিশ্বপ্রকৃতির যে শাস্তিময় মাধুর্য-আগনটা পাতা ছিল, সেটাকে হঠাৎ ছিন্নবিচ্ছিন্ন ক’রে বিরোধবিমুক্ত মানবলোকে রুদ্রবেশে কে দেখা দিল ? এখন থেকে স্বপ্নের দুঃখ, বিপ্লবের আলোড়ন ।’<sup>৮</sup> তাই আমার মনে হয় যে-সব কবিতায় তিনি মানব-বিভীষিকাকে সহনীয় ক’রে নিতে চেয়েছেন চামেলি-সজ্জনের সবুজ বৈতালিতে বা পাখির কণ্ঠে প্রিয়-সম্বোধন শুনে, সেখানে তাঁর কল্পনা কবিত্তমণ্ডিত, দৃষ্টি সত্যসন্ধানীর নয় ।

এর চেয়ে অকুতোভয়, সত্যের কঠিনতম রূপকে মেনে নিতে অকুণ্ঠিত নয় কি আলবের কামুর শিল্পদৃষ্টি ? কামুও প্রাণ দিয়ে প্রকৃতিকে ভালোবাসতেন. তার রূপলাবণ্যে অনাধুনিক মাত্রায় মুগ্ধ ছিলেন, কিন্তু সেই সঙ্গে জানতেন যে প্রকৃতির অপরূপ সৌন্দর্য এমন-কোনো পরম কল্যাণময় অনন্ত শক্তির সাক্ষ্য দেয় না যার মধ্যে মানুষের চূড়ান্ত পরিজ্ঞানের লেশমাত্র অঙ্গীকার আমরা খুঁজে পেতে পারি । তাঁর বিশ্বাস ছিলো মানুষের জীবন অসুন্দরই থাকবে যতোদিন-না আমরা তাকে সুন্দর ক’রে তুলতে পারি, দুঃখ ও পাপে মগ্ন থাকবে যতোদিন-না আমরা তার দুঃখমোচন ও ক্লেশহরণ করতে সক্ষম হই । এ-কাজ মানবোত্তীর্ণ কোনো মঙ্গল-বিধানকর্তার সাধ্য নয়, তেমন বিধানকর্তা নেই কোথাও ।

শেষ পর্বের রবীন্দ্রনাথেরও স্থায়ী এবং মৌলিক বিশ্বাস অস্বল্প ছিলো। তার পরিচয় আমরা পরবর্তী অধ্যায়ে পাবো। মাঝে-মাঝে অবশ্য তাঁর বিগত-দিনের পিতানোহসি-বোধ, ভক্তিপর্বের ‘ছুথের রাতে নিখিল ধরা যেদিন করে বঞ্চনা / তোমাতে যেন না করি সংশয়’ ভাব ছিটকে এসে পড়ে শেষ পর্বেও। পড়বেই তো ; বহুকাল যে-প্রত্যয় মনে দৃঢ় ছিলো, যে-জন্মদয়াবেগ প্রবল ছিলো, তা জীবনের শেষ দশকে একেবারে ধুয়ে-মুছে যাবে—এমন প্রত্যাশা আমরা করতে পারি না। তবে রবীন্দ্রনাথই বারে-বারে বুঝিয়েছেন যে তাঁর ধর্ম-বিশ্বাস একটা সজীব, সচল পদার্থ, তার উপর টিকিট মেরে জাহাজের রেখে দেওয়ার মতন অটল রূপ সে কখনো ধারণ করেনি। আর মৃত্যুর মাত্র সাত দিন আগে লেখা তাঁর দীর্ঘ কাব্য-জীবনের শেষ জবানবন্দীতে প্রকৃতিকে বলেছেন ‘ছলনাময়ী’ :

তোনার সৃষ্টির পথ বেখেঁচ আকীর্ণ করি  
বিচিত্র ছলনাজালে,  
হে ছলনাময়ী।  
মিথ্যা বিশ্বাসের কাঁদে পেতেছ নিপুণ হাতে  
সরল জীবনে।  
এই প্রবঞ্চনা দিয়ে মহৎকে কবেছ প্রকৃত ;

রবীন্দ্রনাথের মহৎ প্রতিভাও কি প্রকৃতির রূপবৈচিত্র্যের দ্বারা মাঝে-মাঝে প্রবঞ্চিত হয়নি, মিথ্যা বিশ্বাসের কাঁদে পড়েনি ? আশা করা মনে হয় উপরে উদ্ধৃত কবিতায় সেই বেদনাই প্রকাশ প করেছে।

‘বলাকা’র ১৯ সংখ্যক কবিতার (‘আমি যে বেমেছি শুনো এই জগতের’) ব্যাখ্যা প্রসঙ্গে রবীন্দ্রনাথ যা বলেছিলেন—‘বলাকা’ শীর্ষক অধ্যায়ে তার কিছু আলোচনা ইতিপূর্বেই করেছি—সেটাকেও প্রকৃতির ছলনাময়ী শক্তির কাছে আত্মসমর্পণের সাক্ষ্যরূপে ভাবা যেতে পারে, অতীতকালে কবি স্বয়ং হয়তো তা-ই ভেবেছিলেন।

সমস্ত পৃথিবীটা যদি-বা সত্তাকোটা ফুলের মতো সুন্দর হয়, বাহ্য প্রাকৃতিক দৃষ্টে সৌন্দর্যের উপর এমফ্যাসিস যদি-বা স্পষ্টতই পড়ে থাকে, তাতে কি প্রমাণ হয় যে মানুষের ব্যক্তিসত্তা তার মৃত্যুর সঙ্গে-সঙ্গে শূন্যে মিলিয়ে যাবে না ? সুন্দরতম পরিবেশে কুৎসিততম পাপ ও দুর্বিষহতম দুঃখ ঘটেই থাকে। রূপে-গন্ধে-বর্ণে অতি মনোহরা বসুন্ধরার কোলে তার অসহায় সন্তানেরা ‘মৃত্যুর

নিরর্থকতার' নিঃশেষ হ'য়ে যাবে — এটা ভয়ংকর হ'লেও অসম্ভব নয় । প্রকৃতির মনোহারিতা কিছুই প্রমাণ করে না, তার মধ্যে এতোবড়ো প্রমাণ দেখতে পাওয়া মানেই হচ্ছে প্রকৃতির নিপুণ হাতে পাতা বিচিত্র ছলনাজালে ধরা দেওয়া । ফুল্ল অশোক শাখায় ব'সে কোকিল যতো বিমল সুরেই ডাকুক, তার 'গভীর রমণীয়' সুরব্যঞ্জনা কবিকে বলতে পারে 'তুমি আমার প্রিয়', কিন্তু এ-আখ্যাস দিতে পারে না যে, মানব-বিভীষিকার পরপারে বিশ্বের আদিতো ও অস্তে পরম শান্তি বিরাজমান । এমনতর কবিকল্পনা ছোটো অর্থে সুন্দর হ'তে পারে কিন্তু কোনো মহৎ অর্থে নয়, কারণ তাতে জগতের কঠিন সত্যকে একটু মোলায়েম ক'রে নেওয়ার দুর্বলতা প্রকাশ পায় ।

পূর্বোক্ত কবিতার পরবর্তী পঙক্তিগুলিতে কবি বলেছেন :

তোমার জ্যোতিষ্ক তারে  
যে-পথ দেখায়  
সে যে তার অন্তরের পথ,  
সে যে চিরঞ্চল,  
সহজ বিশ্বাসে সে যে  
করে তারে চিরসমুজ্জল ।

প্রকৃতি বিষয়ে পর-পর দুই আপাত-বিপরীত উক্তি (ছলনাময়ী ও পথপ্রদর্শক) সত্যিই কিন্তু কোনো বিরোধ নেই । প্রকৃতির সৌন্দর্য মানুষকে মিথ্যা বিশ্বাসের কাঁদে ফেলে তখনই যখন তাতে মুগ্ধ হ'য়ে মানুষ ভাবে বিশ্বের বিধানে সব-কিছুই সুন্দর, আপাতত না-হ'লেও বস্তুত মানব-ভাগ্যের অহুঙ্কল । কিন্তু জ্যোৎস্না রাত্রে চামেলির গন্ধ-জাতীয় সহজ মনোহারিতা থেকে চোখ তুলে জ্যোতিষ্কমণ্ডলীর দিকে যখন সে তাকায় তখন 'মিথ্যা বিশ্বাসের কাঁদ' থেকে মুক্ত হয় । কারণ নাস্ত্রিক জগৎ মনোহর নয়, সার্বাইম্ ; শুধু তার কল্পনাভীত দূরত্ব ও আকারই নয়, তাতে যে অভাবনীয় শক্তিসমূহের আঘাত-সংঘাত, সৃষ্টি-প্রলয় নিরন্তর চলছে তা আমাদের জানিয়ে দেয় যে, অনন্ত অনাচল্য বিশ্ব সেই বিরাট অর্থে 'সুন্দর' — 'নিষ্ঠুর' ও 'ভয়ানক' —ও যার অভিধাতু । রবীন্দ্রনাথ এই নিষ্ঠুর ও ভয়ানককে প্রণাম জানিয়েছিলেন বহুকাল পূর্বে রানী সুদর্শনার মুখে, আজ স্বতন্ত্র মুখোমুখি হ'য়ে আবার তাকে প্রণাম জানাচ্ছেন । ভয়ানক এবং সুন্দরকে একত্র দেখতে পাওয়া তাঁর জীবনের 'শেষ পুরস্কার' । এই পুরস্কার যে পেয়েছে :



সত্যের সে পায়  
আগন আলোকে ধৌত অন্তরে অন্তরে ।  
কিছুতে পারে না তারে প্রবঞ্চিতে ।

রবীন্দ্র-প্রতিভার শেষতম অভিব্যক্তি থেকে ফেরা যাক ‘পরিশেষ’-এর  
“সাম্বনা” নামক অল্প কবিতাটিতে (‘যে বোবা দুঃখের ভার’) । ঐ-বইয়ের  
সাম্বনা-বিষয়ক পূর্বোল্লিখিত অল্প-দুটি কবিতা থেকে বেশ-একটু আশাদা এর  
স্বর, রোম্যান্টিক ভাবাবেগের সঙ্গে মিশেছে আইরনির বোল । মাতৃয়ের অসহায়  
অপ্রতিকাৰ্য্য দুঃখ-কষ্টের কথা ভাবতে-ভাবতে কবি কল্পনা করছেন, ‘সর্ব দুঃখ  
সম্ভাপ’ স্বখন ‘উদ্ধার মাটির বক্ষোদেশে’ নেমে যাবে তখন সেই মাটিতে :

বনম্পতি প্রশান্ত গভীর  
সূর্যোদয়-পানে তোলে শির,  
পুষ্প তার পত্রপুটে  
শোভা পায় ধরিত্রীর মহিমামুকুটে ।

একে প্রাকৃতিক পরিহাস ছাড়া আর কী ভাবা যেতে পারে । সে-পরিহাসকে  
যেনে নিয়ে কবিতার শেষে ‘সুন্দরের ভৈরবী রাগিণী’র কথা বলেন কবি :

বোবা মাটি, বোবা তরুদল,  
দৈবচাবা মানুষেব বিপ্লব দুঃসহ-কোলাহল  
স্বকৃত্য মিলাইছে প্রতি মুহূর্তেই,  
নির্বাক সাধুনা সেই  
...                      ...                      ...  
দেখিলাম সব ব্যথা প্রতিপক্ষে লইতেছে জিনি  
সুন্দরের ভৈরবী রাগিণী ।

‘আরোগ্য’র ছোটো একটি কবিতা ২৫ সংখ্যা তার শিরোনাম :

বিরিট মানবচিত্তে  
অকথিত বাণীপুঞ্জ  
অব্যক্ত আবেগে ফিরে কাল হতে কালে  
মহাশূন্যে নীহারিকাসম ।  
সে আমার মনঃসীমানার  
সহসা আঘাতে ছিন্ন হয়ে  
আকারে হয়েছে ঘনীভূত,  
আবর্তন করিতেছে আমার রচনা-কক্ষপথে ।

চিত্রকল্পটি সুন্দর, সহজেই মনোযোগ আকর্ষণ করে, ব্রবীন্দ্রনাথের মতো কবির রচনায় তার পোনঃপুনিক উপস্থিতি অপ্রত্যাশিত নয়। ‘নবজাতক’-এর “কেন” শীর্ষক কবিতায়ও এর প্রয়োগ সার্থক হয়েছে। চিত্রকল্পটি কিন্তু অনেক বেশি বেদনাময় ও মর্মগ্রাহী হ’য়ে ওঠে যখন ‘বাণীধারা’ রূপান্তরিত হয় ‘অশ্রুধারা’য় :

অশ্রুধারার ব্রহ্মপুত্র  
উঠছে ফুলে ফুলে  
তরঙ্গে তরঙ্গে ;  
সংসারের কূলে কূলে  
চলে তার বিপুল ভাঙাগড়া  
বেশে বেশান্তরে ।  
চিরকালের সেই বিরহতাপ,  
চিরকালের সেই মানুষের শোক,  
নামল হঠাৎ আমার বুকে ;  
এক প্লাবনে থরথরিয়ে কাঁপিয়ে ধিল  
পাঁজরগুলো—  
সব ধরণীর কান্নার গর্জনে  
মিলে গিয়ে চলে গেল অনন্তে,  
কী উদ্দেশে কে তা জানে ।

অকথিত বাণীপুঞ্জ যেমন মহাশূন্তে ঘুরে-ঘুরে বেড়াচ্ছে, মানুষের দুঃখ-শোকের অশ্রু ধারাও কি তেমনি দেশে-দেশান্তরে তরঙ্গে-তরঙ্গে ফুলে-ফুলে উঠছে যুগ-যুগ ধ’রে ? কী উদ্দেশে ? দুটি চিত্রকল্পের তাৎপর্য কিন্তু এক নয়, প্রশ্নের তীব্রতাও ভিন্ন। অকথিত বাণীপুঞ্জ বায়বীয় নেবুলার মতো মহাকাশে ভ্রাম্যমাণ—এই কল্পনাটি কৌতুকপ্রদ, তার বেশি-কিছু নয়। কী উদ্দেশে তা কবির বিশেষের চিত্তে ঘনীভূত হ’য়ে শিল্পরূপ পরিগ্রহ করে, আবার মহাশূন্তে হারিয়ে যায়—প্রশ্নটি সাহিত্যিক কৌতুহল প্রকাশ করে মাত্র। কিন্তু দেশে-দেশে যুগে-যুগে দুঃখের তরঙ্গ ফুলে-ফুলে উঠছে—এটা কল্পনা নয়, নিষ্ঠুর বাস্তব। ‘কী উদ্দেশে’ প্রশ্নটিও নিছক কৌতুহল-ব্যঞ্জক নয়, একটি ধর্মনৈতিক বিচার তাতে প্রচ্ছন্ন রয়েছে—এমন তো হওয়া উচিত ছিলো না তবু এমনটা হ’লো কেন, কার কোন্‌ নিগূঢ় উদ্দেশ্যসাধন করছে এই অশ্রুধারার ফুলে-ফুলে-ওঠা ব্রহ্মপুত্র ?

প্রশ্ন ও বিচারের ইঙ্গিত আরো উচু পর্দায় ওঠে ‘বীথিকা’র “ভূভাগিনী” কবিতায়। “বিশ্বশোক”-এর প্রশ্ন উত্তরের সম্ভাবনা-রহিত ছিলো না, প্রশ্নকর্তার

মনের কোণে একটুখানি আশা রয়েছে যে এই জাগতিক শোকের এবং সেই শোকতরঙ্গের দ্বারা একজন ব্যক্তির হৃদয়কে হঠাৎ প্রাণিত ক'রে দেওয়ার কারণ-পরস্পার মধ্যে হয়তো কোনো মহাকল্যাণময় উদ্দেশ্য নিহিত আছে, যদিও সে-উদ্দেশ্য আমাদের মাহুষী বুদ্ধির কাছে মোটেই পরিষ্কার নয়। কিন্তু “দুর্ভাগিনী”র ‘কেন, ওগো কেন’ স্পষ্টতই সেই চিরপ্রশ্নসমূহের অত্যন্তম, যার ‘বেদীসম্মুখে চিরনির্বাক রহে / বিরাট নিরুত্তর’। কবির সব দিক থেকে দুর্ভাগিনী কন্ঠ্যর শেষ ভরসা ছিলো দীপ্তিমান তরুণ পুত্র নীতীন। সেই নীতীন জার্মানির এক হাস-পাতালে যক্ষ্মারোগের অবর্ণনীয় যন্ত্রণায় ভুগে-ভুগে মারা গেলো – তারই মৃত্যু-সংবাদ পেয়ে এই কবিতাটি রচিত। কিন্তু সেটা উপলক্ষ্যমাত্র, কবিতার বিষয়-বস্তু একটি ব্যক্তির শোক নয়; অথবা সেই ব্যক্তির অশেষ দুঃখ জগতের দুঃসহতম দুঃখ ও হতাশার প্রতীকরূপে ব্যবহৃত হয়েছে ঐ-কবিতায়। ‘দুঃখের স্তম্ভিত নীরস্ত্র অন্ধকার’কে মহিমান্বিত ক'রে দেখানোই প্রারম্ভিক উদ্দেশ্য ছিলো মনে হয় : ‘তোমার সম্মুখে এসে, দুর্ভাগিনী, দাঁড়াই যখন / নত হয় মন।’ কিন্তু পরবর্তী পঙক্তিতেই প্রলয়ের কথা বলা হয়েছে, ‘যেন ভয় লাগে / প্রলয়ের আরম্ভেতে স্তম্ভতার আগে।’ কোন্ প্রলয়ের দিকে ইঙ্গিত করেছেন কবি ?

ফিরিছ বিশ্রামচাষা ঘুবে ঘুবে,  
খুঁজিছ কাছের বিশ্ব মুহূর্তে যা চলে গেল দূরে ;

...                      ...                      ...

দেবতা যেখানে ছিল সেথা জ্বালাইতে গেলে ধূপ,  
সেখানে বিদ্রূপ।

এর পরবর্তী পঙক্তিগুলিতে আর-কোনো আড়ালই রইলো না, শুধু বিশ্বই ভেঙে পড়ছে না, তার সঙ্গে-সঙ্গে বিশ্বের দেবতার উপর বিশ্বাসও ভেঙে চুরমার হ'য়ে যাচ্ছে :

সর্বশূন্যতাব ধারে  
জীবনের গোড়া ঘরে অবরুদ্ধ দ্বারে  
দাও নাড়া .  
ভিতরে কে দিবে সাড়া।  
মুছাঁতুর আধারের উঠিছে নিশ্বাস,  
ভাঙা বিশেষ পড়ে আছে ভেঙে-পড়া বিপুল বিশ্বাস।

কবিতার শেষে যে বিদ্রোহী যন্ত্রণা চিৎকার ক'রে ওঠে সৃষ্টি ও সৃষ্টিকর্তার উদ্দেশ্যে,

তা কি কেবল কবিতার নাস্তিকারই মনের কথা :

তুমি স্থির সীমাহীন নৈরাশ্রের তীরে

নির্ধাক অগার নির্ধাসনে ।

অশ্রুহীন তোমার নয়নে

অবিভ্রাম প্রশ্ন জাগে যেন—

কেন, ওগো কেন !

সীমাহীন নৈরাশ্রের তীরে নির্ধাসিত শুধু দুর্ভাগিনী কণ্ঠা নন, “দুর্ভাগিনী”-রচয়িতাও ; বহু দূরে ছেড়ে এসেছেন সেই ভক্তি-শ্রামল মানস-ভূমি ‘জীবন যেখানে ছিল ফুলের মতো’, যেখানে দাঁড়িয়ে তিনি সহজে বলতে পারতেন ‘দুঃখ যে তোর নয় রে চিরন্তন / পার আছে রে—এই সাগরের / বিপুল ক্রন্দন’ ।

‘কেন’ শব্দটি শেষ পর্বের কাব্যে বার-বার আমাদের মনে করিয়ে দেয় যে আমরা রবীন্দ্রনাথের মধ্যে নতুন এক কবি-পুরুষের পরিচয় লাভ করছি । কেবল সংখ্যা-গণনার দিক দিয়ে এই শব্দটি যে আগের চেয়ে খুব বেশি লক্ষণীয় তা নয় । ‘কেন তবে কেড়ে নিলে লাজ-আবরণ’, ‘কেন নিবে গেল বাতি’, ‘কেন পাছ এ চঞ্চলতা’, ‘যদি প্রেম দিলে না প্রাণে / কেন ভোরের আকাশ ভরে দিলে / এমন গানে গানে’, ‘নিত্য তোমার যে ফুল ফোটে ফুলবনে / তারি মধু কেন মন-মধুপে খাওয়াও না’, ‘কেন চোখের জলে ভিজিয়ে দিলেম না / শুকনো ধুলো যত’— ইত্যাদি শত-শত ‘কেন’-সংবলিত কবিতা ও গান মনে আসে পূর্ব যুগের রচনা থেকে । কিন্তু এগুলোর সঙ্গে একটু আগে উদ্ধৃত “দুর্ভাগিনী” কবিতার শেষ ছত্রের ‘কেন, ওগো কেন’র তুলনা করলেই দেখা যাবে ‘কেন’ শব্দের অর্থব্যঞ্জনায় যুগান্তর এসেছে । “প্রশ্ন” শীর্ষক একাধিক কবিতা পাওয়া যাবে শেষ পর্বে ; ‘নবজাতক’-এর একটি কবিতার নাম “কেন” । কবিতাটির বিষয়বস্তু কবির নবজিত জ্যোতির্বিজ্ঞান থেকে নেওয়া । জড়জগতে, প্রাণীলোকে, মানবেতিহাসে এমন প্রভূত, অপরিমেয় অপচয় ( ‘আপন সৃষ্টির’ পরে বিধাতার নির্মম অত্যাচার’ ) কেন ? মহাযুদ্ধে, খণ্ডযুদ্ধে, গৃহযুদ্ধে মহাস্রাজ্যতির পৌনঃপুনিক মূঢ় আত্মজিঘাংসাই রবীন্দ্রনাথকে সবচেয়ে পীড়িত করেছে, কিন্তু তার সঙ্গে মিশে আছে সমস্ত সৌর-জগৎ এবং বাবতীয় নক্ষত্রলোকের অবধারিত ‘তাপমৃত্যু’র বিভীষিকা । সভ্যতায়, সংস্কৃতিতে, ধর্মে-কর্মে মানুষ যদি-বা উপরে উঠতে পারে এবং যতোই উপরে উঠুক, এমন দিন আসবেই যখন মানুষের তথা প্রাণীমাত্রের প্রাণধারণ আর সম্ভব

হবে না—হর্বের অবধারিত তাপক্ষয়ের পরিণামস্বরূপ। এ-বিষয়ে পদার্থবিজ্ঞানীদের স্বদৃঢ় প্রাণুজ্ঞির রয়েছে। তারপরে আবার যদি নীহারিকা-সৃষ্টির পালা শুরু হয় তবে বৈজ্ঞানিক নিয়ম-মতে আবারও সেই সার্বিক ‘তাপমৃত্যু’ ঘটবে।

নিভা নিভা এমনি কি  
অফুরান আশ্রহত্যা মানবসৃষ্টির  
নিরন্তর প্রলয়বৃষ্টির  
অশ্রাস্ত প্রাবনে।  
নিরর্থক হরণে ভরণে  
মানুষের চিত্ত নিয়ে সারাবেলা  
মহাকাল করিতেছে দ্যুতখেলা  
বাঁ হাতে দক্ষিণ হাতে ঘেন—  
কিস্ত, কেন।

পরবর্তী স্তবকে অল্পরূপ আর-একটি প্রশ্নের কথা বলা হয়েছে—‘প্রথম বয়সে কবে ভাবনার কী আঘাত লেগে / এ প্রশ্নই মনে উঠেছিল জেগে’। তরুণ কবি জানতে চেয়েছিলেন, ‘বিশ্বের কোন্ কেন্দ্রস্থলে / মিলিতেছে প্রতি দণ্ডে পলে /... জীবনের মরণের নিত্যকলরব’। কিন্তু সেই প্রথম বয়সেরও কল্পিত নিরসন এই নয় যে ‘ব্রহ্মাণ্ডের অন্তরকন্দর-মাঝে’ অথও পূর্ণতা বিরাজিত।<sup>৬</sup> সেখানে বিরাজ করে কেবল একটি ‘প্রতিধ্বনিমণ্ডল’, এবং সেই প্রতিধ্বনিমণ্ডলে ‘বাঁধে বাসা / চতুর্দিক হতে আসি জগতের পাখা-মেলা ভাষা’। কবিতার এই অংশে (কোনো অংশেই) অথও পূর্ণতা বা লাভ-ক্ষতির হিসাব মেলাবার কোনো কথা নেই—যদি-না আমরা অথওতা বা হিসাবের মিল খুঁজে পাই মানুষের চিত্ত নিয়ে ‘বাঁ হাতে দক্ষিণ হাতে’ অনন্তকাল ধরে যে-দ্যুতখেলা চলছে তার বিষয়ে কবি যে-কাব্য-রচনা করেন সেই কাব্যের অক্ষয় সৌন্দর্যে। কারণ কবি বলছেন সেই প্রতিধ্বনি-মণ্ডল থেকে :

বহু যুগযুগান্তের কোন্ এক বাণীধারা  
নক্ষত্রে নক্ষত্রে ঠেকি পথহারা  
সংহত হয়েছে অবশেষে  
মোর মাঝে এসে।

কিন্তু মহাকালের নিরর্থক দ্যুতখেলার মধ্যে এই-যে যুগযুগান্তের বাণীধারা এসে কবিচিত্তে সংহত হ’য়ে একটি সর্বাঙ্গসুন্দর কাব্যের জন্ম দিলো, তার মধ্যেও কি সৃষ্টির অর্থ এবং সার্থকতা খুঁজে পাওয়া সম্ভব? সম্ভব হ’তো যদি সর্বভাগী

অপব্যয়ের মধ্যে এইটুকু সঞ্চয়ও থাকতো। কিন্তু বাণীধারার প্রতিও মহাকাব্য  
সমান নির্দয়। তাই নিয়ে কবির শেষ প্রশ্ন :

প্রশ্ন মনে আসে আরবার,

আবার কি ছিন্ন হয়ে যাবে সূত্র তার—

রূপহারা গতিবেগ প্রেতের জগতে

চলে যাবে বড় কোটি বৎসরের শূন্য যাত্রাপথে ?

উজাড় করিয়া দিবে তার

পাথুরে পাথেরপাত্র আপন স্বপ্নায়ু বেদনার—

ভোজশেষে উচ্ছিষ্টেব ভাঙা ভাও হেন ?

কিন্তু, কেন।

প্রশ্নটা প্রকৃতপক্ষে এই নয় যে, এই বাণীধারার সূত্র ছিন্ন হ'য়ে যাবে কি না। সে-  
আলংকারিক প্রশ্নে উত্তর উহ্ন রয়েছে কিন্তু মোটেই অস্পষ্ট নয়—হ'য়ে যাবেই।  
ঐ উত্তর পেকেই আসল প্রশ্নের উৎপত্তি—‘কিন্তু কেন’? এই রূপহারা গতি-  
বেগের প্রেতলোকে এইটুকু পাথরের পাত্রও কেন উজাড় ক'রে দিতে হবে  
‘আপন স্বপ্নায়ু বেদনার’? এ-প্রশ্নও শূন্যে বাজতে থাকবে, ‘ধ্বনিবে না কোনোই  
উত্তর’।

‘ধ্বনিবে না কোনোই উত্তর’ যে-কবিতার শেষ পঙক্তি, তা ‘নবজাতক’—  
এর ভিন্ন একটি কবিতা, নাম “প্রশ্ন”। আরো গভীর, হতাশ, হতবিশ্বাস তার  
হূর। একজন ভরূপ কবি-সমালোচক আপত্তি তুলেছেন—ঐ কবিতার অনেক  
অংশ একটি সম্ভাব্য কবিতার পদ্য-ভাণ্ড, মাত্র, কবিতা হ'য়ে ওঠেনি। “কেন”  
সম্পর্কে এ-ধরনের আপত্তি আরো সোচ্চার হ'তে পারতো। গ্রন্থের শেষ অধ্যায়ে  
তার বিস্তারিত উত্তর দেবার চেষ্টা করেছি। এখানে শুধু এইটুকু বলতে চাই যে,  
রবীন্দ্রনাথের কানেও এমনতর আপত্তির কথা পৌঁছেছিলো—তার শেষ দিককার  
কবিতা নাকি চিন্তাগর্ভ, হৃদয়-সঞ্জাত নয়, সেই কারণে বিশুদ্ধ কবিতা নয়। এই  
আপত্তির উত্তরে তিনি নিজে যে সংক্ষিপ্ত প্রশ্নাত্মক বাক্যটি ধূর্জটিপ্রসাদ মুখো-  
পাধ্যায়কে লিখেছিলেন তা স্মরণীয় এবং অবিস্মরণীয় : ‘চিন্তাগর্ভ কথার মুখে  
কোনোখানে অচিন্ত্যের ইঙ্গিত কি লাগল না?’ আমি শুধু যোগ করবো যে,  
মহৎ কবিতা আমরা তখনই পাই যখন কোনো গভীর চিন্তাগর্ভ কথা তৎসমুৎ  
ও তদাবরক হৃদয়ানুভূতির বিস্তৃত পরিমণ্ডল-স্বন্ধ ব্যক্ত হয়। অনুভূতি না-থাকলে  
কবিতা হয় না, কিন্তু অনুভূতিমাত্র কবিতার সম্বল নয়, শুধু চিত্রকল্প অর্থাৎ

অপ্রতীকী চিত্রকল্পও নয়। কাব্যের উপাদানগুলি কবিতার মধ্যে অর্থবান না-  
হ'য়ে উঠলে কবিতা হয় না। রবীন্দ্রনাথের শেষ পর্বের কবিতা এই মানদণ্ডে  
বিচার্য। রবীন্দ্র-পরবর্তীদেরও।

‘রোগশয্যায়’-এর ৭ ও ৮ সংখ্যক কবিতা পরস্পর-সম্পূরক ; একই কবিতার  
ছই স্তবকও বলা যেতে পারে। এই যুগ্ম-কবিতার শিরোনাম হ’তে পারতো ‘মনে  
হয়’- ছটি কবিতার মূলে রয়েছে ঐ ‘মনে হওয়া’। মনে হয় যা তার মধ্যে  
প্রত্যক্ষত পরম আশ্রয়ের স্বীকৃতি রয়েছে, অন্ধকার ছিন্ন ক’রে আলোরই জন্ম হবে,  
অন্তহীন কাল ক্ষীণপ্রাণ মানুষের দায় স্বীকার ক’রে নেবে- এমনতর ইঙ্গিত  
স্পষ্ট। কিন্তু তারই মধ্যে আবার ঐ-অঙ্গীকার নিস্কর হ’য়ে যাওয়ার, আকাশের  
মুখ পাণ্ডুবর্ণ হ’য়ে গঠার অনিবারণতাও সূচনোদ্যোগিত। প্রতীকী কাব্যের অতুচ্ছল  
দৃষ্টান্ত এই সংক্ষিপ্ত, ঘনসন্নিবিষ্ট যুগ্ম-কবিতার সমস্তটাই উদ্ধৃত করার লোভ  
সংবরণ করতে পারলাম না।

৭

গহন বজনী-মাঝে  
বোঁগীর আবির্ভাব দৃষ্টিতলে  
যখন সহসা দেখি  
তোমাব জাগ্রত আবির্ভাব,  
মনে হয়, যেন  
আকাশে অগণ্য গ্রহভারা  
অন্তহীন কালে  
আমাবি প্রাণের দায় করিছে স্বীকার ;  
তার পরে জানি যবে  
তুমি চলে যাবে.  
অতীত জাগায় অকস্মাৎ  
উদাসীন জগতের ভীষণ শুষ্কতা।

৮

মনে হয় হেমন্তের দুর্ভাবার কুজাটিকা-পানে  
আলোকের কী যেন ভৎসনা  
দিগন্তের মূঢ়তারে তুলিছে তর্জনী।  
পাণ্ডুবর্ণ হয়ে আসে সূর্যোদয়

আকাশের ভালে,  
লজ্জা ঘনীভূত হয়,  
হিমসিক্ত অরণাছায়ায়  
সুস্থ হয় পাখিদের গান।

যাবতীয় ছাবাপৃথিবী থেকে আশ্রয়ের শেষ চিহ্নটাও কি মুছে গেছে? নইলে বিনিত্র গভীর রাত্রে প্রিয়জন কেউ অলক্ষণের জগু শুষ্কযার কাজে ঘরে এলে কেন মনে হয় গ্রহ-তারা সম্মেহে কথা ব'লে উঠেছে, আর চ'লে গেলেই সমস্ত জগৎ একেবারে উদাসীন হ'য়ে যায়? এমন উপলব্ধির তাৎপর্য কি? আশার রেশটুকু ধ'রে রাখার কী অপরিমীম ব্যাকুলতা; অথচ কবিতার মধ্য আশ্বাসের বাণী একবার শুধু আলোকের ভৎসনায় সোচ্চার হ'য়ে উঠেই থেমে যায়, তারপরে কবির চারিদিকে রয় কেবল উদাসীন জগতের ভীষণ স্তব্ধতা—যে-স্তব্ধতা আমাদের মনে করিয়ে দেয় পাঙ্কালের সেই বিখ্যাত উক্তি: 'অনন্ত আকাশের স্তব্ধতা আমার চিন্তে আতঙ্ক সঞ্চার করে'। দ্বিতীয় স্তবকে আলোর ভৎসনা শুনে স্বভাবতই আশা জাগে—কুছাটিক। স'রে যাবে বুঝি। কিন্তু যায় না; বরঞ্চ স্বর্ষোদয়ই ফ্যাকাশে হ'য়ে আসে। ভোরের আলোর ক্ষীণভাসটুকু দেখতে পেয়ে অরণ্যের পাখিরা গান গেয়ে উঠেছিলো, সে-গানও থেমে যায়, সারা পৃথিবীর স্তব্ধতা সব-কিছুকে গ্রাস করে। এমনি এক সর্বগ্রাসী নিস্তব্ধতার মধ্যেই কি 'ডুইনো এলিজি'র প্রথম পঙক্তিটি উচ্চারিত হয়েছিলো:

Who, if I cried, would hear me among the angelic orders?

রবীন্দ্রনাথ ও রিল্কে, এ শতাব্দীর দুই মহান কবির সেই একই চূড়ান্ত ঘোষণা:

...For Beauty's nothing  
but beginning of Terror we're just able to bear,  
and why we adore it so is because it serenely  
disdains to destroy us. Each single angel is terrible.

অস্থির সত্তার রূপ ফুটে আর টুটে,  
'নয় নয়' এই বাণী ফেনাইয়া মুখবিয়া উঠে।

... ..

মুক্তাকাশে দেখো চেয়ে প্রলয়ের আনন্দ স্বরূপ।

ওরে শোকাতুর, শেবে'

শোকের বৃষ্টি তোর অশোক সমুদ্রে যাবে ভেসে।

'সানাই'-এর বেশিরভাগ কবিতা প্রেমের, রবীন্দ্রনাথের কয়েকটি শ্রেষ্ঠ



প্রেমের কবিতা ও গান এ-বইয়ের অন্তর্ভুক্ত—‘ভালোবাসা এসেছিল / এমন সে নিঃশব্দ চরণে’, ‘এসেছিলে তবু আসো নাই, তাই / জানায়ে গেলে’, ‘তব দক্ষিণ হাতের পরশ / করো নি সমর্পণ’, ‘তোমায় যখন সাজিয়ে দিলেম দেহ’, ‘পূর্ণ হয়েছে বিচ্ছেদ, যবে ভাবিলুম মনে’ ইত্যাদি। ‘সানাই’ মধুরসের কাব্যগ্রন্থ, কবির বয়স তখন আশির কাছাকাছি। এই শেষ দক্ষিণের মাঝখানে হঠাৎ চমকে উঠি একটি ছোট্টো কবিতায় এসে। কোনো (কোনু?) “ব্যথিতা”কে নিয়ে ঐ-নাম দিয়ে লেখা এ-কবিতা :

জাগায়ো না, ওরে জাগায়ো না।

ও আঁধি মেনেছে হার

কুর বিধাতার কাছ।

সব চাওয়া ও বে দিতে চায় নিঃশেষে

ওতলে জলাঞ্জলি।

হুঃসহ দুঃশাসন

গুণ্ডার যাক দুঃ

কুপণ প্রাণে ইতর বন্ধন।

কী সে-বন্ধন যার স্বরূপ বোঝাতে গিয়ে ‘ইতর’ শব্দটি ব্যবহার না-করলেই নয়? কে তাকে ইতরভাবে বক্ষিত করেছিলো? তারই ‘কুপণ প্রাণ’—গানের ভাষায় যা হয়েছে ‘অকিঞ্চন জীবন’? কিন্তু প্রাণকে ইতর বলা মানে তো প্রকৃতিকে ইতর বলা। প্রকৃতি কি স্বয়ংচালিত, অনীশ্বরবিহিত? তৃতীয় পঙক্তিতে বিধাতাকে স্পষ্ট অদ্ব্যর্থ ভাষায় ‘কুর’ বলা হয়েছে। কেমন ক’রে রবীন্দ্রনাথ—বিশ্বশুদ্ধ লোক থাকে ‘গীতাঞ্জলি’-রচয়িতা ভক্ত কবি ব’লেই চেনে—এই শব্দগুলি এক বক্ষিতার দুঃখ বর্ণনা করতে অসংকোচে ব্যবহার করলেন, এবং তার একটি অন্তত সোজাসুজি ঈশ্বরের প্রতি আরোপ করলেন?¹ কোন কশাঘাততুল্য ব্যক্তিগত কিংবা সমাজগত অভিজ্ঞতা (বা অভিজ্ঞতার স্মৃতি) তাঁকে শেষ জীবনে অন্তত একবারের মতোও ব্র্যাস্ফেমির আশ্রয় নিতে বাধ্য করেছিলো?

শেষ পর্বের কবিতার ফলশ্রুতি কি তবে এই যে, জীবনের অন্তিম দশকে রবীন্দ্রনাথের মন হ’য়ে উঠেছিলো সর্বব্যাপী দুঃখ ও পাপ বিষয়ে অতীব চেতন, সত্য-শিব-সুন্দরের পরমতা বিষয়ে সন্দিহান, মঙ্গলময় বিধাতার অস্তিত্ব সম্পর্কে বীতশ্রদ্ধ, জীবন ও জগৎ সম্পর্কে সবতোভাবে নিরাশ, নিরুৎসাহ, নিরানন্দ? না।

১ শিশিরকুমার ঘোষ, 'রবীন্দ্রনাথের উত্তরকাব্য', পৃ. ১২২

২ রবীন্দ্র-রচনাবলী, দশম খণ্ড, পৃ. ১৮৯

৩ প্রমথনাথ বিলী, 'রবীন্দ্র-সরণী', পৃ. ৩২৯

৪ রবীন্দ্র-রচনাবলী, দশম খণ্ড, পৃ. ১২৪

৫ “বুঝতে পারছি মৃত্যুর সঙ্গে লড়াইয়ে শ্বরেন পেরে উঠবে না, এত কষ্ট পাচ্ছে। নানারকম কষ্টের ভিতর দিয়ে ওর জীবনটা গেল। অমন মানুষের ভাগো এত কষ্ট ঘটতে পারে একথা ভাবলে অত্যন্ত দিক্কার জন্মায় বিশ্ববিধানের উপর।” ‘চিঠিপত্র’, দ্বিতীয় খণ্ড, ১৩৩৯ আষাঢ়। ‘পুনশ্চ’-এর “বিখ্যোক্ত” কবিতাটির রচনার তারিখ ১৩৩৯ ভাদ্র ১১।

৬ এই কবিতার বাখান-প্রসঙ্গে অমিয় চক্রবর্তী লিখেছেন, “এই লীলার সংগতি কোন্‌খানে? বলছেন ‘ব্রহ্মাণ্ডের অন্তর-কন্দর মাঝে’ যা কিছু দেওয়া এবং হারানোর হিসাব মিলছে। সবস্বচ্ছ স্বয়ং নেই, অথও পূর্ণতা বিরাজিত।” ‘সাম্প্রতিক’, পৃ. ১২০

৭ এই কবিতাটিতে স্বর দ্বিতে গিয়ে রবীন্দ্রনাথ তাকে অনেকটা বদলে দিয়েছিলেন। ‘ও আজি মেনেছে হার ক্রুর বিধাতার কাছে’ হয়েছে ‘ও যে বিধাম মাগে নির্মম ভাগের পায়ের’ এবং ‘কৃপণ প্রাণের ইতর বঞ্চনা’র সংস্কৃত রূপ হচ্ছে ‘অকিঞ্চন জীবনের বঞ্চনা’। অথচ ‘সানাই’-এর কবিতাতে যেটির নির্দোষ অসহায় ও অসহ বাধার যে অর্থ প্রকাশ, ‘গীতবিতান’-এর গানের ভাষায় তার সিকিভাগও সম্ভব হয়নি। গানের অধিক সংখ্যক শ্রোতার কথা স্মরণ করে কি এই ভাষাশুদ্ধি? না কি তাঁর মনে হয়েছিলো কবিতার ছন্দ যতোখানি জোরালো এবং অনাগৃত শব্দের আঘাত সহ্যেতে পারে, গানের স্বর ততোখানি পারে না, স্বর চায় অপেক্ষাকৃত মৌল্যেয়, নিরীহ ভাষার বাহন?

উত্তীর্ণ-সম্পত্তি রবীন্দ্রনাথ ঐ-বয়সের শারীরিক ক্ষয়ক্ষতি ও রোগযন্ত্রণা এবং ঐ-সময়কার ঘোরতর ‘সভ্যতার সংকট’-জনিত মানসিক গ্লানি সত্ত্বেও মনের গভীর-তলে আদর্শনিষ্ঠা, মূল্যবোধ ও ধর্ম-বিশ্বাস ( faith ) বাঁচিয়ে রেখেছিলেন ; তাঁর শেষ পর্বের বাণী সর্বময় প্রত্যাখ্যানের, বিতৃষ্ণার বা বিদ্রোহের বাণী নয়। দুটি কথা কিন্তু মনে রাখতে হবে এ-প্রসঙ্গে। প্রথমত, রবীন্দ্রনাথের ধর্ম-বিশ্বাস বলতে কোনো পূর্বযুগাগত ধর্মমতের প্রতি আনুগত্য বোঝায় না,<sup>১</sup> দ্বিতীয়ত, তিনি যেমন কোনো প্রাচীন বা প্রচলিত ধর্মমতকে সম্পূর্ণ নিছের ব’লে স্বীকার করতে পারেননি, তেমনি তাঁর জীবনের তথা কাব্যের কোনো-এক পর্যায়ে অভিব্যক্ত ধর্ম-চিন্তা বা আধ্যাত্মিক উপলব্ধিকে তাঁর সমস্ত জীবনের পক্ষে গ্রহণ ব’লে মেনে নিতে তাঁর প্রবল আপত্তি ছিলো।<sup>২</sup>

ব্রহ্মসংগীতের ‘নিখিলভারধারণ বিশ্ববিধাতা’র কিংবা ‘গীতাঞ্জলি’র পরান সখা, বন্ধু’র সাক্ষাৎ মেলে না শেষ পর্বের কাব্যে। সে শূন্য আসন পূর্ণ করলেন যে ছুই দেবতা। তাঁদের কথাই বোধ করি কবি বলতে চেয়েছেন ‘পত্রপুট’-এর “পনেরো”-সংখ্যক কবিতার শেষ ভাগে :

সকল মন্দিরের বাহিরে

আমার পূজা আজ সমাপ্ত হল

দেবলোক থেকে

মানবলোকে,

আকাশে জ্যোতির্ময় পুরুষে

আর মনের মানুষে আমার অন্তরতম আনন্দে।

মনের মানুষের কথা সবিস্তারে আলোচিত হয়েছে ‘মানুষের ধর্ম’ ও *Religion of Man* — যথাক্রমে কলিকাতা বিশ্ববিদ্যালয়ে ( ১৯৩৩ ) ও ম্যান্-চেস্টার বিশ্ববিদ্যালয়ে ( ১৯৩০ ) প্রদত্ত বক্তৃতামালায়। ‘শান্তিনিকেতন’ নামক ছুই খণ্ড পুস্তকে সংকলিত আশ্রম-মন্দিরে প্রদত্ত ( ১৯০৮-১৪ ) বক্তৃতাবলীর সঙ্গে ‘মানুষের ধর্ম’-এর তুলনা করলে ঐ-সময়ের মধ্যে রবীন্দ্রনাথের ধর্মচিন্তায় এক বিরাট পরিবর্তন লক্ষ্য করা যাবে। ‘মনের মানুষ’ কথাটা বাউল গান থেকে নেওয়া, কিন্তু রবীন্দ্রনাথ ভিন্ন অর্থে প্রয়োগ করেছেন ; সেই অর্থ বোঝাবার জন্য

বলেছেন—‘এক মাহু’, ‘মহামানব’, ‘বিশ্বমানব’, ‘পূর্ণ পুরুষ’, ‘The Eternal Man’ ইত্যাদি। শেষ পর্বের দ্বিতীয় আরাধ্য দেবতা ‘মহাকাল’, ‘রুদ্র’, ‘ভীষণ’, ‘ভৈরব’, ‘নটরাজ’, ‘খেলার গুরু’ প্রভৃতি নামে অভিহিত। এই দেবতার আবির্ভাব গড়ে বিরল, কিন্তু শেষ পর্বের কাব্যে তাঁকে প্রায়ই পাওয়া যায়। অপরপক্ষে মহামানব যতোখানি ভাবুক রবীন্দ্রনাথের ধ্যেয়, ততোখানি কবি রবীন্দ্রনাথের নন।

আমার এই শেষের উক্তিটির মহৎ ব্যতিক্রম “শিশুতীর্থ”—সম্ভবত রবীন্দ্রনাথের শ্রেষ্ঠ কবিতা, নিঃসন্দেহে তাঁর শ্রেষ্ঠ গদ্যকবিতা (অথচ ‘লিপিকা’র কয়েকটি ছোটো-ছোটো রচনা বাদ দিলে এটাই তাঁর প্রথম গদ্যকবিতা)। এই দশ পৃষ্ঠার ঠাসবুনোন রচনায় আছে মহাকাব্যের সুবিস্তৃত পটভূমি, মহোচ্চ ভাব ও অহুভব, আছে বলিষ্ঠ ভাষার গম্ভীর ঝংকার। সেই এপিক ভাব ও ধ্বনিধারার সঙ্গে মিশেছে লিরিকের সূক্ষ্ম আবহা ইঙ্গিতময়তা। দুই বিপরীত ঠাঁটের রাগিণীর যুগলবন্দি শুধু নয়, তারই সঙ্গে তাল রেখে চলে চিত্রকল্পের দ্রুত পটপরিবর্তন—মানবিক ও প্রাকৃতিক ল্যাওস্কেপ-আঁকা ক্যানভাসগুলি একটার পর একটা চোখের সামনে আসে আর স’রে যায়।

ভারতে অবাক লাগে যে, এমন আশ্চর্য সার্থক কবিতা প্রথমে লেখা হয়েছিলো ইংরেজি ভাষায়। মিউনিকের নিকটবর্তী ওবেরাম্‌মের্গান নামক গ্রামে যীশুখ্রীষ্টের জীবনলীলা অবলম্বনে রচিত একটি প্যাশন-প্লে দেখে কবি তার অহুপ্রেরণা লাভ করেন। পরে তা বাংলায় রূপান্তরিত হয়; অনুদিতও বলা যায়, কারণ ছোটো ভাব ও বিষয়বস্তু একই। কিন্তু শিল্পোৎকর্ষে আসমান-জমিন তফাৎ। যুল ইংরেজি মোটের উপর নৈরাশ্রজনক; প’ড়ে কোনো ধারণাই হয় না বাংলা ভাষায় এই কবিতাটি কী মহিমা লাভ করেছে। মালার্মের উক্তিটি মনে পড়ে—‘poetry is written with words, not with ideas’। ইংরেজিতে রবীন্দ্রনাথ তাঁর মহৎ ভাবের যথাযোগ্য শব্দবাহন খুঁজে পাননি; বাংলায় তাঁর অতুলনীয় বাক্‌সিদ্ধি ঐ-ভাবেই রসসৃষ্টির উচ্চতম পর্যায়ে নিয়ে গেছে।

প্রাগৈতিহাসিক প্রাক্‌-সভ্য নগ্ন হিংস্রতার কাল থেকে সেই স্বদূর ভবিষ্যতের স্বপ্নাবৃত স্বর্ণযুগ পর্যন্ত যখন ‘মহামানব’ জন্মলাভ করবে—মানবজাতির ইতিহাস-যাত্রা বিধৃত হয়েছে অল্প কয়েকটি বলিষ্ঠ রেখায়। কবিতার সূত্রপাত নাটকীয় এবং প্রতীকা :

রাত কত হল ?

উত্তর মেলে না।

কেননা, অন্ধ কাল যুগ-যুগান্তরের গোলকর্ধাধায় বোরে, পথ অজানা,

পথের শেষ কোথায় খেয়াল নেই।

পাহাড়তলিতে অন্ধকার মৃত রাক্ষসের চক্ষুকোটরের মতো ;

তুপে তুপে মেঘ আকাশের বুক চেপে ধরেছে ;

পুঞ্জ পুঞ্জ কালিমা গুহায় গর্ভে সংলগ্ন,

মনে হয় নিশীথরাত্রের ছিন্ন অঙ্গ প্রত্যঙ্গ।

মানুষের স্বভাবে রয়েছে এক অবিরাম অথচ অশুভ গতি—পশু থেকে দেবতার দিকে। কিন্তু পথ দীর্ঘ ও বন্ধুর। রাত কতো হ'লো, আদিমযুগের তামসিকতা কতোটুকু কাটলো?—কোনো উত্তর নেই এই উৎকণ্ঠিত প্রশ্নের। শুধু এইটুকু বোঝা যায় যে পথ এখনো অনেক বাকী রয়েছে। প্রকৃতির ( জীব ও জড় প্রকৃতির ) রাক্ষসী মায়া বিভীষিকা বিস্তার করে। বিপুল সংখ্যক মানুষ পরস্পর বিদ্বেষে অন্ধ, হিংসায় উন্মত্ত ; জড় প্রকৃতির, যুগ সংস্কারের, স্বার্থাঘেযী অধিনেতার দাস তারা :

সেখানে মানুষগুলো সব ইতিহাসের ছেঁড়া পাতার মতো

ইতস্তত বুবে বেড়াচ্ছে—

মশালের আলোয় ছায়ায় তাদের মুখে

বিভীষিকাব উল্কি পবানো।

কোনো-এক সময়ে অকাবণ সন্দেহে কোনো-এক পাগল

তার প্রতিবেশীকে হঠাৎ মারে ;

দেখতে দেখতে নির্বিচাব বিবাদ বিক্ষুব্ধ হয়ে ওঠে দিকে দিকে।

শেষের পঙক্তিগুলির উপর সেই সময়কার অতি জঘন্য হিন্দু-মুসলিম আশ্রদায়িক হিংস্রতার ছায়া পড়েছে। মাঞ্চুরিয়াতে আক্রমণকারী জাপানী ফৌজের বীভৎস আচরণের সংবাদও এসে পৌঁছেছিলো বোধহয়। স্মরণ থাকতে পারে যে, প্রথম মহাযুদ্ধের প্রত্যক্ষ কারণও একটি হত্যাকাণ্ড, সম্ভবত কোনো-এক পাগলের হাতেই।

এই তমসাজ্জন্ম, জড়বুদ্ধি মানবজাতির মধ্যেই দেশে-দেশে যুগে-যুগে দেখা দেন সকেটিস, গৌতম বুদ্ধ, যীশু খ্রীষ্ট, মোহনদাস গান্ধীর মতো মহাপুরুষেরা ; আসেন প্রজ্ঞা ও প্রেমের বাণী নিয়ে, জনমমাজে স্বীকৃতি, প্রতিষ্ঠা, আলগতা

লাভও করেন তাঁরা। কিন্তু বেশিদিনের জ্ঞান নয়। জনতা কিংবা কুলপতিরা বিজ্ঞানের অটুহাস্ত দিয়ে আঘাত করে তাদের শিক্ষাকে, কখনো-বা হত্যা ক'রে বসে শিক্ষাদাতাকেই। তারপর মুঠের দল আবার নেমে যায় তাদের আদিম স্বভাবের নিম্ন ভূমিতে। অন্ধ কাল যুগযুগান্তরের গোলকধাঁধায় ঘোরে। অমাহুষিকতা যখন চরমে পৌঁছয় তখন 'বাতাসে যুখীর মৃদু গন্ধ'— সেই প্রকৃতির পরিশ্রাস :

জনতার মধ্য থেকে কে-একজন হঠাৎ দাঁড়িয়ে উঠে  
 অধিনেতার দিকে আঙুল তুলে বললে  
 'মিথ্যাবাদী, আমাদের প্রবঞ্চনা করেছে।'  
 ভৎসনা এক কণ্ঠ থেকে আরেক-কণ্ঠে উদ্‌গ্ৰ হতে থাকল।  
 তীব্র হল মেয়েদের বিদ্বেষ, প্রবল হল পুরুষদের তর্জন।  
 অবশেষে এক সাহসিক উঠে দাঁড়িয়ে হঠাৎ তাকে মারলে প্রচণ্ড বেগে।  
 অন্ধকারে তার মুখ দেখা গেল না।  
 একজনের পর একজন উঠল, আঘাতের পর আঘাত করলে,  
 তার প্রাণহীন দেহ মাটিতে লুটিয়ে পড়ল।  
 রাত্রি নিশ্চর।  
 স্বর্নার কলশদূর থেকে ক্ষীণ হয়ে আসছে।  
 বাতাসে যুখীর মৃদুগন্ধ।

দৃশ্যের পর দৃশ্যে দেখানো হয়েছে মানুষের স্বভাবে পশুই অধিপতি, দেবতা প্রচ্ছন্ন, অহুস্থিত। তবু রবীন্দ্রনাথ বিশ্বাস হারান না,<sup>৩</sup> চেয়ে থাকেন সেই অনাগত কালের দিকে, যখন মানুষ জয় করবে তার পশুস্বভাবকে। অবতার বা মহাপুরুষ নন, ঘরে-ঘরে ভূমিষ্ঠ হবে পূর্ণ পুরুষ, পূর্ণ মনুষ্যত্বের চিরজীবিত আদর্শ। “শিশুতীর্থ”তে ভ্রাণকর্তাদের<sup>৪</sup> মহিমাঘিত ব্যর্থতাই দেখতে পাই; যে-নবজাতকের অভ্যুদয় শেষ কয়েকটি ছত্রে ঘোষিত, তিনি কোনো ভ্রাণকর্তা, পীরপন্থ-পন্থর, ঋষি বা অবতার নন, তিনি চিরমানব :

মা বসে আছেন তৃণশয্যা, কোলে তাঁর শিশু,  
 উষার কোলে ঘেন শুকতারা।  
 হারপ্রাপ্তে প্রতীক্ষাপরায়ণ সূর্যরশ্মি শিশুর মাধায় এসে পড়ল।  
 কবি নিলে আপন বীণার তারে ঝংকার, গান উঠল আকাশে :  
 'জয় হোক মানুষের, ঐ নবজাতকের, ঐ চিরজীবিতের।'

‘এই মাতা কে?’—প্রশ্ন করেছেন শশিভূষণ দাশগুপ্ত, এবং ঠিকই উত্তর

দিয়েছেন : ‘মাতা বসুন্ধরা । সমস্ত সৃষ্টি আকুল আগ্রহে অপেক্ষা করিয়া আছে কবে মাতা বসুন্ধরা তাঁহার তৃণশয্যায় মানবশিশু কোলে করিয়া বসিয়া থাকিবেন ; সেই মানবশিশুর মধ্যে ঘনীভূত হইয়া রূপ লাভ করিবে সৃষ্টির সকল অর্থ ।’<sup>৫</sup> কিন্তু যে-মানবশিশুর মধ্যে সৃষ্টির সকল অর্থ দেখতে পাওয়া যাবে তিনি এখনো জন্মাননি, ‘পূর্ণ পুরুষ’ আগন্তুক ; তাঁর রথ ধাবমান ; কিন্তু তিনি এখনো এসে পৌছন নি ।’<sup>৬</sup>

মানুষের ক্ষুদ্র দেহ,

যন্ত্রণার শক্তি তার কী দুঃসীম ।

সৃষ্টি-ও প্রলয়- সভাতলে -

তার বহিরসপাত্র

কী লাগিয়া যোগ দিল বিধেব ভৈববীচকে

বিধাতার প্রচণ্ড মত্ততা-কেন

এ দেহের মৃত্যুভাণ্ড ভরিয়া

রক্তবর্ণ প্রলাপের অশ্রুশ্রোতে করে বিপ্লাবিত ।

( “পাঁচ”, ‘রোগশয্যায়’ )

বিশ্বের ভৈববীচকে মানুষের ক্ষুদ্র দেহ তার বহিরসপাত্র নিয়ে কিসের জ্ঞা যোগ দিলো, শুধু কি অপরিমেয় যন্ত্রণা সহ করার শক্তি-পরীক্ষায় উত্তীর্ণ হওয়ার জ্ঞা ? সেই ক্ষুদ্র দেহের মৃত্যুভাণ্ড ভরে উপচে পড়ছে ‘রক্তবর্ণ প্রলাপের অশ্রুশ্রোত’—এ কেবল ‘বিধাতার প্রচণ্ড মত্ততা’, কোনো অর্থ নেই তার ? কোনো অর্থ ই খুঁজে পাওয়া যাবে না মানুষের সত্তার বাইরে ; সে-অর্থ তো পাওয়ার জিনিস নয়, দেওয়ার জিনিস । মানুষ আপন অপরাজেয় সাধনার দ্বারা সমস্ত সৃষ্টিকে যদি অর্থ-বান করে তুলতে না-পারে তবে সে-সৃষ্টি বিধাতার প্রচণ্ড মত্ততারূপেই প্রতি-ভাত হ’তে থাকবে স্বেচ্ছা মূল্যবিচারে । একদিন রবীন্দ্রনাথ প্রেমের ভাষায় বলে-ছিলেন, ‘আমায় নইলে ত্রিভুবনেশ্বর / তোমার প্রেম হত যে মিছে ।’ আজ সম্পূর্ণ ভিন্ন দৃষ্টিকোণ থেকে বলছেন—আমায় নইলে এ সৃষ্টি হ’তো মিছে । শুধু ‘আমায় নইলে’ নয় আমি যদি একে আপন তপস্কার মূল্যে, প্রাণের মূল্যে, সত্য না-করতে পারি তবে এ-সৃষ্টি মিথ্যাই থেকে যাবে । মানুষ জগৎ সৃষ্টি করেনি, কিন্তু জগৎকে মূল্যযুক্ত ( charged with value – ‘ঈশবাস্তমিদং সর্বং’-এর অর্থও কি তাই নয় ? ) করে তুলবার দায়িত্ব মানুষেরই :

প্রতিক্ষেপে অন্তহীন মূল্য দিল তারে

মানবের দুর্জয় চেতনা ।

দেহদুঃখ-হোমানলে

যে অর্থের দিল সে অংহতি -

জ্যোতিষ্কের তপস্তায়

তার কি তুলনা কোথা আছে ?

সবার উপরে মানুষ সত্য - হিউম্যানিজম-এর এই মূল কথাটা উপরে উদ্ধৃত কবিতায় এবং শেষ পর্বের আরো কয়েকটি কবিতায় যতো উদ্দীপ্ত, যতো জালাময় ভাষায় রবীন্দ্রনাথ বলেছেন গড়ে বা পড়ে, তেমন ক'রে আর কেউ বলেছেন ব'লে তো মনে করতে পারছি না।

ভগবান কোথায় প্রতিষ্ঠিত এই প্রশ্নের উত্তরে উপনিষদ বলেছেন - স্মে মহিম্নি, আপন মহিমায়। দেহি ভাষায় রবীন্দ্রনাথও বলছেন মানুষের সত্য-প্রতিষ্ঠা তার মহিমায়, তার পূর্ণতায়। মনুষ্যজাতির দেবকল্পনার ইতিহাস প্রকৃত-পক্ষে তার আপন পূর্ণতার আদর্শকে গ'ড়ে তুলবারই ইতিহাস; আপন পরিপূর্ণ বিকাশের চরম আদর্শকে মানুষ ভগবান ব'লে জেনেছে চিরকাল। যখন অথও প্রতাপকেই মনুষ্যত্বের সর্বোচ্চ স্তর ভেবেছে, তখন শক্তির পূজা করেছে; যখন শ্রেয়োনীতিক আদর্শ তার কাছে বড়ো হ'য়ে উঠেছে তখন ভগবান হয়েছেন পরম মঙ্গলময়, প্রেমময়। অবশ্য ধর্মের ইতিহাসে দেখা যায় এমন-সব উপাদান দিয়েও দেবমূর্তি গড়া হয়েছে 'শ্রেয়োনীতিতে যা গহিত, সৌন্দর্যের আদর্শে যা বীভৎস। তাকে বলব ভ্রান্ত উত্তর ( আমার চরমমূল্য কোথায় - এই প্রশ্নের ভ্রান্ত উত্তর ) এবং মানুষের কল্যাণের জ্ঞান সকল রকম ভ্রমকেই যেমন শোধন করা দরকার এখানেও তাই।'⁹ অর্থাৎ দেবতা যে কেবল যুগে-যুগে ধরাধামে অবতীর্ণ হ'চ্ছেন তাই নয়, যুগে-যুগে স্বধামে পরিশুদ্ধ বা সমুন্নতও হ'চ্ছেন - মানুষেরই আত্মশুদ্ধি ও ক্রমোন্নতির অব্যর্থ পরিণাম-স্বরূপ। কস্মৈ দেবায় হবিষা বিধেম - কোন্ দেবতা আমার যথার্থ দেবতা - এ-প্রশ্ন সর্বকালের। কিন্তু কেমন ক'রে জানবো আজকের দিনে কোন্ দেবতা সত্য-সত্যি পূজনীয়; আর কোন্ দেবতা ইতিমধ্যে হবিদানের অযোগ্য হ'য়ে পড়েছেন? তার উত্তরে রবীন্দ্রনাথ বলেছেন, 'মানুষের দেবতার শ্রেষ্ঠতার বিচার মানুষেরই পূর্ণতার আদর্শ থেকে।'⁸

পূর্ণ পুরুষের যে চরম আদর্শ আমাদের মনে বিরাজিত, তাকে ভগবানের শত রূপের একটি রূপ মাত্র বলা ধেতে পারতো। কিন্তু রবীন্দ্রনাথ তার চেয়েও বেশি বলতে চান, বলতে চান ভগবান শব্দ দ্বারা এ ছাড়া আর-কিছুই বোঝায় না।



এর বাইরে যদি কোনো অভিধা থাকে ঐ-শব্দের, তবে তা আমাদের ধারণার সম্পূর্ণ অতীত, সুতরাং তাকে মানা না-মানা দুই-ই সমান। দেশ-বিদেশের ধর্ম-শাস্ত্র ভগবানকে যতো মানবোত্তীর্ণ বিশ্বাতিগ রূপেই কল্পনা করুক-না কেন, বস্তুত, মনুষ্যত্ব-বিকাশের চরম আদর্শ ছাড়া ভগবানের আর কোনো মানে নেই।<sup>১০</sup> শেষ জীবনে মানবোত্তীর্ণ কোনো অধ্যাত্ম সত্তায় বিশ্বাস করা তাঁর পক্ষে আর সম্ভব ছিলো না, এ-কথা একাধিকবার স্পষ্ট ভাষায় রবীন্দ্রনাথ জানিয়েছেন : ‘আমার মন যে সাধনাকে স্বীকার করে তার কথাটা হচ্ছে এই যে, আপনাকে ত্যাগ না ক’রে আপনার মধ্যেই সেই মহান পুরুষকে উপলব্ধি করার ক্ষেত্র আছে – তিনি নিখিল মানবের আত্মা। তাকে সম্পূর্ণ উত্তীর্ণ হয়ে কোনো অমানব বা অতিমানব সত্যে উপনীত হওয়ার কথা যদি কেউ বলেন, তবে সে কথা বোঝা-বার শক্তি আমার নেই।’<sup>১০</sup> সমগ্র বিশ্বব্রহ্মাণ্ডের পরম সত্য মানুষের মধ্যেই নিহিত; তার বাইরে যেমন কোনো পরম শ্রেয় নেই, তেমনি কোনো পরম সত্যও নেই : ‘জীবমানব কেবলই তার অহং-আবরণ মোচন ক’রে আপনাকে উপলব্ধি করতে চাইছে বিশ্বমানবে। বস্তুত সমস্ত পৃথিবীরই অভিব্যক্তি আপন সত্যকে খুঁজছে সেইখানে, এই বিশ্বপৃথিবীর চরম সত্য সেই মহামানবে।’<sup>১১</sup>

সৌরজগতের আরম্ভ কালের বহু শত কোটি বৎসর পরে মানুষের সৃষ্টি, তাই সে চরম ও পরম সত্যের আধার হ’তে পারে না – এমন ভাবা ভুল। ক্ষুদ্রায়তন ও ক্ষণজীবী ব’লে এই অসীম ব্রহ্মাণ্ডে তার তাৎপর্য মোটেই সীমিত নয়। ‘মানুষের ক্ষুদ্রতা বিচার ক’রে কোনো-কোনো পণ্ডিত অভিভূত হ’য়ে পড়েন। পরিণামকে অপরিমেয় সত্যের চেয়ে বড়ো করা একটা মোহ মাত্র।’<sup>১২</sup> মানুষের মূর্জয় চেতনা সেই অপরিমেয় সত্য।

‘ভগবান’ এবং ‘মহামানব’ শব্দদ্বয় যদি সমার্থবাচক হয় এবং মহামানব মানবত্বের চরম আদর্শরূপেই সত্য হন, তবে কি একথা মানতে আমরা বাধ্য নই যে, ভগবান মানুষের মনের একটি ধারণামাত্র (সে-ধারণার মূল্য যতোই হোক), মনের বাইরে তিনি সত্য নন? কারণ আদর্শ আমরা তাকে বলি যা ইতিমধ্যেই সিদ্ধ নয়, মানুষের নিত্যনিয়ত সাধনার দ্বারা অল্পে-অল্পে অনন্ত কাল ধরে বাস্তবে রূপায়িত হ’য়ে চলেছে। ভগবানের সত্তা কি তবে আমাদেরই পরিপূর্ণ হ’য়ে ওঠার অক্ষম চেষ্টার উপর নির্ভরশীল, কাজেই সে-চেষ্টার সম্যক চরিতার্থতার পূর্বে তিনি পূর্ণ সত্য নন?

ভগবান বা পূর্ণ পুরুষ মানবোত্তীর্ণ কিছু নন, এ-কথা ঠিক। কিন্তু তার মানে এই নয় যে, তিনি আমাদের মনগড়া বা মনোগত ব্যাপারমাত্র। আমরা এখানে একটি জটিল তত্ত্বে এসে পৌছচ্ছি। পরম মূল্য একাধারে বিষয়গত ও বিষয়ীগত ব্যাপার, মনের মধ্যে সত্য, আবার মনের বাইরেও সত্য। কোনো দার্শনিক আলোচনায় না-গিয়ে রবীন্দ্রনাথের কাব্যিক সমাধানটাই এখানে খুব সংক্ষেপে দেওয়ার দেষ্টা করবো :

মানুষের সত্যই দ্বৈধ আছে। একদিকে সে জীব, জৈবধর্ম পালন করে, প্রাকৃতিক নিয়মের দ্বারা চালিত হয়। অন্যদিকে সে জীববিজ্ঞানের বিধিনিষেধ মানতে বাধ্য নয়। স্বভাবের তাগিদকে অগ্রাহ্য করে প্রেয়ের উপর স্থান দেয় শ্রেয়কে, সহজেই আত্মরক্ষা করতে পারতো যে-দিকে সে-দিকে না-গিয়ে পা বাড়ায় সেই দূরতায় ক্ষুরধার পথে, যে-পথে তার ধন-প্রাণ প্রিয়জন সবই বিপন্ন। সচরাচর এমনটা ঘটে না, তবু ঘটে। কী সেই প্রবল শক্তি যা তাকে স্বাভাবিকের ইচ্ছাতে-বাঁধা মন্থণ সড়ক থেকে যেন ডিরেল্‌ ক’রে নিয়ে যায় হুঃসাধ্য আদর্শের উপলব্ধির অজানা ভূমিতে যেখানে কোনো পথই কাটা হয়নি ? ‘জ্যোতির্বিদ দেখলেন কোনো গ্রহ আপন কক্ষপথ থেকে বিচলিত। নিঃসন্দেহ মনে বললেন, অন্য কোনো অগোচর গ্রহের অদৃশ্য শক্তি তাকে টান দিয়েছে। দেখা গেল, মানুষের মন আপন প্রকৃতি-নির্দিষ্ট প্রাণধারণের কক্ষপথে আবৃত্তি ক’রে চলছে না। অনির্দিষ্টের, স্বভাবের অতীতের দিকে নুঁকছে।’<sup>১৩</sup> মানুষের বেলা এ অগোচর গ্রহের নাম ভগবান এবং সংজ্ঞা পূর্ণ মনুষ্যত্বের আদর্শ। এই গ্রহটি ইউরেনাস নেপটিউনের মতো দূরদীনে-দেখা মাপজোখ-করা বাস্তব নয়, অথচ কাল্পনিক বা মনের ব্যাপারমাত্র বলে তাকে উড়িয়ে দেওয়া যায় না। মনের বাইরেও তা সত্য, যদিও সেই সহজ অর্থে সত্য নয় যে-অর্থে প্রচলিত ধর্ম-মতগুলিতে অতিমানব ভগবানের অস্তিত্ব অবधारিত ও বিঘোষিত হ’য়ে থাকে।

শেষ দশকের অন্য ধ্যেয় দেবতা রুদ্রনটরাজ। গীতাঞ্জলি পর্বের কবিতাকে বলা হয়েছে বৈষ্ণব-ভাবাপন্ন ; প্রতিতুলনায় শেষ পর্বের কবিতাকে বলা যেতে পারে শৈব-ভাবাপন্ন। কিন্তু রবীন্দ্রনাথ সম্পর্কে এ-সব উক্তি স্পষ্টতই শর্তাধীন। প্রথমত, গীতাঞ্জলি পর্বে যতোখানি ভাবৈক্য পাওয়া যায়, শেষ পর্বে (‘পরিশেষ’ থেকে ‘শেষ লেখা’ পর্যন্ত) তা অল্পপস্থিত ; সেই পর্বের দ্বৈত-সাধনার কথাই

বর্তমান অধ্যায়ে আমার আলোচ্য। দ্বিতীয়ত, গীতাঞ্জলি-র ভাব বৈষ্ণব-ঘেঁষা হ'লেও ঠিক বৈষ্ণবীয় নয়। পদাবলীর সঙ্গে গীতাঞ্জলি-র সাদৃশ্য যতোখানি, বৈসাদৃশ্য তার চেয়ে বেশি। তেমনি শেষ পর্বের ভাবের সঙ্গে কোনো প্রচলিত শৈব মতের মিল খুঁজতে যাওয়া পণ্ডশ্রম। বৈষ্ণবই হ'ন আর শৈবই হ'ন, রবীন্দ্র-নাথ রবীন্দ্রনাথই।

এই সময়ে যে-চিত্রটি রবীন্দ্রনাথের সামনে ফিরে-ফিরে আসছে তা অপ্রকাশ থেকে প্রকাশে উচ্ছিত এবং প্রকাশ থেকে অপ্রকাশে বিলীন হ'য়ে যাওয়ার চিত্র—নীহারিকাপুঞ্জের সৃষ্টি ও প্রলয়ে যেমন, সভ্যতার উত্থান-পতনে তেমনি, তেমনি কোনো মহাকবির দেশজোড়া প্রতিষ্ঠা ও নিশ্চিহ্ন বিলুপ্তিও। নক্ষত্র-সভায় এবং মানবসমাজে এ অন্তহীন বিরতিহীন চক্রগতির কেন্দ্রবিন্দুটি কিন্তু স্থির :

মহাকাল, সন্ন্যাসী তুমি।  
তোমার অতলস্পর্শ ধ্যানের তরঙ্গ-শিখরে  
উচ্ছিত হয়ে উঠছে সৃষ্টি,  
আবাব নেনে যাচ্ছে ধ্যানের তরঙ্গতলে।  
প্রচণ্ড বেগে চলেছে ব্যক্ত অব্যক্তের চক্রবৃত্তা,  
তার নিশ্চর কেন্দ্রস্থলে  
তুমি আছ অবিচলিত আনন্দে।  
হে নির্মম, যাও আমাকে তোমার ঐ সন্ন্যাসের দীক্ষা।

(“সাত”, ‘শেষ সপ্তক’)

ষে-দেবতার কাছে কবি দীক্ষা চাইছেন তিনি মাহুঘের প্রতি মমতাসূত্র ; সৃষ্টিতে তাঁর যেমন ঔদাসীণ্য, প্রলয়েও তেমনি। জড়জগতে ও প্রাণলোকে যে বিপুল ‘অপচয়’ ঘটে আসছে চিরকাল ধ’রে, তাকে বলেছেন ‘আপন সৃষ্টির পরে বিধাতার নির্মম অত্যাচার’ ‘নবজাতক’-এর একটি কবিতায়।

এই দীক্ষার আর-এক রূপ প্রকাশ পেয়েছে ‘শেষ সপ্তক’-এর “বাইশ”-সংখ্যক কবিতায়। কবি নিজের রক্তমাংসের প্রাত্যহিক স্বরূপের প্রতি নির্মম হ’তে চান ; তাঁর দেহ-মনকে অধিকার ক’রে আছে যে অনেক কালের বুড়ো, ‘কত যুগের ক্ষুধা ওর, কত তৃষ্ণা’, তার মানিকর অস্তিত্বটাকে দূরে ঠেলে দিতে চান :

আমি আজ পৃথক হব ।

ও থাক ঐখানে ঘরের বাইরে—

ঐ বৃদ্ধ, ঐ বড়সু ।...

আমি দেখব ওকে জানলায় ব'সে

ঐ দূরপাথের পথিককে,

...

...

...

দেখব যেমন ক'রে পুতুলনাচ দেখে ।

এখানে সন্ন্যাসী শিব এক হ'য়ে গেছেন নিজেরই অন্তরতম শুদ্ধতম সত্তার সঙ্গে --  
বেদান্তের পরিভাষায় যাকে 'সাক্ষী চৈতন্য' বলা যেতে পারে ; একটু পরে ঐ-  
কবিতায় 'আমি'র পরিচয় দিচ্ছেন পাকা বৈদান্তিকের মতো :

মুক্ত আমি, স্বচ্ছ আমি, স্বতন্ত্র আমি,

নিত্যকালের আলো আমি,

সৃষ্টি-উৎসের আনন্দধারা আমি

কিন্তু তার পরেই যে-কথাটা যোগ করলেন, কোনো বৈদান্তিক 'পরম-আমি'  
সম্বন্ধে সে-কথা ভাবতে পারেন না । বলছেন : 'অকিঞ্চন আমি' । 'আমি' যা-  
কিছু ভালোবাসি, ভোগ করি, যাতে আহত ও পীড়িত হই, পুড়ে মরি—সব-  
কিছুই ছাড়বো, ছেড়ে একেবারে মুক্ত পুরুষ হ'য়ে যাবো, কিন্তু সঙ্গে-সঙ্গেই বোধ  
করবো : 'অকিঞ্চন আমি, আমার কোনো কিছুই নেই' । যে-কবি পরিপূর্ণ  
জীবনের ও হৃদয়ের ভুবনের জয়গান করেছেন বাল্যকাল থেকে যুতাকাল পর্যন্ত,  
'এ দু্যলোক মধুময়, মধুময় এ পৃথিবীর ধূলি' ধীর আদি ও অন্তিম মন্ত, তাঁর মুক্তি  
দূরে স'রে গিয়ে নয় । 'স্রষ্টা-কারের প্রাচীর' ভাঙতে চাইবেন তিনি স্বভাবতই,  
কিন্তু বৈদান্তিক অর্থে নয়, বিশুদ্ধ বিমুক্ত আত্মা হ'য়ে যাওয়ার জন্তে নয় । 'আমার  
কোনো কিছুই নেই'-এর ভিতরের কথাটা রিক্ততা নয়, স্বচ্ছ—সব-কিছুই  
আমার, সব-কিছু ভালোবাসি আমি, সব-কিছুর সঙ্গে যুক্ত হ'তে চাই, এক হ'য়ে  
যেতে চাই । 'কুড়িয়ে আনা ছড়িয়ে ফেলা, একি তোমার একই খেলা'—এ-  
খেলায় রবীন্দ্রনাথ যোগ দিয়েছিলেন তাঁর 'খেলায় গুরু'র সঙ্গে । সব-কিছুকে  
ধ'রে রাখা এবং ছেড়ে দেওয়ার মধ্যে, অহুরাগ ও নির্বেদের মধ্যে, রক্তমাংসের  
মানুষ ও শুদ্ধাত্মার মধ্যে যে-দ্বন্দ্ব, সে-দ্বন্দের বোধ ও বেদনা কবির, দার্শনিকের  
নয় । দ্বন্দ্ব এবং দ্বন্দের জ্বালাই হ'য়ে ওঠে কবিতা ; সমাধানে নৈর্ব্যক্তিক, নিরা-  
দত্ত অল্পসঙ্কীর্ণ থেকে জয়লাভ করে দর্শন ।

উপরে উদ্ধৃত কবিতাটি শুধু গতছন্দে নয়, প্রায় গঠেই লেখা। বন্ধন ও মুক্তির, অহুরাগ ও বৈরাগ্যের দ্বন্দ্ব সংশয়াতীত কবিতা হ'য়ে উঠেছে 'আকাশ-প্রদীপ'-এর "পঞ্চমী"তে।

ভাবি ব'সে ব'সে  
গত জীবনের কথা  
কাঁচা মনে ছিল  
কী বিষম মূঢ়তা।  
শেষে বিব্কারে বলি হাত নেড়ে,  
যাক গে বৈ-কথা যাক গে।

কবিতার একেবারে গোড়াতেই পরম বৈরাগ্য, যে-বৈরাগ্যের কাছে তরুণ প্রেমের সব সুখ-দুঃখ নিছক মূঢ়তা ব'লে ঠেকবার কথা। কিন্তু কবিতার বক্তব্য মোটেই তা নয়। মূঢ়তা ব'লে নির্দিত তরুণ বয়সের প্রেম নয় ; প্রিয়াকে সম্পূর্ণ পাইনি ব'লে দুঃখ করাটা, যখন যেটুকু পেয়েছিলাম তাই নিয়ে খুশী না-হওয়াটাই বিষম মূঢ়তা হয়েছিলো।

তরুণ বেলাতে যে খেলা খেলাতে  
ভয় ছিল হারবার,  
ভারি লাগি, ক্রিয়ে, সংশয়ে যোরে  
কি ব্যেহু ব'ব বাব।

তখন এ-ছলনাটা বড়ো দুঃখের মনে হয়েছিলো, প্রচণ্ড নালিশ ছিলো সে-দিন—  
তুমি নিজের সবটুকু ভালোবাসা অসংকোচে দাওনি কেন, কেন অহংকারের  
দেওয়াল ভাঙতে পারলে না। কিন্তু আজ :

পরিতাপে জ্বলি আজ আমি বলি,  
সিকি চাঁদনীর আলো  
দেউলে নিশার অমাবস্তার  
চেয়ে যে অনেক ভালো।

অথচ কবিতার শেষে কবি জানাচ্ছেন—বয়স গিয়েছে, এ-সব ভেবে হাসিই  
পাচ্ছে এখন, একটু যেন অহংকার ক'রেই বলছেন :

দীর্ঘ পথের শেষ গিরিশিরে  
উঠে গেছে আজ কবি  
মেধা হতে তার ভূতভবিষ্য  
সব দেখে যেন ছবি

ভরের মূর্তি বেন যাত্রার সঙ,

মেখেছে কুশী রঙ ।

দিনগুলি বেন পশুদলে চলে,

ঘণ্টা বাজায়ে গলে,

কেবল ভিন্ন ভিন্ন

সাধা কালো যত চিহ্ন ।

কিন্তু এ-অহংকারের ভিত বড়ো কাঁচা, ফ্রেডেরিয়া যাকে বলেন ‘ইচ্ছাপূরক ভাবনা’, অনেকটা তা-ই । দর্প কিন্তু কবি নিজের হাতেই চূর্ণ করেছেন পূর্ববর্তী স্তবকে মুক্তকণ্ঠে মেনে নিয়ে যে বিগত দিনের কথা ভেবে আজও তাঁর অহুতাপ-পীড়িত হৃদয় হায়-হায় ক’রে ওঠে :

আজ খুলিয়াছ

পুরানো স্মৃতির খুলি

দেখি নেড়েচেড়ে

ভুলের দুঃখগুলি ।

হায় হায় এ কী, যাহা কিছু দেখি

সকলি যে পরিহাস্ত ।

আজও মন উতলা হ’য়ে ওঠে সেই বোকামির দিনগুলিকে ফিরে পাওয়ার জন্য ।

এসো ফিরে এসো সেই ঢাকা বাঁকা হাসি,

পালা শেষ করো আসি

যদি-বা :

মুড় বন্দিয়া করতালি দিয়া

যাও মোরে সস্তামি ।

তবু আর-একবার ফিরে এসো । যিনি উঠে গেছেন বৈরাগ্যের শেষ গিরিশিখরে, যেখান থেকে গত জীবনের দিনগুলিকে কেবল সাধা-কালো পশুদলের মতো দেখাবার কথা—সে-হৈমশিখরে এ বিষয় হতাশ কেন ? একটু বেখাপ নয় কি ?

এ-সব দ্বিধা দ্বন্দ্ব বাধা-বিঘ্ন সত্ত্বেও শেষ পর্বের রবীন্দ্রনাথের ঐকান্তিক সাধনা ছিলো সেই ‘নির্মম’ দেবতাকে নিজের অহরে উপলব্ধি করার, যিনি পরম দ্রষ্টা, পরম সাক্ষী, অবিচলিত আনন্দপূর্ণ ধ্যানদৃষ্টি দিয়ে দেখছেন নক্ষত্ররাজির ভাঙাগড়া, মানবজাতির উত্থান-পতন—যেন সারা বিশ্ব জুড়ে অনাত্মস্থ কাল ধ’রে এক সংবাতমুখর তীব্র স্বথ-দুঃখময় মহানাটকের অভিনয় চলেছে তাঁরই সম্ভোগের জন্য । ‘অত্যন্ত নিবিড়ভাবে আমার অন্তরে একটা অহুতুতি এল ; সামনে দেখতে

পেলুম নিত্যকালব্যাপী একটি সর্বাঙ্গভূতির অনবচ্ছিন্ন ধারা, নানা প্রাণের বিচিত্র লীলাকে মিলিয়ে নিয়ে একটি অখণ্ডলীলা। নিজের জীবনে যা বোধ করছি, যা ভোগ করছি, চারদিকে ঘরে ঘরে জনে জনে মুহূর্তে মুহূর্তে যা-কিছু উপলব্ধি চলেছে, সমস্ত এক হয়েছে একটি বিরাট অভিজ্ঞতার মধ্যে। অভিনয় চলেছে নানা নটকে নিয়ে, স্বথদুখের নানা খণ্ডপ্রকাশ চলেছে তাদের প্রত্যেকের স্বতন্ত্র জীবন-যাত্রায়; কিন্তু সমস্তটার হিতর দিয়ে একটা নাট্যরস প্রকাশ পাচ্ছে এক পরম দ্রষ্টার মধ্যে যিনি সর্বাঙ্গভূত:। এতকাল নিজের জীবনে স্বথদুঃখের যে-সব অঙ্গভূতি একান্তভাবে আমাকে বিচলিত করেছে, তাকে দেখতে পেলুম দ্রষ্টারূপে এক নিত্যসাক্ষীর পাশে দাঁড়িয়ে। এমনি ক’রে আপনা থেকে বিবিক্ত হয়ে সমগ্রের মধ্যে থণ্ডকে স্থাপন করা মাত্র নিজের অস্তিত্বের ভার লাঘব হয়ে গেল। তখন জীবনলীলাকে রসরূপে দেখা গেল কোনো-এক রসিকের সঙ্গে এক হয়ে।’<sup>১৪</sup>

এই একই অঙ্গভূতির প্রকাশ ‘আরোগ্য’-এর ২-সংখ্যক কবিতায়। সেখানেও কবি জীবনলীলাকে দেখছেন কোনো রসিক পরম দ্রষ্টার সঙ্গে এক হ’য়ে। সেই পরম দ্রষ্টা নটরাজ; এবং লীলা শুধু মানব-জীবনেই আবদ্ধ নয়, ‘আতসবাজীর খেলা আকাশে আকাশে / সূর্য তারা লয়ে / যুগ-যুগান্তের পরিমাপে।’ এই আতসবাজির খেলায় কবিও এসেছিলেন ‘ক্ষুদ্র অগ্নিকণা নিয়ে / একপ্রান্তে ক্ষুদ্র দেশে কালে।’ কবিতার মধ্যে কিন্তু কবির ভূমিকায় একটা রূপান্তর ঘটে, অভিনেতা থেকে তিনি হ’য়ে ওঠেন দর্শক, নট থেকে নটরাজ :

দেখিলাম, যুগে যুগে নট নট বহু শত শত  
ফেলে গেছে নানারঙা বেশ তাহাশের  
রঙ্গশালা-দ্বারের বাহিরে।  
দেখিলাম চাতি  
শত শত নির্ধাপিত নক্ষত্রের নেপথ্যপ্রাঙ্গণে  
নটরাজ নিশ্চক্ৰ একাকী।

দর্শক-স্বলভ নির্লিপ্তির আরো সার্থক রূপায়ণ ‘পুনশ্চ’-এর “খেলনার মুক্তি” ছেলেভুলানো রূপকথার ভাষায় লঘু পরিহাসের মধ্যে তির্যকভাবে এসে পড়েছে গভীর দার্শনিক উপলব্ধি, সেই উপলব্ধি-জনিত মৃদু বিষন্ন নৈরাশ্র। কবিতাটি আর-কিছু নয়, একটি পুতুলের বিয়ে না-হওয়ার গল্প :

এক আছে মনি দ্বিদি,  
আর আছে তার ঘরে জাপানী পুতুল,  
নাম হানাসান—

সেই জাপানি পেশোয়াজ-পরা হানাসানের সঙ্গে বিলেত থেকে আনা কোমরে  
তলোয়ার বাঁধা জাঁদরেল এক রাজপুত্রের

কাল হবে অধিবাস, পশু হবে বিয়ে।

কিন্তু বিয়ের আগের রাত্রে কোথা থেকে এলো কালো চামচিকে, ঘরময় ঘুরে-  
ঘুরে ওড়ে আর ‘সঙ্গে তার ঘোরে ছায়া’। তারপরে হানাসানকে নিয়ে যথারীতি  
চম্পট দিলো মেঘের দেশে ‘যেখানে খেলনার স্বর্গ’। কাণ্ডকারখানা দেখে  
স্বভাবতই পলাতকা কনের মাতৃস্বরূপিণী মণির কান্না, আঙিনায় বটগাছতলায়  
গিয়ে ব্যাঙগমার কাছে কাকুতি-মিনতি — ‘হেই দাদা, হেই ব্যাঙগমা’, আমাকেও  
নিয়ে চলো, হানাসানকে ফিরিয়ে আনি গে। কিন্তু হানাসানকে কি আর পাওয়া  
যায়, সে যে মেঘে-মেঘে রঙে-রঙে ছড়িয়ে পড়েছে ‘নানাখানা’ হ’য়ে। কী হবে তা  
হ’লে ?

মণি বলে, ‘ব্যাঙগমা’ দাদা,

এদিকে বিয়ে যে ঠিক,

বর এসে কী বলবে শেষে ?’

ব্যাঙগমা এসে বলে,

‘আছে চামচিকে ভায়া,

বরকেও নিয়ে পেষ পাড়ি

বিয়ের খেলাটা দেও

মিলে যাবে হৃদ্যন্তর শূন্যে এসে

গোধূলির মেঘে।’

মণি নৈবে বলে, ‘তবে,

শুধু কি রইবে বাকি কান্নার খেলা ?’

ব্যাঙগমা বলে, ‘মণি দাদি,

রাত হয়ে যাবে শেষ,

কাল সকালের ফোটা বৃষ্টিধোয়া মালতীর ফুলে

সে খেলাও চিনবে না কেউ।’

জীবনভরা সর্বজনীন ব্যর্থতার আর-একটি আশ্চর্য চিত্রণ ‘সেঁজুতি’র “তীর্থ-  
যাত্রিণী”। এক বৃদ্ধা নামজপ-ঝুলি হাতে নিয়ে ‘জীবনের পথে শেষ আধকোশ-  
টুকু’ পার হওয়ার জ্ঞান সারাদিন ধরে ব’সে আছে ইন্টেশনে কোনো তীর্থগামী  
দৈন ধরবার জ্ঞান। তারই রিক্ত জীবন-নাট্যের অকিঞ্চন কাহিনী কয়েকটি রেখায়  
ফুটিয়ে তোলা হয়েছে এই দু-পৃষ্ঠার কবিতার মধ্যভাগে :



## যে যৌবনখানি

একদিন পথে যেতে বলভেরে দিয়েছিল আনি

মধুমধিরার রসে বেধনার নেশা

দুঃখে-সুখে-মেশা

সে-রসের রিক্ত পাত্রে আজ শুদ্ধ অবহেলা—

মণপশুগুনহীন যেন ক্লান্ত হেমন্তের বেলা।

সে-রিক্তপাত্র বহুদূরে রইলো প'ড়ে। কোনো পূর্ণকুন্তের দুর্মর আশায় আজ

অন্ত-এক বহুদূরের জন্ত ভোর থেকে সে ব'সে আছে, ব'সে-ব'সে ভাবছে

অতীতের রিক্ততার কথা, কিন্তু ভবিষ্যতের পূর্ণতার আভাসে মন আছে ভরপুর :

পারিত্যক্ত একা বসি ভাবিতেছে, পাবে বৃষ্টি দূরে

স'সারে গ্লানি ফেলে স্বর্গ-দে'বা ধর্ম্মলা কিছুরে।

হায়, সেই কিছু

যাবে ওর আগে আগে প্রেতদল, ও চতাবে পিছু

ক্ষণিকোকে, প্রতিদিন ধরি-ধরি করি তাবে

অবশেষে মিল্লাদে আধারে।

এ-সব কবিতার মূল সুর বৈরাগ্যের, যে-চিত্ত প্রকাশ পেয়েছে তাকে বিবাগী  
চিত্ত বলা যেতে পারে বৈকি।<sup>১৫</sup> কিন্তু মনে রাখা ভালো যে, রবীন্দ্রনাথ প্রথমত  
এবং শেষতও অনুরাগেরই কাব্য। তবে তাঁর অনুরাগের রং গৈরিক এবং বিবাগী  
চিত্ত বিশ্বপ্রেমিক। কাব্যে এই দুই বিপরীত ভাবের পরস্পর-সম্পূর্ণ বিষয়ে তিনি  
যে খাঁটি কথাটি বলেছেন সেটিও এখানে স্মরণীয় : 'কবির কাজ এই অনুরাগে  
মানুষের চৈতন্যকে উদ্দীপ্ত করা। কবির কাব্যেও সুরের অসংখ্য বৈচিত্র্য ...  
কিন্তু সমস্তের মধ্যে সঙ্গ্রেই এমন কিছু থাকে। চাই, যার ইঙ্গিত পূর্বের দিকে, সেই  
বৈরাগ্যের দিকে যা অনুরাগকেই বীৰ্যবান ও বিশ্বাস করে।'<sup>১৬</sup> এই কথাটাই  
পানের ভাষায় একদিন বলেছিলেন :

চাহিয়া দেখো রসের শ্রোতে রঙের খেলাখানি,

চেয়ো না, চেয়ো না তারে নিকটে নিতে টানি।

রাখিতে চাও বাদিতে চাও যারে,

আধারে তাহা মিলায়ে যারে বাবে—

বাজিল যাহা প্রাণের বীণা-তারে

সে হো কেবলি গান, 'কবলি বাগী।

সবই চ'লে যাচ্ছে, ভেসে যাচ্ছে কালের শ্রোতে, তবু মুহূর্তের জন্তেও যে-দৃশ্য ফুটে

ওঠে চোখের সামনে তার একটি রসরূপ আছে, সেটি আনন্দস্বরূপ। তা-ই ঋব, তাই ধ'রে রাখার যোগ্য ; আর-কিছু নয়।

এটা বিশুদ্ধ কবিমনেরই কথা। কিন্তু ভাবুক কবি জানেন যে, ক্ষণিকতর ঘটনাও মহাকালের মধ্যে বিধৃত, সব-কিছুর ক্ষয় আছে তবু বিশ্বরক্ষাণের অনাঙ্কস্তকালব্যাপী যে-সত্তা (the universe viewed sub specie æternitatis), তা অক্ষয়। সেই মহাকালের কাছে দীক্ষা নিয়েছেন যে-কবি, তিনিও চলমানের মাঝখানে ঋব কেন্দ্রবিন্দুটির সন্ধান পেয়েছেন। তাঁর মনের মধ্যে আর-একটি মন আছে, নয়নের পিছনে আর-একটি নয়ন—যার কথা উপনিষদকাররা ব'লে গেছেন। কিন্তু শেষ পর্বের কাব্যে যেটা সবচেয়ে লক্ষণীয় তা ঋবতায় আত্ম-নিমজ্জন নয়, ঋব ও ক্ষণিকের মধ্যে রবীন্দ্র-মানসের টানাপোড়েন, তাঁর দ্বিধাবিভক্ত মূল্যবোধ। কখনো ঋব মহাকাল পান পুষ্পার্থ্য, কখনো অমৃতভরা ধাবমান মুহূর্তগুলি।

‘শেষ সপ্তক’-এর একুশ-সংখ্যক কবিতা আরম্ভ হয়েছে ‘অধুত নিযুত কোটি কোটি বংসরের মাপে’ যে-কাল মাপা হয় তারই নিঃসীম পটে আঁকা ‘আঁকে আঁকে জ্যোতিষ্ক পতঙ্গ’-এর আসা-যাওয়ার চিত্রকল্পে। দ্বিতীয় স্তবকে দৃশ্যবহন হয়, দেখা যায় ‘ছোট ছোট কানের পরিমণ্ডলে’ একের পর এক দর্পোদ্ধতপ্রভাণ কতো সভ্যতা বৃদ্ধদের মতো উঠলো জেগে। সেইসব যুগের ‘আকাজ্জিক বেদনাকে’ অমর করতে চেয়েছিলেন তখনকার কবিরা। কিন্তু আজ সে-বৃদ্ধ-গুলি যেমন ‘মরুবালুর সমুদ্রে নিঃশব্দে’ মিশে গেছে, তেমনি ‘নীরব হয়েছে কবির মহাকাব্য’।

মনে হয় এইখানে কবিতা শেষ হবে। ‘নক্ষত্রলোকের নিমেষহীন আলোকের নিচে’ লতাবিতানে ব'সে কবি বললেন, ‘নক্ষত্র করি মহাকালকে’ (‘মহাকাল’ শিব ও অনাঙ্কস্ত কাল—উভয় অর্থছোতনা বহন করছে)। কিন্তু কবিতা এখানেই শেষ হ'লো না। ‘নক্ষত্র’ যেন অক্ষর মহাকালের চরণ এড়িয়ে চ'লে গেলে অধরা মুহূর্তের বেদীতলে। সন্ন্যাসী মহাকালের কাছে ধিনি দীক্ষা চেয়েছিলেন, তিনি ধন্ত হলেন অমৃতভরা মুহূর্তগুলির অপরিমেয় ঐশ্বর্য পেয়ে :

অমরতার আরোজন  
শিশুর শিথিল মুষ্টিগত  
খেগার সামগ্রীর মতো

ধূলায় প'ড়ে বাতাসে যাক উড়ে ।  
 আমি পেয়েছি কণে কণে অনুভব  
 মুহূর্ত্তলিকে—  
 তার সীমা কে বিচার করবে ?  
 তার অপরিমেয় সত্য  
 অযুত নিযুত বৎসরের  
 নক্ষত্রের পরিধির মধ্যে  
 ধরে না ।

মহাকালের ভক্তকবি শেষ পর্বের একাধিক কবিতায় নৈবেদ্য সাজিয়ে  
 দিয়েছেন ক্ষণিকের পায়ে, 'অনিত্যের বৃকে অসীমের হৃৎস্পন্দন' স্তন্যে পেয়ে-  
 ছেন । গতি ও সমাপ্তি, ধ্রুব ও ধাবমান, শাস্ত ও ক্ষণিকের স্বন্দ কোথায় যেন  
 মিলেছে এক পরম ঐক্যে—কবি বুঝেছেন অথচ বোঝাতে পারছেন না, অথবা  
 বুঝেছেন কিনা তা-ও ঠিকমতো বুঝতে পারছেন না, কিন্তু একটা অস্পষ্ট বোধ  
 তাঁকে একাধারে তৃপ্ত ও ব্যাকুল ক'রে রেখেছে । তার আরো দু-একটা উদাহরণ  
 দেওয়া যাক :

এ চিকন তব লাবণ্য যবে দেখি  
 মনে মনে ভাবি, এ কি  
 ক্ষণিকের 'পরে অসীমের ববদান,  
 আড়ালে আবার ফিরে নেয় তারে  
 দিন হলে অবসান ।  
 একদা শিশিররাতে  
 শতধূল তার ধূল স্বরাইবে  
 হেমন্তে হিমপাতে,  
 সেই যাত্রায় তোমারো মাধুরী  
 প্রলয়ে লভিবে গতি ।  
 এতই সহজে মহাশিল্পীর  
 আপনার এত ক্ষতি  
 কেমন কবিতা নয়,  
 প্রকাশে বিনাশে বাঁধিয়া হৃৎ  
 ক্ষয়ে নাহি মানে ক্ষয় ।

( "ক্ষণিক", 'সানাই' )

প্রেমসীকে মনে হয় সে আমার জন্মান্তরের জানা—  
 যে-কালে স্বর্গ, যে-কালে সত্যযুগ,

যে-কাল সকল কালেরই ধরা-ছোঁওয়ার বাইরে ।  
 তেমনি এই-যে সোনার পান্নায় ছায়ায় আলায় গাঁথা  
 অবকালের নেশায় মত্তর আঁধারের দিন  
 বিহ্বল হয়ে আছে মাঠের উপর শুড়না ছড়িয়ে দিয়ে,  
 এর মাধুরীকেও মনে হয় আছে তবু নেই,  
 এ আকাশবীণায় গৌড়-সারঙের আলাপ,  
 সে আলাপ আসছে সর্বকালের নেপথ্য থেকে । ( “স্মৃদর”, “পুনশ্চ” )

ক্ষণকাল থেকে আবার দৃষ্টি ফেরানো যাক মহাকালের দিকে । যে সন্ন্যাসী  
 মহাকাল, যে নিস্তরু একাকী নটরাজের কথা রবীন্দ্রনাথ অস্থিম পর্বে বার-বার  
 বলেছেন, তাঁকেও মানবোত্তীর্ণ উর্ধ্বগগনচারী কোনো দেবতা ব’লে আমার মনে  
 হয় না । এ’র সম্বন্ধেও রবীন্দ্রনাথের পূর্বোক্ত বাক্যটি প্রযোজ্য—‘...কোনো  
 অমানব বা অতিমানব সত্যে উপনীত হওয়ার কথা যদি কেউ বলেন, তবে সে  
 কথা বোঝাবার শক্তি আমার নেই ।’ আমাদের প্রত্যেকের অন্তরের গভীরে একটি  
 ধ্যানী শিব রয়েছেন, যিনি রাত্রির আকাশে সংখ্যা-গণনায় অতীত নক্ষত্র-  
 নীহারিকাকে এবং অনন্ত দেশ-কালের মধ্যে অবস্থিত সমগ্র মনুষ্যজাতির ভূত-  
 ভবিষ্যৎকে নিলিপ্ত অপচ তন্নয় চোখে দেখছেন । আমারই অন্তর্ধামী মহাত্মা-  
 মহীয়ান ‘আমি’র চোখে আমার এই ক্ষুদ্র ‘আমি’কে তুচ্ছাতুচ্ছ দেখাবে ।  
 তবু এই ক্ষুদ্র ‘আমি’র পক্ষে সম্ভব কোনো দুলভ রসোত্তীর্ণ বা জ্ঞানোত্তীর্ণ মুহূর্তে  
 সেই অনাসক্ত অনন্ত অক্ষর দৃষ্টিলাভ করা । কিন্তু সে শাস্ত্রত মুহূর্তও ধারমান ;  
 শিল্পীর রসমুর্তিতে বেশিক্ষণ ধ’রে রাখা যায় না, যোগীর ধ্যানদৃষ্টিতে তাকে অক্ষয়  
 করার জ্ঞান আজীবন কঠোর তপস্কার প্রয়োজন ।

কর্মেও মানুষ পূর্ণ হয়, ধ্যানেও পূর্ণ হয় । আমাদের মধ্যে দুটি ভিন্ন সত্তা  
 রয়েছে—কর্মী ও ধ্যানী ( জ্ঞানী এবং শিল্পী উভয়ই ধ্যানী পুরুষেরই ঈদং ভিন্ন  
 প্রকাশ ; প্রতিতুলনায় কর্মী মানুষের ব্যক্তিস্বরূপের উপাদান ও সংগঠন  
 আলাদা ) । তাদের ভিন্নতা মৌলিক । সাধনার এই মার্গদ্বয় আমাদের সামনে  
 খোলা আছে ; দুটি কতকটা পরস্পর-সম্পূরক হ’তে পারে, কিন্তু ঠিক স্বসমঞ্জস  
 নয় । ধ্যানদৃষ্টি স্বপ্রতিষ্ঠিত হ’লে কর্মোত্তম ক’মে আসে ; বৈদাস্তিকেরা কর্ম-  
 সন্ন্যাসের কথা বলেছেন । পক্ষান্তরে, কর্মে নিবিষ্ট হ’তে হ’লে দৃষ্টিকে গুটিয়ে নিয়ে  
 আসতে হয় উপস্থিত কর্মক্ষেত্রের সীমিত পরিধিতে । গীতাও জ্ঞানযোগ ও কর্ম-  
 যোগের মধ্যে সামঞ্জস্য স্থাপন করতে পেরেছেন ব’লে তো মনে হয় না,

শ্রীঅরবিন্দের গীতাভাষ্য প'ড়ে আমার ধারণা হয়েছে যে তিনি মার্গদ্বয় দুই ভিন্ন পার্সনালিটি টাইপের জন্ম নির্দেশ করেছেন। একই মানুষের মধ্যে দুই বিষয় টাইপ সহবাস করতে পারে, তবু দুটি পথ এক নয়।

কর্মী ও জ্ঞানীর (তথা শিল্পীর) অন্তর্দ্বন্দ্বের কথা ইতিপূর্বে বলেছি, আবারও বলবো। আপাতত যা বলতে চাই সেটা এই যে, রবীন্দ্রনাথের শেষ পর্বে দুই আরাধ্য দেবতা মানবিক সাধনার দুই ভিন্ন পথের দুটি চরম গন্তব্যস্থল। এই উভয় সাধনমার্গেই তাঁর গতি ছিলো অক্লান্ত, তবু উভয়ের গন্তব্যে কোনো দ্বিধাতিগ অর্দ্বৈত সত্তার সন্ধান পাননি তিনি। পেলে হ'য়ে যেতেন বৈদান্তিক। আর যা-ই হোক, শংকরাচার্যের পথ রবীন্দ্রনাথের পথ নয়। সব পথ তাঁর অদ্য একদিন প্রেমময় ও মঙ্গলময় ভগবানে মিলেছিলো।। কিন্তু চিরকাল মেলেনি।

শেষ বয়সে রবীন্দ্রনাথের শারীরিক ও মানসিক ক্লেশ যেমন অত্যধিক ছিলো, জাগতিক দুঃখ ও পাপের মাত্রাও তেমনি দুর্বিষহ হ'য়ে উঠেছিলো তাব পক্ষে। তখন যদিও তাঁর মন বহু নিরন্তর প্রাণে বিক্ষুব্ধ ও হতাশায় ভারাক্রান্ত ছিলো, তবু তিনি তাঁর সহজাত মানসিক স্বাভাৱ্য ও ব্যক্তিত্বের আশ্রয় হারাননি—যেমন হারিয়েছিলেন বহু সমকালীন পাশ্চাত্য সাহিত্যকারগণ। নটরাজের ধ্যান তাকে একপ্রকার বৈরাগ্যমাথা স্থিতপ্রজ্ঞ প্রশান্তি দিয়েছিলো; অন্তরিক্ত মানসের অপরাধের শক্তি ও অনন্ত সম্ভাবনায় বিশ্বাস তাকে তিক্ত নৈরাশ্রের ক'ন থেকে রক্ষা করেছিলো মৃত্যুদিন অবধি। 'নির্বাচিত নন্দ্রের নেতৃত্বপ্রাপ্ত' তেমন তিনি দেখতে পেয়েছিলেন 'নটরাজ নিস্তর্র একাকী', তেমন দুই হোহা হুহে নির্বাচিত-প্রায় মহুগাত্বের ভাস্কর্য্য দেখতে পেয়েছিলেন চিরমানবকে

এমন উচ্চ গণ্য মনোগণ্যে

যেন জগৎ অঁ

ব সৌন্দর্য্য ন ডাইবা পলে ধলো

দুঃখের সীমান্ত খুঁজিয়া

নঃমইল হলাল নী গীতঃসংগীত -

এ-দৃশ্য সমগ্র ইতিহাসে অত্যন্ত বিরল সন্দেহ নেই। কিন্তু কোনো কাজে কোনো দেশে একজন মানুষও যদি 'নিজ মর্ত্যসীমা' চূর্ণ ক'রে থাকে, দুঃখের সীমান্ত খুঁজতে বেরিয়ে থাকে, তবে সেইখানে আমরা দেখতে পেয়েছি 'নন্দ্রের ইঙ্গিত' ছল হয়নি, সেই একটি মানুষ মহুগাত্বকে রক্ষা করেছে দ্বিপদবিশিষ্ট পশুদের গ্রাস থেকে, ব'লে গেছে—এ-জগৎ স্বপ্ন নয়, দুঃস্বপ্ন নয়, কাঙ্ক্ষার উপগাস নয়।

১. 'শান্ত্রে বা লেখে তা সত্য কি মিথ্যা বলতে পারি নে, কিন্তু সে-সমস্ত সত্য অনেক সময়ে আমার পক্ষে সম্পূর্ণ অনুপযোগী—বস্তুত আমার পক্ষে তার অস্তিত্ব নাই বললেই হয়।' রবীন্দ্র-রচনাবলী, একাদশ খণ্ড, পৃ. ২৪২

২. 'আমার ধর্ম আমার জীবনেরই মূলে; সেই জীবন এখনও চলছে, কিন্তু মাঝখানে কোনো এক সময়ে তার ধর্মটা এমনি থেমে গিয়েছে যে তার ভগবে টিকিট মেরে তাকে জাহুঘরে ঠোতুহনী বর্ষকদের চোখের সন্মুখে ধরে রাখা যায়—এটা বিশ্বাস করা শক্ত।' রবীন্দ্র-রচনাবলী, দশম খণ্ড, পৃ. ১৮৬

৩. অপরূপ শক্তির এই বিকৃতির সহস্র লক্ষণ

দেখিয়াছি চারিধে সারাক্ষণ,

চিরন্তন মানবের মহিমারে তবু

উপহাস করি নাই কভু। ("জয়ধ্বনি", 'নবজাতক')

৪. 'তা ছাড়া যেমন আগেই লক্ষ্য করেছি, তাঁর (রবীন্দ্রনাথের) রয়েছে জাগবর্তার বিশ্বাস, সে বিশ্বাস, শেষ দিককার লেখায় অধিক স্পষ্ট।' শশিভূষণ ঘোষ, 'রবীন্দ্রনাথের উত্তরকাব্য', পৃ. ২১২

৫. শশিভূষণ দাশগুপ্ত, 'উপনিষদের পটভূমিকায় রবীন্দ্রনাথ', পৃ. ১২৫

৬. 'মানুষের ধর্ম', পৃ. ১৪

৭. তদেব, পৃ. ১১

৮. তদেব

'Whatever character our theology may ascribe to him (God), in reality he is the infinite ideal of Man towards whom men move in their collective growth,' *Religion of Man*, p. 165

১০. 'মানুষের ধর্ম', পৃ. ১১

১১. তদেব, পৃ. ৭১

১২. তদেব

১৩. তদেব, পৃ. ২৫

১৪. তদেব, পরিশিষ্ট, পৃ. ৮৯

১৫ (ক) 'এই "বিবাগী-রাগিণী"ই রবীন্দ্র-কবিপুরুষের প্রাণের রাগিণী—ইহাই রবীন্দ্র-কব্যের আদি ও অন্ত্য হুবা।' মোহিতলাল মজুমদার, 'রবি-প্রদক্ষিণ', পৃ. ৫৭

(খ) 'রবীন্দ্র-কবিপুরুষের বাণী বৈরাগ্যের বাণী, তাহার হৃদয় বিবাগী চিন্তের হৃদয়।... এই বিবাগী বৈরাগী চিন্তাই শেষ পর্যন্ত নিজের আজীবন সাধনাকেও কোনো আসক্তি কোনো মোহবন্ধনে বাঁধিল না, ছিল ধরণীর গৈরিক ধূলার অসীম বৈরাগ্যের দিকবিহীন পথে উড়াইয়া।' শীহাররঞ্জন রায়, 'রবীন্দ্র-সাহিত্যের ভূমিকা' (৫ম সং), পৃ. ২৫০

১৬. রবীন্দ্র-রচনাবলী, দশম খণ্ড, পৃ. ২১৫

## শ্রেয়ো নীতি ও সাহিত্য নীতি

সহজাত বৃত্তির তাড়নায় নয়, গরজে প'ড়ে, দায়ে ঠেকে, মানুষকে হ'তে হ'লো যুথবদ্ধ। কারণ শিকার এবং পরে চাষবাসের কাজে দেখা গেলো দলের সুবিধা অনেক। কিন্তু দলে বাস করতে হ'লে সম্পূর্ণ নিজের খেয়াল-খুশি মতো থাকা যায় না, কতকগুলো নিয়ম মেনে চলতে হয়, ব্যক্তিস্বার্থের উপরে স্থান দিতে হয় দলের স্বার্থকে। অর্থাৎ একপ্রকার চারিত্র্যানীতি হ'লো যৌথ জীবনের অপরিহার্য শর্ত। কিন্তু সেটা চারিত্র্যানীতির জগাবস্থা, প্রকৃত মর্যালিটি তাকে বলা যায় না। যুথ ছিলো তখন ব্যক্তিরই সম্প্রসারিত সত্তা। আদিম মানুষ নিজের স্বকীয় ব্যক্তিসত্তা বিষয়ে খুব সচেতন নয়; যুথের সঙ্গে অনেকটা একাত্ম এবং একদেহ সে, নিজেকে যৌথদেহের অবিচ্ছিন্ন অঙ্গ ভাবাটাই তার পক্ষে স্বাভাবিক। যৌথ জীবনযাত্রার তাগিদে যে-চারিত্র্যানীতি সে পালন করতে বাধ্য তার গোড়ার কথা হ'লো ব্যষ্টির ইচ্ছাকে সমষ্টির ইচ্ছার অর্থৎ বিধিনিষেধের অধীন জ্ঞান করা। এই শিক্ষাই প্রত্যেকটি শিশুকে দেওয়া হয় ট্রাইবল্ সমাজে। তবু যদি আশৈশব শিক্ষা বা শেখানো অভ্যাস লঙ্ঘন ক'রে কোনো প্রাপ্তবয়স্ক মানুষ যৌথ প্রথার বিরুদ্ধাচারণ ক'রে বসে তবে সে যুথের বা যুথপতির দ্বারা নির্ধূরভাবে দণ্ডিত হয়। এহেন বিধিনিষেধ যে প্রকৃত চারিত্র্যানীতি নয় তা আরো সহজে প্রতিপন্ন হয় যুথ-বহির্ভূত মানুষের সঙ্গে আচরণের ক্ষেত্রে। সে ক্ষেত্রে মাংসভোজ ছাড়া আর কোনো ভোজ-অভোজের কথাই ওঠে না প্রাক্-সভ্য ট্রাইবল্ সমাজ-ব্যবস্থায়।

সভ্য সমাজে কি খুব-একটা ওঠে? আমরা আধুনিক যুগের মানুষেরা অনেক দিক থেকে নিঃসন্দেহে সমুন্নত; চাঁদে কস্মোনট, পাঠানোর আয়োজন প্রায় সম্পূর্ণ ক'রে এনেছি, এক কুকুরের মুণ্ড কেটে আর-এক কুকুরের ঘাড়ে জুড়ে দিতে পারি, মরুভূমিতে ফসল ফলাতে পারি, একটি হাইড্রোজেন বোমা ফাটিয়ে একটা গোটা শস্তাঞ্চাল দেশকে মরুভূমি ক'রে নিতে পারি, ইত্যাদি। কিন্তু চারিত্র্য-নৈতিক দিক দিয়ে বড়ো বেশি এগিয়েছি এমন ভাববার কারণ নেই। সভ্য সমাজের চারিত্র্যানীতির মুখোশটি স্বন্দর কিন্তু মুখোশ খুললে ট্রাইবলিজম্-এর

বিকট মুখখানি দেখা যায়। ট্রাইবের জায়গা নিয়েছে রেস, নেশন এবং ধর্ম-সম্প্রদায়—তফাত এইটুকু। খেতান্দ্র কৃষ্ণাক্ষকে, নাডক ইহুদিকে, বর্ণহিন্দু চণ্ডাল এবং মুসলমানকে পুরো মানুষ বলে গণ্য করতে সব ক্ষেত্রে প্রস্তুত নয়, অভ্যস্তও নয়। আন্তর্জাতিক সম্পর্কে কোনো রাষ্ট্রই অল্প রাষ্ট্রের সঙ্গে আচার-ব্যবহারে বিবেকের বা মর্যালিটির ধার ধারে না; একমাত্র আন্তর্জাতিক নীতি কূটনীতি অর্থাৎ ঠকবাজি। জাতিতে-জাতিতে পরিচয় কখনো খড়্গে-খড়্গে ভীম পরিচয়, কখনো-বা শঠে শাঠ্যম্ সমাচরেৎ।

আন্তর্জাতিক ক্ষেত্রে কোনোপ্রকার চারিত্র্যনীতি আজও গ'ড়ে ওঠেনি। কিন্তু আন্তর্জাতিক ক্ষেত্রেও দেখা যায় আমরা একে অপরের সঙ্গে সহ্যব্যবহার করি সুফলের প্রত্যাশায়—তা সে হাতে-হাতে হোক বা র'য়ে-ব'সেই হোক; নিদেন-পক্ষে পরকালের বা পরজন্মের হিসাব-নিকাশ তো আছেই। অথবা আমরা সং না-হ'লেও শিষ্ট হ'রে যাই ভয়ের চোটে—লোকনিন্দার ভয়ে, পুলিশের ভয়ে, প্রতিহিংসার ভয়ে, নরকের ভয়ে। যবিও ইতিপূর্বে একাধিক মহাপুরুষ বলে গেছেন—মানুষকে ভালোবাসো, নিছক ভালোবেসে, কোনোপ্রকার লাভ-ক্ষতির কথা মনে না-রেখে, মানুষের উপকার করো। গৌতম বুদ্ধ বা যীশু খ্রীষ্টের মতো ধর্মোপদেষ্টারা লক্ষ-লক্ষ মানুষের ভক্তি-শ্রদ্ধা কুড়িয়েছেন, মৌখিক আল্লগতা পেয়েছেন; কিন্তু কার্যক্ষেত্রে তাঁদের নীতি-উপদেশ পালন করেনি লাখে এক-জনও। সাধারণ মানুষের পক্ষে আদৌ পালন করা সম্ভব কিনা তা নিয়েও প্রশ্ন উঠতে পারে।

যে-অর্থে আমরা অত্যন্ত আপনজনকে (বন্ধুকে, প্রিয়াকে, সন্তানকে) ভালোবাসি, সেই অর্থে বা তার খুব কাছাকাছি কোনো অর্থে কি সম্পূর্ণ অচেনা মানুষকে—বুদ্ধি, রুচি ও চরিত্র নিবিশেষে সবাইকে—ভালোবাসতে পারি? মানুষটা বিদেশী ও বিভাজী হ'লে ব্যাপারটা আরো অসম্ভব ঠেকে। দু-চারজন মহাপুরুষ হয়তো পারেন, কিন্তু শুধু তাঁদের নিয়ে তো চারিত্র্যনীতি তৈরি হয় না। গ্রীক ভাষা ও খ্রীষ্টীয় ধর্মশাস্ত্রে ব্যুৎপন্ন এক বিদেশী অধ্যাপকের মুখে শুনেছি যে নিউ টেস্টামেন্টের বিধান 'love thy neighbour' যে গ্রীক বাক্যের অনুবাদ তাতে অন্তর্জাতিক শব্দটি ঠিক 'ভালোবাসা'র প্রতিশব্দ নয়, বরঞ্চ 'স্ববিবেচনাপূর্বক বা ত্রায়সম্মত ব্যবহার করো'-র কাছাকাছি তার অর্থ। এটা সংগত কথা, এবং এই অর্থে উক্ত বিধানটা শুধু কতিপয় মহাপুরুষ নয়,



সকলের মান ও আচরণীয় হ'তে পারে। স্বভাবে মেজাজে কচিতে যে-মানুষটি একান্ত অপ্রিয় তার সঙ্গেও আমরা সম্বাবহার করতে পারি, অন্তত সেইরূপ শিক্ষা দিতে পারি নিজেকে। তাই কান্ট এই সিদ্ধান্তে পৌঁছলেন যে প্রকৃত শ্রেয়োনীতি আলোকপ্রাপ্ত স্বার্থাষণ কিংবা সর্বজনীন প্রেমের উপর প্রতিষ্ঠিত নয়, তার মূল স্তম্ভ হ'লো প্রত্যেকের বাঁচবার, সুখী হবার, নিজেকে নিজের মতো ক'রে প্রস্তুতিত করবার অধিকার স্বীকার করা—শুধু মুখে নয়, অন্তরে ও আচরণে। অন্তরে সঙ্গে দৈনন্দিন ব্যবহারের ক্ষেত্রে তোমার মনে যেন এমন ভাব না-থাকে যে সে তোমার কোনো ক্ষুদ্র বা বৃহৎ, দূর বা নিকট, স্বার্থসিদ্ধি বস্ত্র। মানুষমাজেই উপেয় (end), কেউ কারো স্বকীয় উদ্দেশ্যসাধনের উপায়-মাত্র নয়।

মোটকথা, শ্রেয়োনীতি সহজাত বৃত্তির প্রকাশবিশেষ বা জীবনধর্মের প্রকার-ভেদ নয়, অল্প-এক স্তরের ব্যাপার। আমরা স্বভাবতই যে-স্তরে বাস করি সেখানে 'আমি' যেন কেন্দ্রস্থিত, অল্প সবাই আমারই কোনো-না-কোনো সম্ভাব্য হিতার্থে আমার চারিদিকে চক্রাকারে ঘুরছে। প্রয়োজন হ'লে এবং সামর্থ্য থাকলে আমি তাদের ব্যবহার করতে পারি আমার স্বার্থসিদ্ধির জন্ত। শ্রেয়োনীতিক মানুষকে এই জৈবনীতির উপর উঠে এমন-এক স্তরে উপনীত হ'তে হয় যেখানে সে আর কেন্দ্রে নয়, পরিধিতে। প্রকৃতপক্ষে সেখানে কেন্দ্র-পরিধির উপমা খাটে না, সেখানে স্বার্থ এবং পরার্থকে, নিজের সুখ-স্বাচ্ছন্দ্য ও অপরের সুখ-স্বাচ্ছন্দ্যকে, সমদৃষ্টিতে দেখতে হয়। এই স্তরে ওঠা মানুষের সাধ্যাতীত নয়, কিন্তু কারো পক্ষে সহজসাধ্যও নয়। যৌথ জীবনযাত্রায় এ এক বৈপ্লবিক পরিবর্তন।

তেমনি এক বৈপ্লবিক পরিবর্তন ঘটে আমাদের দৃষ্টি ও উপলব্ধিকে প্রাত্যহিক জীবনের স্তর থেকে আটের স্তরে নিয়ে যেতে। পরিবর্তনের মাত্রাটা আরো অধিক, আমাদের উঠতে হয় আরো এক ধাপ উপরে। শ্রেয়োনীতিক মানুষ স্বার্থপ্রণোদিত না-হ'লেও কর্মলিপ্ত। কিন্তু শিল্পী মানুষ কর্মভার থেকে এবং অন্তর্কে কর্মে উদ্বেগিত করার দায়িত্ব থেকে মুক্ত। পারিবারিক, সামাজিক, রাজনৈতিক কর্তব্য অবশ্য শিল্পী এড়াতে পারেন না; কারণ, শিল্পজীবনের বাইরেও তাঁর একটা জীবন আছে। কিন্তু শিল্পীরূপে তিনি কর্মজীবনের দায়-দায়িত্বের এবং তার মানসিক পটভূমির উদ্দেশ্যে। দরজায় দাঁড়ানো মানুষ, গলির

কালো কুচ্ছিত আইবুড়ো মেয়ে কিংবা নেড়ি কুত্তা সবই তাঁর দৃষ্টি আকর্ষণ করবে ; কিন্তু এ-সবের পিছনে কোনো বৃহত্তর সত্যের ইঙ্গিত, সর্বমানবিক এবং মানবোত্তর কোনো রহস্যের কম্পমান যবনিকা যদি দেখতে না-পান তাহ'লে তো তিনি কবি নন, সাংবাদিক মাত্র ।

বিশেষত, দুঃখ ও পাপের চেতনা কর্মী এবং কবির একই প্রকার হওয়া বাঞ্ছনীয় নয় । কর্মীকে শুধু খোলা চোখে নয়, উত্তল কাঁচের ভিতর দিয়ে একটু বড়ো ক'রে দেখতে হয় অমঙ্গলের চেহারা, দৃষ্টিকে একাগ্র করতে হয় সেই স্থানে যেখানে মানুষ দুঃখ পাচ্ছে—যে-দুঃখের প্রতিকার সম্ভব, যেখানে অত্যাচার ঘটছে—যে-অত্যাচারের প্রতিরোধ অত্যাাবশ্যক । কর্মীর অমঙ্গলবোধ মাত্রাতিরিক্ত হ'লে লাভ বৈ ক্ষতি নেই । কিন্তু কবির পক্ষে এই অতিরিক্ত শুধু অনাবশ্যক নয়, অস্বার্থ স্বতরাং অনর্থকারী । একটি ছোটো ছেলের ছোটো দুঃখকেও সমগ্র মানবজাতির ভূত-ভবিষ্যতের এমন-কি অসীম বিশ্বত্রস্তাণ্ডের বিরূপ পরিপ্রেক্ষিতে দেখলেই তাঁর দেখাটা সত্য হয় । অথচ সেভাবে দেখতে গেলে কাছেই এবং এই মুহূর্তেই যে-দুঃখ বা পাপ উপস্থিত তা ছোটো হ'য়ে দেখা দেয়, স্বতরাং প্রতি-রোধশক্তি এবং সংগ্রামস্পৃহা জাগাতে সক্ষম হয় না । কিন্তু তাতে কি কবিতার খুব ক্ষতি হবে ? কবি তো সমাজ-সংস্কারক নন ; তিনি আমাদের মতো সাধারণ মানুষের—স্বার্থবুদ্ধি-প্রণোদিত ও সংগ্রামবিপ্লবী মানবের—দৃষ্টির, অনু-ভূতির এবং কল্পনার ক্ষুদ্রতা ঘুচিয়ে সব-কিছুকে তার যথার্থ, অর্থাৎ খণ্ডের নয় পূর্ণের, পরিপ্রেক্ষিতে উপলব্ধি করতে শেখাবেন, এর চেয়ে বেশি কোনো প্রত্যাশা রাখি না তাঁর কাছ থেকে । তার মানে একধরনের সংস্কার অবশ্য চাই আমরা, কিন্তু যে-সংস্কার বাইরের নয়, অন্তরের । কবির কাছে আমরা চাই হৃদয়ের সেই পরিস্ফুটন যাকে ওয়ার্ডসওয়ার্থ বলেছিলেন রেবুটিফিকেশন অব হিউম্যান ইমোশন্স ।

ওয়ার্ডসওয়ার্থের এই উক্তির মধ্যে উদ্ভাস রয়েছে আর-একটি মূল্যবান কথা : অনুভূতিও ঠিক কিংবা বেঠিক হ'তে পারে । জানি না ওয়ার্ডসওয়ার্থ নিজে 'রাইট ইমোশন' বলতে সেইসব হৃদয়বেগই বুঝেছিলেন কিনা যা শ্রেয়ানীতিক জীবনযাত্রার অধিকতর উপযোগী করে তোলে আমাদের । আমি কিন্তু কথাটাকে একটু ভিন্ন অর্থে গ্রহণ করেছি । আমার মতে কবির হৃদয়বেগ সত্য হওয়া চাই—শুধু এই অর্থে নয় যে হৃদয়বেগটি বানানো বা কাল্পনিক হবে না ( কাল্পনিক

হ'লেও কি কবিতার কিছু এসে যায় ? ) ; সত্য হওয়া চাই মানে ষথার্থ ( ষথা + অর্থ, অর্থের — অবজেক্টের—অন্তগামী ) হওয়া চাই ; বহির্জগতের ষে-অবস্থা বা ঘটনার সঙ্গে সেই হৃদয়াবেগটি যুক্ত, তার সঙ্গে শুধু কার্যকারণিক সংযোগ নয়, নান্দনিক সামঞ্জস্য থাকা চাই । ধরুন কোনো তরুণী 'মহাভারত' বা 'ম্যাক্বেথ' পাঠ ক'রে ব'লে উঠলেন—কী মিষ্টি ! ঐ-তরুণীর মনে সত্যি মিষ্টত্ববোধ জেগে থাকলেও বলবো, অমুভূতিটা সত্য নয়, কারণ বিষয়ের সঙ্গে মোটেই খাপ খায় না । ষে-হৃদয়াবেগ একটি গোলাপ ফুল দেখে বা কোকিলের ডাক শুনে জেগে থাকলে ষথোপযুক্ত হ'তো, সেই হৃদয়াবেগ হিমালয় পবত বা মহাসমুদ্রের তরঙ্গ-গর্জনের সামনে অত্যন্ত বেথাপ, অযথার্থ ।

বোদলেয়রের কাব্য বিষয়ে ইতিপূর্বে নালিশ জানিয়েছি । সে-নালিশের মূল কথা ছিলো যে তাঁর কবিতায় প্রকাশিত অমুভূতির বাদী সুরটি সত্য নয় । বোদলেয়রের অমুভূতি সত্যি ঐ-সুরে বাধা ছিলো কিনা প্রশ্নটা অবান্তর । উপরন্তু এ-বিষয়েও আমার কোনো সন্দেহ নেই যে বোদলেয়র যেমন অনিবার্য ভঙ্গি ও অনবচ্ছিন্ন ভাষায় তাঁর বাস্তবিক কিংবা কাল্পনিক অমুভূতিগুলিকে প্রকাশ করেছেন, তেমন প্রকাশের উৎকর্ষ খুব কম কবির কবিতায় পাঈ আমরা । কিন্তু তাঁর অমুভূতির তো একটা বিষয় ছিলো, সে-বিষয়ের সঙ্গে অমুভূতির সামঞ্জস্য (আমাদের আলংকারিকদের ভাষায় 'পটিত্য') আমি খুঁজে পাঈ না । মানবজীবন অথবা সমস্ত বিশ্বব্রহ্মাণ্ড হুবোধ্য হ'তে পারে, দুঃখ নৈরাশ্য বা ত্রাস জন্মাতে পারে, কিন্তু তাঁর সম্বন্ধে তুচ্ছতা বা একঘেয়েমির ('monotone et petit') বোধকে বলবো অমুভূতির অযথার্থতা, অসত্যতা । বস্তু বা অবস্থাবিশেষ সংগতভাবেই আমাদের বিরজিকর, গুঢ়াকরজনক বা কদর্য লাগতে পারে ; কিন্তু সমগ্র জীবন ও অনন্ত জগৎ তাই নয় । অবশ্য শারীরিক কিংবা মানসিক বৈগুণ্যে কখনো-কখনো এক সার্বিক বিভ্রমের ভাব জাগতে পারে ষে-কোনো লোকের মনে । বোদলেয়রের প্রতিভা এই বিকারকে স্বাস্থ্য জ্ঞান করতে শিখিয়েছে, এই অসংগত ভাববৈকল্যকে শ্রদ্ধেয় ও সযত্নে পালনীয় ক'রে তুলেছে অত্যাধুনিক কবি ও সমালোচকদের কাছে ।

কেউ যদি বলেন : জগৎটা না-হয় ভালোই হ'লো, মানুষ মোটের উপর সুখী, এবং মানবজীবন আশ্চর্যের বিচিত্র সম্ভাবনায় সমৃদ্ধ—কিন্তু তবু যদি আমার কিছুই ভালো না-ভাগে, জগতের দিকে তাকালেই বমি আসে, তবে

আমি আমার সেই স্বকীয় বিবমিষা কবিতায় প্রকাশ করবো না কেন ? এবং প্রকাশ যদি হুঁহু ও বলিষ্ঠ হয় তাহ'লে সে-কবিতা উচ্চরের কবিতা ব'লে গণ্য হবে না কেন ? প্রশ্নটা একটু তলিয়ে দেখলেই ধরা পড়বে এর মধ্যে কোথাও কঁাকি আছে, হয় পরের নয় নিজের চোখে ধুলো দেওয়া হচ্ছে। যদি আমার জাগতিক অহুভূতি আর জগতের প্রকৃত অবস্থার মধ্যে এমনতর মৌলিক পর-মিল সত্যই থাকে, তবে আমার সে-অহুভূতি হয় ঘোরতর চিন্তাবিকারের লক্ষণ নয়তো নিছক ফাজলামি ব'লে ধার্য হবে। তার প্রকাশে কলানৈপুণ্য থাকলে রচনাটি উপাদেয় হ'তে পারে, প্রশংসনীয় হ'তে পারে ; কিন্তু কিছুতেই মহৎ ব'লে স্বীকৃতিলাভ করতে পারে না। আধুনিক কবিতার দাবি কি শুধু এই কালোয়াতির জগ্ন বাহবার দাবি ? আমার তা মনে হয় না ; কোনো সিরিয়স কবির দাবিই এতো অকিঞ্চিৎকর হ'তে পারে না !

কীটস্ সুন্দরের উপাসক ছিলেন এবং সুন্দরকে সত্যের সঙ্গে এক ক'রে দেখতে চেয়েছিলেন। কিন্তু এই সমীকরণে আস্থা রাখার জন্যে তিনি প্রয়োজন বোধ করলেন সত্যের ( অর্থাৎ বাস্তব সম্ভার ) সীমানাকে চারিদিক থেকে গুটিয়ে ফেলার, তাঁর সৌন্দর্যের ধ্যানমূর্তিকে খণ্ডিত করতে পারে এমন ধাবতীয় তথ্য থেকে দৃষ্টি সরিয়ে নেবার। রবীন্দ্রনাথের রোম্যান্টিকতা ছিলো ভিন্ন হাঁচে ঢালাই করা ; তিনি কিছুই বাদ দিতে চান না, দৃষ্টিকে সংকুচিত নয়, সম্প্রসারিত করতেই উত্তোঙ্গী। কারণ তাঁর বিশ্বাস জগৎকে টুকরো-টুকরো ক'রে, এক-একটি টুকরোকে সমগ্র থেকে বিচ্ছিন্ন ক'রে দেখলেই আমরা দেখবো কোথাও সুন্দর ( ছোটো, সীমিত অর্থে—মনোহর বা প্রীতিকর অর্থে—সুন্দর ) কোথাও-বা অসুন্দর। কিন্তু উপস্থিত দেশ-কালের ক্ষুদ্র সীমানায় নিজেকে আবদ্ধ না-রেখে, কিসে আমাদের স্বার্থ রক্ষিত হয় আর কিসে ব্যাহত এ-সব গণনা পরিহার ক'রে, যদি খণ্ডকে সমগ্রের মধ্যে দেখতে চেষ্টা করি, তবে তার যে-রূপটি আমাদের চোখে ধরা দেবে তাকে খুব বড়ো অর্থে সুন্দর বলতেই হয়।

একটা গাছকে যদি খুব নিকটে দাঁড়িয়ে তন্নতন্ন ক'রে দেখি তবে দেখবো তাতে কতো ফোকর, তার বাকল কতো জায়গায় শুকিয়ে কঁকড়ে বাঁকাচোলা এলোমেলো রেখায় বিকৃত, কতো অংশ তার পচা, পুতিগন্ধময়। কিন্তু একটু দূরে দাঁড়ালে সমগ্র গাছের এবং আরো দূরে স'রে এলে বনভূমির সৌন্দর্য সহজেই উপলব্ধ হয়। প্রাকৃতিক দৃশ্য থেকে এ হেন নান্দনিক দূরত্ব রক্ষা করা ষোষ্ঠেই

শক্ত নয়। কিন্তু মাহুঘের বেলা নিজেকে দূরে সরিয়ে সমস্ত যত্নস্বভাবিত্য বিরাট নাট্যলীলাকে নিরাসক্ত নান্দনিক দৃষ্টিতে উপলব্ধি করার মতো মন তৈরি করা অত্যন্ত কঠিন। নাটকের অভিনেতা যেমন অভিনয়কালে তার নিজ ভূমিকার সঠিক রূপায়ণে এতোই নিবিষ্টচিত্ত থাকে যে সমস্ত নাটকের রসরূপটি তার চোখে ধরা দেয় না, তেমনই আমরা যখন জীবনের মাঝখানে দাঁড়িয়ে নিজের ইষ্টানিষ্ট, সমাজের হিতাহিত বিচার ও সাধনে অত্যন্ত ব্যাপৃত, তখন মানবজীবন-নাট্যের মহান - ট্রাজিক হ'লেও মহান - রসরূপটি হৃদয়ঙ্গম করতে পারি না। 'উৎসর্গ'-এর ৩৭-সংখ্যক কবিতায় ('আলোকে আসিয়া এরা লীলা ক'রে যায়') এই ভাবটি ব্যক্ত করেছেন রবীন্দ্রনাথ। এবং শাস্তিনিকেতন মন্দিরে প্রদত্ত এক অভি-ভাষণে আরো বিস্তারিত ক'রে বলেছেন : 'মানুষ আমাদের এত অত্যন্ত কাছে যে তার সমস্ত হোলিকের আমরা বড় ক'রে দেখি... আমরা মানবসংসারের ভিতরে আজ ব'লেই তার ব্যাপরাশির ভয়ংকর ঘাতসংঘাত সর্বদাই বড় ক'রে প্রত্যক্ষ করছি। আবির্ভাব, দুর্ভিক্ষদারিদ্র্য, হানাহানি, কাটাকাটির মন কেবলই চারিদিকে চলেছে... সংসারের সমস্ত বেদনা আমাদের অত্যন্ত কাছে এসে বাজে ; যেখানে সামঞ্জস্য বিদীর্ণ হচ্ছে সেইখানে আমাদের দৃষ্টি পড়ে, কিন্তু সেই সমস্তকেই আত্মসাৎ ক'রে নিয়ে যেখানে অনন্ত সামঞ্জস্য বিরাজ করছে সেখানে সহজে আমাদের দৃষ্টি যায় না।'১

এই সামঞ্জস্য, এই সৌন্দর্য, সাহিত্যানীতিক দৃষ্টিতেই প্রতিভাত, শ্রেয়োনীতিক দৃষ্টিতে নয়। যদি কর্মীর চোখেও সব-কিছু সুস্বাদু ও সুসংগত এবং সুমহান কোনো পূর্ণ সত্তার অঙ্গরূপে প্রতিপন্ন হ'তো তবে কর্তব্যের কোনো মানে থাকতো না, কর্তব্য-পালনের কোনো প্রেরণা খুঁজে পাওয়া যেতো না। শ্রেয়োনীতির বিচারে সামঞ্জস্য সিদ্ধ নয়, সাধা ; আমাদেরই হিতৈষণা ও হিতকর্মের উপর নির্ভরশীল। কিন্তু শিল্পীর দূরে-সরিয়ে-নেওয়া চোখ এবং দূরে-মেলে-দেওয়া দৃষ্টি দিয়ে আমরা কেবল প্রাকৃতিক নয়, মানবিক জগৎকেও দেখতে পারি। তেমন ক'রে দেখলেই সত্যকে সুন্দর ব'লে জানা সম্ভব।

এই কথাটা গভীর দুঃখের মধ্যে রবীন্দ্রনাথ বলেছেন একটি স্মরণীয় কিন্তু বিশ্বতপ্রায় কবিতায়। ষণালিনী দেবীর মৃত্যুর পর যখন সমস্ত জীবন তাঁর চোখে একেবারে অন্ধকার দেখাচ্ছিলো, কোথাও লেশমাত্র সান্ত্বনা খুঁজে পাচ্ছিলেন না, তখন তিনি নিজের দুঃখকে পৃথিবীর দুঃখের প্রতীক ঠাউরে নিজেরই কবি-সত্তাকে

সম্বোধন ক'রে বলছেন—আমরা সাধাবণ মানুষেরা তো চারিদিককার দুর্দৈবের চাপে জরজর, কিন্তু তুমি তো আমাদের মতো উপস্থিত দেশকালের ছোটো গণ্ডির ভিতরে বন্দী নও, তুমি তো সকল মেঘের উপরে উঠে দেখতে পাও অনাগত উষার প্রথম আলো। সেই বাতাস আমাদের শোনাও, সেই চোখ আমাদের ফুটিয়ে তোলো।

আজি দেখো এই পূর্ব-অচলে চাহিয়া, হোথা

কিছুই না যায় দেখা—

আজি কোনো দিকে তামরপ্রাপ্ত দাঁহিয়া, হোথা

পড়েন পোনার রেখা।

হৃদয়বন্ধ, শুন গো বন্ধ মোর,

আজি শৃঙ্খল বাজে অতি সুকঠোর।

আজি শিঞ্জিব ভূলাগারে কিছু নাহি রে—

কায় সজ্জান করি অন্তরে বাহিরে।

মরীচিক লগ্নে জুড়াব নয়ন আপনারে দিব ফাঁকি

সে আলোটুকুও হারায়ে ছি আজি আমবা খাঁচার পাখি।

ওগো আমাদের এই ভয়ানক বেদনা যেন

তোমাঝে না দেয় ব্যথা।

শিঞ্জিবগারে বনিষা তুমিও বেদনা না যেন

লগ্নে বুঝা আকুলতা।

হৃদয়বন্ধ, শুন গো বন্ধ মোর,

তোমার চরণে নাহি তো লৌহডোর।

সকল মেঘের উপরে যাও গো উড়িয়া,

সেখা ঢালে তান বিমল শূলু জুড়িয়া—

‘নেবে নি, নেবে নি প্রভাতের রবি’ কহো আমাদের ডাকি,

মুদ্রিয়া নয়ন শুনি সেই গান আমরা খাঁচার পাখি।

( ৩১, ‘ভ্রমর’ )

সকলের এবং সর্বক্ষণ না-হ'লেও বহুলোকের জীবনের একটা বড়ো অংশ ছুঃখের মধ্যেই অতিবাহিত হয় এটা অস্বীকার করবার জো নেই। রবীন্দ্রনাথও অস্বীকার করেন না। কিন্তু আধুনিকেরা এই তথ্যটাকে স্বীকার করেন প্রচণ্ড বিক্ষোভ ও বিতৃষ্ণার সঙ্গে; রবীন্দ্রনাথের স্বীকৃতি অনেকটা প্রশান্ত। অমঙ্গলের প্রতি কর্মীর ক্রোধ ও দিক্কার স্বাভাবিক; শুধু স্বাভাবিক নয়, আবশ্যক। কিন্তু কবি কেন এতো ক্রোধ ও দিক্কার পোষণ করবেন—তা-ও জগতের যতোটুকু

অংশে অমঙ্গলের অধিষ্ঠান শুধু তার প্রতি নয়, সমগ্র বিশ্বব্রহ্মাণ্ডের প্রতি ? এই বিশ্বজাগতিক দিক্কারের ভাবটা যদি প্রবল হ'য়ে ওঠে তবে কবির মধ্যে কর্মী-মাহুশটা কি বেঁচে থাকবে ? আর বোদলেয়রের মতো শক্তিমান কবিরা যদি তাঁদের সাবিক বিগমিষাকে সমাদ্রম্য ছাড়িয়ে দিতে থাকেন তাহ'লে কি তাঁরা সমস্ত সমাজের কর্মশক্তিকে, শুধু কর্মশক্তি কেন জীবনীশক্তিকেও পঙ্গু ক'রে দেবেন না ? কাকার রশের কবিদের একবার ভেবে দেখা উচিত—যা তাঁরা সৃষ্টি করেছেন এবং যা ধ্বংস করছেন, দুটো কি তুল্যমূল্য ।

রবীন্দ্রনাথ আধুনিক কাব্যের আলোচনা প্রসঙ্গে লিখেছেন : ‘একটি মেয়ের সুন্দর হাসির থবর কোনো কবির লেখায় যদি পাই তাহলে বলব এ থবরটা দেবার মতো বটে কিন্তু তার পরেই যদি বর্ণনায় দেখি, ডেক্টিল্ এলো, সে তার যন্ত্র নিয়ে পরীক্ষা ক'রে দেখল—মেয়েটির দাঁতে পোকা পড়েছে, তাহলে বলতে হবে এটাও থবর বটে কিন্তু সবাইকে ডেকে ডেকে বলবার মতো থবর নয় । যদি দেখি কারো এই কথাটা প্রচার করতেই বিশেষ উৎসুক্য তা হলে সন্দেহ করব তারও মেজাজে পোকা পড়েছে ।’<sup>২</sup>

এ নিয়ে অবশ্য তর্ক উঠতে পারে ভালো লাগা যেমন সত্য, খারাপ লাগাও তেমনি সত্য, সুন্দর মতো দন্তপঙ্ক্তির মৌল্য নিয়ে যদি কবিতা লেখা যায় তবে পোকা-পড়া দাঁতের কুশ্রীতাও কবিতার বিষয় হবে না কেন ? কখনোই হবে না তা নয়, কবি নিরাসক্ত চোখে ছোটোনেই দেখবেন এবং ছোটোর কথাই তাঁর কাব্যে ঘোষণা করবেন, এতে কারো আপত্তি হ'তে পারে না । আপত্তি ওঠে যখন দেখি যে এ-যুগের কবি—অধিকাংশ কবি—চারিদিকে কেবল পোকা-পড়া দাঁতই দেখতে পাচ্ছেন, কারো সুন্দর হাসি আর তাঁদের চোখে পড়ছে না । আধুনিকতার বিরুদ্ধে রবীন্দ্রনাথের একটা অভিযোগ এই ছিলো যে, আধুনিকেরা নৈব্যক্তিকতার দাবি করেন অথচ তাঁদের দৃষ্টি মোটেই নৈব্যক্তিক নয়, কুৎসিতের প্রতি রীতিমতো আসক্ত তাঁরা, এবং ‘বিশ্বের প্রতি এই উদ্ধত অবিশ্বাস ও কুৎসার দৃষ্টি এ-ও আকস্মিক বিপ্লবজনিত একটা ব্যক্তিগত চিন্তাবিকার’ ।

এতে কোনো সন্দেহ নেই যে বোম্বাস্টিক কবিদের যেমন সুন্দরের প্রতি পক্ষপাত ছিলো, কাউন্টার-রোম্যান্টিকদের তেমনি কদম্বের প্রতি পক্ষপাত জন্মেছে ; সেই সঙ্গে এটাও তর্কাতীত যে জগতে যেমন সব-কিছুই সুন্দর নয়, তেমনি সব-কিছু কদম্বও নয় । তবে কাব্য-রচনার বেলা বেছে-বেছে কেবল

সুন্দরকে অথবা কেবল কদৰ্থকে ধ্যানদৃষ্টির সামনে রাখার মূলে একটি সামগ্রিক দৃষ্টিভঙ্গি নিহিত রয়েছে। সেটাই বিচার্য।

ষে-বিষয়টিকে নিয়ে কোনো গীতিকবিতা গ'ড়ে ওঠে সে-বিষয়টি আপনাতো আপনি সম্পূর্ণ নয়, তার একটি সাংকেতিক বা প্রতীকী ভূমিকা থাকে কবিতার মধ্যে। রবীন্দ্রনাথ স্পষ্টই জানাচ্ছেন যে কবি যখন কোনো সুন্দর বস্তুকে নিয়ে কবিতা লেখেন তখন তার সৌন্দর্যে 'আমরা যেটিকে দেখি কেবল সেটিকেই দেখি এমন নয়, তাহার যোগে আর সমস্তকেই দেখি; মধুর গান সমস্ত জলহল আকাশকে, অস্তিত্বমাত্রকেই মর্যাদা দান করে। ষাঁহার সাহিত্যবীর তাঁহার অস্তিত্বমাত্রের গৌরব ঘোষণা করিবার ভার লইয়াছেন।'<sup>৩</sup> পক্ষান্তরে, ষাঁদের মনে সমগ্র বিশ্বব্রহ্মাণ্ডের কদৰ্থতার প্রত্যয় বদ্ধমূল, ষাঁরা অস্তিত্বমাত্রের অগৌরবই ঘোষণা করবার ভার নিয়েছেন, তাঁদের কাছে 'নর্দমার ক্লেদান্ত ফেনা', 'শ্বেদশাবী বক্র বিষধর', 'বজ্রনখ পেচক' ইত্যাদিই প্রতীক হিসাবে অনেক-বেশি গ্রাহ্য হবে, ভালোমন্দে-মেশা বিচিত্র অভিজ্ঞতা থেকে তাঁরা বেছে নেবেন কুৎসিত এবং ক্লেদান্তকেই। খোলা চোখে অপক্ষপাত নিরাসক্ত নৈর্ব্যক্তিক মন নিয়ে মাহুয়ের জীবনধারার দিকে তাকিয়ে আধুনিকেরা দেখলেন যে, দুঃখ ও পাপের সংখ্যা তিন-চল্লিশ নয়, সাতার নয়, একেবারে নিরানব্বই (তুলা : 'আমার মতে জগৎটাতে ভালোটাই প্রাধান্য / মন্দ যদি তিন-চল্লিশ, ভালোর সংখ্যা সাতার') - এটা বিশ্বাসযোগ্য নয়। রোম্যান্টিকদের বিপরীত সত্য বিশ্বের মহান রহস্য-ময়তাও তাঁদের খণ্ড অভিজ্ঞতায় শুভ ও সুন্দরের প্রাচুর্য থেকে লব্ধ নয়। সারা-জীবনের পরিব্যাপ্ত অভিজ্ঞতায় আমরা ভালোমন্দ দুই-ই পাই, তাঁদের আন্ত-পাতিক সংখ্যা বা মাত্রা নির্ধারণ করা অসম্ভব।

সুন্দর-কুৎসিত, পাপ-পুণ্য, সুখ-দুঃখ, জীবন-মৃত্যু নিয়ে সমগ্র বিশ্বজগৎটা আমাদের ধ্যানদৃষ্টির সম্মুখে একটা দুতেন্ত্র রহস্যময় সাখলাইম্ দৃশ্য রচনা করবে কিংবা তুচ্ছ, কদৰ্থ, নৃত্যরজনক ও বীভৎস দৃশ্য - এটা একেবারে গোড়ার কথা, মৌলিক প্রত্যয়ের, হার্দ্যোপলব্ধির বা দৃষ্টিভঙ্গির কথা; এরই উপর রচিত হয় আমাদের সমগ্র জীবনবোধ ও জগৎদর্শন, আধুনিকেরা যদি ভাবেন যে তাঁরা রোম্যান্টিকদের রঙিন চশমা খুলে ফেলেছেন তবে তাঁরা ভুল ভাবছেন। দুই রঙের চশমার মধ্যে তাঁরা ধূসরটাকে পছন্দ ক'রে চোখে লাগিয়েছেন - এই পর্যন্ত। তর্কের দ্বারা বোঝানো যাবে না যে তাঁদের ধূসর 'দৃষ্টি মিথ্যা, কিন্তু মূল্যবোধের



নিরিখে সে-দৃষ্টির অসারতা, নান্দনিক ও শ্রেয়োনীতিক অনৌচিত্য, ধরা পড়ে। ঘৃণা ও প্রত্যাখ্যানের দৃষ্টি আমাদের সমস্ত জীবনকে পঙ্খ ক'রে দেয়, এবং আমার মতে সাহিত্যকেও। আগ্রহ ও উদ্দীপনার দৃষ্টি জীবনে সার্থকতার অবকাশ সৃষ্টি করে, এবং সাহিত্যে মহত্বের। কোনো সাহিত্য মহৎ কিনা তা কেবলমাত্র সাহিত্যিক বিচারে নিষ্পত্তি করা যায় না, যদিও সে-রচনা সাহিত্য হ'য়ে উঠেছে কিনা তার বিচার সাহিত্যের ঘরোয়া ব্যাপার—এলিয়টের এই উক্তিটির সারবত্তা বর্তমান প্রসঙ্গে বিচার্য। ঘৃণার সাহিত্যে উৎকর্ষের প্রমাণ পেয়েছি আমরা; মহত্বের স্বাক্ষর কি স্পষ্ট হ'য়ে উঠেছে?

দুঃখের কারণ যতোদিন থাকবে দুঃখও থাকবে ততোদিন। কতকগুলো কারণ চিরদিন থাকবে না অবশ্য। দারিদ্র্য, জীবিকার অনিশ্চয়তা, ব্যাধি প্রবলের অত্যাচার, প্রতাপশালীর খামখেয়াল—দুঃখের এই কারণগুলি অনতিদূর ভবিষ্যতে বিদূরিত হবে ভরসা করা যায়। অন্তত হওয়াটা আমাদের আয়ত্তের বাইরে নয়; আমাদেরই একক ও সম্মিলিত চেষ্টার উপর নির্ভরশীল। জগৎ ও জীবনের প্রতি যে-মনোপ্রতিভাস থেকে এই চেষ্টার উদ্ভব, সেই প্রতিভাসকে বাঁচিয়ে রাখার গভীর প্রয়োজন আশা করি কেউ অস্বীকার করেন না। কিন্তু দুঃখের সব কারণ অপনোয় নয়। প্রকৃতির উপর আমাদের আধিপত্য বাড়বে, কিন্তু মানুষ কোনোদিন সৌরজগতের অধিপতি হবে না। বাক্যে আমরা বলি অ্যাক্সিডেন্ট তার সংখ্যা কমবে বটে, কিন্তু দুর্দৈবের হাত থেকে বিজ্ঞান আমাদের একেবারে মুক্ত ক'রে দেবে এ-আশা বাতুলতা। ব্যাধি না-থাকলেও জরা তো থাকবে; যৌবনের পর থেকে আমরা দিনে-দিনে ক্ষয় হবোই; এবং মৃত্যু তো জীবনেরই একটি পর্যায়ের নাম। তার চেয়েও দারুণতর ব্যাপার শ্রিয়জনের মৃত্যু। এ-সব অপ্রতিরোধ্য দুঃখকে জীবন-সঙ্গী ব'লে মেনে নেওয়া ছাড়া উপায় নেই, তাদের সঙ্গে সহজ মনে ঘর-সংসার করতে শিখতে হবে আমাদের। মানুষের এই অসহায় দশা, বাক্যে জোসেফ নীড্‌হাম বলেছেন তার 'কীচারলিনেস', কোনো সমাজ-বিপ্লবের বা পাঁচ কি পঞ্চাশ সাল পরিকল্পনার দ্বারা প্রতিকার্য নয়। কিন্তু তা নিয়ে গড়ে পড়ে নাটকে চিত্রে কান্নাকাটি করা, ভগবানকে বা বিশ্বদ্রষ্টাকে গাল পাড়া অশোভন। শোভন প্রতিক্রিয়া হবে চির-হতাশ প্রেমিক য়েটসের প্রতিক্রিয়া:

I could recover if I shrieked  
My heart's agony  
To passing bird, but I am  
Dumb from human dignity.

মাহুঘের মর্ষাদাবোধ এবং আত্মদগ্ধম সাহিত্য থেকে হারিয়ে গেলে জীবন থেকেও হারিয়ে যাবে। তখন আমরা কী নিয়ে বাঁচবো, নর্মান মেলারের নায়কের মতন কি সবাই হিপ্‌স্টার হ'য়ে যাবো ?

শাস্ত্রমানা ধার্মিকদের মধ্যে অনেকের ধ্রুব বিশ্বাস যে ঈশ্বর যখন মঙ্গল-ময় এবং অনন্ত শক্তিমান তখন তাঁর সৃষ্ট জগৎ সৃষ্টির প্রথম থেকেই পরিপূর্ণ ও পরোৎকৃষ্ট, দোষ-ত্রুটির লেশমাত্র তাকে স্পর্শ করেনি। কোথাও কোনো দোষ যদি আমাদের চোখে পড়ে তবে সেটা আমাদের চোখেরই দোষ ; ষাঁরা দিব্যদৃষ্টি লাভ করেছেন তাঁরা সর্বত্রই কেবল মঙ্গল আর আনন্দই দেখতে পান। রবীন্দ্রনাথের মনও একসময়ে এই মতেই সায় দিতো :

তোমার অনীমে প্রাণমন লয়ে যত দূর আমি ধাই—  
কোথাও দুঃখ, কোথাও মৃত্যু, কোথা বিচ্ছেদ নাই।

তরুণ বয়সের ব্রহ্মসংগীতে এমনতর ভাব একাধিকবার প্রকাশ পেয়েছে। কিন্তু এটি রবীন্দ্র-মানসের স্থায়ীভাব নয়, পরিণত বয়সের মেজাজের সঙ্গে এর মিল নেই। জাগতিক অমঙ্গল ও অপূর্ণতার চেতনা তাঁর শেষ পর্বের কাব্যে খুবই প্রকট, কিন্তু গীতাঞ্জলি পর্বেও সে-চেতনার উপস্থিতি লক্ষণীয়, বিশেষত ঐ-সময়কার গল্প রচনায়। 'দুঃখের তত্ত্ব আর সৃষ্টির তত্ত্ব যে একেবারে এক-সঙ্গে বাঁধা। কারণ অপূর্ণতাই তো দুঃখ এবং সৃষ্টি যে অপূর্ণ। সেই অপূর্ণতাই-বা কেন ? এটা একেবারে গোড়ার কথা। সৃষ্টি অপূর্ণ হইবে না, দেশে-কালে বিভক্ত হইবে না ; কার্য-কারণে আবদ্ধ হইবে না এমন সৃষ্টিছাড়া আশা আমরা মনেও আনিতে পারি না। অপূর্ণের মধ্য দিয়া নহিলে পূর্ণের প্রকাশ হইবে কেমন করিয়া।'৪ পূর্ণের প্রকাশ যে একদিন হবেই সে-বিষয়ে রবীন্দ্র-নাথের মনে কোনো সন্দেহ ছিলো না গীতাঞ্জলি পর্বের গল্পে ও পদ্যে। পদ্যে সন্দেহের ঘনায়মান ছায়া দেখা যায়। 'বলাকা'র সে-ছায়া অত্যন্ত ক্ষীণ এবং প্রায় অলক্ষ্য, কিন্তু 'নবদ্বাত্রক'-এ এতোই ঘনরূক্ষ যে ধ্রুবের আলো খুব স্পষ্ট দেখতে পাওয়া যায় না, দেখতে হ'লে চোখকে অভ্যস্ত করতে হয় ঐ-কাব্যের নাস্ত্রজিক তিমিরে।

আকারহীন বাষ্পপুঞ্জ থেকে ইতস্তত ছড়ানো নীহারিকা, নীহারিকা থেকে নক্ষত্ররাশি, কয়েকটি নক্ষত্রে গ্রহচন্দ্র, কয়েকটি গ্রহে (হয়তো-বা একটিতেই) প্রাথমিক জীবাবু, সেই অণুবীক্ষণীয় জীবাবু থেকে বহু কোটি বৎসরের বহুমুখী এবং মাঝে-মাঝে পঞ্চভ্রষ্ট বা অবরুদ্ধ বিবর্তনের চূড়ান্ত পরিণাম মানুষ। মানুষের জন্মকাল ধার্য করা হয় দশ লক্ষ বৎসর পূর্বে ! কিন্তু আজও সে 'আপনার জাস্তব পূর্বপুরুষের সঙ্গে নাড়ির যোগ ছিন্ন ক'রে উঠতে পারেনি। হয়তো মানুষ হ'তে আরো দশ লক্ষ বৎসর লাগবে তার — অর্থাৎ অনাবিল বুদ্ধিচালিত ও সূক্ষ্ম বিবেক-সম্পন্ন মানুষ হ'তে। ইতিমধ্যে দুঃখের ও পাপের প্রাচুর্য না-দেখলেই আশ্চর্য হবার কথা। বরঞ্চ এই অপ্রতিহত-প্রায় জড়ের ও জড়বুদ্ধির অধিরাজ্যে অকস্মাৎ বুদ্ধ, গ্রীষ্ট, শোয়াইংসর বা গান্ধীর মতো মহাপুরুষের অভ্যুদয়ে আমাদের বিশ্বয় লাগে, বিশ্বয়ের আনন্দে গান গেয়ে উঠি :

কোন আলোতে প্রাণের প্রদীপ

ছালিয়ে তুমি ধরায় আস—

সাবক ওগো, প্রেমিক ওগো,

পাগল ওগো, ধরায় আস।

এ অকুল সংসারে,

দুঃখ-আঘাত তোমার প্রাণে বীণা ঝংকারে।

বিশ্বয় ও শ্রদ্ধা আরো প্রগাঢ় হয় যখন দেখি যে শুধু কয়েকজন মহাপুরুষ নয়, লক্ষ-লক্ষ সাধারণ মানুষও বার-বার প্রাণ তুচ্ছ ক'রে ঠেকিয়েছে পশুশক্তির স্পর্ধিত পুনরুদ্যমকে। হিটলারি দানবিকতার ভাবী কথক কাঙ্ক্ষা বীভৎস রসের সাহিত্য রচনা করলেন ; প'ড়ে আমরা তারিক করেছি, ভেবেছি এমনি ক'রে লিপতে হয় যুগোপযোগী উপক্রাস। অথচ এই দানবিক শক্তির সঙ্গে মোকা-বিলা করতে এগিয়ে এলো ইংলণ্ড, মার্কিন ও রুশ দেশের কোটি-কোটি সাধারণ মানুষ, প্রাণের মূল্যে তাকে পরাজিত করলো। ১৯৪০ সালে ফ্রান্সের পতনের পর কি কেউ ভাবতে পেরেছিলো যে এতোবড়ো অভিশাপ পৃথিবীর বুকের উপর থেকে উঠে যাবে মাত্র পাঁচ বছরের সংগ্রামে ? অথচ এই বিপুলসংখ্য মানুষের অমিত বীর্যের কাছে শক্তিযদমস্ত ফ্যাশিজমের সমূহ বিপর্যয় তো তেমন কোনো সাড়া জাগালো না আধুনিক সাহিত্যে। কেন এই পক্ষপাত ? জীবনে যখন শুভ ও সূক্ষ্মের আবির্ভাব ঘটে তখন কেন আজকের সাহিত্যিকেরা নীরব থাকেন ? একালের বীণায় তার কি কেবল অন্তরের আঘাতেই ঝংকার তুলবে ?

হুঃখ ও পাপের চিত্র তাঁর কাব্যে যথোপযুক্তরূপে পরিস্ফুট নয়—এ-কথা স্বীকার ক’রে রবীন্দ্রনাথ বলেছেন, আমি যে ‘রসতীর্থ-পথের পথিক’, ‘আমি রোম্যান্টিক’, জগতের সমস্ত কালিমার যথাযথ চিত্রণ তো আমার কাজ নয়। তবে তোমরা যদি ভাবো বাস্তব জগতের নিরতিশয় পীড়িত এবং বীভৎস চেহারাটা আমার চেনা নয়, তাহ’লে ভুল করছো ; কিন্তু সে-পরিচয়ের যথার্থ প্রকাশের ক্ষেত্র কাব্য নয়, কর্ম।<sup>৫</sup>

যেথা ঐ বাস্তব জগৎ

সেখানে আনাগোনার পথ

আছে মোর চেনা।

সেথাকার ঘেনা

শোধ করি— সে নহে কথায় তাহা জানি—

তাহার আহ্বান আমি মানি।

দৈন্য সেথা, ব্যাধি সেথা, সেথায় কুঞ্জিতা,

সেথায় রমণী দ্বন্দ্বভীতা—

সেথায় উত্তরী ফেলি পরি বর—

সেথায় নির্মম কর্ম ;

( ‘রোম্যান্টিক’, ‘নবজাতক’, )

হুঃখ ও পাপের সঙ্গে যথেষ্ট পরিমাণে পরিচিত হ’য়েও জীবনের ঐ কঠোর তথ্য-গুলিকে তাঁর কাব্যে খুব বড়ো ক’রে দেখাননি কেন—উপরের পঙক্তিগুলি তারই কৈফিয়ত।

হুঃখ ও পাপের অতিবাস্তব সত্তাকে আমরা অস্বীকার করতে পারি না, তাতে সাড়া না-দিয়েও পারি না। সে-সাড়া নান্দনিকও হবে, শ্রেয়োনিীতিকও হবে। কিন্তু আগেই বলেছি যে, দুই প্রকার সাড়াতে অমঙ্গল-চেতনার প্রকৃতি হবে ভিন্ন। যথোপযুক্ত শ্রেয়োনিীতিক প্রতিক্রিয়ার জন্য প্রয়োজন হুঃখ ও পাপের কালো দাপ-গুলিকে বড়ো ক’রে দেখা। নান্দনিক দৃষ্টি কিন্তু পড়বে দিগন্তব্যাপী সমগ্র পরি-প্রেক্ষিতের উপর ; তার মাঝখানকার কয়েকটি বিশেষ ছাপকে বাড়িয়ে দেখলে জগৎচিত্রে বর্ণসংস্থানের ভারসাম্য নষ্ট হ’য়ে সমস্ত চিত্রটা বিকৃত হ’য়ে যায়। আধুনিক সাহিত্যবীররা শ্রেয়োনিীতিক ক্রোধ আর ঘৃণা এবং তজ্জনিত অতি-রঞ্জিত বর্ণপ্রলেপনকে তাঁদের সাহিত্যে স্থান দিয়ে পরিপ্রেক্ষিতের ঠিক এই বিকৃতিই ঘটান। তাতে শুধু সাহিত্যই বিকৃত হচ্ছে না, সাহিত্যিক এবং পাঠক উভয়েরই কর্মজীবনও বিভ্রান্ত হ’য়ে যাচ্ছে। শ্রেয়োনিীতির মেজাজকে

সাহিত্যনীতিতে টেনে আনলে মর্যালিটি এবং আর্ট উভয়ই ক্ষতিগ্রস্ত হ'তে বাধ্য ।

যা সংগতভাবে আমাদের ক্রোধ বা ঘৃণা জাগাতে পারে এমন অনেক-কিছু ঘটে এই অপূর্ণ (ইম্পারফেক্ট্) জগৎ-সংসারে ; ঘটবারই কথা । ঈশ্বর কেন এমনটা ঘটতে দিলেন ব'লে অভিমান ক'রে, রাগ ক'রে, সৃষ্টি ও স্রষ্টাকে গাল পাড়তে থাকটা ছেলেমানুষি ; ইচ্ছাকৃত ছেলেমানুষি তাঁদের বেলা ধারা ঈশ্বরে আদৌ বিশ্বাস করেন না অথচ গতায়ু ঈশ্বরকে পুনরুজ্জীবিত ক'রে হাজির করেন তাঁদের কাব্যে—উদ্ভা প্রকাশ আর দুর্বাক্য প্রয়োগের লক্ষ্যরূপে । অলংকার হিসাবে ঈশ্বরের স্থান হ'তে পারে কাব্যে ; তাতে দোষ নেই । কিন্তু অলংকারিক (অর্থাৎ কাল্পনিক) ঈশ্বরের উপর তো আর সত্যিকার রাগ হয় না । তবে সত্যিকার রাগ কার উপর—জড়প্রকৃতির উপর, ইলেকট্রো-ম্যাগনেটিক ইকুয়েশন কিংবা কেমিক্যাল ফর্মুলার উপর ? তা-ও তো সম্ভব নয় । তবে কি মানুষের উপরই ? সেটা সম্ভব বটে । কিন্তু মহুগ্ন-কৃত নিষ্ঠুর অত্যাচারের সামনে দাঁড়িয়ে শুধু রাগের বা ঘৃণার কবিতা লেখা অসংগত । দেখানে কবিকে হ'তে হবে কর্মী, অস্তত তাঁর পাঠকের কর্মশক্তি উদ্বুদ্ধ করার দিকে মনোযোগী হ'তে হবে । অর্থাৎ দেখানে সাহিত্য হবে ফলিত সাহিত্য, মার্জিস্ট সাহিত্য । অতিশয় মূল্যবান জিনিস, তবে তা বিশুদ্ধ সাহিত্য নয় । বিশুদ্ধ সাহিত্য-রচয়িতা কর্মের দায় থেকে মুক্ত । কিন্তু আর-একটি অবশ্যজ্ঞাবী দায়িত্ব বর্তায় তাঁর উপর—সত্যের দায়িত্ব নান্দনিক বাথার্থ্যের দায়িত্ব ।

একজন তরুণ কবি সম্প্রতি লিখেছেন :

একদা স্বপ্নের সঙ্গে ছিল পুঁকাচুরি

অহরহ কবিতার চোব-চোব বুড়ি-বুড়ি খেলা

এখন শব্দের সঙ্গে খেলা

চৌমাথার ভিড় থেকে ফুসলিয়ে তুলিয়ে-ভালিয়ে

একটি শব্দকে ধরে কোনোভাবে ঘরে নিয়ে আস : ৬

নিছক স্বপ্নের সঙ্গে খেলা চূকে-বুকে গেছে, ভালোই হয়েছে । কিন্তু কাব্যের পূর্ণ ভাণ্ডার থেকে স্বপ্ন বাদ দিলে কি হাতে থাকে শুধু শব্দ, আর কিছুই না ? ভয়ে-ভয়ে তরুণ কবির বলি, একটু ভালো ক'রে হাতড়ে দেখুন, আরো-কিছু পাবেন । এতোবড়ো ভাণ্ডার, কতো কাল ধ'রে কতো দেশ জুড়ে নন্দিত তার

গৌরব ; তাতে কি স্বপ্নের কঁাকি আর শব্দের কারুচুপি ছাড়া আর-কিছুই ছিলো না ? ছিলো । দেশ-কালের সীমায় ধরে না এমন মহীয়ান, বিজ্ঞানের সন্ধানী আলো পৌছয় না এমন গুহাহিত সত্য ছিলো, তার ভয়ংকর-মধুর রূপের আভাস ছিলো, সত্যদৃষ্টি লাভ করার জ্ঞান আগ্রহ ও উৎকণ্ঠা ছিলো, হর্ষবিহ্বল ও ধন্যনা-বিন্দু হৃদয়ের উদ্বেলতা ছিলো । কোথায় গেলো সে-সব ? শুধু চোর-চোর বুড়ি-বুড়ি খেলা ক’রে এতোবড়ো দায়িত্ব তাঁরা এড়িয়ে যাবেন - এটা তো ভালো ঠেকছে না । মুক্তবা আলীর মুখে শুনেছি কলকাতার কোনো-এক ছাত্রদল শান্তিনিকেতনে গিয়েছিলেন ক্রিকেট ম্যাচ খেলতে । মুক্তবারা গেলেন অধ্যাপক তুর্কচির কাছে ম্যাচ দেখার ছুটি চাইতে । তুর্কচি বললেন, তোমরা বড়ো হয়েছো, কলেজে পড়ছো, খেলা নিয়ে এতো মাতামাতি কেন ? বালঃ ক্রীড়তি । আধুনিক কবিদের কাছে আমারও সেই একই নিবেদন - শব্দের খেলা নিয়ে এতো মাতামাতি করবেন না ; বালঃ ক্রীড়তি । হালফ্যাশনের কবিতা লিখতে বা পড়তে অনেক বিতর্কবুদ্ধি লাগে, তত্পরি অনেক পরিশ্রম । তাই খেলাটা যে উচুদরের এবং বিদগ্ধজনোচিত সে-কথা কবুল করতেই হবে । তবু খেলা । পক্ষান্তরে, আমি কাব্যরসান্বাদনকে জীবনের মহত্তর উপলব্ধির অগতম জ্ঞান করি । একরূপ জ্ঞান করাটা হয়তো সেকলে । হোক তা । একলে হবার জ্ঞান নবস্বাস্থ্য হ’তে ‘আমার মন নয় রাজী’ । কবিতা থেকে কী পেলাম আর কী পাইনি তার হিসাব আমার মতো অকবি কাব্যরসিককে মেলাতেই হয় ।

সত্যমিথ্যার দার ধারে না কবিতা এ-কথা যদি আধুনিকেরা বলতে চান তবে বলুন, মানতে না-পারিলেও শুনতে প্রস্তুত আছি । ক্রিকেট কিংবা শব্দের খেলা স্থায়ী আনন্দ না-দিলেও সাময়িক আমোদ তো দিতেই পারে । কিন্তু যখন দেখি তাঁরা সত্যের দার ধারেন না ব’লেই ছোটেন মিথ্যার কাছে বড়ো অঙ্কের ঋণে নিজেকে আত্মোপাস্ত ছড়াতে, তখন প্রতিবাদ না-ক’রে পারি না । সমস্ত জগৎকে এবং মানুষমাত্রকে শুভ ও সুন্দর ব’লে জানাটা যদি হয় স্বপ্ন-বিলাস, তবে সমস্ত জগৎকে এবং মানুষমাত্রকে ঘণ্য ও বীভৎস ব’লে জানানোটা দুঃস্বপ্নবিলাস । পাখির গান, চাঁদের আলো, স্নন্দবীর হাসি নিয়ে কাব্যে বাড়া-বাড়ি করা যদি ঝাকামি ব’লে নিন্দিত হয়, তবে মানুষের দুঃখ ও পাপ নিয়ে বাড়াবাড়ি করা কঠোরতর ভাষায় দিক্‌ত হওয়া উচিত, কারণ সে-বাড়াবাড়ির ফল হবে দারুণতর । দারুণতর হবে বিশেষত এই জ্ঞান যে অধুনাতন সাহিত্যিক

অমঙ্গলবিলাসের সঙ্গে ঘনিষ্ঠভাবে যুক্ত দেখি মধ্যযুগের আদি-পাপ সংক্রান্ত উন্মূলিতপ্রায় ডগ্‌মার বা তার বিকৃততর সংস্করণের পুনরুজ্জীবন। মাতৃষের স্বভাবে এমন-এক চিরজন্মগত দোষ অবশ্যতই বিদ্যমান যাতে ক'রে কোনোকালেই সে মাহুষ হ'য়ে উঠবে না, আত্মরতিতে, পরশ্রীকাতরতায়, কপটতায়, হিংসায় নিমজ্জিত হ'য়ে থাকবে দূরতম ভবিষ্যতেও, এক পাপ ছাড়লে অল্প ঘৃণ্যতর পাপে লিপ্ত হবে—নবযুগের এই কুসংস্কারকে সুশিক্ষিত মাতৃষের মনে বহুমূল ক'রে তার কর্মপ্রেরণাকে অঙ্কুরে বিনষ্ট ক'রে দেওয়াটা আধুনিক সাহিত্যের এক দুঃপনেষ কীর্তি।

খ্রীষ্টানরা তবু গ্রেস্-এ বিশ্বাস করতেন, অর্থাৎ বিশ্বাস করতেন—ঈশ্বরের অপার করুণা একদিন দেখা দেবেই এবং তখন সব-কিছু শুদ্ধ নির্মল নিষ্পাপ হয়ে যাবে। কিন্তু নিরীশ্বরবাদের সঙ্গে আদি-পাপের ডগ্‌মা যুক্ত হ'লে যোগফলটা ভয়াবহ হ'য়ে দাঁড়ায়। ম্যাটার ও মোমেন্টাম্ যেমন রূপ বদলায় কিন্তু পরিমাণে একটুও কমে-বাড়ে না, দুঃখ ও পাপও যদি তেমনি শুধু নব-নব রূপ পরিগ্রহ ক'রে চলে কিন্তু অনন্ত কালের মধ্যে তার মাত্রা বিন্দুমাত্রও না-কমে, এবং পদার্থ-বিজ্ঞানের পুণোক্ত মূলনীতির মতো এই চারিত্র্য-বৈজ্ঞানিক আপত্তিক্যটিকেও যদি আমরা অকাটা সত্য ব'লে মানি, তবে কিসের জ্ঞান প্রাপ্যতা করবো, কোনো হিতকর্ম করতে গিয়ে কেনই-বা সুখস্বাচ্ছন্দ্য ধনপ্রাণ বিপন্ন করবো? এই অতি ঘৃণ্য ভূতলে শ্রেয় যদি শুধু দুঃসাধ্য নয়, একেবারে অসাধ্য হয়, তাহ'লে ঋণ কৃষা হুইস্টিং পিবেং কিংবা সনাতন দড়ি-কলসীর সন্ধান করা ছাড়া গতাস্তর থাকে না ভূতলবাসীদের। এমনতর চূড়ান্ত নীতিবাক্য আধুনিক সাহিত্যিকেরা প্রচার করতে চান বা না-চান, এটাই কি বোদলেসের-পরবর্তী এবং তদনু-প্রাণিত সাহিত্যের ফলশ্রুতি হ'য়ে দাঁড়ায় না? বলা বাহুল্য, আমি সমগ্র আধুনিক সাহিত্যের কথা বলছি না এখানে, তার একটি মূল ধারার—বিতৃষ্ণা এবং বিবমিষার ধারার—কথাই আলোচনা করছি।

৫. কবিপুরুষ ও কথাপুরুষের বৈধ এবং

জীবনের পথে মানুষ বাত্মা করে

গান যে মানুষ গায়, দিয়েছে সে ধরা, আমার অন্তরে ;

ଦେଖିଛନ୍ତି ଶୁଦ୍ଧ ଆମ୍ଭଙ୍କର ନିଭୁତ କ୍ରମ

## ছাত্রায় পত্রিকোঁ,

যেন পাহাড়তলীতে একখানা অশুভ্রঙ্গ সরোবর ।

• • • • •

মৃত্যুর গ্রস্থি থেকে চিনিয়ে ছিনিয়ে

যে উদ্ধার করে জীবনকে

সেই রুদ্র মানবের আত্মপরিচয়ে বঞ্চিত

## ক্ষীণ পাণ্ডুর আমি

অপরিষ্কৃততার অসম্মান নিয়ে যাচ্ছি চলে।

৬. জায়াপদ রায়, "স্বপ্নের কবিতা", 'দেশ', ১ এপ্রিল ১৯৩৭



## ক বি তা র ভাষা

সাহিত্য শব্দের ব্যুৎপত্তিগত অর্থের দিকে লক্ষ রেখে রবীন্দ্রনাথ তার সংজ্ঞা দিয়েছিলেন—যা মনের সঙ্গে বিশ্বের ‘সাহিত্য’ অর্থাৎ মিলন ঘটায়। হৃৎকের সঙ্গে বলতে হচ্ছে যে সাহিত্য, বিশেষত কবিতা, আর মিলনের সেতু নয়, বিচ্ছেদের প্রাচীর হ’য়ে উঠেছে ইদানীং। কবিতার বাহন অবশ্য ভাষা, কিন্তু ভাষার দ্বারা যোগ এবং বিয়োগ দুই-ই সাধ্য। ভাষা যদি হয় কাচের মতো ভৃষ্টিভেদ, তবেই ও-পারের আলো নিয়ে আসতে পারে মনের কক্ষে, মনকে প্রসারিত করতে পারে বিশ্বের প্রাঙ্গণে। ‘পাঠকের তথ্য বা ঘটনা যখন ভাবের সামগ্রী হয়ে আমাদের মনেব সঙ্গে রসের ও-ভাবে মিলে যান তখন মানুষ স্বভাবতই ইচ্ছা করে সেই মিলনকে সব দলের সর্বজননের অধিকারভুক্ত করতে।’ এই ইচ্ছার সঙ্গে রবীন্দ্রনাথ কবিকর্মে যুক্ত করেছিলেন। ‘আধুনিক কাব্যশ্রষ্টা ও কাব্যতাত্ত্বিকদের চোখে কবিকর্মের লক্ষ্য কিন্তু সম্পূর্ণ ভিন্ন। প্রায় আশি বছর আগে মালার্শে দেগাকে যে উপদেশ দিয়েছিলেন—“one makes poetry with words, not with ideas” (শব্দ নিয়ে কাব্য রচনা করভে হয়, ভাব দিয়ে নয়)- তারই মধ্যে এই লক্ষ্যান্তরের পথনির্দেশ ছিলো বোধ করি। শব্দকেই কবিতার মূল তন্ত্রাজ্ঞ এবং ভাবকে ভেজাল মনে করার ফল হ’লো এই যে, কাব্যসৃষ্টিতে শব্দযোজনা কেবল ধ্বনির দিকে লক্ষ রেখে হ’তে লাগলো, কবিতার ভাষারও যে-একটা বোধগম্য, অন্তত হৃদয়গ্রাহ্য, অর্থ থাকা আবশ্যক এই অল্পশাসনের বিরুদ্ধে কবিদের বিদ্রোহ ক্রমাগত প্রবলতর হ’য়ে উঠলো।

আলংকারিকদের ভাষায় কাব্যের অর্থ দুই প্রকার—বাচ্যার্থ ও ব্যঙ্গ্যার্থ। বাচ্যার্থ সাদাসিদ্বেভাবে অর্থ বলতে যা বোঝায় তা-ই। ব্যঙ্গ্যার্থ বলতে ঠিক কী বোঝায় সেটা স্পষ্ট ক’রে বলা খুব সহজ নয়, তবে এই ব্যঙ্গ্যার্থেই কাব্যের প্রাণ। সেকেলে অর্থাৎ মালার্শে-পূর্ববর্তী কাব্যে বাচ্যার্থ তো থাকতোই, তহুপরি থাকতো ব্যঙ্গ্যার্থ; গভীর চেয়ে অর্থসম্বল বেশি বৈ কম ছিলো না কবিতার। আজ শুনছি অর্থের বোঝা পারাপার করতে আছে গছরূপী গাধাবোট; কবিতার

ময়ূরপঙ্খী নায়ে যে শোখিন ভাষা ভেসে বেড়ায় তার সঙ্গে অর্থের মালপত্র থাকলে নৌকাহুঙ্ক ভরাডুবি হবার আশঙ্কা। এলিয়ট বলেছিলেন, কাব্যের বাচ্যার্থ বা আভিধানিক অর্থ ছেঁটে ফেললে ক্ষতি নেই কারণ তার কাজ সামান্যই, পাঠকের প্রহরীচিত্তের সামনে ফেলে-দেওয়া এক টুকরো মাংসের চেয়ে বেশি নয়। ঐ-প্রহরীটিকে একটা-কিছু দিয়ে ভুলিয়ে তবেই কবিতা চুকতে পারে অন্তঃপুরে।

এটা প্রায় চল্লিশ বছর আগের কথা। বছর কুড়ি আগে আধুনিক সাহিত্যের আর-একজন কর্ণধার, জঁ। পল সাত্রঁ ঘোষণা করলেন যে কাব্যের পক্ষে অর্থমাত্রই অনর্থকারী। গল্পের ভাষা স্বচ্ছ কাচের মতো, নিজেকে দৃষ্টিগোচর না-ক'রে আমাদের দৃষ্টিকে এগিয়ে দেয় ও-পারের বস্তুগুলির দিকে। কবিতার ভাষা কিন্তু নিজেকেই চোখের সামনে তুলে ধরে, দৃষ্টিকে আটকে রাখে ঐ কারুকার্য-খচিত কাচের মধ্যে, কাব্যের কিছু দেখতে দেওয়া তার পক্ষে আত্মবিস্ময়জনক। আমরা কখনো-কখনো ফুলকেও তো ভাষার মতো ব্যবহার করি, গোলাপকে প্রেমের সংকেত বানিয়ে তুলি, পদ্মকে পূজার, ইত্যাদি। কিন্তু তখন ফুলের গন্ধ বর্ণ কোমলতা মৃদুতাকে আর গ্রাস করি না, আমাদের লক্ষ্য ফুলের বাস্তবিকতাকে স্বচ্ছন্দে ভেদ ক'রে (অর্থাৎ তাকে সংকেতরূপে গণ্য - বা নগণ্য - ক'রে) চ'লে যায় সংকেতিত বস্তুর দিকে। সেটা কিন্তু ফুলের পক্ষে স্ববর্মচ্যুতি, দ্রষ্টার দিক থেকে ফুলের প্রতি অবিচার। তেমন কবিতার ভাষাকে যদি অর্থ-বাহী ক'রে ফেলি, অল্প-কোনো বিষয় বা বস্তুর সংকেতরূপে ব্যবহার করি, তবে তারও মর্যাদাহানি হয়, পাঠকের দ্বারা লাঞ্চিত হয় তার একান্ত স্বকীয়, আপনাতে আপনি পরিপূর্ণ সত্তা। কাব্যপদসমূহের ধ্বনিময়তা ও চিত্রলতাই সাত্রঁ-এর মতে তার সবটুকু, তার প্রথম ও শেষ সার্থকতা। গল্পলেখকদের মতে কবি ভাষাকে কোনো কাজে লাগান না; তিনি শব্দগুচ্ছ পাঠকের চোখের সামনে বা কানের কাছে একটি মহামূল্য উপহাররূপ তুলে ধরেন। কবিতা কান দিয়ে শোনবার জিনিস, শোনো; চোখ দিয়ে, কল্পনার চোখ দিয়ে দেখবার জিনিস, দেখো; বুঝতে চেষ্টা ক'রো না। এলিয়ট যাকে বলেছেন বর্তমান কালের কাব্যসাহিত্যের অবিসংবাদিত প্রতীক, সেই ভালেরি স্বয়ং বিশ্বাস করতেন যে কবিতায় অর্থ কেন, শব্দও তেমন গুরুতর নয়। তিনি তাঁর শিষ্যদের বারণ করেছেন শব্দ নিয়ে বেশি মাথা ঘামাতে - 'যখন কবিতা লিখতে বসেছো তখন তোমার সামনে শব্দ নেই, আছে সিলেবল আর ছন্দের বৈচিত্র্য।' এর পরে পাঠক শুনে বিস্মিত হবেন না।

যে, ফরাসি দেশে এমন কবিও রয়েছেন যারা বাক্য বা শব্দের ধার ধারেন না, কেবলমাত্র স্বরবর্ণ আর ব্যঞ্জনবর্ণের অপূর্ব সমাবেশে কাব্যরচনা ক'রে খ্যাতিমান হয়েছেন।<sup>১৩</sup>

এই শতাব্দীর তৃতীয় দশকে পাশ্চাত্যের, বিশেষত ঈঙ্গ-মার্কিন দেশের বিদ্বৎ-সমাজে একটি দার্শনিক চিন্তাধারা বা স্কুল হঠাৎ আবির্ভূত হ'লো এবং অল্প-কালের মধ্যেই বেশ আসর জেঁকে বসলো। স্কুলটি লজিকাল পজিটিভিজম নামে পরিচিত। এঁদের কয়েকটি প্রধান প্রতিপাতের মধ্যে বোধ করি সবচেয়ে চমকপ্রদ এবং সোচ্চার ছিলো এই যে, এ-যাবৎকাল দর্শনশাস্ত্রের সেই প্রদেয় বিভাগটা, যাকে মেটাফিজিক্স বলা হয়, আপন মূল বক্তব্যগুলি যে-ভাষায় ব্যক্ত করেছে তার আদৌ কোনো অর্থ হয় না। অবশ্য এই রায় দেওয়ার সময়ে 'অর্থ' বলতে কী বোঝায়—ভাষান্তরে অর্থের অর্থ কী—তা নিয়ে অনেক চুলচেরা বিচার ও বাদানুবাদ করতে হয়েছিলো তাঁদের। মোটকথা, যখন তাঁরা ঘোষণা করলেন যে পরাবিচার সিদ্ধান্তগুলি অর্থহীন, তখন তাঁরা সঙ্গে-সঙ্গে এ-ফরমান-টাও জারি করলেন যে অতঃপর ভূয়োদর্শনশাস্ত্র এবদম ভূয়ো এবং বাতিল বলে গণ্য হবে, ঐ-জগালটাকে শেল্ফ থেকে নামিয়ে গুয়েস্ট-পেপার বাস্কেটে ফেলে দেওয়া দরকার। কিন্তু সাদ্রা এবং তাঁর সহদুরীরা যখন ঘোষণা করলেন যে কবিতার ভাষার কোনো মানে নেই, তখন তাঁরা এ-কথা মোটেই বললেন না যে, অতএব কবিতা ডাস্টবিনে ফেলে দেওয়ার মতো রদি মাল। বরঞ্চ বললেন : অর্থভারমুক্ত কাব্য হ'লো শুদ্ধতম শিল্পসামগ্রী, হুতরাং বড়ো সমাদরের বস্তু। সংগীতের ধনিবিস্তারের তো কোনো অর্থ নেই, অথচ তার মূল্য অর্থযুক্ত শব্দ-বিজ্ঞানের চেয়ে অনেক বেশি।

তরুণ বয়সে ভালেরি\* এবং তাঁর কবিরন্ধুরা ছিলেন ভীষণ সংগীতপ্রিয় : সন্ধ্যার পর সন্ধ্যা কাটাতেন কনসার্ট শুনে, ফিরে আসতেন উচ্ছ্বসিত আনন্দ ও ঈর্ষান্বিত অভিমান বুকে নিয়ে। শিল্পকলার যে ভূষারস্ত্র শিখরে সংগীত বিরাজ-

\* ভালেরির মতটি একটু তলিয়ে দেখা দরকার। তিনি শুধু বিংশ শতাব্দীর শীর্ষস্থানীয় ফরাসি কবি ব'লে স্বীকৃতই নন, বর্তমান কালের কবি ও সমালোচকদের উপর তাঁর প্রভাব অপরিমেয়। জাভাড়া কাব্যের তত্ত্ব ও আঙ্গিক বিষয়ক তাঁর ফরাসি প্রবন্ধগুলির ইংরেজী অনুবাহ কয়েক বছর আগে প্রকাশিত হওয়াতে আলোচনার সুবিধে হ'য়ে গেছে। ড. Paul Valéry, *The Art of Poetry*, Routledge & Kegan Paul, 1958.

মান, সেখানে কি তাঁরা কখনো তাঁদের একান্ত প্রিয় শিল্পকর্ম কবিতাকে নিয়ে যেতে পারবেন ? তাঁদের কাব্যসাধনায় একটি সংকল্প দানা বেঁধে উঠলো : কবিতাকেও সংগীতের মতো অত্যন্ত শুদ্ধ নির্মল ক'রে তুলতে হবে। যা-কিছু কবিতা নয় অথচ কবিতার মধ্যে নানা দিক থেকে ঢুকে প'ড়ে বিশুদ্ধ রসসৃষ্টি ও রসান্বাদনে বিঘ্ন ঘটছে, তার কলুষ-স্পর্শ থেকে কবিতাকে মুক্ত করতে হবে। স্তত্রাং কাকর বাছার মতন ক'রে কবিতার থালা থেকে বেছে-বেছে ফেলে দেওয়া হ'লো তত্ত্বকথা, ধর্মকথা, নীতিকথা, সমাজচেতনা, বাস্তবের বর্ণনা, ইত্যাদি। সংগীত তো এ-সমস্ত বাদ দিয়েও বা দিয়েই শিল্পসৃষ্টির চূড়ান্ত সার্থকতায় পৌঁছতে পেরেছে ; কবিতাই বা পারবে না কেন ? ভালেরি বলেছেন প্রতীকী আন্দোলনের গোড়ার কথা এই। সিথলিস্ট কবিগোষ্ঠীর শব্দচয়নের খেয়ালিপনা, ব্যাকরণের স্বৈরাচার, ছন্দের অনিয়ম, ভাষার অনাধিগম্যতা—এ-সবের ব্যাখ্যা পাওয়া যাবে ঐ সংগীতের সঙ্গে টেকা দেওয়ার আশ্রয় চেষ্টায়।

এ হেন উচ্চাভিলাষী অসমসাহসিক সংকল্প নিয়ে তো তাঁরা নামলেন কাজে ; কিন্তু মুশকিল বাধলো গোড়াতেই। প্রথম পদক্ষেপটা ছিলো নেতিবাচক, তাতে অবশ্য কোনো বিঘ্ন উপস্থিত হয়নি। ভাষার গোরব তার অর্থব্যঞ্জনায়, সেদিকটা নির্মমভাবে ছেঁটেছ'টে ভাষাকে প্রায় সা রে গা মা-র মতো রিক্ত ক'রে ফেলা গেলো সহজেই। কিন্তু তারপর রইলো কী ? সংগীতে আছে সাতটি সুর, একাধিক স্বরগ্রাম, ধ্বনির তারতম্য এবং গুণগত বিস্তার, মীড়, মূর্ছনা, গমক, তাল-মান-লয়ের বিচিত্র খেলা, আর পাশ্চাত্য সংগীতের পলিফনি, সিম্ফনি, কাউন্টার-পয়েন্ট—সবসুদ্ধ এলাহি ব্যাপার। শুধু ছন্দ আর মিল আর অল্পপ্রাসের তহবিল নিয়ে সংগীতের বিপুল ধ্বনিভাণ্ডারের সঙ্গে কবিতা টেকা দেবে কোন ভরসায় ?

অবশ্য কবিতার মাধ্যম কথা। সেই কথার বারো আনা ভাগ—যেটাকে আমরা বলতে পারি তার গুণভাগ—ছাঁটাই ক'রে ফেললেও কিছু অর্থ তো তার অবশিষ্ট থাকে, তার বিশুদ্ধ কাব্যিক অর্থ। কবিতার ধ্বনির দিকটা যদিও সংগীতের তুলনায় দীন দরিদ্র এবং অর্থের দিকটা গছের তুলনায় সাদামাটা, তবু ছটোতে মিলে সে মোটেই নিঃস্বল নয়, কারও কাছে মাথা হেঁট করবার দরকার নেই তার।

কিন্তু ছটোকে কি সহজে মেলানো যায় ? শব্দসমূহে অর্থ ও ধ্বনির মধ্যে কোনো স্বভাবজ, সর্বজনীন সঙ্গন্ধ না-থাকার দরুন কবিকে বড়ো অস্থিবিধায় পড়তে হয়।

ভালেরি উদাহরণস্বরূপ পেশ করেছেন ইংরেজি হর্স, গ্রীক হিগ্লস্, লাতিন একুয়স্, ফরাসি শেভাল্ — আমরা আরো যোগ করতে পারি বাংলা ঘোড়া, সংস্কৃত অশ্ব, পার্শী অস্প্ — এ-সবের তো অর্থ একই, অথচ ধ্বনি কতো বিচিত্র! সংগীতকারকে এই দ্বৈত সত্তার টানাপোড়েন বিধ্বস্ত করে না, অর্থের বামেলা পোহাতে হয় না তাঁকে। অত্ন-কিছুর দিকে মন না-দিয়ে কেবল ধ্বনির একটি অত্যাশ্চর্য রূপকল্প তৈরি করেন তিনি। সেই বিশেষ ধ্বনিরূপটি তাঁর তৎসাময়িক স্বজনী-প্রেরণার রূপায়ণে চরিতার্থ হ'লেই তাঁর শিল্পকর্ম সমাপ্ত হ'লো। কিন্তু কবি যদি ধ্বনির কথা ভেবে কতকগুলো শব্দ চয়ন করেন, তবে অর্থের দিক দিয়েও সেই শব্দপরম্পরা কি তাঁর রূপকারী অভীষ্টসিদ্ধির সবচেয়ে সহায়ক হবে? অথবা উল্টো ক'রে দেখলে, — যে-শব্দবিত্তাস অর্থপ্রকাশের দিক দিয়ে তাঁর উপলব্ধির অল্পগামী হ'লো, ঠিক সেই শব্দগুলির ধ্বনিসংগঠনও কি তাঁর রূপকল্পনার অল্পকূল হবে? কাজেই কাব্যরচনা মানে একই সঙ্গে কূল আর শ্রাম রাখার দুঃসাধ্য অঙ্গীকার। শেষপর্যন্ত কূলের মায়া ত্যাগ করতে হয়েছিলো রাধিকাকে, শ্রামের বাঁশ তাকে এমনি উতলা করেছিলো। তেমনি শব্দের স্বর ও ব্যঞ্জন ধ্বনির মোহিনী মায়ায় টানে আধুনিক কবিদের মধ্যে অনেকেই শব্দার্থের দিকে পিঠ ফেরাতে উদ্বৃত্ত হয়েছেন।

ভালেরি তীক্ষ্ণ বুদ্ধি তাঁকে বোঝালো যে কবি সিদ্ধকাম হবেন তখনই যখন তিনি অর্থ ও ধ্বনিকে মেলাতে পারবেন, একেবারে হরিহরায়্যা সম্পর্ক স্থাপন করতে পারবেন দুটোর মধ্যে। কিন্তু এটা তো একরকম অসম্ভব ব্যাপার। কারণ প্রায় যে-কোনো শব্দের বেলাতেই দেখা যায় তার অর্থ ও ধ্বনি একত্রিত হয়েছে নিতান্ত বাহ্য কারণে, পরম্পরের স্বাভাবিক টানে নয়। যাদের স্বভাবে মিল নেই, কবি তাদের মেলাবেন কেমন ক'রে? এ-সমস্যার সমাধান করেছেন ভালেরি একটি গুরুত্বপূর্ণ তত্ত্বকথা ব'লে। কবিতার সার্থকতা নির্ভর করবে ভাষা ব্যবহারের রীতি, নীতি ও উদ্দেশ্যের মধ্যে একটি মৌলিক পরিবর্তন ঘটানোর উপর। সাধারণ ভাষার, অর্থাৎ গদ্যভাষার, নিয়মই এই যে যখন আমি তাতে কিছু প্রকাশ করি তখন আমার বক্তব্যটি শ্রোতা বা পাঠক বুঝে ফেলার সঙ্গে-সঙ্গে সে-ভাষা নিঃশেষে বিলুপ্ত হ'য়ে যায়। তার অর্থ র'য়ে গেলো শ্রোতা বা পাঠকের মনে, উদ্দিষ্ট কর্ম বা ভাবনার পথে তাদের চালিত করলো; কিন্তু সেই অর্থের বাহন ছিলো যে-ধ্বনিপুঞ্জ তা এখন সম্পূর্ণ নিশ্চয়োজ্ঞান, স্তবরাং তা পাঠকের মন থেকে

একেবারে অস্তহিত। যেন বক্তার তীর থেকে নদীর ওপারে শ্রোতার তীরে একটি রেলগাড়িকে পার ক’রে দেওয়ার দরকার পড়েছিলো ব’লে আলাদিনের জিন মুহুর্তের মধ্যে ঠিক মাপের একটি সাঁকো তৈরি ক’রে ফেললো; তারপর রেলগাড়িটি যেই ওপারে নির্বিঘ্নে পৌঁছে গেলো, অমনি সাঁকোটা হাওয়ায় মিলিয়ে গেলো। ভালেরি এই উপমা প্রয়োগ করেননি, কিন্তু অনায়াসে করতে পারতেন।

পক্ষান্তরে, কবিতার ভাষা পাঠককে যা বলতে চায় তা ব’লে ফেলার শেষে একেবারে নিঃশেষিত হ’য়ে যায় না। যে-পরিমাণে তা অর্থব্যঞ্জনার মাধ্যম সে-পরিমাণে তার স্বকীয় সত্তা নেই। কিন্তু অর্থ বোঝানোর পরও সে যেন আর-একবার নতুন জন্ম লাভ করে শ্রোতা বা পাঠকের চৈতন্যে, অর্থ থেকে আবার শ্রোতার মনোযোগ ফিরে আসে ভাষার ধনিক্রপের দিকে। গল্পভাষার বক্তব্য-বিষয়টাই সব-কিছু, বলার ভঙ্গিটা কিছুই না। কবিতার ভাষার বিষয় এবং ভঙ্গি, অর্থ এবং ধনি, উভয়ই সমমর্যাদাসম্পন্ন; সমান মূল্যের দাবি রাখে তারা। ফলে পাঠকের মন পেণ্ডুলামের দোলকের মতো একবার ফর্ম থেকে কন্টেন্টের দিকে ছলে যায়, আবার সেখান থেকে ফর্মের দিকে ফিরে আসে। কাব্যপাঠের রসাতত্ত্ব যতোক্ষণ স্থায়ী হয়, এ-দোলা থামে না ততোক্ষণ।

এমনি এক দোহুলামান অভিজ্ঞতার কথা তুলেছিলেন রোজার ফ্রাই চিত্রকলা প্রসঙ্গে। প্রকৃত সমঝদার যখন তন্ময় হ’য়ে কোনো রূপদক্ষ চিত্রকরের আঁকা ছবি দেখেন তখন সে-ছবির বর্ণসংস্থানের সুষমা আর রেখার সৌষ্ঠব এক বিশেষ ধরনের অনুরূপিতা জাগায় তাঁর মনে, রোজার ফ্রাই এবং ক্লাইভ বেল্ যার নাম দিয়েছেন নান্দনিক অনুরূপিতা (aesthetic emotion)। এই অনুরূপিতাটি বিশেষরূপে শিল্পজগতেরই অনুরূপিতা; প্রাকৃত বস্তু (কোনো ল্যাওস্কেপ বা একটি ফল, ফুল কিংবা মনুষ্যদেহ) থেকেও পাওয়া যেতে পারে যে-অনুরূপিতা, যদি আমরা ঐ-বস্তুকে শিল্পীর শুদ্ধ নিরাসক্ত দৃষ্টিতে দেখি। কিন্তু অধিকাংশ চিত্র-রেনেসাঁস থেকে সেজান্ পর্যন্ত প্রায় ষাবতীয় যুরোপীয় চিত্র-জীবনের প্রতিবিম্বও বটে। মনে করুন ছবিটি একটি শোকার্ত মাতার কিংবা কুষ্ঠ রোগীর সেবারত কোনো সাধুপুরুষের। ছবির এই প্রতিবিম্বিত বিষয়টি আমাদের মতে আর-একধরনের অনুরূপিতা জাগাবে। সে-অনুরূপিতাকে উক্ত চিত্রসমালোচকদ্বয় লৌকিক অনুরূপিতা (life emotion) ব’লে অভিহিত করেছেন। অবশ্য বাস্তবজীবনে কোনো

শোকাক্ত মাতাকে দেখলে আমরা যা অনুভব করি তার সঙ্গে এই চিত্র-দর্শন-সম্ভাত অনুভূতির পার্থক্য আছে—যে-পার্থক্য বোঝাবার জন্য এদেশের আলংকারিকেরা দুটি ভিন্নশব্দ, ‘ভাব’ ও ‘রস’, ব্যবহার করেছিলেন এবং বলেছিলেন যে, ভাবকে রসে রূপান্তরিত করাই শিল্পীর কাজ। তবুও এই অনুভূতিটি জীবন-সংক্রান্তই এবং বাস্তবজীবনের অনুভূতির খুব কাছাকাছি। পক্ষান্তরে, আমরা যদি চিত্রের বিষয় থেকে মনটাকে নিয়ে একাগ্র হ’য়ে নিজেকে নিবিষ্ট করি তার রঙ ও রেখার স্বচ্ছ কারুকর্মে, তাহ’লে যে স্তর—বলতে গেলে পারলৌকিক—অনুভূতি লাভ করবো তার জাতই আলাদা।

এ দুই অনুভূতি যে ভিন্ন জাতের শুধু তা-ই নয়, তাদের মধ্যে কোনো স্বাভাবিক সহযোগিতা নেই, বরঞ্চ তারা অনেক ক্ষেত্রেই অসমঞ্জস। ফ্রাই কয়েকটি বিখ্যাত য়োরোপীয় চিত্রের পুঙ্খানুপুঙ্খ বিশ্লেষণ ক’রে দেখিয়েছেন কোথায় এবং ঠিক কীভাবে এই অসামঞ্জস্য ঘটেছে। অন্য অসংগতি যদি না-ও থাকে, তবু দুই ভিন্ন জাতের অনুভূতিকে আমরা কেমন ক’রে একই সময়ে যথাযথভাবে মনে স্থান দিতে পারি? একদিকে গভীর মনোযোগ ঘটলে অন্তর্দিক থেকে মন আপনিই আলাগা হ’য়ে যাবে না কি? ফ্রাই বলেছেন, চিত্র যদি একাধারে জীবনের প্রতিবিশ্বরূপে কৃতকার্য হয় এবং রঙ ও রেখার সুদক্ষ বিভ্রাসের অর্থাৎ কর্মের দিক থেকেও চরিতার্থ, তাহ’লে এই মানসিক দ্বন্দ্ব আমরা এড়াতে পারি না।

এই মানসিক দ্বন্দ্ব বা দোহুলামানতা যেহেতু শিল্পানুভূতির অখণ্ড একাগ্রতা মষ্ট করে, তাই ফ্রাই এবং বেলু চেয়েছিলেন চিত্রকলা থেকে অনুস্ফারিতার বা প্রতিবিশ্বকারিতার নির্বাসন, চিত্রকে করতে চেয়েছিলেন বিশুদ্ধ ও বিষয়বস্তু-নিরপেক্ষ। বোঝাই যাচ্ছে যে এঁদের পক্ষপাত ছিলো নির্বস্তুক চিত্রকলার, আব-স্ট্রাক্ট পেণ্টিং-এর দিকে। সংগীতভক্ত ভালেরিও ছিলেন বস্তুব্যবহিত বিশুদ্ধ কবিতার পক্ষপাতী। পরে তাঁর শিষ্য মাত্র এই মতটাকেই সংসাহসপূর্বক দ্বিধা-হীন ভাষায় ব্যক্ত করলেন। তার পরিচয় আমরা আগেই পেয়েছি।

স্বীকার করছি বিশুদ্ধ ধ্বনির শক্তিও কম নয়, তা দিয়েও মহৎ শিল্পরচনা সম্ভব। কিন্তু সে-শিল্প কবিতা নয়, সংগীতেই ধ্বনি আপন পূর্ণ মহিমায় বিরাজিত। প্রতিভূলনায়, ধ্বনির প্রকাশ-শক্তির ক্ষুদ্রাতিক্ষুদ্র অংশমাত্র ব্যবহৃত হয় কবিতায়। বিশেষজ্ঞ মহলে শোনা যায়, ধ্বনির অত্যাস্ফর্ষ রূপায়ণে সবচেয়ে

সার্থক কবি মালার্ঘ্যে আর ভালেরি। মালার্ঘ্যের একটি বিখ্যাত কবিতা “ফনের দ্বিবাংগ” অবলম্বন ক’রে ‘প্রেলিউড্’ রচনা করেছেন দেবুদী। একান্ত ধ্বনিরই বিচারে কি দেবুদীর সংগীতের সঙ্গে মালার্ঘ্যের কবিতার কোনো তুলনা সম্ভব? ছন্দের বৈচিত্র্য, মিলের অভিনবত্ব, স্বর ও ব্যঞ্জন বর্ণের স্ফুটন বিস্তার ইত্যাদি অর্থ-ব্যঞ্জনায় যতোই সহায়তা করুক (সেদিক থেকে এ-সবের মূল্য অবশ্যই স্বীকার্য) কবিতার ধ্বনিরূপকে স্বতন্ত্র ক’রে, স্বাধিকারে প্রতিষ্ঠিত ক’রে ওটাকেই বড়ো ক’রে দেখানোর যে পরিশ্রমী দক্ষতা পাওয়া যায় অতি আধুনিক সমালোচনায়, তার একমাত্র ফল কবিতাকেই ছোটো করা। সমালোচকরা যখন ভাবেন এ-যুগের কাব্যসমালোচনার প্রধান কাজ হচ্ছে খুঁটে-খুঁটে দেখানো তাঁদের আলোচ্য কবিতার কোন পঙক্তিতে তিনটে ‘শ’ ধ্বনি পাওয়া যায় আর কোনটাতে দুটো বা চারটে ‘ক’ ধ্বনি, কোথায় ক’টা হ্রস্ব স্বরের পর একটি দীর্ঘ স্বর পড়ছে আর কোথায় তার বিপরীত (বাংলা ভাষায় আবার হ্রস্ব-দীর্ঘ স্বরের ভেদ প্রায় লুপ্ত, অতি কষ্টে বাঙালি কবিরা তার অল্পস্বল্প সুযোগ গ্রহণ করতে পারেন), তখন তাঁরা একটি মহৎ শিল্পরচনাকে প্রশংসনীয় কারুকার্যে পরিণত করা ছাড়া আর-কিছুই করছেন না।

এ তো গেলো কবিতার ধ্বনির দিক, তার সাংগীতিক মূল্যের দিক। কবিতার চিত্রের দিকটা অবশ্য অপেক্ষাকৃত সক্ষম। কোনো প্রাকৃতিক দৃশ্য বা মহুদেহের এমন সার্থক বর্ণনা কবির ভাষায় সম্ভব যা শিল্পীর ঝাঁক চিত্রের তুলনায় নগণ্য নয়। কিন্তু ঠিক তুলনীয়ও কখনো হয় না। আমরা বলি ছবির মতো উজ্জল-ইমেজরি; কিন্তু ইমেজরির মতো উজ্জল কিংবা প্রাণবন্ত ছবি বলার কি কোনো মানে হয়? তুলির ঝাঁক ছবির পাশে কলমে ঝাঁক ছবি রাখলেই দেখা যাবে (পরীক্ষাটা অবশ্য কল্পনা-নির্ভর) দ্বিতীয় ছবিটি কতো ফিকে এবং দুর্বলরেখ। ঝাঁকার তারতম্য তো আছেই, তত্বপরি দেখার প্রভেদও অপরিমেয়। প্রথমটি আমরা চোখে দেখি, দ্বিতীয়টি দেখি মনশ্চক্ষে। মনশ্চক্ষে আমরা ক’টি রঙ দেখতে পারি? অনেকে সাদা, কালো ও ধূসর ছাড়া আর কোনো বর্ণই কল্পনা করতে পারেন না। এবং কতোক্ষণ ধ’রে একটি রেখাকে স্থির রাখতে পারি মানসপটে? সেকেন্ডের ভগ্নাংশ মাত্র।

দ্বিতীয়ত, এবং স্বভাবতই, কাব্যের চিত্র উপেয় নয়, ভাবপ্রকাশের উপায় মাত্র; তার সার্থকতা বাহন বা মাধ্যমরূপেই। চিত্রকল্পের সাহায্যে কবি তাঁর



উপলব্ধিকে মূর্ত ও স্থম্পষ্ট ক'রে তোলেন, মানবজীবনের বা বিশ্বপ্রকৃতির কোনো অন্তর্গত স্বরূপের সঙ্গে আমাদের পরিচয়—রবীন্দ্রনাথের ভাষায় ‘সাহিত্য’—ঘটান। ক্যানভাসে আঁকা প্রতিবিম্বকারী চিত্রও তাই করে অবশ্য। তবে সে-চিত্রের আর-একটা দিক থাকে, তার বিশুদ্ধ ফর্মের দিক বর্ণ-সংস্থান ও রেখা-সন্নিপাতের দিক। আগেই বলেছি যে ফ্রাই প্রভৃতির মতে এই দিকটাই চিত্রকলার আসল দিক, তার অনাবিল নান্দনিক দিক। কিন্তু কবিতায় যে-চিত্রকল্প পাই তার মধ্যে বিশুদ্ধ চিত্রলতা, রঙ ও রেখার কাজ প্রায় অনুপস্থিত। কোনো সাম্প্রতিক কবির উদ্ভাবিত চিত্রকল্প যতোই অভিনব চমকপ্রদ ও হৃদয়-গ্রাহী হোক, তার আঙ্গিকগত নৈপুণ্য বিষয়ে কোনো পারদর্শী আলোচনা আধুনিকতম কাব্যকলাবিদ সমালোচক-মণ্ডলীর লেখায় পড়েছি ব'লে তো মনে করতে পারছি না।

তাই আমি এ-কথা কিছুতেই বুঝতে পারি না যে দুটি মহৎ শিল্পকৃষ্টির—সংগীত আর চিত্রকলার—ঐর্ধ্যান্বিত অক্ষম অনুকরণ বা অত্যল্প ভাগমাত্র পরিগ্রহণ ক'রে তৃতীয় এক শিল্পকর্ম কবিতা কেমন ক'রে উত্তমর্গদের ছাড়িয়ে যাবে বা তাদের সমকক্ষ হবে। অথচ ঠিক এই কথাই কি আজ বলছেন না সেই সমালোচকেরা যারা কবিতার ধ্বনিগত এবং চিত্রগত উপাদানের মূল্যকে অত্যধিক প্রাধান্য দিয়ে সমালোচনা-সাহিত্যকে বিভ্রান্ত করছেন? কবিতার মাধ্যম রঙ ও রেখার তুলনায় অনেক বেশি শক্তিশালী। কিন্তু এই বিপুল শক্তির বারো আনাই নির্ভর করে তার সাংকেতিক বৃত্তি অর্থাৎ অর্থব্যঞ্জনা-বৃত্তির উপর, সাত্রা যাকে বলেছেন ভাষার বস্তুধর্ম, তার উপর নয়। বুঝতে পারি না এ কোন্ জাতীয় মর্ষকাম যার আওতায় প'ড়ে আধুনিক কবি তাঁর প্রকৃষ্ট মাধ্যমের সিকিভাগ মাত্র ব্যবহার ক'রে সংগীতকার ও চিত্রকরের সঙ্গে এক অসম প্রতিযোগিতায় নেমেছেন। কবে তিনি পুনঃপ্রতিষ্ঠিত হবেন স্বমহিমায়?

কবিতায় কবির যে সামগ্রিক উপলব্ধি ব্যক্ত হয়েছে (পুনরুক্তি নিষ্প্রয়োজন যে এ-উপলব্ধি স্বর ও ব্যঞ্জন ধ্বনির প্রতিমধুরতার বা চিত্রকল্পের বর্ণস্বময় উপলব্ধি নয়, এ-উপলব্ধি মানবজীবন ও বিশ্বজগতেরই কোনো গহ্বরেষ্ঠ গুহাহিত সত্যের) সেই উপলব্ধিকে সম্যক প্রকাশ করতে কবিতার ছন্দ মিল অন্তপ্রাস এবং চিত্রকল্পে যতোখানি সহায়তা করে ততোখানিই তারা মূল্যবান, তার চেয়ে একতিল পরিমাণ বেশি নয়। প্রকাশিত উপলব্ধির মূল্যেই কবিতার মূল্য। বলা

বাহ্য্য, প্রকাশই যদি না-হ'লো, অর্থাৎ শিল্পরূপে যদি প্রকাশ না-হ'লো, তবে সে-উপলব্ধির মূল্যের কথা ওঠে না। তুচ্ছতম উপলব্ধির প্রকাশও একটি কবিতা। কিন্তু সে-কবিতা মহৎ কি তুচ্ছ তা নির্ভর করে উপলব্ধির মহত্ত্ব বা তুচ্ছতার উপর।

এখানে অবশ্য প্রতিমান-দ্বৈতের, ডাবল স্ট্যাণ্ডার্ডের, কথা তোলা যেতে পারে। উপলব্ধির গভীরতা ও ব্যাপ্তিতে যেমন তারতম্য থাকা সম্ভব, প্রকাশেরও উৎকর্ষভেদ ঘটতে পারে। উপলব্ধি যতো গভীর ও বৈচিত্র্যাগ্রাহী হবে এবং সেই সঙ্গে প্রকাশ যতো পূর্ণ হবে, কবিতা ততোই উচুদরের হবে। কোনো-কোনো সমালোচক মূল্যায়নের এই দুটি স্বতন্ত্র মানদণ্ড অহুযায়ী কাব্যালোচনায় গ্রেট এবং এক্সেলেণ্ট এই দুই ভিন্ন বিশেষণ প্রয়োগ করেন : উপলব্ধি গভীর হ'লে কবিতা হবে মহৎ, এবং প্রকাশ যথাযথ হ'লে কবিতা হবে উৎকৃষ্ট। গঠের চেয়ে কবিতা কিছু বেশি প্রকাশ করে ব'লে কিছু বাহ্য্য উপকরণের প্রয়োজন আছে তার, কিন্তু ঐ-কাব্যোপকরণগুলিই কবিতা নয়, কাব্যিক মূল্যের আধারও নয়।

আমাদের দেশের একজন আলাংকারিকও ভালেরির মতো কাব্যরসের মধ্যে এমন এক পেণ্ডুলামের দোলা দেখতে পেয়েছিলেন। কুস্তক বলেছিলেন : কবিতা হচ্ছে সেই শিল্পকর্ম যাতে বাক্য ও অর্থ পরস্পর-স্পর্ষী, তারা পরস্পরকে চ্যালেঞ্জ করেছে, কিন্তু কেউ কাউকে হারাতে পারে না। যেন খড়্গে-খড়্গে ভীম পরিচয়, এ বলে আমায় দেখো, ও বলে আমায় দেখো। কিন্তু রসগ্রাহী চিন্তা কি এ দাঁও-কষাকষির দৃশ্যে সেই শান্তরস খুঁজে পাবে, যা সব রসের মূল রস ? কবিতায় বাক্যকে অর্থাৎ তার ধ্বনিরূপকে হার মানতে হয় বাক্যার্থের কাছে, সংগীতে অর্থকে ধ্বনির কাছে, নইলে কোনো রসেরই যথার্থ আনন্দ হয় না। দুই সমান পাল্লার মল্লবীরের পরস্পর-স্পর্ষী আখড়ায়ই উপভোগ্য, রসের ক্ষেত্র নয়। সেখানে চাই বিনয় এবং সর্বোপরি সমন্বয়।

রসের ক্ষেত্র সমানে-সমানে মোকাবিলা — ভালেরির ভাষায় 'an equality of value and power' — কি কোথাও নেই ? আমার মতে সংগীতে যেমন একটি মূল্য সর্বসর্বা, তেমনি কবিতায় অল্প মূল্যটি স্বরাট। তবে অর্থ ও ধ্বনির সামুদ্র্য ঘটেছে হয়তো সেই ক্ষেত্রে যেখানে দেখা যায় কবিতা আর সংগীতের দৈবরাজ্য — গানের ক্ষেত্রে। দেখানেও কিন্তু নির্বিণেশিতভাবে সমাধিকারের কথা বলা সংগত নয়। কালোয়্যতি গানের বেলা স্বরের আধিপত্য অবিসংবাদিত,

কথা সেখানে নিতান্তই গোপ, তাঁবেদারি আর তল্লিবরদারি করা ছাড়া তার উপায় নেই। প্রথমত, অধিকাংশ কালোয়াতি গান কবিতা হিসেবে অশ্রদ্ধেয়, গান শোনার সময়ে সে-গানের কাব্যিক মূল্য সম্বন্ধে যদি আমরা সচেতন হ'য়ে উঠি, তা হ'লে রসের ব্যাঘাত ঘটে। ফৈয়াজ খাঁর জোনপুরী অতি চমৎকার গান, কিন্তু তার কথাগুলির দিকে—ফুলবনকি গৌদন মৈকা না মারো রে—মনোনিবেশ না-থাকাই ভালো। সমস্ত গানটা এবং অধিকাংশ মার্গসংগীতের গান—কেবল সরগমে গাওয়া হ'লেও বিশেষ ক্ষতি হ'তো ব'লে তো মনে হয় না।

পক্ষান্তরে, রবীন্দ্র-সংগীতে আমরা দেখি কথাই রাজ্যদ্বিরাজ। প্রথম বহুসের ধ্রুপদাঙ্গ এবং গোটাকতক টঙ্কা শ্রেণীর গান বাদ দিলে কথার মহিমার কাছে সুরের গৌরব সর্বত্রই নতিস্বীকার করেছে। বোধহয়, এমন হাজারখানেক গান দৃষ্টান্তস্বরূপ পেশ করা যায় যার কথা বাদ দিয়ে গুনগুন ক'রে শুধু সুর ভাঁজলে (বা ওস্তাদি গানের কায়দায় সরগমে দারলে—পক্ষজ মল্লিক যেমন ক'রে মাঝে-মাঝে রেডিয়োতে গেয়ে দেখান), তাদের সমগ্র মূল্যের যৎসামান্যই পাবো আমরা; অথচ সুর বাদ দিয়ে শুধু কবিতা হিসেবে পাঠ করলেও ঐ-গানগুলির কাব্যিক উৎকর্ষে অভিভূত হ'তে হয়। বুদ্ধদেব বসু বলেন, গীতাঞ্জলি পর্বের গান তিনি পড়তেই ভালোবাসেন, কেউ এশাজ ও তবলা সহযোগে গেয়ে শোনালে তাঁর মনে হয়, গোলাপ ফুলের উপর রঙ লাগানো হয়েছে। এ-বিষয়ে আমি কিন্তু তাঁর সঙ্গে একমত নই। 'আরো আবার সইবে আমার', 'অশ্রুভরা বেদনা দিকে দিকে জাগে', 'এসো শরতের অমল মগিমা', 'কোথা যে উধাও হ'ল মোর প্রাণ উদাসী'—কবিতা হিসাবে অতীব সুন্দর সন্দেহ নেই। কিন্তু কণিকা বন্দ্যোপাধ্যায়, সূচিত্রা মিত্র, নীলিমা সেন আর দেবব্রত বিশ্বাসের কণ্ঠে শোনার পর ঐ-গানগুলির মূল্য আমার কাছে বহুগুণীকৃত হ'লো, অস্তুরের আরো গভীরে প্রবেশ করলো। তবু বলবো, রবীন্দ্রনাথের অত্যধিক সংখ্যক গানে আমাদের রসোপলব্ধি প্রধানত কথার উপর নির্ভরশীল; সুর মোটেই উপেক্ষণীয় নয়, কিন্তু তার ভূমিকা সহকারীরূপে, প্রতিদ্বন্দ্বীরূপে নয়।

গান শোনার অভিজ্ঞতায় প্রতিদ্বন্দ্বিতা বা পরস্পর-স্পর্ধা যে আমি নিজে কখনো লক্ষ করিনি, তা নয়। মীরার ভজন শুভলক্ষ্মী যেভাবে গেয়েছেন, তাতে কথা আর সুরের মধ্যে কেউ কাউকে ছাড়িয়ে যেতে পারেনি। দুটোই আমাকে সমান মুগ্ধ করে। মহাজন-পদাবলি স্বগায়কের কণ্ঠে শুনেও ছুটি রসের ভার-

সাম্য অনুভব করেছি আমি। আমার এক বন্ধু, যিনি একাধারে কাব্যরসিক এবং সুরের সমঝদার, রবীন্দ্রনাথেরও কয়েকটি গানের উল্লেখ করলেন (বিশেষত, ‘বাজে করুণ সুরে হায় দূরে’, আর ‘নীলাঞ্জন ছায়া’), যাতে তাঁর মন বারে-বারে কথা থেকে সুরে চলে যায়, আবার ফিরে আসে কথায়, দুটোর কোনোটাই একাধিপত্য বিস্তার করতে পারে না তাঁর রসান্বাদনে।

এগুলিকে আমি বলবো যুগ্ম শিল্পসৃষ্টি; দুটি স্বতন্ত্র শিল্পকর্ম ও শিল্পমূল্য একত্রিত হয়েছে তাতে, কিন্তু এক হ’য়ে যায়নি। পরিপূর্ণ ঐক্য প্রতিষ্ঠা করতে হ’লে একটিকে অন্যটির বশ্যতা এবং খানিকটা আত্মত্যাগ স্বীকার করতে হয়। ফ্রাই-এর মতে প্রতিবিশ্বকারী চিত্রও এমনিতর যুগ্ম শিল্প। তাতে সাহিত্য ও চিত্রকলা আপন স্বাভাব্য না-হারিয়ে সহবাস করছে মাত্র। এ-সব যুগ্ম শিল্প-সৃষ্টির রসান্বাদনে আমাদের মন সত্যিই একটা থেকে অন্যটাতে দোলা খেতে থাকে, কোনো-একটাতে স্থিতিলাভ করতে পারে না। কোনো-কোনো বিখ্যাত চিত্রের ক্ষেত্রে অবশ্য দুটো শিল্পকর্ম পরস্পরের সহায়ক হ’য়ে আমাদের সমগ্র রসানুভূতিকে ঘনীভূত করে। কিন্তু সেটা প্রত্যাশিত নয়, দৈবাৎ ঘটে যায়। রোজার ফ্রাই-এর সঙ্গে একমত হ’য়ে আমিও সাধারণভাবে শিল্পে শুদ্ধতার পক্ষ-পাতী।

রবীন্দ্রনাথ অল্পবয়সে লেখা “সংগীত ও কবিতা” শীর্ষক একটি প্রবন্ধে সংগীত ও কবিতা উভয়কেই ভাবপ্রকাশের উপায় বলেছিলেন। এ-কথা সত্যি যে, সুরের দ্বারা মেজাজ বা মুড (যথা করুণ, বিষণ্ণ, উৎফুল্ল, উদ্দীপ্ত ইত্যাদি) উদ্বেক করা যায়। কোনো গানের সুর যদি বিশেষ একটি মেজাজ তৈরি করে এবং গানের কথা সেই মেজাজেরই বিশেষীকৃত, স্পষ্টীকৃত ও বিস্তৃত কোনো ভাব প্রকাশ করে, তবে কথা আর সুর হয় হরিহরাত্মা, দুটোর বৃত্তি (function) খানিকটা স্বতন্ত্র হ’য়ে অনেকটা পরস্পর-সম্পূরক ও পরিবধক হবে। সুর ভাবকে গভীরতা, প্রগাঢ়তা ও তীব্রতা দান করবে; কথা ভাবকে আমাদের মননে ও সংবেদনে কতকটা (কতকটার উপর জোর দিতে চাই) স্পষ্ট ক’রে তুলবে, এবং ভাব যে-কালে নিরালম্ব নয়, বহির্জগতের উপলব্ধিবিশেষের সঙ্গে অঙ্গাঙ্গিরূপে জড়িত, তাই ভাবের সেই বিষয়গত দিকটাও কখনো আভাসে ইঙ্গিতে, কখনো-বা নাতিপরোক্ষ বর্ণনার দ্বারা জানিয়ে দেবে। রবীন্দ্র-সংগীতে কথা ও সুরের ভূমিকা মোটের উপর এই প্রকারের।

কিন্তু তার মানে রবীন্দ্র-সংগীতে স্বর আপন পূর্ণ মহিমায় বিরাজিত নয়, স্বরের একটা দিক মাত্র, অর্থাৎ কেবল ভাবোদ্বেক বা মেজাজ-সৃষ্টির শক্তিটাকেই কাজে লাগানো হয়েছে শব্দবাহিত ভাবকে প্রগাঢ়তর ক'রে তুলবার জগ। কিন্তু স্বরের আর-একটা দিক আছে—তার শৈলীগত বিস্তারের দিক, তার রূপকল্পের অত্যাশ্চর্য বৈভবের দিক। এই দিকটার পূর্ণ প্রতিষ্ঠা মার্গসংগীতে। যখন কোনো রাগিণীর জটিল এবং মহদৈশ্বর্যবান রূপ ধীরে-ধীরে অভিব্যক্ত হ'তে থাকে আকুল করিম গা বা গঙ্গনাঈয়ের মতো গাইয়ের কণ্ঠে, তখন তা আমাদের মনকে সম্পর্শ টেনে নেয়। গানের কথা অর্থাৎ কথার অর্থ, তখন তুচ্ছ হ'য়ে যায়। এমন-কি, স্বরকে আর হর্ষবিষাদাদি ভাবপ্রকাশের বাহনও মনে হয় না; তেমন একটা ভাব মনে জাগলেও সেটাকেই স্বরসৃষ্টির শেষ কথা ব'লে ভাবতে পারি না। রাগিণীর পূর্ণাঙ্গ স্বরূপ ঠিকমতো প্রকাশ পেলে এক বিশেষ ধরনের অনুভূতি জাগতে সক্ষম হয়, আগেই যার কথা বলেছি এবং যাকে ক্লাইভ বেল-এর ভাষায় বিশুদ্ধ নান্দনিক অনুভূতি আখ্যা দিয়েছি। সংগীতের এই সূক্ষ্ম ও বহুলাঙ্গ রূপকল্প বা ফর্মের যথোপযুক্ত রসসম্ভোগে যিনি অধিকারী, তিনি সংগীতের অল্প বৃত্তিগুলিকে গৌণ এবং সহকারী না-মনে ক'রে পারেন না।

কবিতারও যে একটা ধ্বনিময় রূপ আছে, তা আমি অস্বীকার করতে চাই না। কিন্তু সে ধ্বনিকপকে বিশুদ্ধ সংগীতের পর্যায়ে তুলবার চেষ্টা বুথা। এমন-কি, গানের সঙ্গেও তুলনা হয় না কবিতার ক্ষুতিগত প্রকাশ-শক্তির। কোনো কবিতাতে ধ্বনির কৌশল যতো পরিশীলিতই হোক, যুলো পরিমাপে তা ঐ-কবিতায় অধিব্যক্ত ও আধো-ব্যক্ত অর্থের প্রতিচ্ছন্দী হ'তে পারে না, যেমন কোনো সর্বাঙ্গসুন্দর গানে স্বর হ'তে পারে কথার প্রতিচ্ছন্দী। উচ্চারিত শব্দ-পরম্পরা আমাদের মনোযোগ আকর্ষণ করে অন্তর্নিহিত অর্থের দ্বারা, শুধু তার আওয়াঙটুকু শুনবার জগ কে কান বা মন পাতবে? যে-ভাষা আমরা একটুও বুঝি না, সে-ভাষায় উৎকৃষ্ট কাব্যপাঠ দু-মিনিট শুনবার পরই বিরক্তি জাগে। আর যদি-বা কোনো কবি বহু যত্নে শব্দের পর শব্দ সাজিয়ে একটি সূক্ষ্ম সুন্দর ধ্বনিরূপ আপন মনে রচনা করতে সক্ষম হন, সেটাকে তিনি পাঠকের কাছে পৌছিয়ে দেবেন কোন উপায়ে? তিনি কি সংগীতের নোটেশনের অল্পরূপ কোনো অভিনব সাংকেতিক চিহ্ন উদ্ভাবন করবেন? ছাপার অক্ষর তো

ধ্বনির সমস্ত সূক্ষ্মতা, জটিলতা ও মাধুর্য বর্জন ক'রে তার স্থূলতম সর্বসাধারণীকৃত রূপমাত্র বহন করে।

কাজেই, আমার কোনো সন্দেহ নেই যে, কবিতার বেলায় অন্তত ধ্বনির ভূমিকা অত্যন্ত গৌণ, সহকর্মী বা সহধুরীর নয়, পরিচরকের মাত্র। কোনো আধুনিক কবি যদি ভালেরির ফরমূলা অনুযায়ী পাঠকের চিত্তকে কবিতার ধ্বনি থেকে অর্থে এবং অর্থ থেকে ধ্বনিতে দোহুল্যমান করতে প্রয়াসী হন, তা হ'লে এই তুচ্ছ থেকে মহৎ এবং মহৎ থেকে তুচ্ছ দ্রুত গুঠা-নামার ফলে সে-পাঠকের রক্ষণপলকি নিশ্চয়ই গুরুতরভাবে ব্যাহত হবে। ভালেরি স্বকবি হ'তে পারেন, সঙ্গুরু মোটেই নন।

কিন্তু কেন মালার্থে আর ভালেরির মতো শক্তিমান কবিরা কাব্যের অর্থব্যঞ্জনারূপের প্রতি বীতশ্রদ্ধ হ'য়ে কবিতার ভাষাকে প্রধানত অর্থের বাহন জ্ঞান না-ক'রে রূপের আধার ব'লেই গণ্য করলেন? ভালেরি তো সোজাছজি ব'লেই ফেললেন যে তাঁর জাগতিক উপলব্ধিতে এমন কোনো অপূৰ্বতা নেই যার উপযুক্ত বাহন হবার গৌরব অর্জন করতে পারে তাঁর কবিতার ভাষা। 'আমি একজন এঞ্জিনিয়ার মাত্র, আমার কাজ শব্দের ইট-পাথর দিয়ে একটা সুরম্য ইমারত খাড়া করা।' কবিদের মধ্যে শব্দের প্রতি এই অত্যাশাহ যখন লক্ষণীয় হ'য়ে উঠলো তার কিছু আগে দেখা দিয়েছিলো মাহুষ ও প্রকৃতি বিষয়ে উৎসাহের অতিশয় অভাব, শুধু অভাব নয়, বিপরীত ভাব। এই পারস্পর্যটাকে কাকতালীয় মনে করবার কারণ নেই।

রেনেসাঁসের সময়ে সঁবাই না-হলেও বিদগ্ধজনেরা প্রকৃতি ও মাহুষ সম্বন্ধে গভীর কৌতূহল, উৎসাহ ও অন্বেষণ বোধ করতে আরম্ভ করেন। বলা উচিত পুনরায় আরম্ভ করেন, তাই ঐ-যুগের নাম 'রেনেসাঁস' বা পুনরুজ্জীবনের যুগ। ছ-হাজার বছর আগে পেরিক্লিয়ান এথেন্সেও এমনি বা আরো প্রবল চিন্তের উদ্দীপনা দেখা দিয়েছিলো। তারপর (গ্রেকো-রোমান সভ্যতার পতনের পর) য়োরোপীয় মানস রইলো তমসাচ্ছন্ন, বিয়ুট, নিঃসুম হয়ে কয়েক শতাব্দী। দশম শতাব্দী থেকে চতুর্দশ শতাব্দী পর্যন্ত মধ্যযুগ নামে অভিহিত। তখনও একপ্রকার চিন্তাজাগরণ অবশ্যই ঘটেছিলো, কিন্তু ঝাঁপা জাগলেন তাঁরা মাহুষ বা প্রকৃতির দিকে চোখ মেলে চাইলেন না, মনকে একান্তভাবে নিবিষ্ট করলেন জগতোত্তীর্ণ ঈশ্বরের চিন্তায় ও ঈশ্বর-প্রেরিত শাস্ত্রের ব্যাখ্যায়। রেনেসাঁসের সময় থেকে

ঈশ্বরের স্থান ধীরে-ধীরে অধিকার করলো মানুষ এবং প্রকৃতি। অল্পবিস্তর জোয়ার-ভাঁটা সত্ত্বেও এই মানবমুখিনতা ও প্রকৃতিপ্রিয়তা হ'য়ে দাঁড়ালো য়োরোপীয় চিন্তের স্থায়ী মেজাজ।

ঊনবিংশ শতাব্দীর প্রথমার্ধে এই মনোভঙ্গিই রোম্যান্টিক রিভাইভালের নামে মতুন ক'রে এবং বলিষ্ঠতর হ'য়ে আবার প্রতিষ্ঠিত হ'লো। তবে রোম্যান্টিকদের মনে মানুষ সম্বন্ধে যতো উচ্ছ্বাসই থাক, তাঁরা মানুষের দুঃখ-দুর্দশা, স্বার্থপরতা, পরস্পর-বিদ্বেষ ইত্যাদি বিষয়ে অনবহিত মোটেই ছিলেন না। কিন্তু সর্বব্যাপী দুঃখ ও পাপের চেতনা তাঁদের মানববিশ্ব ক'রে তোলেনি। কীটস্-এর মতো কেউ ভাবতেন জীবনের নিষ্করণ পরীক্ষায় মানবাত্মা শুদ্ধ ও পূর্ণতাপ্রাপ্ত হয়; শেলির মতো কেউ এক অনাগত স্বপ্ন সমাজের স্বপ্ন দেখতেন যাতে মানুষমাত্রই দৈহিক ও মানসিক সুখে-স্বাচ্ছন্দ্যে জীবনধারণ করতে পারবে; কেউ-বা এক অতীত স্বর্ণযুগের কল্পস্বত্বে চারণে মগন হ'য়ে উঠলেন। কিন্তু মানুষকে, দুঃখী ও পাপী মানুষকেও, ভালোবাসতেন তাঁরা সবাই, আর মানবীকৃত প্রকৃতিকে।

বাইরের জগৎ সম্বন্ধে যে-কবিদের মনোভাব এতোখানি ইতিবাচক ও রসগ্রাহী, তাঁরা স্বভাবতই কবিতার ভাষাকে স্বচ্ছ রাখতে চাইবেন, সেই ভাষার কাচের ভিতর দিয়ে দেখাতে চাইবেন মানবিক ও প্রাকৃতিক জগতের অশেষ রূপবৈচিত্র্য বা সেই রূপবৈচিত্র্যে আত্মাসিত কোনো অন্তর্গত সত্য বা সংসারের শত কর্মে লিপ্ত মানুষের দিনাত্মদৈনিক দৃষ্টি এড়িয়ে যায়। কবিতার ভাষা একাধারে প্রকাশ করবে শিল্পীমনের অনন্ত ভঙ্গিকে এবং সেই মনোভঙ্গির বিশিষ্ট দর্পণে বিশ্বজগতের স্বরূপটি যেমনভাবে প্রতিবিম্বিত হয়েছে, তাকে। কবির মন ও কবির দেখা জগৎ মিলিত হ'য়ে একটি অখণ্ড রূপলাভ করবে তাঁর কাব্যরচনায়। সে-রচনা সব-কিছুকে আড়াল ক'রে নিজের অতিদক্ষ চারুকর্মকেই সর্বাঙ্গাঙ্গী দৃষ্টমান ও মূল্যবান ক'রে পাঠকের দৃষ্টিকে এখানে আটকে রাখবে—এমন কথা তাঁরা কখনো ভাবতেই পারতেন না।

ঊনবিংশ শতাব্দীর মধ্যভাগে কিন্তু এই দৃষ্টিভঙ্গিতে এবং তার অনুকূল শিল্পভাবনায় বেশ বড়োরকমের পরিবর্তন দেখা দিলো। পরিবর্তনের কারণ বহু-বিস্তৃত। সে ঐতিহাসিক আলোচনায় প্রবৃত্ত হবার মতো বিচ্ছেদ আমার নেই, এখানে স্থানেরও অভাব। প্রাসঙ্গিক দু-কথা খুব সংক্ষেপে বলতে গেলেও নাম করতে হয় ডারুইন এবং মার্ক্স-এর। বহু কষ্টসাধ্য-গবেষণার পর ডারুইন প্রতিপন্ন

করলেন যে, মানুষ পতিত দেবদূত নয়, দেবতার প্রতিচ্ছবি নয়, বৃহৎকায় বানর-জাতীয় কোনো জন্তুরই বংশধর। এর ফলে স্বভাবতই মানুষের দ্বিবা-গুণাবলী অপেক্ষা তার জাস্তব বৃত্তিগুলিই অধিকতর প্রকট ও প্রণিধানযোগ্য হ'য়ে উঠলো জানী এবং শিল্পীর চেতনায়। অতীতকালে, শ্রমশিল্পবিপ্লবের প্রথম ধাক্কা লেগে এবং ধনিকতত্ত্ব গ'ড়ে-ওঠার প্রাথমিক পর্যায়ে (বলা যেতে পারে তার প্রসব-বেদনায়) সমস্ত সমাজ-জীবনে যে চারিদ্রাব্যনৈতিক দুর্গতি এবং শ্রমিকশ্রেণীর মধ্যে যে অর্থনৈতিক দুর্দশা চরমে দেখা দিয়েছিলো, তার মর্মস্পর্শী চিত্র আঁকলেন ঐতিহাসিক কাল মাক্স। দার্শনিক ও সমাজ-বিজ্ঞানী মাক্স বোঝালেন যে, শিল্প, সাহিত্য, দর্শন, ধর্ম—এক কথায় গোটা সাংস্কৃতিক হর্ম্যপ্রাসাদের ভিত্তিগুলে রয়েছে সত্য-শিব-সুন্দরের কোনো মহান আদর্শ বা ঐশীপ্রেরণা নয়, নিতান্ত স্থূল অর্থনৈতিক স্বার্থ ও তজ্জনিত শ্রেণী-সংঘর্ষ। মানুষের এই উভয়বিধ জাস্তব কদম্ব রূপ দেখে অনেক কবির স্পর্শকাতর চিত্ত মানববিমুখ হ'য়ে উঠলো।

প্রকৃতি সম্বন্ধে উৎসাহেও ভাঁটা পড়লো ঐ-সময়ে, কিন্তু স্বভাবতই ভিন্ন কারণে—প্রাকৃতবিজ্ঞানের যুগান্তকারী উন্নতির ফলে। প্রকৃতির রহস্যাবরণ একে-একে ছিন্ন হ'তে লাগলো। যে-সব প্রাকৃতিক বস্তু ও ঘটনা বুদ্ধিকে প্রতিহত করতো ব'লে বিশ্বয়ের রোমাঞ্চ জাগিয়ে তুলতো, একপ্রকার অতীন্দ্রিয়ানুভূতি বা মরমীয়াভাবে কবিচিত্ত ভ'রে দিতো, সে-সব যাবতীয় ব্যাপার দেখা দিলো জড় ও বৈজ্ঞানিক শক্তির গোটাকতক গাণিতিক সূত্ররূপে। এই সূত্রগুলিকে হাতের মুঠোয় চেপে ধ'রে যার সঙ্গে প্রভু-ভূত্যের সম্পর্ক স্থাপিত হ'তে চলেছে, সেই প্রকৃতিকে নিয়ে কি ওয়ার্ডসওয়ার্থের মতো মিষ্টিক ভাবে বিভোর হওয়া যায়? কোলরিজ এই সিদ্ধান্তে পৌঁছলেন যে যেহেতু কবির দেখা জগৎ বিজ্ঞানীর মাপজোখ-করা জগতের সঙ্গে আদৌ মিলছে না, তাই কবির জগৎ তাঁর মনেরই ব্যাপার, বিজ্ঞানীর জগতের তুলনায় নিতান্ত অলীক :

We in ourselves rejoice ;  
And thence flow all that charms our ear or sight  
All melodies the echoes of that voice  
All colours a suffusion from that light.

যে-প্রকৃতি বিজ্ঞানীর গবেষণার বিষয় এবং যে-প্রকৃতি কবির আনন্দ ও বিশ্বয়ের উৎস, এই দুই প্রকৃতি যে একাধারে—বহিঃ ও ভিন্ন অর্থে—সত্য হ'তে



পারে, এ-কথাটা উনবিংশ শতাব্দীতে অনেকের কাছে স্পষ্ট হয়নি। আমার তো মনে হয়, রবীন্দ্রনাথ যেমন ক'রে এই কথাটা বুঝেছিলেন তাঁর পরিণত বয়সের কবিতায়, আর কোনো কবি তেমন ক'রে বোঝেননি। রবীন্দ্রনাথ বুঝেছিলেন যে, বিজ্ঞানের জয়তোরণ যতোই চোখে ধাঁধা লাগাক, তাই ব'লে বিজ্ঞানের সত্যের কাছে কবিতার সত্য নতিস্বীকার ক'রে পিছু হ'টে যাবে, এবং সমগ্র বাস্তব সত্তার উপর বিজ্ঞানশাস্ত্রের একচ্ছত্র সাম্রাজ্য মেনে নিয়ে কবিতা রিচার্ডস্-এর উপদেশ অনুযায়ী নিজেকে অলীক কল্পনার জাল-বোনার বা সাত্র-এর পূর্বোক্ত কথামতো অর্থহীন শব্দের ভোজবাজিতে পরিণত ক'রে সমুদ্র ত্যাগবে, এটা কবিতার পক্ষে অসহনীয় আত্মবমাননা।

যা-ই হোক, মানুষ ও প্রকৃতি বিষয়ে যখন কবিদের উদ্দীপনা নিভু-নিভু, এমন সময় দেখা দিলেন আধুনিক কাব্যের মন্ত্রগুরু বোদলেয়র। বললেন, মানুষের সামনে দুটিমাত্র পথ খোলা আছে—জীবনকে আর জগৎকে ভালোবাসলে আমরা যাবো শয়তানের দিকে; ঘৃণায় সে-দিক থেকে মুখ ফিরিয়ে নিলে হয়তো-বা ভগবানের ঠিকানা খুঁজে পাবো। তাঁর কথা আমি ইতিপূর্বে আলোচনা করেছি। এখানে এইটুকু বলা প্রয়োজন যে, তাঁর শিষ্য-অনুশিষ্যরা—র্যাবো, মালার্মে, ভালেরিরা—উত্তরাধিকারস্বত্রে পেলেন ঘৃণা ও প্রত্যাখ্যানের মনোভঙ্গি। অথচ তাঁদের মনে বোদলেয়রের ক্যাথলিক ধর্মবিশ্বাস আদৌ বন্ধমূল ছিলো না। বিশ্বজগতকে, প্রকৃতিকে, মানুষকে যদি ঘৃণাভরে প্রত্যাখ্যান করা হয়, অথচ ভগবানের দিকে মনের জানালা বন্ধই থাকে, তাহ'লে কী নিয়ে মানুষ বাঁচবে? কবিতা নিয়ে। মালার্মে থেকে (প্রকৃতপক্ষে বোদলেয়র থেকে) য়েটস পর্যন্ত প্রায় সব প্রতিভাবান কবির মুখে এই একই বার্তা ঘোষিত হ'লো—কবিতাই একমাত্র সত্য, আর সব-কিছু মিথ্যা, তুচ্ছ, পরিত্যাজ্য।<sup>৪</sup> রবীন্দ্রনাথের সমস্ত জীবন, মনন, হৃদয়ানুভূতি ও কাব্যসৃষ্টি এ-বার্তার তীব্রতম প্রতিবাদ।

কবি যদি জগতের সব-কিছু প্রত্যাখ্যান করেনও, তবু তাঁর অন্তরের গোপন রহস্য তো রইলোই, সেখানেই তাঁর কাব্যসৃষ্টির উৎসের সন্ধান করবেন তিনি, সেখান থেকেই পাবেন সঞ্জীবনী শক্তি। শিল্পসৃষ্টি বহির্জগতের প্রতিবিম্ব নয়, শিল্পীর অন্তলোকের অভিব্যক্তন—রোম্যান্টিক যুগে এই মতটি ব্যাপক স্বীকৃতি-লাভ করেছিলো। রবীন্দ্রনাথেরও সায় আছে এতে। কিন্তু অন্তরকে বাহির থেকে বিচ্ছিন্ন ক'রে রবীন্দ্রনাথ দেখেননি কখনও। বলছেন, 'জগতের যতটা জ্ঞানের

দ্বারা আমি জানিব ও হৃদয়ের দ্বারা আমি পাইব ততটা আমারই ব্যাপ্তি আমারই বিস্তৃতি। জগৎ যে-পরিমাণে আমার অতীত সেই পরিমাণে আমিই ছোটো।<sup>১৫</sup> আরো স্পষ্ট ক'রে জানিয়েছেন, 'আমার বাইরে যদি কিছু অহুভব না করি তবে নিজেকেও অহুভব করি নে।' বাইরের অহুভূতি যত প্রবল হয়, অন্তরের সম্ভাবোধ তত জোর পায়।<sup>১৬</sup> মাহুষের অন্তর তো স্বয়ংসম্পূর্ণ স্বাশ্রয়ী সত্তা নয়, বিশ্ব-জাগতিক আধার মাত্র। সে-আধারের স্বকীয় বৈশিষ্ট্য আছে, বৈচিত্র্য আছে, তবু তা আধার—অর্থাৎ ভ'রে না-দিলে শূন্যই থাকবে।<sup>১৭</sup> মানবিক ও প্রাকৃতিক জগতের প্রতি কবি যদি অবজ্ঞাবশত তাঁর মনের দরজা-জানালাগুলি বন্ধ ক'রে রাখেন, তবে অন্ধকার ঘরের শূন্যতা ('void') ছাড়া আর কী উপলব্ধি করবেন? কাছেই বোদলেয়রের পরে আসেন র'্যাবো এবং অনিবার্যত মালার্মে।

আধুনিক কবির একেবারেই শূন্যবাদী হ'তে পারতেন, শূন্যের মহিমা কীর্তন করতে পারতেন মালার্মের মতো সাদা কাগজের শুচিতা কালি দিয়ে কলঙ্কিত না-ক'রে। কিন্তু ভালেরি তাঁদের বাঁচালেন: দিগ্‌ব্যাপী শূন্যতায় তিনি দেখতে পেলেন একটি জ্যোতির্ময় রূপ। সে-রূপ শব্দের। ঐ-শব্দ স্বভাবতই হবে অনচ্ছ, এবং ঐ অনচ্ছ শব্দযোজনায় কবি রচনা করবেন একটি আক্ষরিক অর্থে সৃষ্টিছাড়া ইমারত। কবিতাই যখন একমাত্র সত্য, কবিতায় না পরং কিঞ্চিৎ সা কাষ্ঠা সা পরাগতিঃ, তখন কবিতার ভাষা নিজেকে ছাড়া আর কাকে প্রকাশ করবে, কার রহস্য উন্মোচন করবে, কার ইঙ্গিত বহন করবে? পরমকে তো আর অপরমের, উত্তমকে তো আর অধমের সংকেত বা বাহন করা যায় না। কাছেই কবিতা আর সব-কিছুর অকিঞ্চিৎকরতা ঘোষণা ক'রে নিজেকেই হবে স্বয়ম্ভু ও বিভূ। সে-কালের তান্ত্রিকদের যেমন ছিলো শব্দ-সাধনা, আঙকের কবিদের তেমনি আছে শব্দ সাধনা; এটাই তাঁদের আদি, অকৃত্রিম এবং অস্তিম সাধনা। কবিতার ঐন্দ্রজালিক শব্দ সম্বন্ধে সাত্র' বলছেন: 'its sonority, its masculine endings, its visual aspect compose for him a face of flesh'। এ সুন্দর মুখের প্রেমে পড়েছেন আধুনিক কবির, আর কিছুই ভালোবাসতে পারছেন না তাঁরা; এ-বিশ্বজগতে ভালোবাসার যোগ্য অস্ত্র কিছুও হ'তে পারে এমন কথা তাঁদের ধারণার মধ্যেই আসে না। এই শব্দপ্রেমিক অভিনবত্বের সাধক কবিদের পক্ষে বিশ্বপ্রেমিক মহাকাালের মন্ত্রশিষ্য রবীন্দ্রনাথকে গ্রহণ করা সহজ নয়।

বলা বাহুল্য, উপরের মস্তব্যঙলি যাবতীয় আধুনিক কবি সম্বন্ধে প্রযোজ্য নয়। আধুনিক কবিতার দুটি প্রধান ধারার আলোচনাই আমার অভিপ্রেত ছিলো। প্রথমটির মূলভাব—জগতের প্রতি বিতৃষ্ণা ; দ্বিতীয়টির গোড়ার কথা—কবিতাকে বহির্জগতের কবিরুদ্ধাভ্যন্তরীণ উপলব্ধির বাহন জ্ঞান না-ক’রে ছুঁতে (আক্ষরিক অর্থে ছুঁতে) শব্দের আর্টিফ্যাক্টে ঠাহর করা। বর্তমান শতাব্দীর অধিকাংশ পাশ্চাত্য কবিদের উপর এই দুটি প্রবণতার অল্পবিস্তর ছায়া পড়েছে, যেমন পড়েছে ১৯০০-এর পর থেকে অধিকাংশ বাঙালি কবিদের উপর। হালের শক্তিশালী কবিগোষ্ঠীর মধ্যে শ্রেণ্যে ব্যতিক্রম অবশ্যই পাওয়া যাবে, পাশ্চাত্যে (যথা রবার্ট ফ্রস্ট) এবং বাঙলাদেশেও (যথা অমিয় চক্রবর্তী)। সম্মানিত ব্যতিক্রম মার্ক্সবাদী কবিরাও ; তবে কবিতাকে সমাজগঠনের মহৎ কাজে উৎসর্গ করার আদর্শ অল্প নিরিখে বিচার্য। আধুনিকতার কোনো সংজ্ঞা দিতে যাওয়া দুঃসাহসের কাজ ; এক হিসেবে যারাই আধুনিককালে কবিরূপে নিজেদের প্রতিষ্ঠিত করেছেন প্রতিভা ও সাধনার যুগ্ম-অধিকারে, তাঁরাই আধুনিক কবি—যুগলক্ষণ-অধিকৃত না-হ’লেও। তবু কবিতার ক্ষেত্রে আধুনিকতার দুটি প্রধান দুর্লক্ষণ আমার চোখে যেমন প্রতিভাত হয়েছে, তারই কিঞ্চিৎ আলোচনা করেছি এ-বইয়ের প্রথম ও বর্তমান অধ্যায়ে। আধুনিক কবিতার পূর্ণাঙ্গ আলোচনা করতে হ’লে তার সূত্রলক্ষণগুলির কথাও বলতে হয় ; কিন্তু তা আমার সীমিত প্রসঙ্গের বহির্ভূত ছিলো, তার সুযোগ এখানে ঘটেনি।

১ Jean Paul Sartre, *What is Literature* (Methuen, 1950), pp 4-5.

২ এ-এ উদ্ধৃতিগণকপ মালামের বিখ্যাত সনেটের হৃদয় অনুবাদখানি তুলে দেওয়া যায়

Her pure nails very high dedicating their onyx,  
 Anguish, this midnight, uphold, the lamp-bearer,  
 Many vespereal dreams by the Phoenix burnt  
 That are not gathered up in the funeral urn  
 On the credences, in the empty room : no ptyx  
 Abolished bibelot of sounding inanity  
 (For the Master is gone to draw tears from the Styx  
 With this sole object which Nothingness honours.)  
 But near the window void Northwards, a gold  
 Dies down composing perhaps a decor

Of unicorns kicking sparks at a nixey,  
 She, nude and defunct in the mirror, while yet,  
 In the oblivion closed by the frame there appears  
 Of scintillations at once the septet.

ব্যাখ্যা-প্রসঙ্গে লক্ষ্যপ্রতিষ্ঠ সমালোচক শার্ল মোর বলছেন : এই সনেটের মূল্য নির্ভর করে ফরাসি ভাষায় তরল ও কঠিন বাগ্মনবর্ণের এবং হৃষ ও দীর্ঘ স্বরবর্ণের অত্যন্ত ক্ষণিকবিশ্রাসের উপর। এতো সব কালোয়াতি করতে গিয়ে কবিতার অর্থটাকে বেশ নির্মম হস্তে দুমড়ে-মুচড়ে নাকালের একশেষ করা হয়েছে বটে, তবে 'the words themselves, rare and chiselled, suffice to give the poem the air of a jewel in gold agate'। সমালোচক মহোদয় মালার্মে-ভক্ত না-হ'লে ভাবতাম জড়োয়া গয়নার সঙ্গে তুলনা ক'রে তিনি কবিতাটির তুচ্ছতার দিকেই ইঙ্গিত করেছেন। কারণ গয়নাগাটির চেয়ে তুচ্ছ জিনিস আর কী আছে এ হৃদয় ভুবনে।

৩ ইংরেজি ভাষায় এই আদর্শে রচিত হার্বার্ট রীডের কয়েকটি ছোটো কবিতা মার্চ ১৯৫২-এর 'এন্কাউন্টার' পত্রিকায় ছাপা হয়েছিলো তাব এমটি।

hot rod  
 vellum list fell dole  
 packed pendulum red roar  
 ostium wet spindle!  
 auricular thy lung  
 scut thews cold selvage  
 out angular out out odd  
 yet not.

৪ সুখের বিষয় বাঙালি কবিরা এম্বিক দিয়ে এখনও পেড়িয়ে আছেন তবে কতোদিন পঞ্চাৎপদ থাকবেন বলা যায় না।

Exclude, if you begin,  
 The real which is cheap  
 Its too sharp sense rubs thin  
 Your vague literature. (Stephane Mallarmé)

And therefore I have sailed the seas and come  
 To the holy city of Byzantium

Once out of nature I shall never take  
 My bodily form from any natural thing.

(W. B. Yeats, "Sailing to Byzantium")

৫ 'সাহিত্য', পৃ. ৫

৬ 'সাহিত্যের পথে', পৃ. ৪০

৭ "The poet remains empty to himself if he does not fill himself with the universe, the poet knows himself only on the condition that things resound in him, and that in him, at a single awakening, they and he come forth together out of sleep." কথাগুলি রবীন্দ্রনাথের মতো শোনায়, কিন্তু বলেছেন আধুনিক কালের প্রখ্যাত-বিশিষ্ট দার্শনিক ও শিল্পসমালোচক জ্যাক ম্যারিতা।

## অন্তিম পর্বের দুটি কবিতা

১

‘বোঝানোর দায়িত্ব নয় কবিতার, কবিতা কেবল প্রাণিত করতে জানে’— বলেছেন শম্ভু ঘোষ,\* রবীন্দ্রনাথের দোহাই পেড়ে। কবিতার সঙ্গে গল্পের প্রভেদ একটা আছে নিশ্চয়ই; কিন্তু, প্রথমত, সে-প্রভেদ এই নয় যে কবিতা কিছু না- বুঝিয়েই প্রাণিত করে, আর গল্প বোঝায় কিন্তু প্রাণিত করে না কখনও। দ্বিতীয়ত, সাহিত্যের এই দুই বিভাগের মাঝখানে কোনো অলঙ্ঘ্য কাঁটাতারের বেড়া দেওয়া হয়নি সবকালেব মতো, সর্বাবস্থার জন্য, সর্বসম্মতিক্রমে। আনা- গোনা, সীমানা-সরহদের রদবদল চলছে হামেশাই। গল্প দরকার পড়লে কাব্যধর্মী ভাষে গুঠে—যেমন উপনিষদে; শ্রুতি আর বেগমঁর দর্শনে; গিবন আর মম্‌সনের ঐতিহাসে; তুর্গেনেভ, লরেন্স আর ভয়েদের উপন্যাসে; মোপাসাঁ আর রবীন্দ্র- নাথের ছোটোগল্পে। কবিতা আপন অন্তরের তাগিদেই গল্পকে বুক টেনে নেয়—তার উদাহরণ হোমর, ভার্জিল, ব্যাস, দান্তে, শেক্সপীয়র, গ্যোটে, এলিয়ট এবং রবীন্দ্রনাথে অগ্রশ্র ছড়ানো রয়েছে।

বোঝানোর একটি অর্থ একজনের মনের কথা আর-একজনের মনের দেউড়িতে পৌঁছিয়ে দেওয়া। কথার শুধু স্বস্পন্দনটুকু নয়, বহির্জগতের যে-বস্তু বা অবস্থার অভিধাতে সে-স্বন্দর্যাবেগের জন্ম এবং যার বহমান ক্ষেত্রের সঙ্গে তার পরিপুষ্টি অবিলোমভাবে জড়িত সেই সমগ্র উপলব্ধির মন থেকে মনান্তরে সঞ্চার— এই অর্থে বোঝানোর দায়িত্ব কবি না-নিলে আর কে নিতে পারে? অহুভূতি বাদ দিয়ে বিষয়ের যে নিরঞ্জন সত্তা তার যথার্থ সংবাদবহন বিজ্ঞান এবং বিজ্ঞান-সদৃশ গল্পের কাজ; বিষয়টাকে উপেক্ষা করে শুধুমাত্র তার অহুভূতিটুকু ছেঁকে নিয়ে সে-অহুভূতির বিস্তারিত অভিব্যক্তনা সংগীতে পাই আমরা। এ-দুয়ের মাঝখানে পড়েন কবি। এক দিককার দায়িত্ব এড়াতে গেলে তিনি বৈজ্ঞানিক (বা দার্শনিক কিংবা ঐতিহাসিক) হ’য়ে পড়বেন, পছন্দে গল্পের আশ্রয় গ্রহণ

\* ভূমিকার শেষ অশ্লিষ্ট দৃষ্টব্য

করবেন ; অত্য়দিককার দায়িত্ব থেকে মুক্তি চাইলে তাঁকে হ'তে হবে সংগীতকার-কলম ছেড়ে আঙুলে পরতে হবে মেজরাব ।

কবিতার গভীর তলে যে-অর্থ লুকানো থাকে তার সন্ধানে ডুব দিতেই আমরা অভ্যস্ত ছিলাম ; আজ শুনছি তার উপরিতলে যে-স্বর ও ব্যঞ্জন ধ্বনির মোহিনী মায়া বিস্তৃত সেখানেই কবিতার সারাংসার খুঁজতে হবে। আমরা ভুলতে বসেছি যে অর্থের গরবেই কথা গরবিনী । অবশ্য উঁচুদরের গাইয়েরা সে-গরব উপেক্ষা ক'রে যে-ক'টি কথার উপর রাগ-রাগিণীর বিস্তার করেন তার অর্থ যৎসামান্যই হয়, অনেক সময়ে কালোয়াতি গানের কথা ঠিকমতো বোঝাই যায় না। কিন্তু অর্থের দৈন্য ঘোচাবার জন্য থাকে কণ্ঠের ঐশ্বর্য আর আজীবন সুরের সাধনা। মালার্মে-ভালেরির প্রদর্শিত পথে যদি কবিতাকে সংগীতের পর্যায়েই তুলতে চান আধুনিক কবিরা তা হ'লে সংগীতের বলিষ্ঠ পরিণত আঙ্গিকের চর্চা করতে হবে তাঁদের। শুধু কবিতার বাচ্যার্থের উপর কাঁচি চালালেই সাংগীতিক ব্যঞ্জনার জামা তৈরি হ'য়ে যাবে ভাবাটা আত্মপ্রবঞ্চনা এবং পাঠককে বঞ্চিত করা। ইতিমধ্যে শেক্সপীয়ার কিংবা রবীন্দ্রনাথ কথার যে অপরিমেয় শক্তি-উৎসের সন্ধান দিয়ে গেছেন তার ভ্রাংশমাত্র বেছে নিয়ে শুচিবায়ুগ্রস্ত বিধবাদের মতো বলা কি সাজে-বাকিটা স্ফুড়ি, শুতে গছের ছোঁয়া লেগেছে ? ধর্ম হৃদয়ের ব্যাপার, আচারের নয় ; কবির ধর্মও। কবির ধর্ম তো বিশেষ ক'রে। গছের ছোঁয়া বাঁচাতে গিয়ে পাঠকের ছোয়ার বাইরে চ'লে যাচ্ছেন না কি আধুনিক কবিরা, বুঝিয়ে বলার ভয়ে কি নিজেকে স্ফিক্স-এর মতো অনধিগম্য ক'রে তুলছেন না ? আমি অবশ্য অকবি পাঠকের কথা ভাবছি। কবিরাই পরস্পরের কবিতা পড়বেন এবং তার মর্মোদ্ঘাটন করবেন অর্থাৎ কবিতার উপর আর-একটি কবিতা লিখবেন—এটাকেই যদি স্বাভাবিক ঠাণ্ডারানো হয়, তাহ'লে কিছু বলার নেই।

ভাষার এ-পারে আছেন লেখক, ও-পারে-পাঠক। মাঝখানে যদি বোঝা-বুঝির সেতুবন্ধন না-হয়, তবে বলতেই হবে একপক্ষের বা উভয়পক্ষের দোষ ঘটেছে : পাঠক আনাড়ি বা নিবোধ হ'তে পারেন, লেখকও আনাড়ি বা এক-ও'য়ে বা অসদৃশ-চালিত হ'তে পারেন ; অথবা উভয়ত। কবি যখন ভাষাশিল্পী তখন বোঝানোর অর্থাৎ সম্পূর্ণ উপলব্ধিকে কমিউনিকেট করার দায়িত্ব কবির কর্মেরই অন্তর্গত। রবীন্দ্রনাথ কখনো এ-দায়িত্ব এড়াননি। কিন্তু বোঝানো মানে

প্রমাণ করা নয়। সে-খুঁকি বৈজ্ঞানিকের, ঐতিহাসিকের, দার্শনিকের। কেউ শেষ অবধি কিছুই তর্কাতীতরূপে প্রমাণ করতে পারেন না—প্রমাণ কাকে বলে সে-বিষয়েই অনেক মত। তবে চেষ্টার ক্রটি নেই এঁদের। অণোরণীয়ান থেকে মহতোমহীয়ান যাবতীয় বস্তুর মধ্যে তন্নতন্ন ক’রে খুঁজছেন গল্পেরেষ্ঠ তথ্য, বিশ্লেষণী ও সংশ্লেষণী, আরোগী ও অবরোগী যুক্তির সোপান বেয়ে উঠছেন প্রত্যক্ষ থেকে অপ্রত্যক্ষে, বিশেষ থেকে সামান্যে, বহু থেকে একে। কবি কিন্তু ব’লেই খালাস। কোনোপ্রকার প্রমাণ উপস্থিত করার গরজ নেই তাঁর, কারণ প্রয়োজন নেই। প্রমাণ না-দিয়েই মানিয়ে নেওয়ার অর্থাৎ মনে ধরাবার কৌশল তাঁর জানা আছে। তাকেই বলে কাব্যকৌশল। রবীন্দ্রনাথ যদি ব’লে থাকেন ‘বোঝানোর দায়িত্ব নয় কবিতার’, তবে নিশ্চয়ই এই অর্থেই বলেছিলেন।

‘নবজাতক’-এর “প্রশ্ন” কবিতাটিতে কয়েকটি গল্পধর্মী পঙক্তি আবিষ্কার ক’রে শঙ্খ ঘোষ রায় দিয়েছেন, ওটা কবিতাই নয়, ‘শেষ লেখা’র ১৪-সংখ্যক কবিতার প্রাক্করচিত পছন্নায়া। একদিন ছিলো যখন অকবিজনোচিত শব্দ কবিতায় স্থান দেওয়ার কথা ভাবলে তাঁতকে উঠতেন কবির। আজ শুধু অকবি-জনোচিত নয়, রীতিমতো অভদ্রজনোচিত শব্দের উপর পক্ষপাত জন্মে গেছে কবিদের। কিন্তু কবিতার মধ্যে অকবিজনোচিত পঙক্তি—এমন পঙক্তি যা গল্প-লে ভুল হ’তে পারে? সর্বনাশ, জাত যাবে যে।

বড়ো দুঃখের সঙ্গে লক্ষ করলাম, শঙ্খ রবীন্দ্রনাথের শেষ দশ বছরের কবিতাকে এই কারণে প্রায় জাতিচ্যুত ব’লে বিচার দিয়েছেন। এমনি এক বিচার প্রত্যাসন্ন ছেনে কি রবীন্দ্রনাথ বহু আগেই বলেছিলেন, ‘আশি রাত্য়, আমি মস্থহীন’? শেষ দশ বছরের রচনায় রবীন্দ্র-প্রতিভা এমন অমোঘ, এমন দুঃসাহসিক যে, কোনো শাস্ত্রের নির্দেশ, আচারের বাধা, গণ্ডির বেড়া মেনে চলার প্রয়োজন বোধ করেননি তিনি; পছন্দ এনেছেন গল্পের ঝঞ্জুতা, গল্পে জাগিয়েছেন পছন্দের স্পন্দন, বোধিকে করেছেন বেদনাময়, তত্ত্বকে করেছেন প্রাণস্পন্দিত। বেদ-উপনিষদের, বাইবেলের, রুমীর মসনবীর, হাফিজের গজলের শ্রেষ্ঠ অংশ যেমন শুদ্ধ কবিতা হ’য়েও শুধু কবিতা নয়, রবীন্দ্রনাথের শেষ পর্বের রচনার শ্রেষ্ঠ ভাগও তেমনি কবিতার চেয়ে বেশি হ’য়েও কবিতার চেয়ে কম নয়। শুধু বৈদিক গাথা বা উপনিষদের শ্লোকের সঙ্গে তুলনা করলে অবশ্য ভুল হবে। নিতান্ত মাহুঘী প্রেমের কবিতাও রবীন্দ্রনাথের সত্তর থেকে আশি বছর বয়সের রচনাতে গুণে ও

গণনায় বিশ্বয়কর, অন্ত-কোনো দশকের সঞ্চিত ভাণ্ডার তাকে সহজে হার মানাতে পারবে বলে আমার মনে হয় না।

‘It seems, as one becomes older, that the past has another pattern and ceases to be a mere sequence or even development—the latter a partial fallacy encouraged by superficial notions of evolution, which becomes, in the popular mind, means of disowning the past’

উদ্ধৃত বাক্যটি কোনো জনপ্রিয় দার্শনিকের স্থলিখিত প্রবন্ধ-সংকলনে পাওয়া যাবে না। গেলে একটুও বেমানান ঠেকতো না, তবে পাঠকের চোখে তার গভীর কাব্যিক তাৎপর্য ধরা পড়তো না। টি. এস. এলিয়ট এই জটিল দীর্ঘ গল্প-বাক্য-টিকে পাঁচটি পঙক্তিতে ভাগ করে প্রত্যেক পঙক্তির গোড়ায় বড়ো অক্ষর বসিয়ে *Four Quartets*-এর ২৮ পৃষ্ঠায় বিস্তৃত করেছেন। সেখানেও বেস্তর বাজেনি। এমনি আরো গেটা পনেরো গল্প বাক্য ছড়ানো রয়েছে ঐ নাতিদীর্ঘ কাব্যে। কোনো স্বর্ধা পাঠক বা কবি-সমালোচক এই ‘অকবিতার অংশগুলিকে নির্মমভাবে বাদ দিয়ে’ কাব্যখানিকে ‘শুদ্ধ’ করার প্রস্তাব তুলেছেন বলে তো শুনি।

‘তুমি যাকে বলে সুন্দর, তা বহুবর্ণী পঞ্চভূতে, চিত্রল উদ্ভিদে কিংবা স্বর্ধা-স্তর বর্ণসমারোহে নেই, আছে শুধু আমারই অহমিকায়’—এই দৃষ্টিপটিবাদী দার্শনিক গল্প-বাক্যে কয়েকটি শব্দের স্থান অদলবদল করে বুদ্ধদেব বহু তাকে পছন্দ করেছেন। সেটা কিছু নয়, যে-কোনো গল্প-বাক্যকে সামান্য বদলে দিলে তা পছন্দ হ’তে পারে। আমরা আশ্চর্য হ’য়ে যাই (কিন্তু কেনই-বা আশ্চর্য হবো?) যখন লক্ষ করি যে এই তত্ত্ববাক্য এবং এমনি আরো-কয়েকটি বাক্য একটি সুন্দর কবিতা “মরত্ব-সংগীত”-এর অঙ্গীভূত। যা গড়ে বলা যায়, যা ছন্দোবদ্ধ গড়েই বলা হয়েছে, এমন সমস্ত কথা কবিতা থেকে বাদ না-দিলে আমাদের শ্রেষ্ঠ কবিদের রচনা জাতিচ্যুত বলে ধার্য হবে—সে অন্তত দিন আশা করি সাহিত্যে কখনো আসবে না। কোনো কবিতায় কয়েকটি গল্প বা গল্পধর্মী পঙক্তি থাকলেই তার মূল্যাহানি ঘটে না। পঙক্তিগুলি কবির অক্ষমতা-প্রসূত, না বিশেষ অন্তর্যঙ্গ্যে বিশেষ উদ্দেশ্যশিক্তির জন্ম আনা হয়েছে, তারা কবিতাকে পূর্ণতা দান করেছে না খণ্ডিত করেছে—এটাই বিচার। পঙক্তিবিচার কাব্যবিচার নয়!

যে-পঙক্তিগুলিতে শব্দ ‘ছন্দ আর মিল ছাড়া’ আর-কিছুই খুঁজে পাননি ‘যা কবিতা হিসাবে গ্রাহ্য, অনিবার্য, যা কেবলই গল্প নয়’, পূর্ণাঙ্গ্যব্ধমহ “প্রহ” কবিতার সেই অংশটা উদ্ধৃত করছি :



বহু যুগে বহু দূরে স্মৃতি আর বিশ্বস্তি-বিস্তার,  
 যেন বাষ্পপরিবেশ তার  
 ইতিহাসে পিণ্ড বাঁধে ক্রুৎ-রূপান্তরে  
 'আমি' উঠে ঘনাইয়া কেন্দ্র-মাঝে অসংখ্য বৎসরে ।  
 হৃৎকণ্ঠে ভাগ্যোন্মত্ত রাগদ্বৈধ ভক্ত সখ্য হ্রেষ্ট  
 এই নিয়ে গড়া তার সম্ভাষণে ;  
 এরা সব উপাদান ধাক্কা পায়, হয় আবর্তিত,  
 পুঞ্জিত, নর্তিত ।  
 এরা সত্য কী যে  
 বুঝি নাই নিজে ।  
 বলি তারে মায়া—  
 যাই বলি শব্দ সেটা, অবাস্তব অর্থের উপচ্ছায়া ।

এই ক'টি পঞ্জিতে রবীন্দ্রনাথ বহু দার্শনিক মত ও ভিজ্ঞানী সংহত করেছেন ; সে-সব কথা গড়ে বুঝিয়ে বলতে গেলে (যেভাবে বুঝিয়ে বলা গড়ে সংগত ও প্রত্যাশিত) শতাধিক পৃষ্ঠার একটি নিবন্ধ রচনা করতে হয় । 'আমি'র রহস্য সম্পর্কে উপনিষদকার এবং সেক্রেটিসের সময় থেকে ভিজ্ঞানী ও গবেষণার শেষ নেই ; কতো মতবাদ গ'ড়ে উঠেছে ও ভেঙে গেছে বা ঈষৎ ভগ্নদশায় এখনও টিকে আছে, মনের কতো দিক, কতো গ্রন্থি, কতো স্তর উদ্ঘাটিত হয়েছে, অথচ কোনো সন্দেহ নেই যে অল্পদ্যাটিত সত্যের তা ভগ্নাংশমাত্র । জ্ঞান ও আধোজ্ঞান সব কথা বলার পরও আমাদের প্রত্যয় আরো দৃঢ় হয় যে কিছুই বলা হয়নি ; সবচেয়ে সত্য যে-আমি, জ্ঞাতা বা সাক্ষী, 'মনেরও মন', তার সম্বন্ধে যে বলার মতো কিছু বলা হয়নি শুধু তা-ই নয়, কিছু বলা সম্ভবই নয় ; সে-আমি আক্ষরিক অর্থে অনিবচনীয় । আরো একটা কথা এবং এ-কবিতাটি বুঝতে হ'লে সেটাই বড়ো কথা । মনের অনেক-কিছু জানা নেই যেমন, তেমনি অগুপ্তমাগুর, নক্ষত্র-নীহারিকারও অনেক-কিছু জানা নেই । কিন্তু মস্ত প্রভেদ এই যে আত্মা সহজে যখন কিছু বলি বা ভাবি তখন অজানা অংশ একেবারে বাদ যায় না : 'আমি' যে আমিই, তার চেয়ে নিকট, তার চেয়ে অন্তরঙ্গ, তার চেয়ে সত্য তো আর-কিছু নেই । সুতরাং যা বলতে বা ভাবতেও পারি না, 'আমি'র সেই বিরাট অব্যক্ত অর্থ যেন ছায়ার ছায়া হ'য়ে আমাদের ব্যঙ্গনা ও ভাবনার সঙ্গে লেগে থাকে । আমাদের তো মনে হয় 'আমি উঠে ঘনাইয়া কেন্দ্র-মাঝে অসংখ্য বৎসরে' কিংবা 'যাই বলি

শব্দ সেটা, অব্যক্ত অর্থের উপচ্ছায়া’ – এমন অর্থঘন পঙক্তি ‘ফোর কোয়ার্টেটস্’-এর মতো কবিতায়ও দুর্লভ। আর যা-ই হোক, এই বাক্যগুলি বিশুদ্ধ গদ্য নয়, কারণ বিশুদ্ধ গদ্যে ঐ-বক্তব্য ক’টিমাত্র পঙক্তিতে ব্যক্ত করা যায় না।

অবশ্য এগুলি বিশুদ্ধ কবিতার পঙক্তিও নয় – সেই অর্থে যে-অর্থে ‘খেয়া’ বা ‘গীতাঞ্জলি’র পঙক্তি বিশুদ্ধ কবিতা। সে-রকম কবিতা তো রবীন্দ্রনাথ কম লেখেননি। শেষের কয়েকটি কাব্যগ্রন্থে তিনি অল্পপথ কাটতে চেয়েছেন, কেটেছেন। দুই বিভিন্ন কাব্যমार्গের বিচার সংগত নয়। এটাও ভেবে দেখা দরকার যে এই আপাত-গদ্য বাক্যগুলিকে আরো আবছা ক’রে উপমা-উৎ-প্রেক্ষায় ঢেকে দিয়ে বলা কি রবীন্দ্রনাথের মতো কবির পক্ষে একটুও শক্ত ছিলো? বরঞ্চ সেই অভ্যাস ও প্রলোভন ত্যাগ করতে হয়েছে কষ্ট ক’রে, বহু যত্নে গদ্যের ঋজুতা ও অপরোক্ষতা তিনি এনেছেন শেষ পর্বের অনেক কবিতায়, কারণ, এ-কবিতাগুলি ভিন্ন জাতের, ভিন্ন উপলব্ধি-সম্প্রদায়।

‘নবজাতক’-এর সূচনায় রবীন্দ্রনাথ বলেছেন, ‘ভিতর থেকে মননজাত অভিজ্ঞতা এদের পেয়ে বসেছে’। এই ‘মননজাত অভিজ্ঞতা’ আধুনিক বিজ্ঞান – পদার্থবিজ্ঞান, জ্যোতির্বিজ্ঞান ও মনোবিজ্ঞান – থেকে লব্ধ। এমনতর বৈজ্ঞানিক মনন যে-হৃদয়াবেশ জাগিয়েছিলো তাকে নিয়েই কবিতা। কিন্তু সে-কবিতা থেকে মননকে তো একেবারে ছাঁটাই করা যাবে না। আর মননকে ঠাঁই দিতে গেলে তার বাহন সেই ভাষা যা গদ্যের খুব কাছাকাছি তাকে খিড়কি দরজার ফাঁক দিয়ে কখনো ছন্দে সজ্জিত ক’রে কখনো-বা বিনা সাজে ঘরে ঢুকতে দিতে হবে। অথচ সেই গদ্যপ্রতিম পঙক্তিগুলিকে ধারণ ক’রে আছে একটি নিঃসন্দ্বিগ্ন কাব্যগুহুভূতি, সমগ্র কবিতায় যা অব্যক্ত।

‘নবজাতক’-এ রবীন্দ্রনাথ কবিতার পরিধিকে বিস্তৃত করেছেন, পা বাড়িয়ে-ছেন বিজ্ঞানের খাসমহলে। এ-ধরনের মননজাত অভিজ্ঞতায় হৃদয়ের অরুচি, রবীন্দ্র-কাব্যের শেষ পর্ব তাঁদের কাছে স্বভাবতই অপাণ্ডিত্যে ঠেকবে। তা নিয়ে কোনো পক্ষের নালিশ না-থাকাই ভালো। ভিন্ন কারণে ‘সোনার তরী’ ও ‘চিত্রা’র অভিজ্ঞতাও একদিন দ্বিজেন্দ্রলাল রায়ের মতো স্নকবির কাছে অনধি-গম্য ছিলো, কাজেই ঐ-কাব্যগুলি হয়েছিলো তাঁর শাণিত বিজ্ঞপের লক্ষ্য।

প্রথম দিনের সূর্য

প্রশ্ন করেছিল

সত্তার নূতন আবির্ভাবে—

কে তুমি।

মেলে নি উত্তর।

বৎসর বৎসর চলে গেল,

দিবসের শেষ সূর্য

শেষ প্রশ্ন উচ্চারিল পশ্চিমাগরতীরে,

নিশ্চয় সন্ধ্যায়—

কে তুমি।

পেল না উত্তর।

(‘শেষ দেখা’)

উদ্ধৃত কবিতার প্রশ্ন (‘কে তুমি’) কার উদ্দেশে সেটা খুব স্পষ্ট নয়। প্রশ্ন করেছিলো ‘প্রথম দিনের সূর্য’। সূর্যকে জ্ঞানস্বরূপ চৈতন্যের প্রতীক ধরা যেতে পারে, ধরা হ’য়েই থাকে ; সব দেশেই জ্ঞানের উপমান আলো। প্রশ্ন করা হয়েছিলো পরমসত্তাকেই, কবিতাটি যদি এইভাবে বুঝি তাহ’লে নূতন আবির্ভাবের মানে করতে হয়—যখন পরমসত্তা প্রথম আবির্ভূত হ’লো মানবচৈতন্যে। প্রশ্নের কি কোনো উত্তর নেই? কয়েকটি উত্তর তো কবিতার মধ্যেই দেওয়া হ’লো। পরমসত্তার আবির্ভাব ঘটে এবং অনাবির্ভূত বা আমাদের অজ্ঞাতরূপেও তা সত্য, বারে-বারে আবির্ভাব ঘটে, মইলে ‘নূতন আবির্ভাব’ বলা হ’লো কেন? মানবচৈতন্য নিবাসিত হ’লেও (‘দিবসের শেষ সূর্য’) পরমসত্তার সিন্ধি নেই। এতোগুলো উত্তর পাওয়ার পরও ‘মেলে নি উত্তর’ বলা এবং তার পুনরুক্তি ‘পেল না উত্তর’ কি সংগত? এর চেয়ে বেশি আর কী উত্তর প্রত্যাশিত ছিলো, আর কী উত্তর দেওয়া হয়েছে উপনিষদে—পরমসত্তা ও স্বয়ংপ্রতিম চৈতন্যের ধারণা যেখান থেকে গৃহীত? আর-একটি উত্তর অবশ্য পাওয়া যায় সেখানে। পরমসত্তা উপনিষদের ভাষাতেই উত্তর করতে পারতেন—আমি তোমার মধ্যেও সত্য, অতএব নিজেই জানো, (যো অসাবসৌ পুরুষঃ সোহমস্মি, আত্মানং বিদ্ধি, ইত্যাদি)। এই উত্তরকে রবীন্দ্রনাথ আজীবন সর্বাঙ্গতঃকরণে সত্য ব’লে জেনেছেন, জীবনের অন্তিম মুহূর্তে হঠাৎ তার প্রতি একান্ত বীতশ্রদ্ধ হ’য়ে উঠেছিলেন এমন অহুমানের সমর্থন পাই না তাঁর শেষ বয়সের কাব্যে। না, কবিতাটিতে

ব্রহ্ম-সংক্রান্ত কোনো জিজ্ঞাসা বা প্রত্যাখ্যান নেই—এ-বিষয়ে আমি স্বচ্ছ ঘোষের সঙ্গে একমত।

তবে কি প্রশ্ন করা হ'লো নূতন আবির্ভাবকেই—‘আবির্ভাবে’ অর্থ আবির্ভাব-কালে নয়, আবির্ভাবকে? সত্তা এবং আবির্ভাব, reality এবং appearance, এই দ্বৈতের কথা তোলা হয়েছে তাহ'লে। নামরূপময় জড় ও শক্তির লীলাস্বরূপ প্রত্যক্ষ জগৎকেই (এবং তার অঙ্গীভূত মানবজীবনকে) কবি জিজ্ঞাসা করছেন—কে তুমি। প্রতীয়মান জগতের অনেকটা পরিচয় পাই আমরা প্রত্যক্ষ জ্ঞানে এবং সাধারণ মানুষের অহুয়ানে; সৃষ্টিতর, পূর্ণতর পরিচয় পাই বিজ্ঞানে—জড়, জীব-ও মনঃ-বিজ্ঞানে। এ-পরিচয় পূর্ণাঙ্গ নয়, অভ্রান্ত নয়, সংশোধনীয়, আপন পরিধি ও গভীরতা যুগে-যুগে বাড়িয়ে চললেও কোনোদিন সম্পূর্ণ বা সংশয়রহিত হবে না—এ-সব তো বিজ্ঞানের এবং দর্শনের জীর্ণতম উক্তি। রবীন্দ্রনাথ কি তারই পুনরুজ্জীবিত করে চেয়েছেন, ‘মেলে নি উত্তর’ ব'লে? এই স্ফুলিঙ্গের মতে! দীপ্তিমান কবিতার এমন চবিত তাত্ত্বিক ব্যাখ্যায় আমার মন সায় দেয় না।

একটি কথা এ-কবিতার ব্যাখ্যাকারীদের মধ্যে অনেকে লক্ষ করেননি বোধ-হয়। আলোচ্য প্রশ্ন ‘কী তুমি’ বা ‘কেন তুমি’ নয়, ‘কে তুমি’। ‘কী তুমি’ প্রশ্ন-টাতে জানতে চাওয়া হয় তোমার যাবতীয় গুণ ও ধর্ম, হেতু ও নিমিত্ত, আকার ও আয়তন, গঠনের উপাদান ও প্রণালী, ইত্যাদি। এ-প্রশ্ন সমগ্র বিশ্ব-জগতের উদ্দেশে তোলা যায়, দার্শনিকেরা তুলেই থাকেন, কবির মনেও উঠতে পারে অনায়াসে। কিন্তু কবিতায় এ-প্রশ্ন কেউ কাউকে করেনি। কবিতার প্রশ্নটি হ'লো ‘কে তুমি’। প্রশ্নটি সনাত্তের, আইডেটিটির—এতোগুলো লোকের মধ্যে কোন বিশেষ লোকটি তুমি, এমন কী পরিচয় আছে তোমার যাতে অল্প দশজনের মধ্যে তোমাকে, একমাত্র তোমাকেই চেনা যায়? এ-প্রশ্ন সমগ্র বিশ্বসত্তাকে করার কোনো মানে হয় না। করা যায় ব্যক্তিবিশেষকে; ব্যক্তিবিশেষকেই করা হয়েছে কবিতাটিতে। সে-ব্যক্তি রবীন্দ্রনাথ ঠাকুর।

ছয়-শাত বছরের বালক খুব ভোরে উঠে ভোড়ারাকোর বাড়ির বাগানে গিয়ে স্বর্ষোদয়ের প্রতীক্ষায় ব'সে থাকতো। সন্ধ্যার নূতন আবির্ভাব তখন বালকের মধ্যে, তার নবোন্মেষিত, উৎসুক, পিপাসিত চৈতন্যের মধ্যে। ব'সে-ব'সে সে আনমনা হ'য়ে কতো কী ভাবতো, হঠাৎ একসময়ে টের পেতো নারকেল গাছের শাখার উপর থেকে প্রথম দিনের স্বর্ষ (চিন্তোন্মেষের দিক থেকে এই দিনগুলি

তার জীবনে প্রথম) তার বালক মিতাটিকে দেখতে পেয়ে জিজ্ঞাসা করছে — কে তুমি ? দেখে এসেছি লক্ষ-লক্ষ ছেলে মায়ের পাশে ঘুমিয়ে আছে, দাওয়ায় বসে গল্প করছে, উঠানে ছুটোছুটি করছে । তোমার মধ্যে এমন কী আছে যাতে ক’রে এই লক্ষ ছেলের মধ্যে তোমাকে আলাদা ক’রে তুমি ব’লে চিনবো ? বালক রবি নিরুত্তর । কী তার আছে যে তার মিতা তাকে চিনে রাখবে ?

তার পরে পচাত্তর বছর কেটে গেলে। কবির জীবনে অশ্রু-গোধূলি। ডুবতে-ডুবতে সেই প্রথম দিনের স্বপ্ন আবার শেনবারের মতো প্রশ্ন শুধালো, ‘কে তুমি ?’ এই দীর্ঘ জীবনের অবিরাম অক্লান্ত সাধনায় হয়তো কিছু কাজের মতো কাজ করেছে সেই বালক, কিছু দিয়েছে পৃথিবীকে, চলতি কালের এমন-কোনো বদল ঘটিয়েছে যা তাকে মহাকালের দরবারে (এবং মহাকালের প্রতীক মিত্য নব উদীয়মান ও অন্ত্যমান রবির কাছে) চিনিয়ে দেওয়ার পক্ষে যথেষ্ট। কিন্তু কোন ভবসায় এ-কথা নিজের মুখে উচ্চারণ করবে সে ; তার এই কীর্তিশুভ্র আজ যতো উচুই দেখাক, তা কি সত্যি মহাকালে গণ্য হবার, সমস্তে রক্ষিত হবার, যাগা ? চূপ ক’রে রইলো বৃদ্ধ বয়সে উপনীত সেই বালক। জীবনাভ্যেব অন্তিম স্বপ্ন ‘পেল না উত্তর’।

## পদ্য

চতুর্দিকে নজিরাপ্পা শূন্য  
দায় বহুদূর  
কেল্লো ভাব তাবাপ্পা - তাকান-তাকপথে গবে ।  
কত বেগ, কত ভগ্ন, কত ভাব, কত আয়তন,  
স্বপ্ন অঙ্কে বয়েছে গমন  
পাণ্ডিত্যে, লক্ষ কলি তেঁর পা দূর হতে  
দুঃখী অগোষ্ঠিত ।  
অপমান গানে বসে,  
লেগেমাত্র পাঁচখ নাহা ।  
একি কেল্লো দৃশ্য, তীত বোম্বা ।  
গেল অজানানে দিবি এই - জানাব নিশা সঁজ  
বড় বুগ বড় দুবে স্বপ্ন আর নিশ্চিন্তাবিস্তার,  
যেন বাপ্পা বিবেশ তাব  
ইতিহাসে শিশু দাঁধে রূপ কপা সুরে ।  
‘জামি’ টেঁচে মনটিয়া কেল্ল-মাক্কে অসংখ্য বৎসরে

স্বপ্নঃঃ ভালোমন্দ রাগেরে ভক্তি সখা মেহ

এই নিয়ে গড়া তার সত্তাহে ;

এরা সব উপাধান ধাক্কা পায়, হয় আবর্তিত,

পুঞ্জিত, নতিত।

এরা সত্য কাঁ যে

বুঝি নাই নিজে।

বলি তারে মায়া—

যাই বলি শব্দ সেটা অবাক্ত অর্থের উপছায়া।

তার পরে ভাবি,

এ অজ্ঞেয় সৃষ্টি ‘আমি’ অজ্ঞেয় অদৃশ্যে যাবে নাবি।

অসীম বহুস্ত নিয়ে মুহূর্তের নিরর্থকতার

লুপ্ত হবে নানারঙা জলবিষ্ময়ায়,

অসমাপ্ত রেখে যাবে তার শেষকথা

আস্থার ব্যর্থতা।

তখনো সুদূরে ঐ নক্ষত্রের দূত

ছুটাবে তার দীপ্ত পরমাণু বিদ্রোহ

অপাব আকাশ মাঝে,

কিছুই জানি না কোন কাজে।

বাজিতে থাকিবে শূন্যে প্রাণের সূতীর আর্তধর,

ধ্বনিবে না কোনোই উত্তর।

( ‘নবজাতক’ )

“প্রথম দিনের স্বপ্ন” কবিতাটিতে সৃষ্টি বা স্রষ্টা বিষয়ে কোনো অজ্ঞাবাদ ব্যক্ত হয়নি, ব্যক্ত হয়েছে একজন ব্যক্তির অসম্পূর্ণ পরিচয়ের, অসমাপ্ত আত্মস্বরূপ-প্রতিষ্ঠার বেদনা। অবশ্য সেই একজনকে সর্বজনের প্রতিভূ মনে করা যেতে পারে, কিন্তু তেমন সর্বজনীনতার আভাস তো শিল্পমাত্রের পশ্চাৎপটে কম্পমান। কবিতাটি ব্যক্তিবিশেষের পরিপ্রেক্ষিতেই রচিত। পক্ষান্তরে, ‘নবজাতক’-এর “প্রশ্ন” কবিতার পরিপ্রেক্ষিত আক্ষরিক এবং প্রত্যক্ষভাবে সার্বভৌম ; একটি বৈজ্ঞানিক-দার্শনিক চিন্তাকে কেন্দ্র করেই তার ভাবলোক গ’ড়ে উঠেছে। দুটি কবিতার কেন্দ্রে আছে একটি প্রশ্ন, কিন্তু প্রশ্ন, প্রশ্নকর্তা ও প্রশ্নের বিষয় ভিন্ন। দ্বিতীয় কবিতায় প্রশ্ন ‘কে’ নয়, ‘কেন’। প্রশ্নকর্তা স্বয়ং কবি এবং আমরা সবাই। প্রশ্নের বিষয় নক্ষত্রজগৎ প্রথম স্তরকে, দ্বিতীয় স্তরকে মানবাত্মা। ‘কেন’ শব্দটি অবশ্য ব্যবহার করা হয়নি, ব্যবহার করা হয়েছে তার প্রতিশব্দ ‘কোন কাজে’, দ্বিতীয় স্তরকের উপাস্তে। প্রথম স্তরকের শেষে প্রশ্নটি অল্পচারিত

রয়েছে। পরের স্তবকটি এই অশুচারিত প্রশ্নের উত্তর বহন করে, এবং সেই সঙ্গে অন্য প্রশ্নটি জাগিয়ে তোলে।

কেন এই তারাপুঞ্জ শূন্যাকাশে মহাকালচক্রপথে যুগের পর যুগ ঘুরছে; এতো বেগ এতো তাপ, এতো আলো কিসের জন্ম? তার উত্তর—কোটি-কোটি বংসরের অসংখ্য ব্যর্থ প্রয়াস, ভুল-ভ্রান্তি ও বিচ্যুতির পর মানবাত্মাকে জন্ম দেবে ব'লেই এতো আয়োজন ছিলো। কিন্তু মানুষের ভিতর দিয়েও তো চলার শেষ নেই, তার শারীরিক ও মানসিক উপাদানগুলিও অবিরত 'ধাক্কা পায়, হয় আঘাতিত, পুঞ্জিত, নতিত'। প্রশ্নের উত্তর যে এখনো অসমাপ্ত। মানুষ তার পূর্ববর্তী জন্মব স্তর থেকে, সামান্যই উপরে উঠেছে, আরো অনেক উপরে উঠতে হবে তাকে, হয়তো দেবতার সঙ্গে একাধিনে বসবে সে একদিন। কিন্তু মানুষ গ্রহ-নক্ষত্রের তুলনায় অত্যন্ত ক্ষীণায়ু, তার 'আত্মার বাতা' শেষ না-হ'তেই, বলতে গেলে শুধু না-হ'তেই, সে জলবিশ্বের মতো লুপ্ত হ'য়ে যায়। তবে কেন এই নক্ষত্রলোক এবং তার ভিতর থেকে মানবাত্মার জন্ম? এই আত্ম প্রশ্নের 'ধ্বনিবে না কোনোই উত্তর'।

একটি উত্তর অবশ্য রবীন্দ্রনাথের ভালোই জানা আছে, 'মানুষের ধর্ম'-এ তার উল্লেখ রয়েছে। মানুষ অপূর্ণ, কিন্তু পূর্ণতার দিকে এগোচ্ছে অতি ধীর পদক্ষেপে। পঞ্চাশ হাজার বংসর পূর্বে সে জন্মের যতো কাছাকাছি ছিলো আজও সেখানেই আছে—এ-কথা সত্য নয়। পঞ্চাশ হাজার বংসর পরে দেবতা লাভ না-করলেও দেবতার আরো কাছাকাছি গিয়ে পৌছবে ভরসা করা যায়। তবে জীবজগতে বিবর্তন যেমন আপনিই ঘটে মানুষের বিবর্তন তেমন স্বেচ্ছাকৃত বা অবধারিত নয়; তার জন্ম তাকে অজস্র বিষের মধ্যে অবিরাম তপস্বী করতে হবে হাজার-হাজার বছর ধ'রে, তবেই সে কয়েক ধাপ উপরে উঠতে পারবে। যদি শেষকে ছেড়ে প্রেয়কে বরণ করে তাহ'লে সে মনুষ্যত্বের প্রকৃত অর্থ থেকে পতিত হবে। মানুষের উন্নতির পথ বিপদ-সংকুল, ক্ষুরধার। কিন্তু এই বিপদের সম্মুখীন না-হ'লে তার আত্মার বাতা অভিব্যক্ত হবে কী ক'রে? ইত্যাদি।

এই উত্তর আজ আর রবীন্দ্রনাথকে ভূষি দিচ্ছে না। মহামানবের হস্ততো ক্ষয় নেই, মৃত্যু নেই; কিন্তু যে কোটি-কোটি ব্যক্তিমানুষ ইতিহাসের বন্ধুর পথে তাদের আত্মার বাতা সামান্যতম উদ্বোধিত করতে-না-করতে চিরতরে বিলুপ্ত হ'য়ে গেলো, মানবিক অস্তিত্বের কতোটুকু মূল্য তাদের কাছে সত্য হ'লো?

বিবর্তনের রথ কি তাদের প্রত্যেকের বুকের উপর দিয়ে চ'লে গেলো না? এই অলংকা, অপূর্ণ, চিরতরে বিভ্রংশ ব্যক্তিস্বরূপের বেদনাই কবিকে ব্যথিত করেছে এ-কবিতায়। যে-উত্তরে অতীত, বর্তমান ও ভবিষ্যৎ ( শুধু ভবিষ্যৎ নয় ) প্রত্যেকটি মানবাত্মার সার্থকতার বার্তা শোনা যাবে, এই মহাশূন্যে তেমন উত্তর কোনোদিক থেকে উচ্চারিত হবে না। প্রথম স্তবকের জ্যোতির্বিজ্ঞানী পরি-প্রেক্ষিত অকস্মাৎ বদলে যায় দ্বিতীয় স্তবকে। এই পটপরিবর্তনের আকস্মিকতা দেখানো হয়েছে একটি অপ্রত্যাশিত ছোটো সরল বাক্যে 'আপনার পানে চাই'। দ্বিতীয় স্তবকে চললো একটি তুলনা দুই অজানার নিত্য গতির মধ্যে – বহির্বাষ্প বনীভূত হ'য়ে তারাপুঞ্জের উদ্ভব ঘটে যেমন, ইতিহাসের বাষ্প-পরিবেশ থেকে 'আমি'পুঞ্জ তেমনি ঘনিষে ওঠে। তারপরে এই 'আমি'র রহস্য নিয়ে কয়েকটি পঙক্তি; জটিল তার তত্ত্ব ধনিগন্তীর ভাষায় আভাসিত। আর-একবার আমরা চমকে উঠি একটি অত্যন্ত আটপোরে বাক্যে এসে, একটি বিষয় ব্রাস্ত নিরুত্তর প্রশ্নে: 'কিছুই জানি না কোন্ কানে'। এত উচ্চারিত বৃত্তাক্ষরবহুল পঙক্তি-গুলির পরে এই অন্তরঙ্গ পঙক্তিটি দীর্ঘলয়ে খাটে; গলায় পড়া দরকার: 'তখনো হৃদরে ঐ নক্ষত্রের দূত'-এর একটি 'তখনো'র উপর সমস্ত কবিতার ভার এসে পড়েছে। আজ জ্যোতির্বিজ্ঞান নক্ষত্রজগতের যে অত্যন্ত আলোক-চিত্রটি আমাদের সামনে উদ্ঘাটিত করেছে তা সবই কালো হ'য়ে যায় যখন ভাবি যে প্রকৃতির অনন্তলীলার মধ্যে কোথাও কোনো ব্যঙ্গা, কোনো ভরসা নেই, এই অজ্ঞেয় সৃষ্টি 'আমি'কে তার 'মুহূর্তের নিরর্থকতা' থেকে বাঁচাবার।

মনে পড়ে রবীন্দ্রনাথ 'বলাকা'র :২-সংখ্যক কবিতার গদ্য-ব্যাখ্যায় বলে-ছিলেন: 'অথচ কেন এই পৃথিবী সগুণোচ্চা ফুলের মতো আমার সামনে রয়েছে? এই সৌন্দর্যের এম্ফ্যাসিসের মানেই হচ্ছে যে মৃত্যুই সর্বগ্রাসী অ্যাবিস্ নয়'। কিন্তু 'নবজাতক'-এ দেখি পূর্বের ভরসা তাঁর ভেঙে গেছে। পৃথিবীর সৌন্দর্যের তো কোনো ক্ষয় হয়নি, অথচ সেই সৌন্দর্যকে আজ আর মানুষের অবশুস্তাবী সার্থকতার গ্যারাটি মনে করতে পারছেন না রবীন্দ্রনাথ। উণ্টে প্রশ্ন করছেন: মাহুই যদি মুহূর্তের নিরর্থকতায় লুপ্ত হয় তবে নিগিলের এতো আলো – 'অসংখ্য তার পরমাণুর বিদ্যুৎ' – কোন কাজে লাগবে?

কয়েক বছর আগে লেখা 'শেষ সপ্তক'-এও মানবাত্মার চূড়ান্ত বিনাশ রবীন্দ্রনাথের চোখে অবিস্মৃত ঠেকেছে; মনে সন্দেহ উপস্থিত হ'লেও সে-সন্দেহকে



তিমি শক্ত হাতে উন্মূলিত করেছেন এই ব'লে যে সৃষ্টির তলে-তলে এতোবড়ো  
ছেলেমানুষের অস্তিত্ব ভাবাই যায় না।

এই অগরিষ্ঠ অপ্রকাশিত আমি—  
এ কার জন্তে, এ কিসের জন্তে।  
যা নিয়ে এল কত সূচনা, কত বাস্তবতা,  
বহু বেদনায় বাঁধা হতে চলল যার ভাষা,  
পৌঁছল না যা বাগীতে,  
তার ক্ষংস হবে অকস্মাৎ নিরর্থকতার তলে  
সইবে না সৃষ্টির এ ছেলের ত্বরি।

কিন্তু 'নবজাতক'-এর কবি নিজেকে প্রস্তুত করতে চাইছেন, প্রস্তুত করতে  
পেরেছেন, সৃষ্টিব এই নিত্য ছেলেমানুষিকে যেনে নেওয়ার ঢল; যা 'সইবে  
না', তা-ও যে সইতে পারে। "প্রশ্ন" কবিতাটির প্রশ্নে বেদনা প্রাজ্জ্বল কিন্তু  
আশাব ফলিঙ্গটুকুও দেখা যাচ্ছে না। যে-নৈরাশ্যের কুয়াশা 'মানসী' থেকে  
'কল্পনা' পর্যন্ত বিস্তৃত ছিলো তাবড় কালিয়া আবো গাঢ় আরো নিশ্চিহ্ন হয়েছে  
অস্তিম পদের কাণ্ডে। যখন তাঁর মনে হয়েছিলো : 'এ আত্মহরের কাছে রহিবে  
অটুট / চৌদিকেব চির-নীৰবতা' : সে রোমাণ্টিক হতাশায় আজ ট্রাজিডির  
স্বর লেগেছে, চৌদিকের চির নীরবতা আবো নিষ্ঠুর শোনাচ্ছে।

প্রথম পদের পরিব্যাপ্ত বিষমতা বেকে নিষ্কমলের পথ খুঁজে পেয়েছিলেন  
রবীন্দ্রনাথ 'গীতাঞ্জলি'তে 'পরানন্দা'র অভিসারে বেরিয়ে প'ড়ে। যদিও বাড়ির  
রাতে গভীর কোন অন্ধকারে আকাশ কেঁদে উঠছিলো, বাইরে কিছু দেখা  
যাচ্ছিলো না, তবু অন্তরে প্রত্যয় স্থির ছিলো, যিনি 'আলোয় আলো-ময়' তিনি  
গহন অরণ্য পার হ'য়ে আসবেনই, আসছেনই। সে উপশান্ত চিত্তের আলোক-  
বতিকা ঈষৎ কেঁপে উঠেছিলো যখন রবীন্দ্রনাথ বিশ্বযুদ্ধের পটভূমিকায় প্রথম  
দেখলেন দুঃখের 'অভভেদী বিরাট স্বরূপ'। ক্রমশ রবীন্দ্রনাথ বুঝতে পারলেন যে  
এ-আলো তাঁর অন্তরের আলো নয়, বাইরে থেকে জ্বালানো হয়েছিলো পূজার  
মন্দিরে।

গুনেছি তার নাম মুখে মুখে,  
পড়েছি যার কথা নানা ভাষায় নানা শাস্ত্রে,  
কল্পনা করেছি তাঁকেই বুঝি মানি।  
তিনিই আমার বরণীয় প্রমাণ করব ব'লে

পূজার প্রয়াস করেছি নিরন্তর।

৭

আজ মেখেছি প্রমাণ হয় নি আমার জীবনে।

কেননা, আমি ব্রাত্য, আমি মন্ত্রহীন। ( “পনেরো”, ‘পত্রপুট’ )

এই নিভস্ত আলোর দিকে ইঙ্গিত ক’রেই কি ব্রাত্য কবি জীবনের শেষ কবিতায় প্রকৃতিকে সম্বোধন ক’রে বললেন, ‘মিথ্যা বিশ্বাসের ফাঁদ পেতেছ নিপুণ হাতে / সরল জীবনে’? কিন্তু ঐতিহ্যবাহিত শাস্ত্রনির্দিষ্ট ধর্মবিশ্বাসের পথ অন্ধকার হ’য়ে গেলেও নক্ষত্রখচিত আকাশ তাঁকে ‘আপন আলোকে ধোত’ অন্তরের যে-পথ দেখালো ‘সে যে চিরস্থচ্ছ’।<sup>১</sup> সেই পথ বেয়ে তিনি চ’লে গেলেন আট দিন পর, বাঠশে শ্রাবণে।

১. ‘কে তুমি’ প্রশ্ন অবলম্বন ক’রে রবীন্দ্রনাথ আর-একটি কবিতা লিখেছেন—‘শেষ সপ্তক’-এব শেষ কবিতা ( ৪৬-সংখ্যক )। কবিতাটি খুব রসোত্তীর্ণ হয়নি, কিন্তু ‘কে তুমি’ প্রশ্নটি যে রবীন্দ্রনাথের মনে বহুদিন থেকে আন্দোলিত ছিলো এবং ঠিক কী অর্থ বহন করতো তা এখান থেকে বোঝা যাবে।

২. ‘আমরা বাইরের শাস্ত্র থেকে যে-ধর্ম পাই সে কখনই আমার ধর্ম হয়ে ওঠে না। তার সঙ্গে কেবল একটি অভ্যাসের যোগ জন্মে। ধর্মকে নিজের মধ্যে উদ্ভূত ক’রে তোলাই মানুষের চির-জীবনের সাধনা। চরম বেদনায় তাকে জন্মদান করতে হয়, নাড়ির শোণিত দিয়ে তাকে প্রাণদান করতে চাই, তার পরে জীবনে স্থখ পাই আর না-পাই, আনন্দে চরিতার্থ হয়ে মরতে পারি।’ ‘আত্মপরিচয়’।

## স মা লো চ না

আজ থোক আটাশ বছর আগে যে-দু'জন ধাত্মীয় সহায়তায় আধুনিক বাংলা কবিতার জন্ম হয়েছিলো, আবু সয়ীদ আইয়ুব তাঁদেরই একজন। একালের কবিদের কাছে তাঁর পরিচয় দিতে যাওয়া যুঁহুতা হবে। কবিতা বিষয়ে, বিশেষ করে বাংলা কবিতা বিষয়ে, তাঁর বলবার অধিকার স্থোপাভিত। আধুনিক কবিতাকে তিনি-যে শুধু সৃষ্টিকাগৃহ খেবেই চেনেন তাই নয়, বাংলা কবিতার প্রেমে প'ড়েই তিনি বাংলা ভাষা শিখেছেন এবং এই ভাষায় এমন একটি স্বকীয় শৈলী আয়ত্ত করেছেন যা যে-কোনো বাঙালী লেখকের দ্রবণীয়। আমাদের মাতৃভাষায় স্বল্পসংখ্যক প্রাবন্ধিকদের মধ্যে মৌলিক চিন্তার অধিকারী খুবই কম; আইয়ুব তাঁদের অন্ততম। পাণ্ডিত্য এবং স্বচ্ছ চিন্তাধারার ফুলমিলন বদাচিত্র ঘটে থাকে; আইয়ুবের রচনায় সেই গুণ বিচুমান। তাই আবু সয়ীদ আইয়ুবের প্রথম গ্রন্থ 'আধুনিকতা ও রবীন্দ্রনাথ' বাংলা প্রবন্ধ-সাহিত্যের ইতিহাসে সত্যিই টেঁচিয়ে ঘোষণা করার মতো একটি অসাধারণ প্রকাশ।

আইয়ুবের প্রধান আলোচ্য বিষয় রবীন্দ্রনাথের কবিতা এবং সেই ক্ষেত্রে আধুনিকতা। একালের পাঠক, কবিরাই বিশেষ করে, রবীন্দ্রনাথের প্রতি তেমন আকর্ষণ অনুভব করছেন না। কেন করছেন না তার কারণ খুঁজতে গিয়ে আধুনিক কবিতার গুণিত ও প্রভাব নিয়েও তাঁকে আলোচনা করতে হয়েছে। বিরূপ বিশ্বে আধুনিক কবিদের প্রতিক্রিয়া এবং রবীন্দ্রনাথ কী-ভাবে অন্তরূপ অবস্থার মোকাবিলা করেছিলেন আইয়ুব তা খুঁটিয়ে-খুঁটিয়ে বিশ্লেষণ করেছেন। প্রসঙ্গত কাব্য-মূল্যায়নের প্রত্যেকটি মৌলিক বিভাগসাই একে-একে তাঁর গ্রন্থে উপস্থাপিত হয়েছে। সমস্যাগুলি পুরোনো, কিন্তু আইয়ুবের বিশ্লেষণ এবং সিদ্ধান্ত কোনো ছককাটা বাধাবলির পুনরাবৃত্তি নয়। তাই এই গ্রন্থ পাঠ করবার সময় প্রায়ই উত্তেজিত হ'য়ে উঠতে হয়, তর্কপ্রবৃত্তি দুবার হ'য়ে ওঠে। কিন্তু মুশকিল এই যে লেখাটা আইয়ুবের, প্রতিপক্ষের বক্তব্যটা যার আগে থাকতেই যেন জানা আছে। ধীরে-ধীরে, ধাপে-ধাপে, যুক্তির পর যুক্তি মাজিয়ে তিনি তাঁর সিদ্ধান্তে পৌঁচেছেন। তবুও আমার আশঙ্কা এই যে আইয়ুবের দু-একটি সিদ্ধান্ত

এং যে-মূল স্বত্বগুলি থেকে তা উদ্ধৃত হয়েছে সেগুলি হয়ত তর্কাতীতভাবে নিতুল নয়।

যেমন, আইয়ুব ধ'রে নিয়েছেন, অন্তত তাঁর লেখা থেকে এই ধারণাই হয়, যে আধুনিক কবিতা এবং রবীন্দ্রনাথের কবিতা একই সঙ্গে উপভোগ করা যায় না। যায় না, তাঁর মতে, এই কারণে যে রবীন্দ্রনাথের বক্তব্য তথা বিশ্বনিরীক্ষার সঙ্গে আধুনিক পাঠকের মনের মিল নেই। এই ধারণা থেকেই রবীন্দ্রানুরাগী আইয়ুব আধুনিক কবি এবং কবিতার প্রতি কিছুটা নির্দয় হয়েছেন। এক্ষেত্রে আইয়ুবের অহুমান এবং সিদ্ধান্ত, আমার মনে হয়, শুধুমাত্র আংশিকভাবেই সত্য।

আইয়ুব নিজেকে স্বীকার করেছেন নিরীশ্বরবাদী হওয়া সবুও গীতাঞ্জলি তাঁকে আকৃষ্ট করে। যদিও আত্মবিশ্লেষণ ক'বে তিনি দেখিয়েছেন যে ঈশ্বরে বিশ্বাস থাক বা না থাক গীতাঞ্জলির রসাবাদনের উপযুক্ত ভাববাদী জমি তাঁর মনের ভিতরেই প্রস্তুত হ'য়ে ছিলো এবং সেই কারণেই হয়ত গীতাঞ্জলি তাঁকে আকৃষ্ট করেছে, তবুও আমরা ব্যাপারটাকে ভিন্ন কোণ থেকে দেখাই পছন্দ করবো। আমরা বলবো আইয়ুবকে যা আকৃষ্ট করেছে তা কোনো বিশ্বাস-অবিশ্বাসজড়িত তত্ত্বকথা নয়, বিশুদ্ধ কবিতা এবং এক্ষেত্রে অল্প প্রশংসার স্থান অবাস্তব না হোক, দ্বিতীয় তো বটেই।

স্বীকার করি রবীন্দ্রনাথের অনেক-অনেক কবিতাই আধুনিক পাঠকের মনে বিন্দুমাত্র দাগ কাটে না কিন্তু যেগুলি কাটে তার সংখ্যাও তো বেশ কিছু। আসলে বক্তব্য বা দৃষ্টিভঙ্গির গরমিলের জ্ঞে নয়, রবীন্দ্রকাব্যের উদার মানবিকতাকে বিজ্ঞপ করবে এমন পাষও ভূভারতে কেউ আছে ব'লে মনে করি না, কবিতা-নির্মাণের ব্যাপারে আধুনিকদের ধারণা রবীন্দ্রনাথের সঙ্গে খাপ খাচ্ছে না ব'লেই গণ্ডগোলটা বাধছে। 'রবীন্দ্রনাথ বড়ো বেশি স্পষ্ট, বড়ো বেশি বিস্তারিত, বড়োই বক্তৃতাবাগীশ, যে-কারণে অনেক সময়েই দেখতে পাচ্ছি তাঁর আবেগ উপযুক্ত দেহ খুঁজে পাচ্ছে না, নেহাৎ ঘোষণা হ'য়ে দাঁড়াচ্ছে যা বাগী হিসেবে চমৎকার কিন্তু কিছুতেই একালের পাঠকের মনের মতো কবিতা নয়। উদাহরণ দেবার প্রয়োজন নেই। আইয়ুব নিজেকে সমগ্র রবীন্দ্ররচনাভাণ্ডার মন্থন ক'রে অনেক সময় চোখে আঙ্গুল দিয়ে দেখিয়ে দিয়েছেন কোনগুলি কবিতা আর কোনগুলি নয়।

সেই কবিতাগুলি, যা আধুনিক পাঠকের ভালো লাগছে, ধরুন রাহুল প্রেম (ছবি ও গান); বর্ষার দিনে, নিফল কামনা (মানসী); উৎসর্গ (চেতালী); সোনার তরী, নিরুদ্দেশ যাত্রা, হৃদয়ধমুনা (সোনার তরী); দিনশেষে (চিহ্না); হারিয়ে-যাওয়া (পলাতকা); অনাবশ্যক (খেয়া); পাখিরে দিয়েছে গান, তোমারে কি বারবার (বলাকা); শেষ বসন্ত (পূরবী); কোমল গাছার (পুনশ্চ); কালো ষোড়া (বিচিত্রিতা) ইত্যাদি এবং সঙ্ঘাসংগীতের এককটি কবিতা (জীবনানন্দ দাশের ধূসর পাণ্ডুলিপি সেগুলির প্রায় আক্ষরিক অনুকরণ) বিশ্লেষণ করলে দেখা যাবে কবির মতবাদ কাব্যরসাস্বাদনের প্রতিবন্ধকতার সৃষ্টি করেছে না, কেননা মতবাদটা সেখানে গোপন এবং অনতিবাক্য, আবেগটাই প্রধান। ফলত, কবিতাপাঠের সময় আমরা সাময়িকভাবে আমাদের বিশ্বাস-অবিশ্বাসগুলোকে ভুলে থাকি, নিজেকে অজ্ঞাতনামারই ভুলে থাকতে বাধ্য হই, মনন করি কবির অভিজ্ঞতাকে, পরোক্ষভাবে আস্বাদন করি কবির অনুভূতি। এক্ষেত্রে আমি শুধু বিশুদ্ধ আবেগনির্ভর কবিতার কথাই বলছি না, যাকে মনন-জাত কবিতা বলে, ভালো হ'লে সেগুলিকেও আবেগগ্রাহ্য হ'তে হয়, সেগুলির বেলাতেও একথা খাটে। স্ববীক্ষণাখের রচনাই তার প্রমাণ। কবিতাকে বিশুদ্ধ কবিতা, অর্থাৎ, একটি অনন্ত-নির্ভর শিল্পকর্ম হিসেবে দেখলে তবেই, অল্প কোনো-ভাবেই নয়, ছবি ও পাঠকের মধ্যে সত্যিকারের আদানপ্রদান সম্ভব হয়। এই দৃষ্টি নিয়েই সং পাঠক কবিতার মূল্যায়ন ক'রে থাকেন, কেউ সচেতন-ভাবে, অনেকেই নিজের অজ্ঞাতে এবং শেষ পর্যন্ত কবিতার কাছে তিনি যা লাভ করেন তা একটু হৃদয়-আলোড়ন, মনের একটু বিস্তার, একটু অস্পষ্ট আলো বা আলো-আধার যার স্পর্শে তাঁর নিজের কল্পনা অবাধ ভাবে মেলতে পারে বহির্জগতে বা অন্তর্লোকে। ভালো কবিতা, যেহেতু তা বাচ্যার্থের মধ্যেই সীমাবদ্ধ থাকে না, কখনোই ফুরিয়ে যায় না।

তবে কি কবির বক্তব্য একেবারে তুড়ি মেরে উড়িয়ে দেবার জিনিস? তাও নয়। ব্যতিক্রম থাকলেও, অধিকাংশ কবিতাই স্পষ্ট বা অস্পষ্ট একটি বক্তব্যকে অবলম্বন ক'রেই পাঠকের আবেগে রসবস্ত্ত হিসেবে সঞ্চারিত হয়। কিন্তু স্পষ্ট হবার সঙ্গে-সঙ্গেই রসবস্ত্তর একটি বায়বীয় কিন্তু স্বয়ংনির্ভর চেহারা স্পষ্ট হ'য়ে ওঠে। সেই রসভিত্তিক অবস্থায় কবির বক্তব্যকে আমরা নিজের-নিজের পছন্দ-অপছন্দ ভেঙেচুরে নিয়ে গ্রহণ করি। ত্রুটিই তো আমাদের ব্যক্তিগত বিশ্বাস-

অবিশ্বাসগুলোকে প্রথমে বাধ দিয়ে এবং পরে সঙ্গে নিয়েই কবিতার রসাবাদন সম্ভব। আইয়ুব যে প্রতিপক্ষের এইসব যুক্তিতর্কগুলো জানেন না বা তাঁর গ্রন্থে উল্লেখ করেন নি, তা নয়। কিন্তু যেহেতু কাব্যালোচনা নয়, কাব্যতত্ত্বালোচনাই তাঁর উদ্দেশ্য তাই তিনি রসবস্তুর চাইতে বক্তব্যের উপরেই গুরুত্ব আরোপ করেছেন। আমাদের অভিযোগ : এই গুরুত্ব-প্রদানের ব্যাপারে সময়-সময় তিনি মাত্রা ছাড়িয়ে গেছেন।

রবীন্দ্রনাথের কবিতায় যে-দুটি গুণের অল্পতা, অসদৃশ্য নয়, আমাদের মর্মপীড়ার কারণ, আইয়ুব বেছে-বেছে ঠিক সেই দুটি গুণকেই আধুনিক কবিতার পরম দুর্বল বুলে চিহ্নিত করেছেন ; কাঠগড়ায় দাঁড় করিয়েছেন বোদলেয়ার এবং মালার্মেকে। ‘কবিতার ভাষা’ অধ্যায়ে মালার্মের কাব্যতত্ত্ব নিয়ে তিনি যে-সুদীর্ঘ আলোচনাটি করেছেন, তথ্য যুক্তি এবং বিশ্লেষণের দিক থেকে নিশ্চয়ই তা নিশ্চিহ্ন, কিন্তু আমাদের আশঙ্কা রচনাটিতে শেষ পর্যন্ত সহাত্বভূতির অভাব ঘটেছে। মালার্মে তাঁর মঙ্গলবারের বৈঠকে যে-সব তত্ত্বকথা প্রচার করতেন আক্ষরিকভাবে সেই অমুখ্যায়ী কবিতা লেখা কতটা সম্ভব জানি না। তিনি নিজেকে এবং তাঁর শিষ্যরাও তা পারেন নি। কিন্তু আইয়ুব যা-ই বলুন মালার্মের বেশ কিছু কবিতা সুস্পষ্ট বক্তব্যের উপর দাঁড়িয়ে রয়েছে। একেবারে অর্থভারহীন শব্দক্ৰীড়া হ’লে একাধিক সমালোচক তাঁর রচনায় হেগেলের দর্শন খুঁজে পেতেন না। যাই হোক, মালার্মেকে তাঁর প্রাপ্য সম্মান দিতেই হবে। অনেকদিন ধ’রে জুতো সেলাই থেকে চণ্ডীপাঠ পর্যন্ত দেবদার আজবাজে কাজ কবিদের ঘাড় ধ’রে করিয়ে নেওয়া হয়েছে। . মালার্মে তারই প্রতিবাদ। তাঁর মতে কবিতার জগৎ এক অপার রহস্যের জগৎ, যে-জগতে প্রবেশ করবার চাবি পাঠককেই নিজের চেষ্টায় আপন অন্তর্ভুক্তি দিয়ে খুঁজে নিতে হবে। কবিতা কিছু বলবে না, তা নয় ; বরং অনেক অনেক কিছু বলবে, স্তরে-স্তরে তার অস্বহীন অর্থ ছড়ানো থাকবে। কিন্তু বলবে পরোক্ষভাবে, আকার-ইঙ্গিতে, নানা সংকেতের মধ্যবর্তিতায়, শব্দকে তার সাধারণগ্রাহ্য অর্থের বন্দীদশা থেকে মুক্ত ক’রে। এই তত্ত্বে কী আপত্তি থাকতে পারে ? আমার তো মনে হয় কবিতার লক্ষ্য বিষয়ে রবীন্দ্রনাথের ধারণাও মালার্মের কাছাকাছি-ছিলো, যদিও, বহির্বিষয়ের প্রতি অত্যধিক কৌতু-হল বা অল্প যে-কোনো কারণবশতই হোক, রবীন্দ্রনাথ নিজের যুক্তি অমুখ্যায়ী কবিতা লিখতে তেমন উৎসাহ বোধ করেন নি। আমার এই উক্তির সমর্থনে

রবীন্দ্রনাথ থেকে কয়েকটি ছন্দ তুলে ধরছি :

মানুষের ভাষাটুকু অর্থ দিয়ে বন্ধ চারিধারে,  
ঘুরে মানুষের চতুর্দিকে । অবিরত রাত্রিদিন  
মানবের প্রয়োজনে প্রাণ তার হয়ে আসে ক্ষীণ ;  
পরিশ্রুত তবু তার সীমা শেষ ভাবের চরণে,  
ধুলি ছাড়ি একেবারে উল্লস-মুখে অনন্ত গগনে  
উড়িতে সে নাহি পারে সংগীতের মতন স্বাধীন  
মেলি দিয়া সপ্তস্বর সপ্তপঙ্ক অর্থভারহীন ।

অথবা

মানুষের জ্ঞান বানিয়ে নিয়েছে  
আপন সার্থক ভাষা ।  
মানুষের বোধ অবুধ, সে বোবা,  
যেমন বোবা বিশ্বব্রহ্মাণ্ড ।  
সেই বিরাট বোকা  
আপনাকে প্রকাশ কবে ইঙ্গিতে,  
বাখ্যা কবে না ।  
বোবা বিশ্বের আছে ভঙ্গি, আছে ছন্দ,  
আছে নৃত্য আকাশে-আকাশে ।...  
মানুষের বোধের বেগ যখন বাঁধ মানে না,  
বাহন করতে চায় কথাকে,  
তখন তার কথা হয়ে যায় বোবা,  
সেই কথাটা খোজে ভঙ্গি, খোজে ইশারা,  
খোজে নাচ, খোজে সুর,  
যেহে আপনার অর্থকে উলটিয়ে,  
নিয়মকে শেষ বাঁকা করে ।  
মানুষ কাব্যে রচে বোবার বাগী ।

মালার্মে এর চাইতে নতুন কিছু বলেন নি । আর থিয়োরিটা জানা থাকলেও  
রবীন্দ্রনাথ তা নিয়ে তন্মিষ্ট পরীক্ষা করেন নি, এই যা । বোধের কবি ময়চৈতন্যের  
কবি । প্রতীকবাদী কবিরা স্বভাবতই চরম আত্মমুখী তথা বস্তুবিমুখ । আমার  
মনে হয় এই কারণেই তাঁরা আইয়ুবের সহানুভূতি থেকে বঞ্চিত হয়েছেন ।

কেননা, আইয়ুব মনে করেন অহংসর্বস্ব দৃষ্টির সংকীর্ণতা থেকে উত্তরণ এবং  
ঋণদৃষ্টিকে সমগ্রতাবোধে উপস্থাপিত করাই শিল্পীর লক্ষ্য হওয়া উচিত । এই

উত্তরণে সমর্থ হ'লে শিল্পী সত্য, শুভ ও হৃন্দরের সামঞ্জস্য উপলব্ধি করেন ; অক্ষয় হ'লে, অন্তঃ এবং অহৃন্দরই বড়ো ক'রে চোখে পড়বে তাঁর। সত্য, শুভ এবং হৃন্দর—এই মূল্যত্রয় মানুষ তার চেতনার দ্বারা উপলব্ধি করলেও, আইয়ুবের মতে, কিছু বিষয়গত নয়, বিষয়গত। সে-জগৎ সত্যমূল্য এবং শুভমূল্যকে বাদ দিয়ে সৌন্দর্যমূল্য থাকতে পারে বা থাকলেও তা শিল্পের পক্ষে যথেষ্ট এ-কথা তিনি স্বীকার করেন না। এই দৃষ্টিকোণ থেকেই আইয়ুব বোদলেয়রকে আক্রমণ করেছেন।

বোদলেয়রের দৃষ্টি রবীন্দ্রনাথের মতো ব্যাপক বা অখণ্ড ছিলো না এ-কথা সকলেই স্বীকার করবেন। কিন্তু আইয়ুব যখন বলেন বোদলেয়রের বিতৃষ্ণা আমাদের সকলের সর্বনাশ করেছে, এদেশের যুবকদের জরাগ্রস্ত ক'রে দিয়েছে, তখন আপত্তি না-জানিয়ে পারা যায় না। কবিতা প'ড়ে কাকুর সর্বনাশ হ'তে পারে এ ধারণা আমার কাছে গ্রাহ্য নয়। তাছাড়া, আইয়ুব তাঁকে যুঁতমান শয়তান মনে করলেও, বোদলেয়র সম্বন্ধে প্রায় সব সমালোচকই একমত যে তিনি ছিলেন উন্টোমুখো খুঁটান, হাড়ে-হাড়ে পিউরিট্যান এক জেনসিনাইট। চরম মঙ্গলে পরিপূর্ণ আস্থা ছিলো ব'লেই একান্ত অমঙ্গলের নির্ভীক সাধনা তাঁর পক্ষে সম্ভব হয়েছিলো। যে-কবি অন্ধকারের শাসনরুদ্ধকর বীভৎসতাকে ফুটিয়ে তুলতে পারেন তিনি কি আলোর প্রত্যাশী নন? স্পষ্ট ক'রে আলো চাই বা আলো আছে বলাটাই বড়ো কথা? ফলত, বোদলেয়রের কবিতার ভিতর আমরা একজন মোহমুক্ত সন্ন্যাসীর কণ্ঠস্বর শুনেতে পাই। আইয়ুব পান না। এ-নিয়ে তর্ক ক'রে লাভ নেই। প্রশ্ন এই যে বোদলেয়রের কুপিত পিত্ত, যা বিরক্তি, দুঃখ এবং হতাশার সংমিশ্রণ, একটা আধ্যাত্মিক গুণ এবং আধুনিক সাহিত্যের অত্যন্ত প্রেরণা হিসেবে স্বীকৃত হ'লো কেন?

দোষটা হয়ত বোদলেয়রের নয়, যিনি রোমান্টিক বিবাদকে টেনে নিয়ে গেলেন বিতৃষ্ণায়, দোষটা হয়ত আধুনিক যুগের। শূন্যতা, বিরক্তি, বিতৃষ্ণা, বিবমিষা, একঘেয়েমি এবং অর্থহীনতার বোধ ছাড়া আর কী আছে এ-যুগের মানুষের সামনে? ব্রহ্মাণ্ড তার জন্তে সৃষ্টি হয় নি ; সৌরজগতে পৃথিবীর স্থান নগণ্য, তার স্থান আরো অকিঞ্চৎকর। আধুনিক মানুষ জানে যে সে কোনো দিব্যজীব নয়, জড়প্রকৃতির উদ্দেশ্যহীন অন্ধ নিয়মে আকস্মিকভাবে চেতনা নামক বস্তুটিকে পেয়ে গেছে। . আসলে সে জন্তু মাত্র, বড়ো জোর একজন হাতিয়ার-



নির্মাণা জন্ত। আপাতত বুদ্ধিমান, যুক্তিসম্পন্ন, সচেতন এই জঘটি প্রকৃতপক্ষে নেহাৎ প্রবৃত্তির তাগিদে আয়ুযুদ্ধের ক্রিয়া-প্রতিক্রিয়ায় চাতিত হচ্ছে, দায়ের প'ড়ে মেনে নিয়েছে সমাজজীবন। ঈশ্বরে আস্থা নেই তার, ভয়ংকর যুদ্ধ এবং মারণাজ্ঞের ক্রমবৃদ্ধি দেখে মহত্ত্বসমাজের উপরেও তার আশা ভরসা নেই। স্বভাবতই বোদলেয়রের কবিতা তার ভালো লাগবে। ভালো লাগবে এই কারণে নয় যে সেখানেই সে তার মনের সত্যিকারের প্রতিচ্ছবি খুঁজে পাচ্ছে। ভালো লাগবে এই কারণে যে সেখানেই সে অভিশপ্ত আধুনিক জীবনকে ঘৃণা করতে পারছে। জীবনের প্রতি বোদলেয়রের কোনো আসক্তি ছিলো না, আধিব্যাধি-এক্স আধুনিক জীবনের প্রতি যেমন নেই আধুনিক কবিদের। বোদলেয়র তথা আধুনিক কবিদের এই ঘৃণা পরোক্ষভাবে সুন্দর এবং মজলের জন্ত আকাঙ্ক্ষা নয় কি? তাছাড়া, অমঙ্গলবোধ নিয়ে উৎকর্ষিত হবার কী কারণ থাকতে পারে বুঝি না। কেননা পৃথিবীতে এমন অমানুষ কেউ জন্মায় নি যে বুক চাপড়ে বলতে পারে : শয়তানই আমার ঈশ্বর, অমঙ্গলের সাধনাই আমার লক্ষ্য। অমঙ্গলবোধ আর অমঙ্গলসাধনা মহত্ত্বস্বভাব বিরোধী; মানুষ্যমাত্রই আদর্শবাদী, মঙ্গলের সাধক কেউ প্রচ্ছন্নভাবে, কেউ প্রকাশে। কবিরী তো বটেই।

আইয়ুব বোদলেয়রের শিল্পকর্মকে উচ্চরের ব'লে মনে করেন। সেখানেই তো তাঁর ভূগু থাকা উচিত ছিলো। কিন্তু থাকতে পারেন নি এই ভুলে যে শিল্পের দৌন্দর্য একান্তভাবে শিল্পবস্তুতেই নিবদ্ধ এ-তত্ত্ব তাঁর কাছে একেবারেই অগ্রাহ্য এবং তিনি জড়জগতে মানবমননিরপেক্ষ সত্য-শুভ-সুন্দরের অস্তিত্বে বিশ্বাসী। আইয়ুব আস্থা রাখেন না কিন্তু মনে হচ্ছে ধর্ম এবং ঈশ্বরের কাজটা তিনি কবিকে দিয়ে করিয়ে নিতে চাইছেন। কবি কি প্রেরিত পুরুষ, প্রবক্তা, মরুমী, যোগী সবাইকার স্থান পূরণ করতে পারেন? হয়ত রবীন্দ্রনাথ পেরেছিলেন। আধুনিক কবিরী এ-প্রত্যাশা পূরণ করতে পারছেন না ব'লেই আইয়ুবের আক্ষেপ।

এ-পর্যন্ত যা লিখেছি তা আলোচ্য গ্রন্থের মাত্র দু'তিনটি প্রবন্ধকে লক্ষ্য ক'রে। কিন্তু তর্কের নেশাতেও ভোলা সম্ভব নয় যে 'আধুনিকতা ও রবীন্দ্রনাথ' প্রধানত: রবীন্দ্রমানস-বিবর্তনের ধারাবাহিক ইতিহাস। এই ইতিহাস-রচনায় আইয়ুব অসামান্য পরিশ্রম করেছেন। রবীন্দ্রচিন্তা-প্রবাহের উপর দিনরাত্রি একা-একা নোকা বেয়ে, একটির পর একটি কবিতাকে দৃশ্যের আলোয় বিশ্লেষণ এবং উদ্ঘাটন ক'রে যে-রবীন্দ্রনাথকে তিনি আমাদের সামনে উপস্থিত করেছেন তিনি

শুধু বিরাট বা মহৎ নন, সদাসংবেদনশীল আত্মনির্ভর এক দুঃসাহসী মানুষ ; কার্য-  
বণিত সিসিকাসের ছবি বারবার চোখের উপর ভেসে ওঠে। বস্তুত, পাঁচটি কারণে  
আইয়ুবের কাছে আমরা কৃতজ্ঞতা স্বীকার করতে চাই ; এক, রবীন্দ্রনাথের  
ঈশ্বরবিষয়ক চিন্তাকে তিনি একটি বিশ্বাস আকার দিতে পেরেছেন যা এতদিন  
অধ্যাপকদের অক্লান্ত চেষ্টায় নিরবয়ব ধোঁয়াটে হ'য়েছিলো ; দুই, রবীন্দ্রচিন্তার  
অনেক আপাত-বিরোধিতার যুক্তিযুক্ত ব্যাখ্যা তাঁর গ্রন্থেই প্রথম পাওয়া গেলো ;  
তিন, রবীন্দ্রনাথের শেষ-পর্বের রচনার একাধিক দার্শনিক রহস্য তিনি উন্মোচন  
করতে পেরেছেন যা একমাত্র তাঁর পক্ষেই করা সম্ভব ছিলো ; চার, অপরিমীম  
শ্রদ্ধা সত্ত্বেও প্রয়োজনস্থলে রবীন্দ্রনাথের কবিতা-বিশেষকে তিনি কঠোর সমা-  
লোচনা করতে ইতস্তত করেন নি ; পাঁচ, বিশেষ নজরে পড়ে নি রবীন্দ্রনাথের  
এমন একাধিক ভালো কবিতার প্রতি তিনি সকলের দৃষ্টি আকর্ষণ করেছেন।  
উপনিষদের আলোয় রবীন্দ্রনাথকে অনেকদিন ধ'রে দেখে আসছি আমরা। এই  
প্রথম একজন আধুনিক দার্শনিকের দৃষ্টিতে কবিকে দেখার সুযোগ হ'লো।

অরুণকুমার সরকার

## লেখকের উত্তর

“একটি অসাধারণ প্রকাশ” শিরোনামায় অরুণকুমার সরকার ‘আধুনিকতা ও রবীন্দ্রনাথ’-এর যে সঙ্কল্প সমালোচনা করেছেন তার উত্তরে এবং উত্তরের স্বত্ত্ব ধরে আমার কিছু বক্তব্য আছে। দু-এক জায়গায় তিনি আমাকে ভুল বুঝেছেন, দু-এক জায়গায় আমিও তাঁকে ভুল বুঝে থাকতে পারি; এমনও হ’তে পারে যে যে-যুক্তি তিনি খণ্ডন করেছেন তার পিছনে বা প্রসারণে আরও যুক্তি ছিলো, আরো সাক্ষ্যপ্রমাণ ছিলো, আলোচ্য গ্রন্থে তা স্পষ্ট হ’য়ে ওঠেনি। অতএব এই প্রবন্ধ।

ভুল বোঝার দৃষ্টান্ত : ‘আইয়ুব ধ’রে নিয়েছেন যে আধুনিক কবিতা এবং রবীন্দ্রনাথের কবিতা একই সঙ্গে উপভোগ করা যায় না।’ তাই যদি ধ’রে নিতাম তবে কি আমি রবীন্দ্র-প্রেমিক হ’য়েও মুক্তকণ্ঠে স্বীকার করতে পারতাম যে রিল্কে ‘এ-শতাব্দীর দুই মহান কবি’র অন্যতম; তাঁর ‘ডুইনো এলিজিস’, এলিয়টের ‘ফোর কোয়ার্টেইন্স’, কামুর ‘আউটসাইডার’, বুদ্ধদেব বসুর ‘তপস্বী ও তরঙ্গিনী’, মানিক বন্দ্যোপাধ্যায়ের ‘পদ্মানদীর মাঝি’ ‘সর্বদেশকালে স্থান পাওয়ার যোগ্য’। অমিয় চক্রবর্তীকে বললাম ‘হালের বাঙালি কবিদের মধ্যে আমার প্রিয়তম কবি’, নিজেকে বললাম বিষ্ণু দে ও স্ত্রীভাষ্য মূখোপাধ্যায়ের ‘গুণমুগ্ধ পাঠক’। এ’রা কি কেউ আধুনিক নন, ঐ সম্মানিত বিশেষণটি কেবল বোদলেয়রের জাগতিক বিতৃষ্ণার কবিতা, মালার্মের অর্থবিপ্লবী শূন্যতাবিলাসী কবিতা এবং উভয় আদর্শে অল্পপ্রাণিত পরবর্তী কাব্যসাহিত্য বিষয়েই প্রযোজ্য? ঐ দুই কাব্যধারার সঙ্গে রবীন্দ্র-কাব্যধারার একটা বড়রকমের গরমিল আছে অবশ্য। তার আলোচনা আমার বইয়ের অনেকখানি জায়গা জুড়েছে। কিন্তু আমার অভিধানে ‘আধুনিকতা’র সংজ্ঞা ব্যাপকতর।

‘আইয়ুব বোদলেয়রের শিল্পকর্মকে উদ্ভবের ব’লে মনে করেন। সেখানেই তো তাঁর তৃপ্ত থাকা উচিত ছিলো।’ উচিত ছিলো কি? যদি শিল্পকর্মকেই আমি কবিতার পরাকাষ্ঠা জ্ঞান করতাম তবে আমার মতে বোদলেয়র হতেন এ-যুগের শ্রেষ্ঠ লিরিক কবি, রিল্কে, রবীন্দ্রনাথ, য়েটসের উপরে তাঁর স্থান

হ'তো। কিন্তু আমি কাব্যকলার সঙ্গে শিল্পকর্মের সমীকরণের পক্ষপাতী নই। শিল্পকর্মে পারদর্শী না-হ'লে কবি কবি হ'তে পারেন না—এই পর্যন্ত। কোনো কবির শিল্পকুশলতায় অভিভূত হ'লে বলবো ইনি ওস্তাদ কবি, শুধু তার উপর নির্ভর ক'রেই বলবো না যে তিনি মহৎ কবি। মহৎ কবির আরো-কিছু গুণ থাকে দরকার। কী সে-গুণ বলা খুব সহজ নয়, তবে অসুভব করি শিল্পকর্মের উৎকর্ষ আবশ্যক হ'লেও যথেষ্ট নয়।

আপাতত বলা যাক যে সে বাড়তি গুণ উপলব্ধির গভীরতা। কোনো গভীর উপলব্ধি অনিপুণ নিরলংকার নীরস ভাষায় প্রকাশিত হ'লে অবশ্য তা কবিতা হয় না, হয় উচ্চরের নীতিশিক্ষা, ধর্মদেশনা বা দার্শনিক তত্ত্বকথা। তার মানে ছুই ভিন্ন প্রতিমান (double standard) দ্বারা আমরা কাব্যের মূল্য যাচাই ক'রে থাকি। ব্যঙ্গনার নৈপুণ্য একেবারে গোড়ার কথা, কিন্তু শেষ কথা নয়। ব্যঙ্গিত বিষয়ের গভীরতা এক হিসেবে উপরি পাওনা, তবে সেইখানে কাব্যের মহিমা। ওস্তাদ কবি বাহবা পান, কিন্তু সংস্কৃত অর্থেও যিনি কবি তাঁকেই আমরা প্রণতি জানাই, অন্তরের গভীরে স্থান দিই।

এই প্রতিমান-দ্বৈতের কথা আমার স্বকপোল-কল্পিত নয়, বহু প্রখ্যাত সাহিত্যিক ও নন্দনতাত্ত্বিক ইতিপূর্বেই তা ব'লে গেছেন, বস্তুতপক্ষে বলতে বাধ্য হয়েছেন। কয়েকজনের নাম করি। ওয়াল্টার পেটর শিল্পশুদ্ধির একজন প্রধান অধিবক্তা, তাই তাঁর স্বীকারোক্তির গুরুত্ব খুবই বেশি। তিনিও এই অনীপ্তিত সিদ্ধান্তে পৌছেছিলেন যে মহৎ শিল্পরচনা ও উৎকৃষ্ট শিল্পরচনার মধ্যে—অন্তত সাহিত্যের বেলা—বিভেদ প্রত্যক্ষভাবে নির্ভর করে তার বিষয়বস্তুর উপর, আঙ্গিকের উপর নয় (‘not on its form but on its matter’)। টলস্টয়ের মতে শিল্পী তাঁর অভিজ্ঞতাকে সংক্রামক ক'রে তুলতে পারলে বোঝা যাবে যে তাঁর রচনা শিল্প হ'য়ে উঠেছে; কিন্তু মহৎ শিল্প হ'য়ে উঠেছে বিনা তা নির্ভর করবে শিল্পকর্মবাহিত অভিজ্ঞতা কতোখানি মহান তার উপর (টলস্টয়ের ভাষায়, তাতে কতোখানি ছোঁয়া লেগেছে সে-যুগের উচ্চতম মূল্যবোধের—‘highest religious perception of the age’-এর)। রবীন্দ্রনাথও এই মতে সায় দিয়েছেন : ‘সাহিত্যের বিচার করিবার সময় দুইটা জিনিস দেখিতে হয়। প্রথম, বিষয়ের উপর সাহিত্যিকের হৃদয়ের অধিকার কতখানি; দ্বিতীয়, তাহা স্বামী আকারে ব্যক্ত হইয়াছে কতটা।’ টি. এস. এলিয়ট কবি ও সমালোচক উভয়ত

আঙ্গিকসিদ্ধির প্রতি রবীন্দ্রনাথের চেয়ে অনেক বেশি, মনোযোগী ; তিনিও বলেছেন :: ‘সাহিত্য-সমালোচনাকে সম্পূর্ণ করতে হবে শ্রেয়োনীতিক ও ধর্মাত্ম-ভূতিমূলক সমালোচনার দ্বারা – সাহিত্যের মহত্ত্ব সাহিত্যিক মাপকাঠিতে মাপা যায় না, যদিও সে-রচনা সাহিত্য হ’য়ে উঠেছে কিনা তা সাহিত্য-বিচারের আভ্যন্তরীণ প্রশ্ন।’ এবং আই. এ. রিচার্ডস, যিনি কবিতা থেকে বিশ্বাস-অবিশ্বাস সত্য-মিথ্যা ইত্যাদির কথা একেবারে খারিজ ক’রে দেওয়ার জন্য জোরালো ওকালতি করেছেন একাধিক বইতে, তিনিও কোনো অসাবধান মুহূর্তে ব’লে ফেলেন : ‘শিল্পরচনা কখনো ব্যর্থ হয় কমিউনিকেশনের ব্যর্থতার দ্বারা, কখনো এই কারণে যে যা কমিউনিকেট করা হয়েছে তার কোনো মূল্য নেই (because the experience communicated is worthless) ; কখনো-বা উভয় কারণে।’ তার মানে কাব্যবাহিত অভিজ্ঞতা বা উপলব্ধির কথাও শুঠে, শুধু বাহনের দোষগুণ-বিচারই কাব্যসমালোচনা হয়।

স্বয়ং অরুণকুমার সরকার কবিতার মধ্যে কেবল শিল্পকর্মের নিপুণতা খোঁজেন না, আবেগও চান। আরো অনেক-কিছু চান – ‘মনের একটু বিস্তার, একটু অস্পষ্ট আলো’ (জ্ঞানের আলো ? বোধির আলো ?)। কিন্তু আবেগের কথাই ধরা যাক। আরো ধরা যাক যে তিনি শিল্পকর্মের উৎকর্ষ বলতে আবেগপ্রকাশের চরিতার্থতাই বোঝাতে চেয়েছেন। যে-কোনো আবেগের বলিষ্ঠ প্রকাশ কি মহৎ কবিতা হ’য়ে ওঠে ? হ’য়ে উঠতে পারে তার কাছে যিনি সে-আবেগকে অবাধে সর্বাঙ্গতঃ গ্রহণ করতে সক্ষম ; অতের কাছে নয়। এ-বিষয়ে হারা একটু গোড়া তাঁরা এমন সব কবিতা যাতে তাঁদের বিচারে নিকৃষ্ট আবেগ ব্যক্ত হয়েছে (তার প্রকাশভঙ্গি যতো নিপুণই হোক-না কেন) সরাসরি নাকচ ক’রে দেন এই রায় দিয়ে যে ওটা কবিতাই নয়। যেমন-এরিথ হেলর ফরমান জারি করলেন, হিটলার ইহুদি-বিষেয নিয়ে কেউ ভালো কবিতা লিখতেই পারে না। কেন পারে না ? কবি যদি অন্তরের গভীরে এই বিষেযভাব পোষণ করেন এবং বোদলেয়র কিংবা ভালেরির মতো রূপদক্ষ হন, তবে হিটলার ভাবে ভরপুর ভালো কবিতা লিখতে পারবেন না কেন ? এই বিশেষ ভাবটি প্রকাশ করবার সময়ে তিনি তাঁর রূপদক্ষতা ভুলে যাবেন – এটা তো বিশ্বাসযোগ্য নয়। এটুকু বলা-যেতে পারে যে আমরা যারা বর্ণবিষেয-জাতীয় ভাবগুলিকে ঘৃণার চোখে দেখি, আমাদের কাছে এমন কবির আবেদন তাঁর কলাকৌশলের গুণগ্রহণেই

সীমাবদ্ধ থাকবে। নাৎসি সাহিত্য-বিশেষজ্ঞরা অবশ্য তাঁকে সর্বতোভাবে মহৎ কবি বলে সম্মান করবেন।

প্রশ্ন উঠতে পারে, ভালো কবির রচনায় ভাব তো আর ভাবের পর্যায়ে থাকে না, শুষ্ক ও সাধারণীকৃত হ'য়ে একপ্রকার অলৌকিক বস্তুতে রূপান্তরিত হয়। অর্থাৎ ভাব পরিণত হয় রসে। তখন তা রসিকমাত্রের হৃদয়গ্রাহ্য হবে না কেন? উত্তরে বলবো, যে-কোনো ভাবকে পাঠকমাত্রের (পরিণীলিত-কচি পাঠকের কথাই ধরি এখানে) রসাস্বাদনযোগ্য ক'রে তোলা কোনো কবির সাধ্য নয়। কোনো-কোনো ভাব—স্বথা, বর্ণবিদ্বেষ, হিংস্রতা, ধর্মকাম ইত্যাদি—অনেক সহৃদয় পাঠকের মনে এমন বিরূপ প্রতিক্রিয়া ও প্রতিরোধ জাগিয়ে তোলে যে তাঁদের রসনায় সে-জাতীয় ভাবকে রসে রূপান্তরিত করা নিপুণতম কবিকর্মের দ্বারাও সম্ভব নয়। অবশ্য টমাস মানের মতো ঔপন্যাসিক অতি নিষ্ঠুর নাৎসী নেতাকেও তাঁর উপন্যাসের পাত্র, এমন-কি নায়ক, রূপে পেশ করতে পারেন। ঐ-নায়কের ইহুদী-বিদ্বেষ এবং বীভৎস সব ভাবকে রসরূপে গ্রহণ করতে ফাশিস্ট-বিরোধীদেরও বাধবে না। বাধবে তখনই যখন আমরা অনুভব করবো সে হিংস্র ইহুদী-বিদ্বেষ শুধু নায়কের মনে নয়, সমস্ত উপন্যাসে ছড়ানো রয়েছে, অর্থাৎ তা ঔপন্যাসিকেরও মনের ভাব। পাত্র-পাত্রীদের সঙ্গে পাঠকের হৃদয়িক তাদাত্ম্য ঘটে না, নাট্যকার বা ঔপন্যাসিকের সঙ্গে ঘটে। সেখানে ব্যবধান দুস্তর থাকলে সাহিত্যের রসাস্বাদন বিঘ্নিত হয়। বিভেদ এবং বিরোধের মাঝখানে রেখা টানতে চাই। রচয়িতা ও পাঠকের মধ্যে দৃষ্টিভঙ্গির বা হৃদয়োপলব্ধির বিভেদ থাকতে পারে, কিন্তু বিরোধ একেবারে মৌলিক এবং নিরর্থক হ'লে কমিউনিকেশন সম্ভব হবে না।

অরুণ শুধু আবেগের কথা বলেছেন, কিন্তু লক্ষ করেননি যে আবেগ দুই প্রকারের হয়। এক—ইন্দ্রিয়জাত আবেগ। কোনো ফুলের রঙ দেখে বা পাখির স্বর শুনে আমাদের মন খুশি হ'তে পারে, বিষম হ'তে পারে, ইত্যাদি। এগুলিকেই সঠিক আবেগ বলা সংগত। কিন্তু সাহিত্যের আবেগ চিন্তা ও বুদ্ধি-নির্ভর। গ্রীশন ভস্মাধার দেখে কীটস-এর মনে বা শিশু-বিদ্যালয় পরিদর্শন ক'রে য়েটসের মনে যে-আবেগ জেগেছিলো তা জটিল ও বিস্তীর্ণ, বহুবিচিত্র স্মৃতি, কল্পনা ও মনকে আশ্রয় ক'রে। এই বহুলাঙ্গ অভিজ্ঞতা থেকে কবির বিশুদ্ধ আবেগটুকুকে ছেকে আলাদা করা অসম্ভব। এ এক বিবিধবর্ণ বহুবিষয়-সমাকীর্ণ

মনোব্যাপার যা একাধারে মানসিক ও হাঙ্গিক। একে কবির আবেগ মাত্র না-  
ব'লে তাঁর উপলব্ধি বলাই সংগত।

কবির উপলব্ধি যখন কবিতায় ব্যক্ত হয় তখন তার রূপান্তর ঘটে অবশ্যই।  
সে-রূপান্তরের কথা আমাদের আলংকারিকেরা বিশদভাবে আলোচনা করেছেন।  
কিন্তু কবিকর্মকে যতোখানি বিশ্লিষ্ট ক'রে দেখেছিলেন তাঁরা, ততোখানি  
বিশ্লেষণসহ নয় তা। আট-নয়টি ভিন্ন-ভিন্ন ভাবকে ভিন্ন-ভিন্ন রসে পরিণত  
করা কবির কাজ নয়; তিনি তাঁর বহুবর্ণ কিন্তু ঐক্যবদ্ধ স্তম্ভমগ্নিত অভিজ্ঞাকে  
জীবনের মাটি-জল-বায়ু থেকে আহরণ ক'রে অস্ত-এক স্তরে পৌছিয়ে দেন। এই  
নান্দনিক উন্নীতি একা কবির দ্বারা সাধ্য নয়, সে-প্রক্রিয়ায় পাঠকের মনকেও  
সক্রিয় অংশগ্রহণ করতে হয়। আমি বলতে চাই যে, পাঠকের মন আতিথেয়  
হ'তে পারে না যদি সে বোধ করে, যে মূল উপাদান থেকে কবি রসাহরণ  
করেছেন সে-মানসিক উপাদান তার নিজের অভিজ্ঞতার বিবাদী, অর্থাৎ কবির  
অভিজ্ঞতা পাঠকের গভীরতম অভিজ্ঞতার সাক্ষ্য অসার বা অসত্য ব'লে প্রতি-  
পন্ন। শুধু চিন্তাই নয়, অল্পভূতিও সত্য কিংবা অসত্য, বিষয়ের সঙ্গে স্তম্ভমগ্ন  
কিংবা অস্তমগ্ন হ'তে পারে। বাঘকে কবি স্তম্ভর বলতে পারেন, কিন্তু সেই বাঘ  
যখন একটি শিশুকে তার মায়ের কোল থেকে কেড়ে নিয়ে ছিঁড়ে-ছিঁড়ে খাচ্ছে,  
তখন কোনো বিকারগ্রস্ত কবি ভাবতেও পারেন কী মজা! কিন্তু এই বিকৃত  
ভাবকে যদি তিনি রসে পরিণত করবার চেষ্টা করেন তবে তিনি ব্যর্থ হবেন,  
অন্তত অ-ক্যানিবালা সুস্থ-মস্তিষ্ক পাঠকের রসবিচারে।

কবি যতোই আঙ্গিকসিদ্ধ হ'ন তবু তিনি তাঁর হৃদয়োপলব্ধি পাঠকের (বা  
পাঠকবিশেষের) হৃদয়ে পৌছিয়ে দিতে দুই কারণে ব্যর্থকাম হ'তে পারেন :  
(১) উপলব্ধি যদি শ্রেয়োনীতি-বিগহিত ব'লে ঠাहर হয়, (২) সে-উপলব্ধি যদি  
অসত্য ব'লে প্রতিভাত হয়—এলিয়টের ভাষায় তার ভিত্তি যদি অভিজ্ঞতালব্ধ  
তথ্যের উপর স্থাপিত না-হয়। ফ্যাশিস্ট সাহিত্য প্রথম কারণে আমার কাছে  
অগ্রাহ্য ঠেকে; বোদলেয়রের অনেক কবিতায় আমি সম্পূর্ণ সাদা দিতে পারি  
না দ্বিতীয় কারণে। কোনো-কোনো পাঠক ভুল বুঝেছেন ব'লে এখানে স্পষ্ট  
ক'রে-বলতে চাই যে বোদলেয়রের বিরুদ্ধে আমার অহুযোগ শ্রেয়োনীতিক নয়,  
দৃষ্টিভঙ্গির মৌলিক বিরোধ-ঘটিত। তাঁর কোনো কবিতাই আমার মতে ইম্মুরাল  
নয়, কিন্তু কোনো-কোনো কবিতা 'অসত্য'—কাব্যিক অর্থে অসত্য, অর্থাৎ not

founded on the facts of experience.

বুঝতেই পারছি অরুণের মনে (আরো বহু আধুনিক কালের পরিশীলিত-  
কৃতি কাব্যরসিকের মনেও) কোনোপ্রকার প্রতিরোধ নেই। বরঞ্চ ঠিক উটো।  
কিন্তু তা এইজন্য নয় যে, তিনি বোদলেয়রের কবিতাকে সেই আশ্চর্য বস্তু ‘বিশুদ্ধ  
কবিতা’রূপে পাঠ করেন, তাঁর স্বকীয় বিশ্ব-বেদনা ও বিশ্ব-নিরীক্ষা থেকে বিচ্ছিন্ন  
ক’রে দেখেন। তেমন নিরালস্য বিশুদ্ধ কবিতা আর যিনিই লিখুন, বোদলেয়র  
লিখতে চাননি। এই আবেগ-সম্পন্ন কবি তাঁর অত্যন্ত স্বকীয় স্বল্পায়ময় উপলব্ধি  
ব্যক্ত করতে চেয়েছিলেন কাব্যে, শব্দ নিয়ে খেলাধর বোধবার কাব্যাদর্শ তাঁর  
মনে ছিলো না। অরুণ বোদলেয়রকে সর্বাস্তঃকরণে গ্রহণ করতে পেরেছেন,  
কারণ তাঁর স্বকীয় মৌল বিশ্ব-উপলব্ধির সঙ্গে বোদলেয়রের মৌল বিশ্ব-উপলব্ধির  
মিলিয়েছে, খুব বেশিরকম মিল। এ-কথা তিনি সবিস্তারে বুঝিয়েছেন :  
‘শূন্যতা, বিরক্তি, বিতৃষ্ণা, বিবমিষা, একবেয়েমি এবং অর্থহীনতার বোধ ছাড়া  
কী আছে এ-যুগের মানুষের সামনে ?’ ইত্যাদি বাক্যের দ্বারা। তারপরে তিনি  
সোজাহুজি ব’লেই ফেলেন বোদলেয়রের কবিতার প্রতি তাঁর পক্ষপাত কেন।  
‘বোদলেয়রের কবিতা তাঁর ( অর্থাৎ আধুনিক মানুষের এবং অরুণ সরকারের )  
...ভালো লাগবে এই কারণে যে সেখানেই সে অভিশপ্ত আধুনিক জীবনকে ঘণা  
করতে পারছে।’

পৃথিবী-জোড়া আধুনিক জীবনে অর্থাৎ আধুনিক মানুষের মধ্যে কি ভালো-  
বাসবার, শ্রদ্ধা করবার, আশাবিত হবার মতো কিছু নেই, সমস্তটাই আত্মোপাস্ত  
অবিমিশ্র ঘৃণারই ষোণ্য ? যদি বলেন, হ্যাঁ তা-ই, তবে আমি জবাব দেবো—  
আপনার কথা সত্য নয়। আমি তো বেশ কয়েকজনকে চিনি যাদের আমি বন্ধু  
বলতে পারি অর্থাৎ ভালোবাসতে পারি, অল্প কয়েকজনকে জানি যারা নিখুঁত  
না-হ’লেও নিঃসন্দেহে শ্রদ্ধেয়, নম্র। আশার আলো দেখি যখন আধুনিক  
বিজ্ঞানীরা প্রকৃতিবন্ধুর মুখের উপর থেকে তার রহস্যাবগুঠন একটু-একটু ক’রে  
তুলে ধরেন এবং তারই ফলে মেহমতি মানুষের শ্রমলাভ হয়, অভাবমোচন হয়,  
যখন লক্ষ-লক্ষ মানুষের আশ্রয়দানের ফলে হিটলারি বর্বরতার অবসান ঘটে,  
স্টালিনি বর্বরতার উপশম হয়। তালিকা আরো দীর্ঘ করা যায়, কিন্তু তার  
প্রয়োজন নেই। অবশ্য ঘণ্য ও নৈরাশ্রজনক অনেক-কিছুও দেখছি, বিশেষত  
এই পুণ্য ভারতভূমিতে। কিন্তু তা হ’লো চাঁদের উটো। পিঠ, যেখানে সবই



অন্ধকার, সবই কালো। রক্তের দক্ষিণ মুখ ও বাম মুখ, দুই বিপরীত মুখের রেখা-  
চিহ্নই চোখের সামনে রাখা ভালো—যেমন রাখেন সব মহাকবি ও মহাজ্ঞানী।  
কেবল একটা মুখ দেখেই বন্দনা বা বিলাপ করা অর্থাচীনতা অথবা মনোবিকারের  
লক্ষণ। রক্ত বস্তুে দক্ষিণঃ মুখঃ তেন মাং পাহি নিতাম্—এ-জীবনে কি তা সম্ভব?  
বিধিবিধান তার অহুকুল নয়। প্রার্থনাটাকে উন্টে দিলে আধুনিক হওয়া যায়,  
কিন্তু সত্যদ্রষ্টা হওয়া যায় না।

অরুণ সরকারের ‘আধুনিক’ বিশেষণটা বাহ্যিক। তিনি নিশ্চয় বলতে চান  
না যে দেড়শ-হ’শ বছর আগে জীবন কিছু কম ‘অভিশপ্ত’ ছিলো। তখন সমস্ত  
ইয়োয়োরোপের বারো-আনা লোক দিনে ১৪ ঘণ্টা ক’রে খাটতো এবং রাত্রে শীতে  
কাঁপতো; তৎপূর্বে নিরপরাধ বৃদ্ধাদের পুড়িয়ে মারা হ’তো ডাইনি নাম দিয়ে,  
এবং প্রটেস্ট্যান্টদের উপর ক্যাথলিকদের কোথাও, কোথাও ক্যাথলিকদের  
উপর প্রটেস্ট্যান্টদের নির্ধাতনের শেষ ছিলো না। তখন আমাদের দেশে প্রেগ,  
ম্যালেরিয়া, কলেরা, অতিবৃষ্টি অনাবৃষ্টি বছরে-বছরে মহামারি ও দুর্ভিক্ষের  
আকার ধারণ করতো, এবং আমাদের শ্রদ্ধেয় পূর্বপুরুষরা তরুণী বিধবাদের ঠেলে  
দিতেন স্বত স্বামীর চিতায়। এই মূর্খ বিশ্বাসে যে তাতে করে উর্বরতন তিন পুরুষ  
স্বদ্ধ তাঁদের স্বর্গবাস সুনিশ্চিত হবে। জীবন যদি ঘুগাই হয় তবে পূর্বকালে বেশি  
বৈকম ঘণ্য ছিলো না।

তাহ’লে কি এই কথা রইলো যে ঝারা অরুণের মতন জীবনকে সর্বান্তঃকরণে  
ঘণা করেন তাঁরা ঐ-ঘণাভাবের উত্তম প্রকাশ বোদলেয়রের কবিতায় পান ব’লে  
বোদলেয়রকে ভালোবাসবেন; এবং আমার মতো ঝারা সমস্ত জাগতিক দুঃখ ও  
পাপের কথা মনে রেখেও জীবনকে ভালোবাসেন, তাঁরা রবীন্দ্রনাথের মধ্যে এই  
যন্ত্রণাবিক ভালোবাসার উত্তম প্রকাশদেখতে পান ব’লে রবীন্দ্র-প্রেমিক? তথাস্ত।  
তবু ছোটো কথা বলবার থাকে—জীবনের একবেয়েমির কথা এবং জীবনের প্রতি  
ঘণার কথা। কেন ঐ দুই বোদলেয়রীয় অহুভূতি আমার কাছে অমত্য।

সারাদিন ধ’রে যদি একই রকম যান্ত্রিক কাজ বা মাছিমাঝা কেয়ানিগিরি  
করতে আমরা বাধ্য হই এবং তারপর এতো ক্লান্ত হ’য়ে পড়ি যে অথ কোনো  
চিন্তোন্মেষক কর্মে মনোনিবেশ করার মতো শরীর-মনের অবস্থা না-থাকে, তা-  
হ’লে জীবন একবেয়ে ঠেকতেই পারে। বর্তমান কালে, বিশেষতঃ অহুভূত দেশে  
বেশিরভাগ মানুষের অবস্থা যে এইরকম, সে-কথা মানি। কিন্তু এটা তো যন্ত্র-

সভ্যতার বিকাশনাট্যের একটা পটপরিবর্তনোন্মুখ দৃশ্য-বিশেষ। পরের অঙ্কে দেখা যাবে অবসরের প্রাচুর্য ও পরিব্যাপ্তি। ইতিমধ্যে পাশ্চাত্যদেশে তা-ই ঘটেছে—কলকায়থানায় খাটুনির পরিমাণ সপ্তাহে ৩৫-৪০ ঘণ্টা, দু-দিন ছুটি। ষাঁদের অবসর আছে তাঁদেরও জীবনটা একঘেয়ে লাগতে পারে যদি তাঁরা কোনো গুরুতর শারীরিক বা মানসিক পীড়ায় ভোগেন। কিন্তু যারা জীবিকা-উপার্জনের ভারে পঙ্গু হ'য়ে পড়েননি এবং ষাঁদের স্বাস্থ্য চলনসই, তাঁরাও কেন বলেন জীবনটা বড়ো একঘেয়ে? জগতে বৈচিত্র্যের তো কোনো অভাব নেই, অভাব ঘটেছে অল্পভব করবার শক্তি ও প্রবৃত্তির।

ষে-সব মানুষের মধ্যে আমরা বসবাস করি তাদের প্রত্যেকের জীবন সুখ-দুঃখবন্ধুর আশা-নিরাশায় তরঙ্গায়িত এক-একটি নাটিকা যার খানিকটা দেখা যার পর্দার সামনে, অনেকটাই অভিনীত হয় আড়ালে, হয়তো-বা তার নিজেরই অর্ধগোচরে। সংবেদনশীল হৃদয় ও সূক্ষ্ম দৃষ্টি দিয়ে দেখলে দেখা যাবে বাস্তব-জীবনের ট্রাজেডি ও কমেডি যেমন মনোগ্রাহী তেমনি ইঙ্গিতময়। একঘেয়েমি সেখানে নেই, আছে দর্শকের নিঃসাড় চিন্তে। অল্পদিকে প্রকৃতি তার অনন্ত বৈচিত্র্যে ও বিশ্বয়করতায় আমাদের চক্ষুরিন্দ্রিয় এবং জ্ঞানচক্ষুর সম্মুখে প্রসারিত। বৈদিক গাথা-রচয়িতা থেকে জীবনানন্দ দাশ পর্যন্ত, পীথাগোরাস থেকে ফ্রেড হুয়েল পর্যন্ত কবির, জ্ঞানীর। অতুল্য ভাষায় তাঁদের জবানবন্দী রেখে গেছেন। হঠাৎ প্রকৃতিকে জয়ন্ত ও একঘেয়ে ব'লে পিঠ ফিরিয়ে বসার কী কারণ ঘটলো?

বোদলেয়র ভাবেন, সমস্ত বিশ্বসংসার জঘন্ত, তিনিই তার মাঝখানে এক পরমার্শ্ব সত্তা কারণ তিনি নির্মাণকুশল, তিনি শষ্টা, তিনি কবি। এই জঘন্ত পৃথিবীর কাদামাটি দিয়েই স্নন্দর ফুল ফুটিয়ে তিনি দেখিয়ে দিতে পারেন, কতো বড়ো অতিপ্রাকৃত শক্তিদ্র তি। কামু ভাবেন, সারা হুনিয়া একেবারে অ্যাব-সার্ড, একমাত্র তিনিই সৌষ্ঠবময়, যুক্তিপূর্ণ, অর্থবান সত্তা; স্তরায় তিনি হবেন মেটাফিজিকাল রেবেল, ভগবান এবং তাঁর জুটির বিরুদ্ধে বিদ্রোহ ঘোষণা করবেন। সে-বিদ্রোহ আপোষহীন, শেষহীন, সীমানাহীন।

জগৎ আর 'আমি' এই দুই সত্তা যেন একেবারে বিপরীত, দর্শনের পরি-ভাষায়, সম্পূর্ণ ভিন্ন ক্যাটিগরির। বোদলেয়র আর কামু 'আমি' বলতে কি কেবল বেদান্তের বিশুদ্ধ সাক্ষী-চৈতন্য কিংবা কাণ্টের ট্রান্সেন্ডেন্টাল ইগো-র মতো

কিছু বুঝেছিলেন ? কিন্তু উপনিষদেও তো দুই ‘আমি’র কথা আছে, ‘দ্বা সুপর্ণা  
 সযুজা সথায়্যা সমানং বৃক্ষং পরিবস্বজাতে’। একই বৃক্ষের শাখায় যে দুটি পাখি  
 সর্বদা সংযুক্ত হ’য়ে আছে – জীবাত্মা ও পরমাত্মা – তাদের পারস্পরিক সম্পর্কটা  
 কী ? তারা সম্পূর্ণ বিপরীতধর্মী হ’য়েও আলিঙ্গনাবদ্ধ, এ কেমন ক’রে সম্ভব  
 হ’লো ? জীবাত্মা অর্থাৎ জন্ম-জরা-মৃত্যু-বিশিষ্ট ‘আমি’ আবার প্রকৃতির অন্ত-  
 তুষ্ক, প্রাকৃতিক শক্তি ও পদার্থ-সম্বাদ, প্রাকৃতিক নিয়মে চালিত। জড়-জগৎ,  
 প্রাণীলোক এবং মানুষ – প্রকৃতির এই তিনটে বিভাগ, কিন্তু বিচ্ছেদ নেই তাদের  
 মধ্যে ; জড় থেকে জীব, জীব থেকে মানুষ – বিবর্তনধারা নিরবচ্ছিন্ন। কেমন  
 ক’রে মানুষ একদিকে জড়প্রকৃতির সঙ্গে আলিঙ্গনাবদ্ধ, অন্যদিকে পরমাত্মার  
 সঙ্গে ? অথচ পরমাত্মা তো বিলুপ্ত সাক্ষী, যেন প্রকৃতির বাইরে থেকে যাবতীয়  
 প্রাকৃতিক দৃশ্য নিরীক্ষণ করছেন। এইসব রহস্যের কথা কি বোধলেনের কিংবা  
 কামু কখনো ভাবেননি ? ভাবলে কি তার কোনো তল, কোনো শেষ পেতেন ?  
 শুধু জড়প্রকৃতির ক্ষুরণের, শুধু প্রাণী-বিবর্তনের ইতিবৃত্ত কি অক্ষুরন্ত রোমাঞ্চ ও  
 বিস্ময় জাগায় না ? এ-সব দিকে তাঁদের চিন্তা যদি জাগরুক থাকতো, তবে এক-  
 স্বেমিবোধ স্থান পেতো না সে-চিন্তে। বাইরের এবং ভিতরের চোখ দুই হাতে  
 চেপে বন্ধ ক’রে রাখলে সব-কিছু একঘেয়ে লাগবে বৈকি। কিন্তু কেন এই  
 আত্মনির্গীড়ন ?

এ তো গেলো ভাবুক স্বভাবের মানুষের কথা। কর্মী স্বভাবের মানুষের  
 কাছে অন্য-এক ডাক – আত্ম ও পীড়িত মানুষদের ডাক – এর চেয়েও দুর্নিবার।  
 তাঁরা এ ভ্রম ৬ পাপে ভরা পৃথিবীর সামনে দাঁড়িয়ে মানব-জীবনকে বা তার  
 প্রাকৃতিক পরিবেশকে একঘেয়ে ভাববার অবসর পাবেন কখন ? কতো চোখের  
 জল তাঁদের মুডতে হবে, কতো ছোটো-বড়ো ব্যক্তিগত ও সামাজিক অগ্ন্যায়-  
 অত্যাচারের বিরুদ্ধে তাঁদের হাতিয়ার তুলতে হবে কলম ধরতে হবে। সমাজ  
 যদি প’চে গিয়ে থাকে তবে তাকে সুস্থ করার উপায় তো বার করতে হবে।  
 আর-এক দারুণতর মহাযুদ্ধ যদি আসন্ন হ’য়ে থাকে তবে তাকে ঠেকাবার পথ  
 তো খুঁজতে হবে। সমস্যা যতো দূরভিভব হোক, তবু মানুষের ইচ্ছাশক্তি আগে  
 থেকে কেন হার মানবে ? পথ যে ক্ষুরধার ও দুরতায় তা তো আড়াই হাজার  
 বছরের পুরোনো সত্য। কোথাও কোনো পথ নেই এই নতুন আবিষ্কারটি কোন  
 প্রমাণে সিদ্ধ হ’লো ? মাস্ক বলেন, পুরাকালের আগুবাঁকা, পারলৌকিক আফিম

দিয়ে সমাজপতিরা জনসাধারণকে ভোলাতেন। নতুন কালের আশ্বাস, হৈ-জীবনের চূড়ান্ত অভিশপ্ততা, দিয়ে কবিরা নিজের ভোলাচ্ছেন না তো ?

কর্মের দায়িত্ব এবং সৃষ্টির দায়িত্ব, সমাজের দাবি এবং কবিতার দাবির মধ্যে যে নিত্য দ্বন্দ্ব রয়েছে, সে-দ্বন্দ্ববোধের দ্বারা কীটস্-এর চিত্ত ক্লিষ্ট ছিলো। অবশ্য কীটস্ বিশ্বাস করতেন যে, কবিরূপে তাঁর চরম কর্তব্য সম্ভবমতো শ্রেষ্ঠ কাব্য রচনা করা। সঙ্গে-সঙ্গে তিনি এ-ও বিশ্বাস করতেন যে, কাব্যের উচ্চতম শিখরে তাঁরাই উঠতে পারেন, যারা সর্বমানবের দুঃখকে নিজের দুঃখরূপে অনুভব করেন (to whom the miseries of the world are misery)। কিন্তু কবি তো আকাশের সূর্যের মতো এক্ষণে নন, তিনি সামাজিক মানুষও বটে। তাই তাঁর বিবিধ সত্তা যেমন সাড়া দেয় মানুষের সুখদুঃখকে তার ব্যক্তিক ও সর্ব-জাগতিক আয়তনে অনুভব ক'রে এবং সে-অনুভূতিকে রসোত্তীর্ণ ভাষায় ব্যক্ত ক'রে, তেমনি তাঁর সামাজিক সত্তা, তাঁর ভিতরকার কর্মী-পুরুষ সাড়া দিতে চায় কাজের মধ্যে, সংগ্রামের মধ্যে—মানব-জীবনের এবং সামাজিক সংস্কার পরিবর্তন ঘটিয়ে। কীটস্ অনেকসময়ে বিষন্ন বোধ করতেন এই ভেবে যে যদি-বা তিনি কবিরূপে সার্থকতা অর্জন ক'রেও থাকেন তাঁর কবিকর্মের সিদ্ধিতে, তবু তিনি সমাজের ডাকে প্রত্যক্ষভাবে সাড়া দিতে পারেননি কোনো হিতকর্ম-ব্রতে সক্রিয় অংশ গ্রহণ ক'রে। ফলত তাঁর জীবনচর্য্য মানুষের শ্রেয়োনীতিক প্রকাশ (এবং সেটাই তাঁর বিবেচনায় মহত্তর প্রকাশ) থেকে বঞ্চিত রইলো। কীটস্ স্ফোভে এ-কথা বলেছেন তাঁর চিঠিপত্রে, কাব্যেও।

এই বিষন্নতাবোধ রুবীন্দ্র-মানসে সর্বদাই প্রবহমান ছিলো, এবং তাঁর কাব্যের কোনো পর্যায়েই অনভিব্যক্ত নয়। আর্ত ও নিপীড়িত মানুষের ডাক বারেবারে এসেছে তাঁর কানে; সে-ডাকে সাড়া দিয়ে নিজের কর্মশক্তিকে, সকলের কর্ম-শক্তিকে উদ্বুদ্ধ করতে চেয়েছেন তিনি বারেবারে। বস্তুতপক্ষে এই ডাক যখনই তাঁকে উতলা করেছে, তখনই দেখা যায় তাঁর কবিপুরুষ খানিকটা আচ্ছন্ন ও স্তান, তিনি হ'য়ে উঠেছেন নীতি-উপদেষ্টা—অবশ্য নীতিবাক্য প্রয়োগ করেছেন প্রধানত নিজের উদ্দেশ্যেই। একটি উজ্জল, এবং স্বভাবতই কবিতা হিসেবে নিষ্প্রভ, উদাহরণ 'চিত্রা'র “এবার ফিরাও মোরে”।

বড়ো দুঃখ, বড়ো ব্যথা—সমুৎপাতে কষ্টের সংসার।

বড়োই হরিদ্র, শূন্য, বড়ো ক্ষুদ্র, বন্ধ অন্ধকার।

এখন সংসার থেকে দূরে ‘মধ্যাহ্নে মাঠের মাঝে একাকী’ ব’সে বাঁশি বাজাতে তিনি যেন লজ্জা বোধ করছেন। মোটের উপর শুধু বাঁশি বাজিয়েই তাঁর জীবন শেষ হ’লো, তার জন্ত আরো অনেক গভীর বেদনা বোধ করেছেন কবিজীবনের শেষপ্রান্তে লেখা ‘পত্রপুট’-এ :

গান যে মানুষ গায় দিয়েছে সে ধরা, আমার অন্তরে ,  
যে মানুষ দেয় প্রাণ দেখা মেলে নি তার।

বাজল ভেরি

তবু জাগল না রণভূমি

এই নিরাপদ নিশ্চেষ্ট জীবনে ;

বৃহ ভেদ ক’রে

স্থান নিই নি সুধামান দেবলোকের সংগ্রামসহকারিতায়।

কেবল স্বপ্নে শুনেছি উৎসবের গুরুগুরু,

কেবল সমবয়স্কীর পথপাতকম্পন

মিলেছে হৃৎস্পন্দনে বাহিরের পথ থেকে।

দুঃখ যুগে যে-মানুষের সৃষ্টি প্রত্যয়ের ক্ষেত্রে

সেই অগণনচারী ভৈরবের পরিচয়জ্যোতি

মান হয়ে রইল আমার সন্তায় ,

শুধু রেখে গেলাম নতমস্তকের প্রণাম

মানবের হৃদয়াসীন সেই বীরের উদ্দেশে—

মর্তের অমরাবতী যার সৃষ্টি

মৃত্যুর মূল্যে, দুঃখেব দীপ্তিতে।

নিজের এবং অল্প মানুষেরও নানাবিধ দুঃখ যন্ত্রণা লাঞ্ছনার কথা ব্যক্ত করেছেন বোদলেয়ার অতুলনীয় ভাষায়। কিন্তু দুঃখী মানুষের দুঃখ লাঘব করার জন্য চেষ্টামাত্র না-করার, সে-চেষ্টার বিন্দুমাত্র প্রয়োজনটুকুও বোধ না-করার, দুঃখ নেই তাঁর কাব্যে। বস্তুত এই দুঃখ তাঁর অনভিজ্ঞাত, অবোধগম্য। তাঁর এক অন্ধ সংস্কার ছিলো যে দুঃখ আছে ব’লে নালিশ করা যায়, জীবন ও জগৎকে ঘৃণা করা যায়, ঈশ্বরকে দোষী করা যায় ; কিন্তু প্রতিকারের চেষ্টামাত্র নিরর্থক। তাই তো তিনি বলেছেন :

Resign thyself my heart, sleep thy sleep of the brute.

বলেছেন :

To know nothing, to teach nothing, to will nothing, to sleep, and still to sleep  
—that to-day is my only vow. An infamous and disgusting vow, but sincere.

তার সম্পূর্ণ নিশ্চেষ্ট জীবনের জ্ঞান বোদলেয়ের লঙ্ঘিত নন, বরঞ্চ গবিত ; কাব্যে জীবনের নিশ্চেষ্টতাই তাঁকে কবিরূপে সচেষ্টি করেছে। দরিদ্র শিশু ও বৃদ্ধা বেশার প্রতি দরদ বোধ করেছেন তিনি। সে-দরদ তাঁর চোখে মানব-জীবনকে আরো ঘৃণ্য ক'রে তুলেছে এবং ঘৃণার প্রকাশকে উজ্জ্বলতর। কিন্তু তিনি কখনো ভাবেন-নি যে সে-দরদ কবিকর্ম ছাড়া অন্য-কোনো কর্মের অনুপ্রেরক হ'তে পারে। ভাবলে একঘেষেমির অনন্ত বিস্তার দেখতে পেতেন না তাঁর চারিদিকে।

মর্ত্যে অমরাবতী সত্যি-সত্যি সৃষ্টি করা যায় না, কিন্তু মর্ত্যলোককে পাতালপুত্রী থেকে অমরাবতীর দিকে নিয়ে যাওয়ার অবিরত অপরাধের চেষ্টার মধ্যেই মানুষের শ্রেয়োবোধ প্রস্ফুটিত হয়, অভিব্যক্ত হয়। মানুষের জীবন যদি অভিশপ্ত থাকে তবে অভিশাপমোচনের দায়িত্বও মানুষের উপরই বর্তায়, সত্য বা মিথ্যা দেবতার উপর নয়। 'কত বড় বেদনায়' মানুষ মানুষ হয় সে-কথাও আধুনিক কবিদের জানা আছে নিশ্চয়ই। এলিয়ট লিখেছেন, হিতাহিতের অত্যন্ত বাস্তব সমস্যা বোদলেয়েরকে সর্বদাই চিন্তাকুল করতো। আমার কিন্তু বিশ্বাস, গোটে কীটস্ কিংবা রবীন্দ্রনাথের তুলনায় বোদলেয়েরের শ্রেয়োনীতিক চেতনা অনেক বেশি আত্মনিমজ্জিত। তাঁর অতিরিক্ত অবিমিশ্র একঘেষেমি-বোধই তাঁর অস্বার্থ শ্রেয়োবোধের প্রকৃষ্ট প্রমাণ।

বোদলেয়েরের সর্বগ্রাসী ঘৃণা সম্বন্ধে অধিক কিছু বলা নিম্নয়োজন। "Le Voyage" নামক কবিতা থেকে নারী-পুরুষ নির্বিশেষে সমস্ত মানবজাতির মধ্যে পরিব্যাপ্ত 'মৃত্যুহীন পাপ'-এর বর্ণনা আমি ইতিপূর্বেই উদ্ধৃত করেছি। আরো উদ্ধৃতির সাহায্যে দেখানো যায় তাঁর ঘৃণার শিকড় কতো গভীর, শাখা-প্রশাখা কতোদূর বিস্তৃত। অকণ কি বলতে চান এ-ঘৃণা যথায়, সমস্ত প্রকৃতি এবং সমস্ত মানবজাতি এষ্ট তীব্র ঘৃণার উপযুক্ত পাত্র ?

বোদলেয়েরের বিবেচনায় প্রকৃতি নিম্প্রাণ বলেই ঘৃণ্য ! কিন্তু প্রকৃতি থেবেই তো প্রাণের উৎপত্তি, এবং প্রাণ থেকে মনের। সেইহেতু মনের যদি কোনো গরিমা থাকে তবে তা মনের আদি কারণ প্রকৃতিতেও পরোক্ষে বর্তায়। অরণ্যের পর্বতের সমুদ্রের অনেক দৃশ্য কি অতীব সুন্দর নয় ? সেই সৌন্দর্যবোধে ( বিশেষত সৌন্দর্য যখন সাব্লাইমের পর্যায়ে পৌঁছয় ) কি আমরা অলক্ষ্যে, মনের অজ্ঞাত গভীরে, অনুভব করি না যে অগুণরমাণু থেকে, জল মাটি ঘাস থেকে, মনের শ্রেষ্ঠ বিকাশ – শিল্প-সাহিত্য-দর্শন পর্যন্ত একই স্রোতোধারা প্রবহ-

মন ? বাল্মীকি, কালিদাস, শেক্সপীয়ার, ওয়ার্ডসওয়ার্থ, রবীন্দ্রনাথ যে-চোখে প্রকৃতির রূপ দেখেছিলেন, সে-রূপের আড়ালে অতিপ্রাকৃত কোনো-এক রহস্য-ঘন সত্তার কম্পমান ছায়া দেখতে পেয়েছিলেন, সে-চোখ কি আমরা কখনো হারাতে পারি ? আজ যদি অপ্টিক নার্ভের দুর্বলতা ঘটে থাকে তবে তা নিশ্চয়ই সাময়িক ।

সাধারণ মানুষের জীবন যতো অকিঞ্চিৎকরই হোক, তবু আমাদের প্রত্যেকের জীবনে এমন কয়েকটি ‘অমৃতভরা মুহূর্ত’ কি দেখা দেয় না যার মহৎ মার্গে সমস্ত জীবনের তুচ্ছতা ও গ্লানিকে শুধু সহনীয় নয়, বরগীয়া ক’রে তুলতে পারে ? তার যদি কোনো আশ্বাদ না-পেতাম তবে কিসের আশায় বেঁচে থাকতাম ? ঘৃণ্য মানুষের সংখ্যা কম নয়, কিন্তু শ্রদ্ধের মানুষের কথাও তো আমরা পড়েছি ইতিহাসে, দু-একজনকে স্বচ্ছন্দেও দেখেছি । ধারা সত্যিই শ্রদ্ধের ও নমস্কার, ‘মর্ত্যের অমরাবতী ধীর সৃষ্টি / যত্নের নুলো, ছুংখের দীপ্তিতে’, বোদ-লেয়ার একবারও তাঁদের নাম স্মরণ করেননি তাঁর কবিতায় । যদি কোটি-কোটি ক্ষুদ্র মানুষের মধ্যে একজন মহামানবও দেখা দিয়ে থাকেন পৃথিবীতে, তবে সমস্ত মানবজাতি সম্বন্ধে আমাদের ধারণা পাল্টে যায় । কারণ, তাহ’লে ক্ষুদ্রতম মানুষের মধ্যে আমরা মহাবীর অঙ্কুর দেখতে পাই ! সে-অঙ্কুর যতো অগুবীক্ষণীয় হোক, যতো লক্ষবার চলবায়ু বা আপন অন্তর্নিহিত শক্তির অভাবে বিনষ্ট হ’য়ে যাক, তবু তা জ্যামিতিক বিন্দুর চেয়ে পরিমেষ, ঈশ্বরের চেয়ে সত্য । সক্রটিস যখন বললেন মানুষ নামক জীবের মধ্যে একটি আশ্চর্য পদার্থ আছে, সে তার আত্মা ; যীশু খ্রীষ্ট এবং গৌতম বুদ্ধ যখন মানুষকে, মানুষমাত্রকে, ভালোবাসতে, ভালোবাসার যোগ্য জ্ঞান করতে উপদেশ দিলেন, তখন তারা মানুষকে তার দাস্তবীকৃত সত্তার ক্ষুদ্র বেগুনের মতোই দেখেননি, তার অফুরন্ত সন্তাবনার পরি-প্রেক্ষণিকায় তাক্ত ক’রেও দেখেছিলেন । এমীবা থেকে দেবতা পর্যন্ত যে বহু-তরঙ্গিত রেখা চ’লে গেছে, ঐতিহাসিক মানুষ তার মাঝখানে একটি পরিমিত আয়তন, কিন্তু কোনোদিকেই সীমিত নয় । জড়প্রকৃতিই তো আদি পাপ সংক্রামিত করেছে আমাদের রক্তে ; কিন্তু সে কুংসিত ব্যাধি থেকে আরোগ্য-লাভের অনন্ত প্রয়াসই মহাশুদ্ধি । যে-ডগ্‌মা আমাদের সম্পূর্ণ নিঃসাড় ও নিশ্চেষ্ট করে তার স্থান আর যেখানেই হোক, কবিতার মতো মহাশুদ্ধের মহৎ প্রকাশে নয় ।

বোদলেয়র তাঁর শারীরিক ও মানসিক পীড়াজনিত তিক্ততা জগৎময় ছড়িয়ে দিয়েছিলেন। তাঁর রসনা বিশ্বাদ ছিলো ব'লে সুন্দর ও মহানে তাঁর কুচি ছিলো না, কদর্ঘের ধ্যানেই তাঁর মনঃপীড়া উপশান্ত হ'তো। তাঁর আন্তরিক যন্ত্রণা তাঁকে বাধ্য করেছিলো যন্ত্রণাদায়কের সন্ধান করতে : '...for I seek the void, the black and the base.' শুধু তা-ই নয়, তিনি দেবতা হার্মিসের প্রসাদে এমন এক আশ্চর্য আল্কেমি-বিজ্ঞা আয়ত্ত করেছিলেন যার দৌলতে তাঁর মন স্বয়ংকে বিষম, সুন্দরকে কদর্ঘ, শুভকে কলুষিত ক'রে ফেলতে পারতো তাঁর মনস্তত্ত্বের এবং নন্দনতত্ত্বের চাহিদামতো।

Through you I transmute gold into iron, Paradise into Hell, in the winding-sheet of the clouds I find the corpse of what I loved, and on the shores of heaven I build colossal tombs. ("Alchimie de la Douleur")

জগতে কদর্ঘের অভাব নেই, খুঁজে-খুঁজে যদি তাই চোখের সামনে তুলে ধরেন বোদলেয়র, এবং তত্পরি স্বকীয় মানসিক রসায়নের সাহায্যে যা সাদা তাকে সুন্দর কালো ক'রে ফেলেন, তা'হলে তো "Le Voyage" কবিতার ছয়টি পর্বে সারা দুনিয়ার যে "l'eternal bulletin" তৈরি করেছেন তিনি তার মস্ত কীকি অস্ত্রত তাঁর চোখে ধরা দেওয়ার কথা নয়। তবু তাঁর কাব্যিক সত্যতার প্রশংসা করতে হয় ; তিনি স্বীকার করতে কসর করেননি যে তাঁর কাব্যবর্ণিত জগৎ তাঁর মনের ল্যাবরেটরিতে তৈরি জগৎ, বাস্তব জগৎ নয়।

যাথার্থ্যের, যাথোচিত্যের, সত্যদৃষ্টির দাবি করেছেন পরবর্তী কবিরা। র'গ্যাবো বোদলেয়রকে অভিহিত করলেন 'প্রথম দ্রষ্টা, সত্য দেবতা' ব'লে। লক্ষ করবার কথা যে র'গ্যাবো প্রথম অথবা মহত্তম 'দ্রষ্টা' বলেননি—দেবতার বিশেষণ হিসেবে যা মানাতো বেশি। অর্থাৎ তিনি কবির দুই বিকল্প সংজ্ঞার মধ্যে 'দ্রষ্টা'র উপরই জোর দিয়েছেন। অরুণ সরকারও যখন প্রমাণ করতে উদ্যত যে বোদলেয়র তাঁর কাব্যে যেভাবে জগতের স্বরূপ বর্ণনা করেছেন, জগতের স্বরূপ বস্তুত তা-ই, তখন তিনিও এই সংজ্ঞাটির আপেক্ষিক গুরুত্ব স্বীকার করেছেন। এতে আমি খুশি। কারণ, আমিও র'গ্যাবো ও অরুণের সঙ্গে একমত যে যদিও সৃষ্টিশক্তি (শিল্পকর্মের নিপুণতা) না-থাকলে কবি কবি হন না, সত্যদৃষ্টি না-থাকলে তিনি মহৎ কবি, 'কবির রাজা', হ'তে পারেন না। তার মানে আমাদের বিতর্ক কাব্যতত্ত্ব নিয়ে নয় ; বিতর্ক এই যে, বোদলেয়রের কাব্যিক



অভিজ্ঞতা বিষয়ীগত না বিষয়ানুগত, সাবজেক্টিভ না অবজেক্টিভ ।

গেলো দশ বছরের বাংলা কাব্যে সবচেয়ে প্রভাবশালী কবি বোদলেয়ের, যেমন ‘পরিচয়’-এর প্রথম দশ বছরে ছিলেন এলিয়ট। এই ভরা জোয়ারের মুখে বোদলেয়ের মহিমা বিষয়ে প্রশ্ন তুলতে গেলে পান্টা প্রশ্ন, অভিযোগ ও আক্রমণের সম্মুখীন হ’তে হবে বৈকি ।

একটা বড়ো নালিশ এই যে আমি বোদলেয়ের নেতিবাচক ভাবের উপর অত্যধিক জোর দিয়েছি, ইতিবাচক ভাবের কথাটা চেপে গেছি। অল্পবয়সের রোম্যান্টিকধর্মী রচনায় ইতিবাচক ভাব, এমন-কি ভাবোচ্চাস সহজেই খুঁজে বার করা যায়। তখন বোদলেয়ের সব-কিছুর মধ্যে স্বর্গীয় উল্লাস (‘universal ecstasy of things’) দেখতে পেতেন, অসীম আকাশের দিকে তাকালে মহাকালের স্বপ্ন জাগতো তাঁর চোখে (‘the great skies that make you dream of eternity’), প্রায় ‘খেয়া’র রবীন্দ্রনাথের ভাষায় লিখলেন “Incompatibilité” শীর্ষক কবিতাটি। কিন্তু বোদলেয়ের-অতুরাগীরা তাঁর অপরিণত বয়সের কবিতাকে আমল দেন না ; এবং পরিণত বয়সের কাব্যের স্বর ভিন্ন, বিপরীত বললেও চলে।

কদর্যকে, অমঙ্গলকে যিনি ঘৃণা করেন, তিনি সে-ঘৃণার দ্বারাই প্রকাশ করতে পারেন সুন্দর ও মঙ্গলের প্রতি ভালোবাসা ; কিন্তু ধীর চোখে সারা বিশ্বত্রাসাও কদর্য ও অমঙ্গলময়—কখনো তীব্র ঘৃণার পাত্র, কখনো নিরন্তর বিরক্তিকর—তিনি ভালোবাসবেন কী, কাকে ? অরুণ এ-স্থলে ‘আকাজ্জা’ শব্দটি প্রয়োগ করেছেন ; ‘বোদলেয়ের তথা আধুনিক কবিদের এই ঘৃণা (এবং ঘৃণা ?) পরোক্ষভাবে সুন্দর ও মঙ্গলের জন্য আকাজ্জা নয় কি ?’ কিন্তু আকাজ্জা একটি সক্রিয় ভাব—অনুভূতি ও এষণা (will) উভয় মনোবৃত্তিসংবলিত। যা অনুপস্থিত তা আমরা আকাজ্জা করতে পারি অবশ্য, কিন্তু প্রথমত ভবিষ্যতে তার উপস্থিতি সন্তুষ্ট এ-বিশ্বাস মনে থাকা চাই। যে-হাঁস সোনার ডিম পাড়ে সেরকম হাঁস পরিণত বয়সে কেউ আকাজ্জা করে না। বোদলেয়ের তথা আধুনিক কবিরা কি বিশ্বাস করেন যে জগৎ আজ কদর্য ও অমঙ্গলময় হ’লেও একদিন শুভ, শুভ ও আনন্দপূর্ণ হ’য়ে উঠবে ? এ-বিশ্বাস শেলি কিংবা রবীন্দ্রনাথের মতো রোম্যান্টিক কবিদের লেখায় তবু পাওয়া যায়, কাউন্টর-রোম্যান্টিকদের পক্ষে তা

স্বভাববিরুদ্ধ। দ্বিতীয়ত, যা সত্যিই আমরা কামনা করি তার জন্য কোনো প্রকার চেষ্টা না-ক’রে কি থাকতে পারি? অন্তত চেষ্টার ইচ্ছাটা তো জাগবে মনে, এবং সে-ইচ্ছা যদি কোনো কারণে কাজে পরিণত না-হ’তে পারে তবে সে-জন্য বেদনাবোধ। তেমন-কিছু কি ব্যস্ত হয়েছে বোদলেয়ের বা তাঁর অন্তঃসঙ্গীদের রচনায়? এ-চেষ্টার সমূহ ব্যর্থতা অবধারিত জেনে তার নিরর্থকতার কথাই বরঞ্চ শোনা যায় তাঁদের মুখে। তাই তো ছিদ্রহীন নৈরাশ্র, ‘অর্থহীনতার বোধ’। সুতরাং ‘আকাজ্জ’ ছেড়ে ‘ভালোবাসা’তেই ফিরে আসা যাক। এমন কি কিছুই নেই, কেউই নেই এ-জগৎসংসারে যা/যাকে বোদলেয়ের সত্যিই ভালোবাসতেন? অথবা জগৎচরাচরের বাইরে – যদি তারও ‘বাইরে’ বলে কিছু থাকে?

তার আগে দেখতে হবে বোদলেয়ের অনন্তসাধারণ, এতবারে বিবিক্ত ও আত্মপীড়িত মনের মাটিতে ভালোবাসার মতো হৃদয়ানুভূতি প্রস্ফুটিত হওয়ার পক্ষে যথোপযুক্ত সার ছিলো কিনা। ভালোবাসা – আমরা ভালোবাসা এলতে যা বৃষ্টি – বিক্রপ, শ্লেষ, অবজ্ঞা বা অসহিষ্ণুতা নয় না; এবং খানিকটা আত্ম-বিসর্জন ও আত্মবিস্মৃতি, তার সঙ্গে অনেকখানি গুণমুক্ততা, দাবি করে।

সেই যে আমার কাছে আমি ছিল সশব্দ চেয়ে দামী,

তারে উজাড় করে সাজিয়ে দিলেম তোমাব বরণডাল।

আমার তো মনে হয় ভক্তির তথা প্রেমের সার কথা এই দুই পঙক্তির মধ্যে ধরা দিয়েছে। এমন কোনো অনুভূতির কি জায়গা ছিলো বোদলেয়ের আত্ম-পরিপূর্ণ হৃদয়ে? তবু তিনজন নারীর প্রেমে পড়েছিলেন বোদলেয়র, অন্তত এ-তিনজনকে অমর ক’রে গেছেন তাঁর ‘প্রেমের কবিতা’য়।

প্রথম জান্ দুভাল্। ইনি শ্বেত-রুক্ষ প্রেম-পসাদিণী, নীচস্বভাবা, অর্থ-লোভা-তুরা; কবিকে রূপমুগ্ধ ক’রে একধরনের তৃপ্তিদান ক’রে থাকলেও নানাভাবে যন্ত্রণাই দিয়েছিলেন বছরের পর বছর। এ’র প্রতি ভালোবাসার মধ্যে যে অনেক-খানি অবজ্ঞা ও ঘৃণাও মিশ্রিত থাকবে তা সহজেই অনুমান করা যায়। কিন্তু এতোখানি? রতিমুখের বর্ণনা পড়লে চমকে উঠতে হয়।

I leap to your attack, climb in assault

Like corpse-worms feeding nimbly in the vault

And cherish you, relentless cruel beast.

Till that last coldness which delights me best. [“Je t’adore”]

•এর কথা থাক। অপর দু-জনকে, আপলনী সাবাতিয়ে ও মারী দোর্ভাঁকে, একই কালে বোদলেয়ের গভীরভাবে ভালোবেসেছিলেন কয়েক বছর ধ'রে। সে-ভালোবাসায় তাঁর আনন্দ ছিলো প্রায় নির্মল। যজ্ঞধা থাকলেও তাতে ক্লেশ ছিলো না। তিনি নিজেকে তুলনা করেছেন দাস্তো ও পেত্রাকার প্রেমের সঙ্গে। দুই প্রণয়পাত্রীকে যে-চিঠিপত্র লিখেছিলেন তা করুণ ও মর্মস্পর্শী, যদিও ভাষা শুধু রঞ্জিত নয়, অতিরঞ্জিত, উচ্ছৃঙ্খলিত। এঁদের নামে বা এঁদের কাছে প্রেরিত অনেক কবিতাও রেখে গেছেন বোদলেয়ের। সে-কবিতাগুলি কাব্যসাহিত্যের অমূল্য সম্পদ। চিঠিপত্রে ব্যক্ত ভাব এবং কবিতায় ব্যক্ত ভাব কিন্তু বেশ-একটু আলাদা দাঁচের। ভাব রসরূপ গ্রহণ করলে 'অন্ত-এক স্তরে উঠে যায় অবস্থা'; কিন্তু এ-ক্ষেত্রে দুই স্তরের ভাবের প্রকৃতিতেই দুস্তর প্রবেশ। যদি অনুমান করা যায় যে, চিঠিপত্রের মত কিঞ্চিৎ উদ্বিগ্নত্বের ও কৃত্রিম, এবং কবিতার ভাব মনের গভীর তল থেকে উৎসারিত, সেই কারণে অধিকতর সত্য, তবে কি খুব তুল হবে সে-অনুমান?

অত্বে ভালোবাসেন বলে সে-কাস্তি বোদলেয়ের প্রেমনিবেদন প্রত্যাখ্যান করলেও মারীকে বত্র লিখলেন যে এই প্রত্যাখ্যান তাকে আরো অন্বেষ্য হ'রে তুলেছে : 'সে মহৎ ভালোবাসা থাক তোমার মনে স্থির, তা তোমাকে আরো সুন্দর করে তুলুক, আরো সুখী'। অত্বে-একটি চিঠিতে জানালেন : 'অস্বীকার করব না মারী, আমি তোমাকে ভালোবাসি, কিন্তু সে-ভালোবাসা যেন ঐচ্ছানের মনে ভগবানের প্রতি ভালোবাসা। স্বাস্থ্য থেকে তুমি আমার হৃদয়ের একমাত্র রানী, তুমি আমার সন্তানের একটি অঙ্গ থাকে কোনো আধ্যাত্মিক শক্তি গ'ড়ে তুলেছে :...পেত্রাকার মতো আমি অমর ক'রে নি'। যাবো আমার লরাকে।' তাঁর লরাকে তিনি অমরতা দান করলেন বটে, কিন্তু ঠিক পেত্রাকার লরার মতন নয়। মারী বোদলেয়ের কবিতায় এ-ভাবে আবির্ভূত :

What matter your stupidity, your indifference ? I had you whether mask or shame display I worship your beauty. ["L'Amour du mensonge"]

"Le Poison" নামক কাব্যতায় মারীর দিব্য মৃতি আরো ব্যাপসা হ'য়ে গেছে, অত্বে-একরঙের কাচের ভিতর দিয়ে আমরা তাঁর চেহারা দেখতে পাই। এই সুন্দরীর রূপমাধুরীকে মদ, আফিম ইত্যাদির সঙ্গে তুলনা ক'রে লিখছেন :

None of these things equals the poison that flows from your eyes, your

green eyes...None of these things can equal the fearsome marvel of your acid saliva, which plunges my soul into oblivion, and bringing vertigo swirls it in a swoon to the shores of death.

এমন আলাময় স্নেহাত্মক ভাবকে খ্রীষ্টান ভক্তের প্রশান্ত আত্মনিবেদনের সঙ্গে তুলনা করতে গেলে কল্পনাকে অনেক দূর দৌড় করাতে হয়।

আপলনীকে লেখা চিঠিপত্রেও অল্পরূপ ভাবোচ্ছ্বাস ছিলো : ‘না-জেনেই তুমি আমার ভালো করছো, শুধু বেঁচে থেকেই, এমন-কি তুমি যখন ঘুমিয়ে থাকো, তখনো’ ; তাঁকে বিশ্বাস করতে বলছেন পৃথিবীতে এমন ক’রে কেউ কাউকে ভালোবাসেনি – এতো নিঃস্বার্থ, এতো আদর্শ-প্রণোদিত, এবং এমন ‘utterly reverent’ ভাবে। এই প্রেমনাট্যের এক সুবিদিত অঙ্কের যবনিকাপাতের পর যখন আপলনীর ছোটো বোন তাঁকে ঠাট্টা ক’রে জিজ্ঞাসা করলেন, বোদলেয়ের কি এখনো তাঁর দিদিকে ভালোবাসেন আর আগের মতো ‘গ্র্যাণ্ড’ চিঠিপত্র লিখছেন, তখন বোদলেয়ের উত্তরটি তাঁর যোগ্য হয়েছিলো এবং কাব্যপাঠকমাত্রের স্মরণীয় : ‘The common herd are lovers, the poets are idolators’। প্রতিমাপূজার প্রকাশ কিন্তু কবিতায় বিস্ময়কর। “A celle qui est trop gaie” (‘অতিশয় লাস্ত্রময়ীকে’) শীর্ষক যে বিখ্যাত কবিতাটি আপলনীকে পাঠিয়েছিলেন তার আরম্ভ বড়ো সুন্দর, কিন্তু শেষ দুই স্তবকে পড়ি :

Thus, some night, when the hour of sensuality strikes, I would like to slink noiselessly, like a coward, towards your body's riches, in order to chastise your happy flesh, to bruise your pardoned breast and open in your astonished side a wide, deep wound, and—O blinding rapture—through those new lips, more vivid and more beautiful, infuse my poison into you, my sister.

না, কোনো রক্তমাংসের প্রেমাস্পদার প্রতি – তিনি মানসসুন্দরী, বিয়াত্ৰীচে, লরা ইত্যাদি রূপে কল্পিত হ’লেও – বোদলেয়ের মনে সেই পুনরুজ্জীবনী প্রেম জাগা সম্ভব ছিলো না যাকে আমরা তাঁর জাগতিক ঘৃণার উটো পিঠ ভাবতে পারি। নারীমাত্রেরই তো ঘৃণ্য (abominable), প্রণম্য যিনি তাঁর প্রতিও, অহুরাগ-বিবেকের দোলায় দুলবেই তাঁর হৃদয়। তবে কি পৃথিবীর বাইরে, জগৎ-চরাচরেরও উর্ধ্বে, সে-ভালোবাসার পাত্র খুঁজে পাবো আমরা ? সেখানেও কি তাঁর হৃদয়ের দোলা থামবে ? থামবে না। বিরক্তি ও ঘৃণা তাঁর কাব্যে যতোখানি

জায়গা জুড়েছিলো, তাঁর ব্যক্তিত্বেও ততোখানি। দাস্তে-পেত্রার্ক-তুলা প্রেমের চাষ করবার মতো যথেষ্ট জমি বাকি ছিলো না।

ঈশ্বরে বিশ্বাস কি বোদলেয়রের মনে স্থির ছিলো? অল্পবয়সে হয়তো ছিলো, শেষজীবনে যখন তিনি কঠিন পীড়ায় ভুগছেন এবং মৃত্যু আসন্ন, তখন অবশ্য ক্যাথলিক ধর্মবিশ্বাস আঁকড়ে ধরেছিলেন। কিন্তু মধ্যজীবনে, তাঁর কবিতার শ্রেষ্ঠ ফসল যখন ফলেছিলো, তখন তিনি আদৌ ঈশ্বরে বিশ্বাস করতেন কিনা এ-বিষয়ে মতভেদ আছে। তিনি নিজেই লিখেছেন, কোনো-এক সময়কার মানসিক যন্ত্রণার কথা বর্ণনা করে : *‘This lasted three months, and at the same time, by a contradiction that only seems strange, I was praying constantly ( to what definite being, I absolutely do not know )....And God, you will say. I long with all my heart and ( with what sincerity only I can know ) to believe that some one, invisible and outside me, takes an interest in my fate : but what to do to believe this ?’* ( বক্তৃলেখ বর্তমান লেখকের । )

কবিতায় কচিৎ-কখনো দু-একটি অস্তিম শঙক্তিতে ঈশ্বরকে সন্ধান করা হয়েছে বটে, কিন্তু কোনোরূপ বিচ্ছেদ-বেদনা বা সাযুজ্য-তৃষ্ণা তাতে ব্যক্ত হয়নি, ঈশ্বরের হাতে নিজের জীবন সমর্পণ ক’রে কবি অপার্থিব শান্তি পাচ্ছেন বা চাচ্ছেন তেমন কোনো ইঙ্গিতও স্পষ্ট নয়। ঈশ্বরকে ডাকছেন অত্যন্ত পার্থিব প্রার্থনা নিয়েই—উত্তম কবিতা লিখবার শক্তি, নিজের অসুস্থ দেহ-মনকে সস্থ করবার শক্তি, স্বর্গধামে বিশেষ একটি স্থান, ইত্যাদি চেয়ে। —ঈশ্বর প্রার্থনার উদ্দিষ্ট বিশেষ কোনো সত্তা নয়, তিনি নিজেই বলেছেন। অন্যায়সে ভাবা যায়, এই প্রার্থনাগুলি তাঁর যন্ত্রণারই প্রকাশবিশেষ, ঈশ্বরকে সন্ধানও কাব্যিক। আর ধীর মন সমগ্র সৃষ্টির প্রতি ঘূণায় এমন ভরপুর, তিনি কি ঈশ্বরের অস্তিত্ব, অস্তিত্ব তাঁর শুভ বিষয়ে খানিকটা সন্দিহান না-হ’য়ে পারেন? এই অকূল ঘূণা কি সৃষ্টিকে ছাপিয়ে স্রষ্টাকেও স্পর্শ করবে না? করেনি কি—যেমন নিম্নোক্ত বাক্যাংশে?

Ashamed to be alive, shrivelled shadows. timorous and bent-backed, you hug the walls and .nobody takes his hat off to you, O strangelyfated ones !...

Where will you be tomorrow, octogenarian Eves on whom God's terrible  
claw is poised ?

( "Les Petites Vieilles" )

ঈশ্বরের চিত্রকল্পটি লক্ষ্যীয়। যাকে শকুনি গৃধিনীর মৃত্যুতে ধ্যান করা হচ্ছে  
( মর্হিমর্দিনী নয়, নিরীহ বুদ্ধাদের ঘাড়ের উপর ষাঁর থাবা উঠত ) তাঁর প্রতি  
প্রগাঢ় প্রেম বা ভক্তি জাগবার কথা নয়।

যে-রসকে নিঃসন্দেহে প্রেম-ভক্তি বলা যায় তার প্রকাশ অবশ্য পাই একটি  
স্তবকে -- "Les Phares" কবিতার শেষ স্তবকে। কী আশ্চর্য, কী অব্যর্থ সে-  
প্রকাশ :

আব কী প্রমাণ আছে ? ভগবান, এই তো পরম,  
এ-ই তো নির্ভুল সাক্ষ্য আমাদের দীপ্ত মহিমার,  
এই যে আকুল অশ্রু যুগে-যুগে করে পরিশ্রম  
অবশেষে লীন হ'তে অসীমের সৈকতে তোমার।

[ বুদ্ধদেব বহু-কৃত অনুবাদ ]

কিন্তু এমন প্রগাঢ় মরমীয়া ভাবানুপ্রাণিত স্তবক বা পঙক্তি বোদলেয়ের কাব্যে  
এতোই বিরল যে তাকে ব্যতিক্রম বললেও ভুল হয় না। নিয়ম সিদ্ধ হয় ছ-একটি  
ব্যতিক্রমে -- এটা কি শুধু কপার কথা ? তিনি নিজেই অনুভব করেছেন যে তাঁর  
মনের তীব্রত্বের বিশ্বের ঐক্যতান সংগীতে একটি বেসুরো ঝংকার -- 'thanks to  
the irony that mauls and ravages me.' হেতু যা-ই হোক, ফল এই  
দাঁড়ালো যে বোদলেয়ের অত্যন্ত মধুর ক'রে তাঁর অন্তরের বেসুর ( 'dissonant  
chord' ) শোনালেন শতাব্দীর কানে, অনন্ত চরাচরব্যাপী 'divine symp-  
hony' একবার উল্লিখিত হ'য়েও রইলো অ-মনোযুক্ত, কানে যদি-বা গিয়ে থাকে,  
মরমে পৌছলো না।

বিতৃষ্ণারই কবি বোদলেয়ের, বিতৃষ্ণাই তাঁর মূল ভাব, স্থায়ী ভাব, এবং অত্যা-  
সব ভাবের মধ্যে অনুপ্রবিষ্ট ভাব। তাকে যদি মৃত্যু কবি বলতে হয় তবে  
জাগতিক বিতৃষ্ণাকেও মহান এবং সত্য অনুভূতি ব'লে স্বীকার করতে হয়।  
আমি তা পারি না। যদি অরুণ সরকারের মতো আমিও জীবন ও জগৎকে সত্যই  
ঘণ্য ব'লে উপলব্ধি করতাম, তবেই বোদলেয়ের কাব্যে আত্মসমর্পণ করতে  
পারতাম, শুধু তাঁর রূপদক্ষতায় মুগ্ধ হ'য়ে মাঝপথে থমকে দাঁড়াতাম না।

সর্বব্যাপী বিতৃষ্ণা ও ঘৃণার অনুভূতি বোদলেয়ের মনকে এমনি ভরাট ক'রে  
রেখেছিলো যে সেখানে বিপরীত ভাবের, তৃষ্ণা ও প্রেমের, যথোপযুক্ত স্থান

ছিলোনা— বলতে যাচ্ছিলাম, কিন্তু নিজেকে সংশোধন করতে হ'লো। 'একটি জিনিস বোদলেয়ের সত্যিই ভালোবাসতেন, প্রাণ দিয়ে ভালোবাসতেন। সেটি কবিতা— যে-কবিতা তিনি রচনা করেছেন তা-ও, কিন্তু তার চেয়েও বেশি, সেই কবিতা যা তাঁর কলমে ধরা দেয়নি, ছিলো তাঁর সংরক্ষিত কামনা এবং সৃষ্টির সাধনার লক্ষ্য হ'য়ে। বোদলেয়ের জীবনদর্শনে পরম ব'লে অভিহিত করবার সত্যিই যোগ্য কিছু থাকে যদি, তবে তা এই অধরা কবিতার মাধুরী।

কবিতা কী এবং তার মূল্য কিসে—এ-প্রশ্ন এখানে আপনাই ওঠে, যদিও একটি দীর্ঘ রচনার শেষে এতো বড়ো প্রশ্ন তোলা সংগত নয়। তার পূর্ণতর আলোচনা স্বতন্ত্র প্রবন্ধে করবার ইচ্ছা রইলো; এখানে প্রাসঙ্গিক দু-চারটি কথা শুধু বলতে চাই।

গ্রেকো-রোমান নন্দনতাত্ত্বিকগণ এ-প্রশ্নের দুটি উত্তর নিয়ে দ্বিধাগ্রস্ত ছিলেন— শিল্পী কি মূলত নির্মাতা (maker), না দ্রষ্টা (seer)? প্রথম উত্তরটির মানে, শিল্পী যা রচনা করেন তা কোনো-কিছুর মাধ্যম বা প্রতীক নয়, আপন রূপে আপনি সম্পূর্ণ, তা স্পষ্ট হ'য়ে উঠেছে এটাই তাঁর শেষ কথা, এখানেই তার চরম মূল্য। চৈনিক ফুলদানি, পারস্য গালিচা কিংবা আধুনিক কালের নির্বস্তক চিত্র ও ভাস্কর্যকে আমরা এইভাবেই দেখি, এগুলিকে অতীত-কিছুর প্রতীক বা বাহন মনে করা শক্ত। প্রথম দুটি শিল্পবস্তুর একটা ব্যবহারিক মূল্য অবশ্য আছে, কিন্তু বড়ো শিল্পীর হাতে গড়া ফুলদানিকে বা গালিচাকে বরকরনার কাজে লাগাতে কোনো শিল্পরসিক রাজি করেন না।

কবিতাকেও কি নির্বস্তক চিত্রকলার স্তরিয়ে ফেলা যায়? কবিতা যেহেতু ভাষার ছাঁচে গড়া শিল্পবস্তু, অর্থাৎ এমন উপাদান দিয়ে গড়া যে অবশ্যতই এবং অনিবার্যতাই একটা মাধ্যম বা প্রতীক, তাই প্রতীকস্বরূপে ব্যাখ্যা করতে পারে না কবিতা, করলে কবিতা আর কবিতাই থাকে না।

রঙ ও রেখা দিয়ে প্রতিরূপিত আঁকা যায়, কিন্তু আঁকতেই হবে এমন মাথার দিবি নেই। বাস্তব দিয়ে সমুদ্রের গর্জন, বনের মর্মর, কোকিলের ডাক ইত্যাদির কথা মনে করিয়ে দেওয়া যায়, কিন্তু বাস্তবসংগীতের মধ্যে তা অত্যন্ত বিরল ব্যতিক্রম। ইচ্ছা করলেই চিত্রকর অল্পকৃতি ও সাংকেতিকতা বর্জন করতে পারেন, সংগীতকার তো ক'রেই থাকেন। কিন্তু কবি তা পারেন না। বাক্যের সঙ্গে বাচ্যার্থের (বোধগম্য অর্থের) সংযোগ এমনই অবিচ্ছেদ্য এবং শ্রোতা বা পাঠক-

মাত্রের আজীবন অভ্যাসসিদ্ধ যে, বিশুদ্ধ কবিতার দোহাই দিয়ে বাচ্চার্থের বিপর্যয় ঘটাতে গেলে পাঠকের চিত্তশুদ্ধি বিপর্যস্ত ও দিশেহারা হ'য়ে যায়। একটাকিছু সম্ভাবজনক, সর্বজনীন না-হোক বহুজনীন অর্থ (একেবারে ব্যক্তিসাপেক্ষ অর্থ অর্থই নয়, তা পাঠকবিশেষ বুঝেছেন না বানিয়েছেন জানবার কোনো উপায় নেই) খুঁজে না-পাওয়া পর্যন্ত সে শান্তি পায় না; এবং মনের এই উদ্ভ্রান্ত অবস্থায় কোনো রসানুভূতিই তার চিত্তে দানা বাধতে পারে না। অর্থ থেকে অর্থান্তরের পিছনে চিত্ত যতোকণ ধাবিত হয়, অনুভূতির হয়রানিও চলে ততোকণ। কবিতা যে-পরিমাণে হয় বিশুদ্ধ, নিবন্ধক, অর্থভার-অসহিষ্ণু, সেই পরিমাণে তা আমাদের কাব্যরস থেকে বঞ্চিত করে। অভিনবত্বের নেশা লাগায় অবশ্য। রসাস্বাদনের চেয়ে ঐ-নেশাপানের দিকে হাদের ঝোঁক বেশি, তাঁদের কথা আলাদা।

ভাষা-নির্ভর শিল্পকর্মকে ভাষার স্বধর্ম রক্ষা ক'রে ব্যঞ্জিত অর্থের বাহন বা সংকেত হ'তেই হয়—কবিতার সঙ্গে অগ্ন্যাণু শিল্পসৃষ্টির তফাত এখানে সুস্পষ্ট। কিসের বাহন কবিতা? প্রাচীন পাশ্চাত্য কাব্যতাত্ত্বিকদের উত্তরে দ্বিধা ছিলো না। জগতের কোনো-এক খণ্ডের ভিতর দিয়ে পূর্ণের যে-রূপটি কবিবিশেষের চোখে—চোখে না-ব'লে হৃদয়েই বলা উচিত—যেমনভাবে ধরা দিয়েছে, কবিতা তারই বাহন। এটাই মাইমেসিস থিয়োরির ভিতরের কথা।

যুরোপীয় পুনর্জাগরণ ছিলো ব্যক্তিস্বাতন্ত্র্যের যুগ, তাই কবিতাতেও দেখা দিলো ব্যক্তির প্রাধান্য। সে-যুগের এবং তৎপরবর্তীকালের নন্দনতাত্ত্বিকেরা বলতে লাগলেন, কবির বিশিষ্ট ব্যক্তিস্বরূপটি প্রকাশ করা, অর্থাৎ পাঠকের হৃদয়ে-মনে প্রস্ফুটিত করাই কবিতার কাজ, কবিতা ব্যক্তিস্বরূপেরই ব্যঞ্জনা। অরূপ বলছেন, কবিতা হচ্ছে আবেগের প্রকাশ। কিন্তু আরো-একটু ভেবে দেখলে খুব-সম্ভব তিনিও স্বীকার করবেন যে এক-একটি ক্ষুদ্র খণ্ডকাব্য যদি-বা একটি বিশেষ আবেগ বহন ক'রে আনে এবং তৎ-সংশ্লিষ্ট বা তৎ-ভিত্তিস্বরূপ কবির মানসিক ও ঐন্দ্রিয়ক অভিজ্ঞতা, তবু কোনো কবির সমগ্র কাব্যরচনা পাঠ করলে আমরা তাতে কবির ব্যক্তিস্বরূপটি অস্বাভাবিক প্রস্ফুটিত দেখি। অস্তুত বোধ-লেয়রের কবিতা তাঁর ব্যক্তিস্বরূপের প্রকাশরূপেই বিচার্য ও মূল্যবান, বিশুদ্ধ নির্বন্ধক শিল্পকলারূপে নয়।

বলেছি কবিতা বস্তু নয়, বাহন; এবং কিসের বাহন সে-প্রশ্নের দুটি ভিন্ন



উত্তর - একটি প্রাচীন, অন্যটি নবীন - পেশ করেছি। দুটি উত্তরের মধ্যে কি কোনো বিরোধ আছে? থাকতে পারে যদি আমরা ব্যক্তিস্বরূপকে বিশ্বজগৎ থেকে একেবারে বিচ্ছিন্ন ক'রে দেখি এবং ভাবি (কোনো-কোনো স্বনামধন্য আধুনিক সাহিত্যশ্রষ্টা তা-ই ভেবেছেন) যে এই দুই সত্তা বিচ্ছিন্নই নয়, বিপরীত এবং পরস্পর-প্রতিদ্বন্দ্বী, এমন-কি প্রতিপক্ষ। কিন্তু তাদের সম্পর্ক অগ্নরূপও ভাবা যায়, ভাবা যায় যে ব্যক্তি এবং বিশ্ব পরস্পর-সাপেক্ষ, পরস্পর-অনুপ্রবিষ্ট। একেবারে নৈর্ব্যক্তিক জগৎ আমাদের জ্ঞানের বিষয় হ'তে পারে না, বিজ্ঞানেরও না। দর্শনশাস্ত্রে এটাই কাণ্টের বিপ্লবী অবদান। অত্যাধিক ব্যক্তির শূন্যতা ভ'রে ওঠে বিশ্বের প্রতিফলনে, অনুরণনে।

ব্যক্তির স্বরূপ কী, সে-স্বরূপের মূল্য কিসে? এর উত্তরে আমি সেই কবির সঙ্গে একমত যিনি বলতে পেরেছেন :

জন্মের অদৃশ্য অদৃশ্য পদপুট

গুচ্ছে গুচ্ছে অঞ্জলি মেলে আছে

আমার চারদিকে চিরকাল ধরে,

আমি-বনস্পতির এরা কিরণ-পিপাসু পল্লবন্তবক।

এ-মত একেবারেই মিলবে না তাঁর মতের সঙ্গে যিনি সর্বদাই অনুভব করেন :

All of winter will gather in my soul ;

Hate, anger, horror, chill, the hard forces;

And like the sun in this hell by the north pole ;

My heart will be only a red and frozen block.

রবীন্দ্রনাথ তাঁর *Personality* বক্তৃতামালার এক জায়গায় বলেছেন : 'আমাদের রাগ ও ঘৃণা, সুখ ও দুঃখ, ভয় ও বিস্ময় জগতের উপর খেলা ক'রে, সে খেলার দ্বারাই জগৎকে আমাদের ব্যক্তিস্বরূপের অঙ্গীভূত ক'রে নেয়। সেই আত্মীকৃত জগতের ভ্রাসবুদ্ধি ও যাবতীয় পরিবর্তন আমাদের ব্যক্তিস্বরূপের সঙ্গে তাল রেখে চলে। জগৎকে আমরা যতোখানি আপন ক'রে নিতে পারি তারই পরিমাণ ও গুণ অনুযায়ী আমরা ছোটো বা বড়ো হই। এই জগৎ যদি আমাদের থেকে বিচ্ছিন্ন হয়ে পড়ে, তবে আমাদের ব্যক্তিস্বরূপের কোনো উপাদানই অবশিষ্ট থাকে না।' বাহ্যিক ও আভ্যন্তরীণ কারণে, কতকটা ভ্রান্ত মতবাদের প্রেরণাবশত, বোদলেয়র নিজেকে বহু যত্নে সমগ্র জগৎ থেকে বিচ্ছিন্ন করেছিলেন। সে-বিচ্ছিন্নতার বেদনা ছিলো তাঁর মনে ও কাব্যে, কিন্তু বেদনাকে

ছাপিয়ে উঠেছিলো তাঁর তীব্র স্বাতন্ত্র্যভিমান ও অপরিণীম বিত্বকাব্যোহ। ফলে তাঁর ব্যক্তিত্ব হ'লো ঘনীভূত ও উত্তরঙ্গ, কিন্তু রইলো অত্যন্ত সংকুচিত হ'য়ে। তাঁর আত্মপ্রসারণী বৃত্তিগুলি—কৌতুহল, জিজ্ঞাসা, বিস্ময়, আগ্রহ, তৃষ্ণা, শ্রদ্ধা, ভালোবাসা, আত্মনিবেদন, আত্মবিসর্জন—ঠিকমতো প্রস্ফুটিত হ'তে পারলো না। বোদলেয়রের কবিতা নিঃসন্দেহে তাঁর ব্যক্তিস্বরূপের বাহন, কিন্তু সে-ব্যক্তিস্বরূপ ছিলো অনেক দিক থেকে রিক্ত, কাজেই তিক্ত। সে-রিক্ততা তাঁর কাব্যে ধরা পড়তো যদি-না বোদলেয়র তাকে ভ'রে দিতেন তাঁর অত্যাশ্চর্য শিল্প-কর্মের রাজকীয় বৈভবে। কিন্তু হৃদয়ের শূন্যতা কি রাজার ভাণ্ডারে ভরতে পারে ; তা-ও কি সম্ভব ?

মালার্মে ভাবলেন ঠিক এটাই সম্ভব। কবিতাকে আর-সব দিক থেকে শূন্য ক'রে দিলে, তার আত্মব্যঞ্জক এবং বহির্বিশ্বনির্দেশক অর্থসম্ভার লঘু থেকে লঘুতর ক'রে দিলে, রূপদক্ষ কবির কারুকর্ম আপন পূর্ণগৌরবে বিভাসিত হবে। তিনি ছিলেন নিবস্তক চিত্রকলা ও সংগীতের দ্বারা অন্তপ্রাণিত, সেইহেতু আত্ম-স্ফীকৃত কবিতার পক্ষপাতী এবং প্রয়াসী। সে-প্রয়াস তাঁর অংশতই সফল হয়েছিলো ; সেটা আমাদের সৌভাগ্যই বলতে হবে, কারণ মালার্মে নিঃসন্দেহে উদূরের কবি, উত্তম কবিতা লিখেছেন যখন তাঁর উদগ্র কাব্যতত্ত্ব তাঁর কবি-কর্মকে বিভ্রান্ত করেনি।

যারা বলেন, মালার্মের কবিতাশ্রম হেগেলীয় ব্রহ্ম আভাসিত, তারা হেগেলের দর্শন সম্বন্ধে ভ্রান্ত ধারণা পোষণ করেন। এই দার্শনিকের পরমসত্তা কেবল শূন্যতা বা নেতি নেতি নন, জড়প্রকৃতির, প্রাণিলোকের এবং মানবসমাজের বিবর্তনধারার মধ্যে ও মাধ্যমে ( in and through ) প্রকাশমান। পক্ষান্তরে, মালার্মে যে-পরমের ধ্যান করতেন তিনি মহাশূন্য ছাড়া আর-কিছুই নন, নাগাজুনের শূন্যতা অপেক্ষাও শূন্যতর। মালার্মে তার বন্ধুকে চিঠি লিখলেন যে ভগবানের সঙ্গে তাঁর দাক্ষণ সৃষ্টি হ'য়ে গেছে, ফলে ভগবান কুপোকাত। কিন্তু ভগবানকে পেড়ে ফেলে দেহতে পেলেন : সামনে প্রকাণ্ড এক কালো গহ্বর খাঁ-খাঁ করছে, আর সেই গহ্বরের অন্ধকারে তলিয়ে যাচ্ছে যা-কিছু তিনি শুভ ও সুন্দর ব'লে জানতেন, যা তাঁর এতোদিনকার সাধনার চরম লক্ষ্য ছিলো। স্বভাবতই সে-মহাশূন্য ( 'void' ) মালার্মের মনে যেতোটা তৃষ্ণা জাগায় তার চেয়ে সম্ভ্রাস জাগায় ঢের বেশি ; সেদিকে এগুবেন কি পিছোবেন তা নিয়ে দ্বিধা-

গ্রন্থ নয় তাঁর চিন্ত। বোদলেয়রের কবিতা যেমন এই বীভৎস জগৎ থেকে উর্ধ্ব-  
 খাস পলায়নের কবিতা, মালার্মের কবিতা তেমনি তাঁর পরম থেকে সভয়ে  
 পিছিয়ে আসার কবিতা।

তবু শূন্য শূন্য নয়

ব্যথাময়

অগ্নিবাস্পে পূর্ণ সে গগন।

এই অগ্নিবাস্প মালার্মের সৃজনী প্রতিভা। তাই দিয়ে তিনি হতাশ যন্ত্রণায় সৃষ্টি করেন ‘স্বপ্নের ভুবন’। মহাশূন্য পরম ভয়ংকর সত্য, তাকে ঢেকে দেন কবি তাঁর কল্পনার জগৎ দিয়ে, সে-জগৎ সুন্দর কিন্তু ‘গরীয়সী মিথ্যা’ (‘glorious falsehoods’) ছাড়া আর-কিছু নয়। যাবতীয় সৃষ্টি (বিজ্ঞানের সৃষ্টি, ইতিহাসের সৃষ্টি, কবিতার সৃষ্টি) সবই অনৃত অধ্যাস, একমাত্র নাস্তিই সত্য—এই পরাজ্ঞানই মালার্মের কবি তথা দার্শনিক জীবনের সাধনা এবং সিদ্ধি। তার শ্রেষ্ঠ অভিব্যক্তি অবশ্য কবিতা। নানা বিলীয়মান স্বপ্নজাল সৃষ্টি ক’রে, নানা দুর্ভেদ্য প্রতীক উদ্ভাবন ক’রে, এই পরাজ্ঞান তিনি সঞ্চারিত করেছেন তাঁর লিখিত কবিতাগুলিতে। কিন্তু তাঁর আসল কাব্য অলিখিতই র’য়ে গেলো—যে-কাব্যে পরিসমাপ্ত হওয়া বিশ্বব্রহ্মাণ্ডের একমাত্র সার্থকতা (‘everything in the world exists to end in a book’)<sup>\*</sup>। স্তরাতঃ পরমাদপি পরম হ’য়ে দাঁড়ায় কবিতা, শুদ্ধ কবিতা; মোক্ষলাভের একমাত্র পন্থা কাব্যসৃষ্টি (কাব্যসম্ভোগও সম্ভবত)। এ-কথা বোদলেয়র সস্বন্ধে কিঞ্চিৎ দ্বিধার সঙ্গে বলেছিলাম, তাঁর পক্ষে হয়তো-বা আংশিক সত্য; কিন্তু মালার্মের পক্ষে পূর্ণ এবং অক্ষরে-অক্ষরে সত্য। আরো তফাৎ এই যে, বোদলেয়র তাঁর কবিতায় ঢেলে দিয়েছেন আপন উষ্মলিত হৃদয়ের সব জ্বালাময়তা; মালার্মের কবিতায় (যে-কবিতার সাধনা করতেন তিনি) অন্তর এবং বাহির দুই-ই বিলীয়মান ও অপনোদিত, অতিশয় প্রোজ্ঞল শুধু কবিতার শিল্পরূপ।\* যে-কাব্যতত্ত্ব গুরু মালার্মে এবং শিষ্য ভালেরির শিল্প-ভাবনায় কিঞ্চিৎ অস্পষ্ট ছিলো তাই বেশ পরিষ্কার ক’রে বুঝিয়ে বলেছেন সাত্র তাঁর *What is Literature* গ্রন্থে। তার সংক্ষিপ্ত আলোচনা আমার বইতে পাওয়া যাবে।

\* The Mallarme’ poem testifies to a disappearance of the poet and an effacement of the object named so that only the idea, a kind of musical elocution remains.’ Wallace Fowlie, *Mallarme’*, Phoenix Books, p 58.

রবীন্দ্রনাথের কাব্যতত্ত্বের সঙ্গে মালার্মের কাব্যতত্ত্বের আকাশ-পাতাল ব্যবধান। অরুণ এই আকাশ-পাতালকে এক করতে চেয়েছেন দেখে আশ্চর্য হলাম। “ভাষা ও ছন্দ” নামক কবিতা থেকে কয়েকটি পঙক্তি তুলে দিয়ে এই অসাধ্যসাধন করা যায় না, কারণ সেই পঙক্তিগুলি সংগীত-বিষয়ক, কবিতা-বিষয়ক নয়। সেখানে রবীন্দ্রনাথ প্রতিতুলনা করেছেন ‘সংগীতের মতন স্বাধীন’, ‘অর্থভারহীন’ শিল্পের সঙ্গে অর্থভারবাহী ভাষা-নির্ভর কবিতার। রবীন্দ্রনাথ নন, মালার্মেই কবিতাকে করতে চেয়েছিলেন সংগীত। এই সাংগীতিক কবিতার ‘থিয়োরিটা জানা থাকলেও রবীন্দ্রনাথ তা নিয়ে তন্নিষ্ঠ পরীক্ষা করেননি এই যা’ এবং মালার্মে তন্নিষ্ঠ পরীক্ষা করেছিলেন, দুই কবির মধ্যে প্রভেদ এইটুকু নয়। রবীন্দ্রনাথের কাব্যতত্ত্ব অনেক বেশি পার্থক্য, মাটির অনেক বেশি কাছাকাছি তাঁর কবিতা; এবং তাঁর মতে কবিতা ওয়ার্ডসওয়ার্থের স্বাইলার্কের মতো, শেলির স্বাইলার্কের মতো মোটেই নয়। সংগীতের সমধর্মী কবিতা হ’তে পারে না, সে-কথা তিনি অরুণের উদ্ধৃত কবিতারই পরবর্তী অংশে বলছেন আদি-কবি বাম্ব্রীকির জবানিতে :

...সেইমতো প্রত্যক্ষ প্রকাশ

কোথা মানবের বাক্যে, কোথা সেই অনন্ত আভাস,

কোথা সেই অর্থভেদী অলভেদী সংগীত-উচ্ছ্বাস,

আত্মবিদারণকারী মর্যাস্তিক মহান বিশ্বাস ?

মানবের জীর্ণ বাক্যে মোর ছন্দ দিবে নব স্বর,

অর্থের বন্ধন হতে নিয়ে তারে যাবে কিছু দূর

ভাবের স্বাধীন লোকে...

‘কিছু দূর’ বিশেষণটি লক্ষণীয়। আরো লক্ষ্য করবার কথা যে রবীন্দ্রনাথের মতে আদর্শ কবিতা যতো উপরে উঠুক তবু সে পৃথিবীকে ছাড়বে না; কবিতার সঙ্গে মাটির যোগ যে আত্মিক, আপত্যিক নয়।

গুরুভার পৃথিবীতে টানিয়া লইবে উল্লস পানে,

কথারে ভাবের স্বর্গে, মানবের দেবপাঠস্থানে।

পৃথিবী-প্রেমিক রবীন্দ্রনাথ, তাঁর কবিতা যে পৃথিবীকে ছাড়তে পারছে না এতে সত্যই দুঃখ নেই তাঁর। পৃথিবী-বিষেয মৌরুমীস্বত্রে পেয়েছিলেন মালার্মে,\*

\* ‘Is there a way, O Self (O Me) familiar with bitterness, to break the crystal insulted by the monster and to escape, with my two feathered wings — at the risk of falling throughout eternity?’ ‘Monster’ বলতে মালার্মে এই জগৎটাকেই বুঝছেন; ওয়ালেস ফাউলির অনুবাদে (“Les Fenetres”) আছে insulted by the world.’

কাজেই পৃথিবীর ধুলোমাটি ঝেড়ে ফেলে একেবারে অভভেদী হ'তে পারলেই বাঁচেন তিনি। অবশ্য নীলাকাশ সম্বন্ধে যে তাঁর কোনো মোহ ছিলো তা নয় (‘L’ Azure’ কবিতাটি দ্রষ্টব্য) ; আকাশের একমাত্র গুণ এই যে তা মাটি থেকে অনেক দূরে।

সমালোচক অরুণ সরকারের সঙ্গে আমার দূরত্ব কিছু আছে বুঝতেই পারছি। কিন্তু কবি অরুণ সরকারকে খুব কাছের মানুষ ব'লে জানি। যিনি বিশ্বাস করেন যে, ‘শূন্যতা, বিরক্তি, বিতৃষ্ণা, বিবমিষা, একঘেয়েমী এবং অর্থহীনতার বোধ ছাড়া আর কী আছে এ-যুগের মানুষের সামনে’, তাঁর কলম দিয়ে কি এমন শুষ্ক প্রেমের কবিতা বেরুতে পারে? নিম্নোক্ত কবিতার লেখকের সামনে তো রয়েছে এমন এক উত্তরোল রাত্রি যার অন্ধকারে সমস্ত নক্ষত্রের আলো বালমল করছে।

যদি ম'রে যাই  
ফুল হ'য়ে যেন ঝ'রে যাই  
যে-ফুলের নেই কোনো ফল  
যে-ফুলের গন্ধই সম্বল  
যে-গন্ধের আয়ু একদিন  
উত্তরোল রাত্রিতে বিলীন  
যেই রাত্রি তোমারই মথলে  
আমার সর্বশ নিয়ে জলে  
আমার সত্তাকে করে ছাই  
ফুল হ'য়ে যেন ঝ'বে যাই।

কবিতাটি হয়তো প্রথম যৌবনে লেখা, যদিও তাতে পরিণত শক্তির ছাপ স্পষ্ট। তবু এমন যদি হয়ই যে, মধ্য যৌবনে বা প্রৌঢ়ত্বের প্রান্তে পৌঁছে সে-জীবনের সীমানা-ছাড়ানো রাত্রি আর তেমন উজ্জ্বল নয় তাঁর কবিমানসে, তাতে হতাশ হবার কিছু নেই। তিনি লাভ করেছেন সেই দুর্লভ দৃষ্টিশক্তি যা সমস্ত নৈরাশ্র-বাদী অন্ধকার-বিলাসী দর্শন ভেদ ক'রে আলো দেখতে পাচ্ছে :

আশৈশব কবিতাকে ভালোবাসি। অশান্ত-বিক্ষত  
হারিদ্র্য-পিড়িত মধ্যবিত্ত জীবনের বঞ্চনায়  
অলক্ষ্যলালিত লক্ষ আশা-বৃক্ষ থেকে বাতাহত  
আত্মাকে যে দৈবী শূন্যে দ্রষ্টারূপে অবস্থাপনায়  
সমর্থ হয়েছি, তা তো কবিতা-দেবীরই আশীর্বাদে।

এ-আশীর্বাদ ধীর কপাল স্পর্শ করেছে, তাঁর জীবন ‘অভিশপ্ত’ হ’তে যাবে কোন  
 দুঃখে ? ‘দ্রষ্টারূপে অবস্থাপনা’ যদি ‘যাও, উত্তরের হাওয়া’র কবির পক্ষে সত্য  
 হ’য়ে থাকে, তবে সকলের পক্ষেই তা সম্ভব—কাব্যসাধনার পথে হ’তে পারে,  
 জ্ঞানমার্গে হ’তে পারে, কর্মমার্গেও হ’তে পারে। আর তা-ই যদি হয় তবে মানব-  
 জীবন শেষ অবধি মোটেই অর্থহীন নয়। অরুণ আধুনিক জীবনের যে-সব দুঃখ-  
 যন্ত্রণার কথা বলেছেন তা হয়তো সত্য, কিন্তু তার নিরাকরণও তো সত্য। অভি-  
 শাপ যিনি দিয়েছেন, তিনি অভিশাপ কাটাবার মন্ত্রটাও তো ব’লে দিয়েছেন।  
 কবি জেনেছেন সে-মন্ত্র, সমালোচকও জানবেন একদিন। পূর্বোক্ত পঙক্তিগুলি  
 যে-কবিতা থেকে নেওয়া ( “বুদ্ধদেব বস্তুকে” ) তা একটি উৎকৃষ্ট ‘বক্তৃতাবাগীশ’  
 কবিতা। সেই কবিতা থেকে আমরা জানতে পারি জীবনের এবং সাহিত্যের  
 আর একটি মহার্ঘ মূলনীতির কথা :

আশৈশব কবিতাকে ভালোবেসে বুঝেছি প্রেমেই  
 রূপ, কল্পনার তথা কবিতার আদি বাসস্থান।

হ্যাঁ, প্রেমেই ; স্বপ্নায় নয়, বিতৃষ্ণায় নয়, একঘেয়েমিতে নয়। অরুণ ছুটি ছত্রে যা  
 সুন্দর ক’রে বলেছেন, আমিও সেই কথা দু’শ পঞ্চাশ পৃষ্ঠায় যুক্তিসহকারে বলতে  
 চেষ্টা করেছি। তবে ঝগড়াটা কোথায় ?